

中華文史叢書之八十四
清·同治八年得見齋刻本影印
王有立主編

得

一

錄

(二)

吳雲撰

華文書局股份有限公司印行



同治己巳秋八月

蘇城得見齋藏板

還書錄

退樓吳雲署檢



wt 8/06

樂述之蒙弊在不宜於用而好為
所難辭者之士標新集異以相夸
耀矯之者必又高談性命標立門戶
者所學以此而異於前、辨論一以毫末
至祈於世求其為中帛赫稟之善
不經見也錫山余君蓮却善人也既不
中於有司惟才全所用而好以利濟為
心遠近聞其名無訖論議之不一皆信為

昔世善人於出所輯得一錄問序於
予、交而讀之則皆郡縣善舉行之
已收成效者君彙而錄之並不叙以敘
述自見而著述之意於用若踰於此矣
夫士不才而經之備之雖有民胞物與之
心年所於施惟是砥厲庶罔自濫其身
託著述以傳於後而終不免吾向者之所
視以視君之亟於善不以彰厥自解豈

凡人所能者幾矣其所以得一官取一職
弗失之義者其真知善之可以收以中
顏氏之能擇能守其志趣非僅適用於
世也顧或謂吾子曰德善不足以為政
法法不能以自行是孝之化而所謂徒
法乎不知人之能善法不如我世固未嘗
年存善心具善力而後乎不知所從事
者乃其孝而推行孝利形善非徒善法

即此清況更有續是書而勅於藝友
耆耄且因法而生而益所以待法手勢
粵東吳紫石所為篆桂培司馬吳南屏
郭郎彦素星司馬見而善之相勉指資
遂以次弟棒行四民善其人同心亦
有足垂者予故樂為序之

同治八年秋九月吳縣馮桂芳




周萬荒之端王物
禮民政教之任也
大以十則恤所後
司本有由此以世
徒信二孝生親風
以六聚友政親信
保安萬而之仁不
息萬民及大民古
六民六於端而條
養以行睦先厥教

與人命者有家滋
余必之至說規繁
交有士周所行於
二所苟且以善是
十濟存備風則鄉
年也心程末有有
生余於子俗會鄉
平子藏所廣勸約
樂蓮物謂仁善家
善邨於一心則有

一舉數乎設見不
編章十其皆必倦
刊程種中有為於
以條茲所至有濟
行約集刻誠為人
世十平各惻必利
或六曰善恒勇物
古卷所書之凡之
人彙見不心所事
遺為善下寓施有

灋實夫省美蓮省
或事吳而舉邨蓋
耳而中范歷以聖
不自眾氏一義世
創技善義百莊之
行託之莊餘規爲
皆諸會實丰條善
必空甲爲而列者
見言於贍不諸皆
諸者它扶廢卷以

之人十一能疏文
廢觀百灋盡由正
弛是率創爲近之
此編而一其及心
則之不事分遠爲
蓮美替以之盡心
邨備勿期所其而
之慨使至得乃由
苦良後於爲之親
心灋之數立所及

時問而
己序尤
已於余
冬余之
日書所
歸此大
安以顓
吳諗也
雲同蓮
志邨

得一錄叙

人之所以為人者以其存心也心之所存是名善因心之所發是名善果吾之所謂因果非從夫釋氏之說也心乎善則所行皆善而心為之愉快焉即此是福天下之膺

序
備福者其究不過愉快而已故愉快者福之大者也心乎惡則所行皆惡而心為之慄慄焉即此是禍天下之遭奇禍者其究亦不過慄慄而已故慄慄者禍之大者也人之心莫不欲愉快而惡慄慄是即

所謂本然之善勸善者順其性
而導之仍以本然者還之而已無
錫余君蓮村嘗作江南鐵淚圖
以勸世固已深切著明後人深省
茲復出所刊得一錄見示或輯諸
前人或參以已作皆切於時病乎

實易行推蓮村之心當使天下
無飢寒夭札而後慰此仁人君子
所亟宜共體此心以為民請命者
也得一云者中庸言得一善則拳
拳服膺中庸專言心之德蓮邨
並言愛之理一則所存一則所發

無異致也余既躋蓮邨之用心
而并著夫人心本然之善欲天
下人知蓮邨之非強我以所難也
是為叙

同治八年歲在己巳小春中澣
禹許其光書於滬上



得一錄目次

卷一

范氏義莊章程

同善會章程 附善會講話

卷二

保嬰會規條 附救溺諸法

卷三

育嬰堂章程

恤嫠會條約

清節堂章程

需寡會章程

恤頤堂章程 卽老人堂

卷四

冬月收養遺孤條程 卽恤孤局

冬月恤丐條約

救生局章程

救火章程

施藥局章程 附藥局立願約 棲流局章程

卷五

義倉積穀章程 救荒章程

濟荒粥賑章程

卷六

災年恤產保嬰規條 蠶桑局章程

伐蛟事宜 捕蝗章程 附治蟲條約

勤儉社約

卷七

放生會章程 放生官河條約

賞節會規約 區種章程

借米實惠法 恤寒條件

卷八

葬親社約 附烏青葬會

保墓良規 附義塚約

屍場經費章程 附錫金遞解船隻憲示
附嚴禁自盡圖報告示

永安會條程 即掩埋暴露
收埋露斃浮屍章程

卷九

教孝條件

宗祠條規

卷十

學宮灑掃職

義學章程

變通義學章程

卷十一

義門族約

治家規範 附朱子家訓註
附事親規約

書院規條

粵東議設義塾規條

蒙館條約 附續神童詩

收燬淫書局章程

翼化堂章程

卷十二

惜字會條程 附花樣代字式

惜穀會條程

卷十三

首善堂條約

景旌節孝坊祠條程 附錫金鄉鎮擬規

勸善提綱

撫教局章程

卷十四

呂氏鄉約 附慈谿縣鄉約示諭併宣講新定條規 保甲章程

雙惜扶顛局規約

卷十五

官長約

鄉紳約

高子憲約

訓俗條約

卷十六

身世十二戒

不費錢功德條例

鷄所改作章程

良法附纂

洗心局章程

不
銷

三

范氏義莊規條

卷一之一

從古睦姻任恤。禮有明文。一本之親。誼應加厚。而近世俗情。但知廣蓄積。開田園。牢守慳囊。於族人之疾苦。顛連不遑過問。祇以供不肖子孫蕩廢者。比比皆是。此范文正公義田所以爲萬世師也。述范氏義莊規條。

家範記

規。凡自立維義田也。置田而設之規。程可守。式可久也。文正定于前。而忠宣諸公修于繼。制之密。慮之周也。後賢恢廣義田。而代有加。紹先型。培世澤也。要而論之。掌庄者得其人。則規額日星也。奉祖規以垂憲。敷澤于有家。尚祇承于勿替也。

文正公初定規矩

忠宣公奏

知開封府襄邑縣范純仁奏竊念臣父仲淹先任資政殿學士日于蘇州吳長兩邑置田十餘頃其所得租米自遠祖而下諸房宗族計其口數供給衣食及婚嫁喪葬之用謂之義莊即于諸房選擇子弟一名管其勾亦逐旋立定規矩令諸房遵守今諸房子弟不遵規矩之人州縣既無敕條本家難爲伸理六七年間漸至廢壞遂使子孫飢寒無依伏望

朝廷特降指揮下蘇州應係諸房子弟有違犯義莊規矩之人許令發司受理伏候 敕旨右奉

聖旨宜令蘇州依所奏施行 右中書札子 札付蘇州准此
治平元年四月十一日 押

文正位 勸會

先文正公於平江府興置義莊賜給宗族德澤至厚其始定規

矩雖有版榜不足久傳及有治平元年所得朝旨亦未揭示族人兼有後來接續措置可爲程式者未曾判定深慮歲久漸至隳廢今盡以編類刻石置於天平山白雲寺先公祠堂之側子子孫孫遵守勿替今具如後

一 逐房計口給米每口一升並支白米如支糙米卽臨時加折支糙米每斗折白米八升逐月實支每口白米三斗

一 男女五歲以上八數

一 女使有兒女在家及十五年年五十歲以上聽給米

一 冬衣每口一疋十歲以下五歲以上各半疋

一 每房許給奴婢米一口卽不支衣

一 有吉凶增減口數盡時上簿

逐房各置請米厯子一道每月米于掌管人處批請不得預先

隔跨月分請掌管人亦置簿拘轄簿頭錄諸房口數爲額掌管人亦行破用或探支與人許諸房覺察勒賠填

嫁女支錢三十貫下並准此再嫁二十貫

娶婦支錢二十貫再娶不支

子弟出官人每還家待闕守選丁憂或任川廣福建官畱家鄉里者並依諸房例給米絹并吉凶錢數雖近官實有故畱者亦

依此例支給

一逐房喪葬尊長有喪先支一十貫至葬事又支一十五貫次長五貫葬事支十貫卑幼十九歲以下喪葬通支七貫十五歲以下支三貫十歲以下支二貫七歲以下及婢僕皆不支

一鄉里外姻親戚如貧窘中非次急難或遇年飢不能度日諸房同其相度詣實卽于義田米內量行濟助

一 所管逐年米斛。自皇祐二年十月支給逐月餼糧并冬衣絹約。自皇祐三年以後。每一年豐熟。椿留二年之糧。若遇荒歉。除給餼糧外。一切不支。或二年糧外有餘。却先支喪葬。次及嫁娶。如更有餘。方支冬衣。或所餘不多。卽吉凶等事。衆議分數。均勻支給。或又不給。卽先凶後吉。或凶事同時。卽先尊口後卑口。如尊卑又同。卽以所亡所葬先後支給。如支上件餼糧。吉凶事外更有餘羨數目。不得糶貨。椿充三年以上糧儲。或慮陳損。卽至秋成日。乃得糶貨。回換新米。椿管。

右御諸房院。依此同共遵守。皇祐二年十月 日

資政殿學士尚書禮部侍郎知杭州事范 押

忠宣右丞侍郎公續定規矩

一 諸位子弟得貢赴大比試者。每人支錢一十貫文。自並准此。再

貢者減半並須實赴大比試乃給。卽已給而無故不試者追納。

一諸位子弟以人力採取近攻竹木。掌管人申官理斷。

一諸位子弟內選曾得辭或預貢有士行者二人充諸位教授。月

給糙米五石。

荒遇米價每石及一貫以上卽每石只支錢一貫。文雖不會得辭預貢而又

行爲衆所知者亦聽選。仍諸位共議。本位無子弟人學者不得與議。若生徒不

及六人止給三石及八人給四石及十人全給。請房量力出錢以助束脩者聽

右三項以熙寧六年六月 日 二相公指揮修定

一掌管人侵欺及諸位輒假貸義庄錢斛之類並申官理斷償納。

不得以月給米折除。

一族人不得租佃義田。詐主名字同

一掌管子弟若年終當年諸位月給米不闕支糙米二十石。雖闕

而能支及半年以上無侵隱者給一半。已上並令諸位保明後

支若不可保明。各具不可保明實狀申。文正位。

一義莊勾當人催租米不足。隨所欠分數剋除請受。謂如交米及

九分請受之類至納米足日全給。已地數更不支有情弊者申官決斷。

右四項以元豐六年七月十九日。二相公指揮修定。

一身不在平江府者其米絹鈔並勿給。

一兄弟同居雖衆其奴婢月米通不得累過五人。如謂七人或八

奴婢五人之類

一未娶不給奴婢米。雖未娶而有女使生子在家及十五

一義莊不得典買族人田土。

右四項以紹聖二年二月初八日。二相公指揮修定。

一義莊費用雖闕不得取有利債負。

一義莊事雖聽掌管人依規處置其族人雖是尊長不得侵擾干

預違者許掌管人申官理斷。卽掌管人有欺弊者聽諸位具實狀同申。文正位。

右二項以紹聖二年四月二十九日。二相公指揮修定。

一義倉內族人不得占居會聚。非出納勿開。

一因出外住支月米者。其歸在初五日以前取諸位保明詣實聽給當月米。

一義宅有疎漏。惟聽居者自修完。卽拆移舍屋者禁之。違者掌管人伸官理斷。若義宅地內自添修者聽之。本位實貧乏無力修可居者聽諸位同相視保明詣實申。文正位。量支錢完補。卽不得乞添展舍屋。

一諸位請米歷子。各令諸位簽字圓脩。方許給。給訖請人親書交領。卽去失歷子者住給。勒令根尋。候及一年許諸位及當管人保的申。文正位。得報別給歷頭起支。

一積留月米併請者勿給。

一諸位不得于規矩外妄乞特支。雖得文正位指揮與交亦仰諸位及掌管人執守勿給。

一義庄人力船車器用之類諸位不得借用。

一諸位子弟官已陞朝願不請米捐助贍衆者聽。

一諸位生男女限兩月其母或所生母姓氏及男女行第小名報義庄。義庄限當日再取諸位保明訖註籍卽過限不報。後雖年長不理爲口數給米。

一遇有規矩所載不盡事理。掌管人與諸位共議定保明同申文正位。本位有妨者不同申雖已申而未得文正位報不得止憑諸位文字施行。

右十項以元符元年六月日一二相公三右丞五侍郎指揮

參定

一諸位開報義庄事雖尊長並於文書內著名仍不得竹紙及色牋違者義庄勿受

右一項以元符二年正月十七日 二右丞指揮修定

一義庄遇有人贖田其價錢不得支費限當月內以元錢典買田土輒將他用勒掌管人償納

右一項以崇寧五年十月十二日 五侍郎指揮修定

一諸位輒取外姓以爲己子冒請月米者勿給許諸位覺察報義庄義庄不爲受理許諸位經申 文正位公議移文平江府理

斷其大觀元年七月以前已收義莊給米者不得追訟

右一項以大觀元年七月初十日 五侍郎及二相公指揮參

定

一諸位子弟在外不檢生子冒請月米掌管人及諸位覺察勿給
卽不伏掌管人及諸位申 文正位移文平江府理斷

右一項以政和三年正月二十日 五侍郎指揮修定

一族人不得以義宅舍屋私相兌賃質當

右一項以政和五年正月二十九日 五侍郎指揮修定

右仰義庄及諸位遵守施行內文意前後相妨窒礙者從後規若
有違犯仰掌管人或諸位備錄治平元年中書札子所望

聖旨申官理斷各令知委

政和七年正月十三日 高平開國之印

朝散大夫充徽猷閣待制提舉亳州太清宮范

通直郎知穎昌府長社縣事正圖書 掌管庄事直間立石

義庄規矩元立于天平山忠烈廟曩歲融虐延燎斷石不存久矣

至元甲午命工以舊本中角節。以實堂庶幾先世遺訓永保勿替。李瀚裔孫邦瑞士貴謹識。

後跋

語云莫爲之前。雖美弗章。莫爲之後。雖盛弗傳。觀于明祖所遺義庄。益信矣。義田爲文正公不朽盛事。尤得忠宣清憲兩公條奏義庄規矩。明宣德朝世孫原理。續呈義庄規矩。巡撫胡公飭府榜行。故後先恪守弗替已。而太僕中方公振頽廢于前。少參石公公捐千畝以廣義澤。助修祠于後。煌煌繼承輝映矣。乃主事非其人。廣義澤者徒滋中飽。助修祠者任其頽剝。雖賢不肖之相去良由義庄規矩申明之。其人奉行不恪也。度與吾族懇伏菴公主之公。于是清義澤葺先祠時。潘陽忠貞公撫浙安定。鶴鳴慕公藩吳善公之志。各倡捐祠安度與一二族尊竭蹶義事興釐。一時稱盛焉。續

申義庄規矩十則。請諸當事飭榜先祠。度亦與參其說。其中謹出納審互稽嚴罰規恤貧矜寡備荒勸學務潔己以律人正身以善族公之宰天下亦猶是規矣。宜其蒲輪早賁玉署名高祖宗靈爽實式憑之。天之報施象賢何如哉。迨解組歸田再葺祖廟刊布續申規矩與吾族共守之。殆心忠宣清憲之心而繼述益遠矣。度老不堪襄事。惟念前賢世澤爲之後者代有其人。代申規矩。故感而獲傳。又感天報施象賢如是之不爽。因跋一言以俟後之賢者。康熙己巳三月二十世郎中房孫提管安度謹跋。

主奉能濬增定規矩

濬按祖規子姓給米惟均。本年加給之例。獨喪塋嫁娶讀書與試則優。惟十千至五十千不等。後世田減賦加子孫且數倍于昔。合而計之。昔之一口。當今之三十口。固宜調給之數相去懸殊而優

給諸項亦難爲繼也。近代以來冬絹嫁娶奴婢米已不支族子孫至成丁始給而增給寡婦優老二項。蓋體國家書齒勵節之意。亦維風化之善經也。乃相沿既久。老者有增年冒領之弊。寡婦有恃寡多求之弊。喪葬有遠年複支之弊。預期不先陳明。臨時無厭乞覓。本事修睦。旋復起爭。雖云世道之偷。亦屬貧乏所使。濬不才叨任主奉統族。因與掌庄諸位執事再四酌定。以補前條所未備。竊思子孫當優老而寡婦獨優少。蓋惟青年矢志。子孫幼弱未能贍養。情更可憫。今自守節三年爲始。仿優老例。較年加給。其喪葬則必限年。若不限年。則年遠者皆可詭稱。今歲墓祖明歲墓父。盈千子姓紛紛陳請。欲盡應其求。則義米無多。何以惠及生者。古制大夫墓以三月。士以踰月。今身故者卽于本年繳厯時照例酌給。喪葬過期不葬。已屬違法。雖陳請勿給。又叅議公助用本房親友義

米向優給不等。今依五服之制。推恩遍減。五世以上。庶有限止。其紙筆米。祖規激勸讀書。最爲優渥。今物力維艱。不得不爲酌省。因更爲增減前條。以示鼓勵。其有當隨時補救者。復爲酌增。濬自癸酉任事之後。行之數載。族情頗安。尙當請憲飭遵。今爲附載于後。

一子孫年十六歲。本房房長同親支父兄于春秋祭祀時。親同詣祠中。具申文正位驗實。批仰典籍註籍給厯。至各門支本名一戶。米年至六十以上。加優老一戶。七十以上。加二戶。八十以上。加三戶。九十以上。加四戶。如內有無子孫者。再加一戶。如有廢疾不能自營衣食者。再加一戶。加給之數。通不得過五戶。如有家道殷富。不願支給者。聽。

一寡婦守節滿三年者。本房房長及親支保明。批給本名一戶。米五年以上。加一戶。十年以上。加二戶。十五年以上。加三戶。二十

年。以上加四戶。過此不加給。三十歲以內守節至五十歲者。已合國家旌表例。優加五斗而止。如內有無子孫者。再加一戶。加給之數。通不得過五戶。如本族聘他女未成婚而夫亡能歸本族。夫家守節者。給加少寡不歸夫家者。不給。以上如矢志不終者。不給。冒支者。追還所給之數。

一子孫寡婦身故者。卽于本年具呈繳歷支給。喪葬過期者。不淮給。以杜冒支。墓祖父者。加給五斗。無子孫而姪與姪孫。墓伯叔祖父者。亦如之。墓祖母親母。如祖母親母存日。曾給過寡婦義米。卽以本名連加給之數。作喪葬給之。如祖父母而先故者。不給。姪與姪孫。墓伯叔祖母伯叔母例。例同。祖父墓子孫者。如子孫存日。曾給過義米。卽以本名應給之米。作喪葬給之。如無所出者。加給三斗。無子孫而兄弟相爲墓者。亦如之。如遇大工大

侵。捐給義米之歲。仍于本年具申文正位。批仰註籍。俟下年補給。不先呈明者。不准給。子孫未成丁者。不給。妻者。不給。

一 叅議公同高祖巨川公後親支必字號加給無人。自族姪孫以下。遞減能字號加給一戶。興字號加一戶。儀字號以下。不加給。同祖北溪公後親支必字號加給無人。自堂姪孫以下。遞減能字號加給二戶。興字號加二戶。儀字號加二戶。德字號加一戶。弘字號以下。不給。

一 諸房讀書子弟書院春秋面課制義成篇者。量給紙筆米五斗。二 義粗通。與考者給一石。補郡邑諸生者。給二石。貢監與大比試者。一體均給。遇赴省試時。給科舉米五石。給而不赴試者。追繳得貢入太學生者。給匾額米四石。鄉試中式者。五石。成進士者。倍之。及第者。再倍之。武選自遊庠至登第者。各照數減半。其

有向係能文曾在書院面課。屢試不售。年老者仍准支向年所給之數。如年少無故不與試。及出入衙門舞文弄法者。俱罷給奉祀。不在此例。

一諸房子孫呈稟。須由本房房長及典籍執事者用鈐記。于春秋官祭家祭及有公事會集之期申報。或有爭鬪小嫌。先赴本房房長及親支族老調處。未協然後申訴。文正位同掌庄諸位公斷。違者概不受理。其公呈亦須諸位親自簽押。如有擅自興訟及捏名公呈妄瀆官府者。當以悖規陳官法究。

一諸房向有不肖子孫。或犯事故逃遁。或挈家出外。不知踪跡者。其爲玷辱門戶之事。俱未可定。向後如遇似此之人。歸宗者不准給歷支米。其以前曾給過米者。仍行追歷。若年幼隨父兄不得自由者。臨期酌斷。

一吳縣多山田長洲縣皆澤田高下既殊如遇旱潦豐歉各異向呈分別給族脩祠不許挪混如遇大祲仍當通融協濟儘完賦次祖先祭祀其餘主奉執事房長守祠鳴贊酬勞燒香紙筆喪葬賙給等項或減給或緩給或捐給臨行的行無致悞公仍行曉示闔族

右主奉能濬增定莊規因時裁制斟酌得中倘後世子孫有能擴而充之者不妨重爲改定也

錢公輔義田記

范文正公蘇人也平生好施與擇其親而貧疏而賢者咸施之方貴顯時置買郭常稔之田千畝號曰義田以養濟羣族之人日有食歲有衣嫁娶凶塋皆有贍族之長而賢者主其計而時其出納焉日食人一升歲衣人一縑嫁女者五十千

若地方有溺女之風者此條尤當加

意娶婦者三十千。再娶者十五千。塋者如再娶之數。塋幼者十千。族之聚者九十口。歲入給稻八百斛。以其所入給其所聚。沛然有餘而無窮。屏而家居。俟代者與焉。仕而居官者。罷莫給此。其大較也。初公之未貴顯也。嘗有志於是矣。而力未逮者二十年。既而爲西帥。及參大政。於是始有祿賜之人。而終其志。公旣沒。後世子孫修其業。承其志。如公之存也。其子純。純仁。純禮。純粹。皆賢。公雖位充祿厚。而貧終其身。歿之日。身無以爲殮。子無以爲喪。惟以施貧活族之義。遺其子而已。昔晏平仲敝車羸馬。桓子曰。是隱君之賜也。晏子曰。自臣之貴。父之族無不乘車者。母之族無不足於衣食者。妻之族無凍餒者。齊國之士。待臣而舉火者。三百餘人。如此而爲隱君之賜乎。彭君之賜乎。於是齊侯以晏子之賜而觴桓子。余嘗愛晏子好仁。齊侯知賢。而桓子服義也。又愛晏子之仁。有等

級而言有次第也。先父族次母族次妻族而後及其疏遠之賢孟子曰親親而仁民仁民而愛物。晏子爲近之今觀文正公之義田賢於平仲其規模遠舉又疑過之嗚呼世之都三公位享萬鍾祿其邸第之雄車輿之飾聲色之多妻帑之富止乎一已而已而族之人操壺瓢爲溝中瘠者又豈少哉。況於他人乎是皆公之罪人也。公之忠義滿朝廷事業滿邊隅功名滿天下後世必有史官書之者予可無錄也。獨高其義因以遺其世云。

附常郡王氏叅政義莊規條

一建義莊房屋若干坐落某縣某圖捐田若干畝俱係絕產開具田號細數呈請咨部立案並請藩憲給帖遵守立義莊戶名完納銀漕永遠不准放糧過戶以杜日後易濫盜廢諸弊

一義田銀將租麥抵辦漕糧將租米完納依限全完其餘贍給

鰥寡孤獨及各頂費用日後盈餘增置義田呈明立案。

一莊田總理一人族中公舉老成殷實者爲之。田租銀錢簿冊俱歸掌管。司事二人亦必精明公正者共司其事。三年一換。倘有侵挪情事隨時更換。如三年內並無錯悞或接管或更換秉公酌議。

一總理辛俸若干。司事辛俸若干。按季支付。扇人斛脚工食隨時酌給。倘有催租不力私收虧短察出追吐更換。

一族中宗支浩繁不能均給。惟自某支以後譜次詳明查得實係鰥寡孤獨廢疾貧乏者概行入冊。如有出繼外姓及爲僧道并入下流者概不入冊。經費多者通族均給

一贍給額數統以若干名爲率。如人數衆多另增副額贍給一半。俟正額缺出按照開報入冊先後挨次項補。

一 鰥獨無依。年過十六。入冊開支。惟寡婦廢疾。不拘此例。正額每人每月給米二斗四升。副額每月給米一斗二升。閏月照數。孤子孤女。一歲至六歲。每月給米一斗。以補寡居養育之勞。至九歲。每月給米。從副額遞補。正額挨次候缺。孤子十八歲。年終繳票。孤女出嫁。繳票支派。住居名字。年紀隨時註冊。須查實發給。一 孤子至十八歲。年終繳票給錢若干。爲謀生之計。倘年未十八。自能謀生。莊內一體給發。以示體恤之意。且防藉詞停給之端。自行繳票者。停給。

一 寡婦及廢疾。俟伊子成立。完姻後。停給。若伊子不肖。及繼嗣之子。不能供養者。仍照數給發。

一 給米定期。每月二十四日。持票赴莊領米。過期次日併給。路遠者。四季支領。不得預支。年終更換照票。

一冊內有名身故者。赴莊繳票。給殯費錢若干。連安葬者。給錢若干。十五歲以前身故者。給殯費錢若干。連安葬者。給錢若干。倘匿不報明。將票冒支月米。察出。停給其殯葬之費。亦不給發。以示薄懲。

一族中停柩在家。權厝在外。無力安葬。墓在十里外者。給錢若干。墓在十里內者。給錢若干。須查明給發。

一應試無力者。縣試給錢若干。府試給錢若干。院試給錢若干。鄉試給錢若干。會試給錢若干。此欵須隨各莊定數

一族中無力婚娶者。于吉期當日。給錢若干。單傳無力者。多給錢若干。嫁女照婚娶例。給一半。

一設立義學。凡孤子無力從師。均歸義學教讀。路遠者。每節給修金若干。每節給束脩。須令孤子攜所讀之書來莊。以便查問課。

程。

一冬月嚴寒。冊內年老廢疾。難自支持者。給棉襖棉衣。九月份發。四月底歸庄。給錢若干。以免當賣之弊。莊內令人修補。亦可再給。

一莊內擇有名醫生。議定每季辛俸若干。擇誠實藥店。另立一摺。以便登記。如冊內有名病重者。查實後。請醫診視。將方赴莊。用一戳記。到店付藥。貧苦難堪。酌給錢若干。以脩零星等費。族中貧病相連者。通融酌濟。以寓疾病相扶之意。

一族中嫁出之女。寡居而貧。念祖宗一本之誼。亦歸莊冊。一體發給。其孤子孤女。不給。

一收租與給米時。總理必有檢點。不得專聽下人。恐生諸弊。銀錢米麥等出入。隨時登記。不准移挪。

一本莊房屋修葺宜勤。毋致霉爛。米麥器皿亦須收藏節省。食用一切均須從儉。不得糜費。

一每歲年終。須將舊貯新收。及各項支銷。現在存貯。逐款開明一冊。以脩合族查對。

一總理謝事時。將一切事務賬目物件一一交清。俾接管之人。不得推諉。不致貽悞。

此係莊規大略。須視經費盈絀。因時制宜可也。

同善會章程

卷一之二

孟子云。大舜有大焉。善與人同。又云。故君子莫大乎與人爲善。善也者。人生之命脉。地方之元氣也。善心既篤。則善量宜充。一鄉一邑。何莫非善量之所及。力可及而不爲。非斯人之大不幸耶。世上苦人不少。前賢遺範具存。遵而行之。是在有心者。首爲倡率耳。述同善會章程。

陳幾亭先生同善會原序

公諱龍正字幾亭師事高子忠憲推入室學本身心達諸經濟登崇

正甲戌進士仕禮部員外郎

序曰。是會也。說倡於夢澤張公。而啟新錢先生行其事。筠塘陳公益從而廣之。大抵隨意量捐用。拯無告。因以廣動其善心。高子忠憲序之。註矣。有云。爲善如渴而飲。飢而食。飲食豈望報耶。至哉言乎。愚嘗推之曰。渴而飲。飲焉而渴。潤。飢而食。食焉而飢。充。小飲食。

之報也。今試問一豈弟之言。初或沒漠過覺可思。問一彫琢尖諛之言。乍雖諧笑。過覺無味。見人行一利濟事。已或未能心安樂之。見人行一摧害事。已卽不與。爲惻惻然者。累時遇一人墮患難。坐視不救。身雖便安。愀然於心。救之或稍費心力。終不致悔於旣費之後。是皆人人有之。日日有之。長自試驗然乎否耶。覺乎忘耶。人生不過求安樂耳。不爲善而息息憊然。晝中悵惘。夢中擾攘。病中悽惶。人生之無福。蓋未有迫於此者也。爲善而息息油然。志意得甯。血氣得平。魂夢得清。人生之福。未有親於此者也。久之而衆志以孚。風俗以化。氣運以移。則如飲食得宜之後。可以當寒暑。可以任勤勞。其爲福又孰大於此。周公詠文王也。曰求福不回。以此爲善。以此求福。一感一應之間。爾存無求之心。亦操必得之券。非最樂事耶。彼有不思飲食之人。必不覺飢渴之心。人而至於不覺飢

渴也其危哉竊懼阻人爲善者曰善在心不在事猶中滿而語人曰我將辟穀以長年年其可長乎聖人口事不成則禮樂不興禮樂在事猶春在枝頭草枯木落而春氣已泯沒不可見矣凡具善根願相與成此善事事而成也或者一方之禮樂亦存乎其間會講附後

高子忠憲公同善會規例

一會名同善每季主會不論有爵無爵但素行端潔料理精明者即可公同推舉輪流任事

一會期定四仲月之望儻有事須易主會於旬日前揭於會所

一會日俱以巳刻俟諸友畢集序揖班坐茶畢鼓鐘肅眾司講者用通俗言語不煩文采務使人人易曉感動善心儻慮聽者未諳每會更大書講語一紙粘貼會所壁上

一會齋自九分至九錢

立法之初大義元酒今嘉興舒州等處現在擴充其數

俱自書

號銀數。臨期持付司籍者登記不赴會而願助者聽於先期送主會處收貯。後期而願入會者聽補送。此會乃前人立下方便法。每季一舉。中人家。不過每日省錢一二文。稍贏之家。不過每日省銀一二分。即可扶窮救苦。

富戶捐田或每年量助銀若干兩

一會齋。隨所至多寡。約為三分。以二助貧。以一給棺助貧。以勸善為主。先於孝子節婦之窮而無告者。次及貧老病苦之人。公不收於養濟。私不肯為乞丐者。要在會中諸友平日咨訪的確。會後五日內。即賑給以省酬應之煩。其他一切窮民。力難遍及。止於會日。俟眾將散時。主會當面以零錢隨意施捨。盡其一念而已。餘日皆不給。至於不孝不悌。賭博健訟。酗酒無賴。及年力強壯。游手游食。以至赤貧者。皆不濫助。以乖勸善之義。

一訪確貧老孤獨及節孝奇卓者。每季給助。其餘量入爲出。如春季給則夏季暫停。庶幾新訪者補入通融不匱。應賑人戶逐名下註定銀數。盼許某日而發。本日不必候領。其本季暫停者。先期書姓名粘貼四門。免其希求伺候之苦。餘外不合助給。及貧人未入訪冊。而臨期紛紛自行陳乞者。一槩不准。

一給棺之法。務於先期將本會現銀三分之一付木行置造。較之零買工料頗良。一便也。分置四門菴寺。死者猝求出一小票。立足應急。二便也。棺上書同善會某年某季。再以千支編號。領者難於假冒。發者無因勒索。三便也。若存銀給質。兩中來往諸弊叢生。所宜深念。給價銀者必多冒濫其端不可開也。

一收散會齋完日。主會即將助銀姓號并給進人戶數目。用公費刻會籍傳送會友。

楓涇同善會規條。

一化導。高公此會最重勸善。本名同善會講。蓋教兼養也。今議每月化導十日。公推聲音響亮言語懇切者二人作司講。朔日到公所宣講格言果報三日。餘七日移至他處寺院。各到一二日宣講。庶境內聽者略徧。司講務期誠心化人。使聞善者踴躍興起。去舊從新。漸至淪肌浹髓。積德累功。莫大於是。動公酌送酬資。須會友有力好善者。幾人助襄其事。久久不倦。凡倡同善會先從此做起善心感動會自易集也

一酌濟。濟貧先孝子節婦。及奇卓之士。顛沛莫支。會例仿古人陰濟法。冊上書姓逸名。此條恐滋他弊。須紳士及殷實人保。次及鰥寡孤獨。年六十以上十五以下。並無依靠。及廢疾不能食力。公不收養。濟私不為乞丐者。至若不孝不悌。遊手遊食。及蕩廢祖業。暨衙門出

入與一切爲民蠹者。槩不濫及。

一保人 會中同人槩不作保。保人必本分行業。老成信實者。保人報名後。會中司事親訪確實。然後開姓氏住居人濟冊。

一定期 定期每月十六日給發。司月邀諸同人清晨齊集公所。受濟者畢至。給腐飯一餐。左楹手按照驗牌。逐名驗悉。分極次。二等給籌。右楹收籌給錢。倘有不入冊而哀乞者。臨散時給以零錢。月終將各項收發照錄一紙貼公所。

一救難 凡極貧人猝有危難之事。實在關性命。離骨肉者。會中支銀拯救。必係會中人灼見。向司年面保訪實共濟。

此屬偶事不拘日發

一療病 會中現有善士施醫藥鋪。每年捐助藥材。凡斃獨胞病求藥者。司年隨發小票支藥。局雖未建而治病無虞。

一施棺 會友另糾一局。做百善堂法。排市募百家。先收每家若

千文造棺若干具。嗣後每發隨歛備造。以充原數。其間察工料。置菴寺。杜假冒。會友另掌其事。

一擴充 會中貲不敷者。酌商重募。又特設一冊。會友有發願獨養鰥寡若干人。附會給發者。登記急難條中。或繁費不支。會友能格外捐助者。書加願。若募於會外以成之。書外願。有公項盈餘付人者。書餘願。凡壽誕添丁。及諸得意事。省酒筵等煩費。以濟窮民者。書喜願。更有一法。俗名狀元會者。約會首十人。每人糾十會。共百位。每位一月交銀一兩。共百兩。連交十個月。爲滿共集千兩。存當生息。數月後。便可取其息。以作每月交還各位本銀。搖在十次內得者。下月仍交銀一兩。滿十月。便不必再交。搖至百次。各本盡收。約八年滿。取存當銀千兩。置義田。如此週而復始。三四十年。可置田幾百畝。作善會根基。呈 憲立碑百

位名下各刊助銀十兩流芳百世。凡會中有餘力則社倉義塚恤嬰恤嫠施衣施粥等事可次第行之。惟在盡心經理。竭力撐持。以期善緣永久同結勝果耳。

矢公 楓涇鎮南屬浙江嘉善北屬江南婁縣向借玉虛觀給發乾隆二十年起建同善會館閣號桂香敬供 文昌帝君聖像。合會逢二月三日九月九日共將立願永堅。矢心清潔嚴書誓詞。通疏禱告。一祈善行精進。一示秉公無欺。列闔當公費派出。竟日素膳。又歲終董事另騰本年收發總冊。俟新正上元日東邀合會具疏焚化。神座前是日盤查一年管收除在總數交卸本年司年。

一持久 善會設或停止則眾斃絕命獲罪大矣。我楓倡始幸有講善者諄切指點。每到夜分而司年等樂聽。欽洽最深。切僣。

年不雜閑話。所以心緒意堅。頗能耐久。行至十數年。三家科甲。遠近震聞。許登南宮。謝入翰院。蔡更魁天下。迄今三載。後起濟。濟精勤益力。善會幸卜其未艾。

一勸行 善會只濟一二十里。獎民。縣內地方寥廓。須設幾會。庶使邑無啼飢。本處既卑。約會友酌。勸未行者。誠心獎誘。罔不樂從。小村落須另刻一單。簡列規條。穀米草麥。俱可救災也。

一傳書 朱子曰。刻書流傳。足使世之瞽盲者。有所警覺。稍知蠲淨。非小補也。會中刻書有二。一刻同善會書。廣傳一刻。最淺近。精切善書。廣勸。此中有無限感動在。

浙江撫憲通飭合屬十一府一州。仿行同善會牌語。

浙江等處布政使潘 爲懇頒良法事。乾隆九年四月二十七
日奉

巡撫部院常批本司呈詳高忠憲公同善會法一書請通頒各屬舉行緣由。奉批如詳通飭實力舉行。仍將選舉姓名并參酌規條詳送察奪。並候

督部堂批示。繳同善會書存。奉經飭行嘉善縣刷印同善會書去後。今據該縣印訂呈送前來。令行抄詳飭發爲此。仰府官吏查照來文及抄詳內事理。即便轉發各縣暨儒學。遵照將會規大旨及獎勵各條。刊示曉諭。無論紳衿士庶。務訪平日品行端方者。俱准創行。不得經由役吏以及耆民鄉正之手。致滋科歛。有干未便。仍將選舉姓名并參酌規條。詳候轉請示遵。須至牌者計粘抄看并發同善書一封

該本司查看得睦嫻任恤宜宏保息之仁。振廩勸分。用溥推恩之化。茲有江南婁縣童生黃泳呈請將高忠憲公同善會法一


書通頒舉行。隨經批飭杭府查議去後。今據該府縣議覆前來。本司備查書內所列各條。既恤貧以賑無告。復捨棺以惠徂魂。節孝先露。則人心知勸。遊惰不及。則庶俗可移。利濟而卽寓維風。活人而并謀澤骨。推行於一鄉一邑之中。同遊於大生廣生之內。立法既善。允宜舉行。惟是經費浩繁。勸助匪易。若非遴選得人。恐難圖終創始。應如該府縣所請。將同善會書頒發各屬。會同儒學教官。傳齊紳士。公同議舉殷實端正之人。推會首。廣爲勸諭。如願入會者。將姓氏指數登於簿內。俟糾有成數。另選內行修潔。鄉評推重者。分司其事。仍各按本俗民情。分晰酌議。會規詳請飭遵。其舉行之始權。擇閒空寺院。日後經費充裕。再建堂宇。聽好善尙義之士。隨力樂輸。庶勉一簣爲山之勤。自觀萬間廣廈之盛。未可限以歲月。且暮取效也。是否允協。擬合詳

請並將同善會書呈送。伏候


憲臺察核批示。以便飭取原板刷印分發舉行。為此

同善會照驗牌籌式

正面



背面



此照驗牌
保後訪實
則付之每
領錢日執
此為照照
畢仍付領
者

給濟之日
左檢驗牌
發籌登冊
右檢收籌
給錢

籌分極次二等

同善會

幾錢

同善會願外廣善方

真西山先生曰天之福澤我者非私我
也予之以為善之資乃所以厚其責今

富室明得此理當不徒區區捐貲於會中而遂自足也平日須節減浮費廣行善事庶足以仰答天心保其富於子孫因即古人成法為願外廣善之方

昔夔州推官楊旬效周箴行感應篇十種利益事。一凡有冤讎必與辨雪。二收街市棄兒倩人乳養。三每於仲冬朔收貧人六十以上十五以下者日給升米養之至仲春聽其自便。四施應驗湯藥救人疾苦。五有貧不成喪者濟以棺木。六女使長大量給衣資聽其適人不計身價。七專一戒殺贖放物命。八每遇凶歲貴糶賤糶賑濟貧民。九修治橋梁道路。十資給無歸窮旅又常推已及人濟人之急救人之危今錄此以為會中殷戶積善之方。

奉懇各邑父母諭行同善會文

縣主須念境內貧民皆我赤子扶危濟厄天職難辭今得此法使免填溝壑喪軀命自應諄切諭行近者知舒城縣

蔣公知平湖縣高公知嘉善縣梁公皆率先領袖令紳士
合邑舉行以主同善會此係前人立下方便法惟望仁人
接踵相繼則不忍人之心
心心相印同合天心矣

蓋聞親民莫切於縣主而仁政必先夫熒黎第耳目未接乎庭巖
斯慈祥尙隔於飢瘡苟能親履其事奚啻繪狀以陳我楓行同善
會三十年周諮交巷備覩慘由始覺命繫須臾救爭呼吸或鰥寡
窮老倒餓半僵或廢疾瞽矇積飢垂絕更有名門節女乏粒難支
舊族孤兒遭災待斃九危險病合家削屋五日掩門數口臥雪甚
至鬻妻慟別賣子哀離赴水將亡懸梁幾殞刎頸未斷買砒欲嘗
孩棄腐橋客痕潰路此等慘厄孰忍旁觀我同人心痛手援扶甦
起死隨許月給累百餘名今蒙 江浙憲頒州縣諭行在案竊思
雖多惠政難免飢寒溝瘠含悽遠隔百里哀聲斷而餒鬼泣肩肉
平而冥路通非任牧民尙流悲淚茲懇各州縣主俯採芻蕘大發

仁慈出而鼓勸。一循令赤心中。論眾癸民白骨。隨蘇芽齒。微勞。次
噓肉人骸之枯朽。公庭雅集。諮訊轉鬼錄之陽春。好生之心。初生
與再生並載。活命之德。續命與元命同功。冷臙旋溫。悲喜而禱天
祝壽。斷喘重息。存歿而請帝祈祥。完節烈於未亡。冥報恩人使植
聯妻兒於既割。夢驚慈佛垂航。幸紹幾亭。溯源忠憲。一柬一示。等
室生鮮。再勵再獎。富家好德。匪關小惠。明道亦嘗責救孤窮。何慮
褻尊。考亭屢次勸分。殷戶嗟嗟。天司民命。救命動天。福造人心。慈
心集福。從此方寸。憐子孫昌。令名垂血食。永培元氣。於合邑積餘
慶於有家矣。

倡會擬言

風淫同善會書既蒙 江浙憲頒。惟恐小鎮
陋規難。以通行各處。謹擬芻蕘。以冀裁奪。

一集公議 縣主此事。須念一縣幾獨。皆我赤子。扶危濟阨。天職

難辭。今得此法。使免填溝壑。喪軀命。自應諄切諭行。先諭人捐刻會書。眾覽使悉緣由。然後柬集紳士面議而定。或紳士呈縣議。倡行村

議間可請本地官員倡行。語云當官若不請主會。平湖倡同善會時。未經憲頒。已請縣尊作主。況今既

頒之後哉。主會每月到堂一二次。獎勵眾善。課其大綱。使各踴躍奮興。城中既倡。隨面諭村鎮仿行。小村落須另刻一單。簡列內有殷戶須另勸酌數捐濟。今憲并請廣文主會。

推協理。蘇州育嬰錫類廣仁積功等堂。善事各異。然皆有監會司會司月等人。以相協理。同善會須倣此。推監會二三人。縉紳好善。統攝綱紀。推殷實好善數人。為司會。統理諸務。又推十二人。為司月。分司每月事務。週而復始。凡三項俱併力一心。撐持善會。寒士優才德者。亦推司會。若村鎮人數酌減。亦須公推。鄉望。

一擇董事 堂中司募司收司冊司查訪司辦會書等或兼攝或

專掌或共襄務須謹擇廉幹勤敏每月酌送修儀司爨執役每

月酌給工食凡一應薪水修儀工食等項照吳例司月捐備或

司月不能任堂任事務擇廉幹代理會小則二三董事兼攝

一議捐助 捐助必經集議俟眾議妥協然後勸募市中須照一

文會式挨戶日捐錢一文內或聽人遞增每月清收大賈則另

勸有田產者照數酌一近情之規好義者聽增歲歉則量減田

畝多者會中給與孤獎令自走領或本地方貨物出入樂捐者

酌助些微又或照吳例縣主問行斷捐總之捐有餘補不足酌

以平心則人皆樂助會小或先從一文會徵起

一酌給濟 先賢救濟貧戶由節婦貧儒及災民俱事關性命不

得濫冒至季講季給不如月講月給之善細審自知凡給濟日

施煢素膳一次。

俟會盛行後乞人另須酌濟昔幾亭先生有建丐房施丐粥等事。

一慎事宜

立法不善則生弊。任人非宜則敗謀。二事務要十分

詳慎。立法莫精於廣仁堂。凡監會司會司月董事各有恪守規條而又立誓詞及堂規八條。黜罰規九條。俱極嚴密。經行四載而規始定。至於任人關係善會尤大。始倡時甯缺毋濫。俟後識賞多人。果有實心行善。不忘不欺者。慎擇以充其數。此謹始以全終持久之道也。

一建會館

吳地諸善舉必先建堂鼓眾。同善會務須建堂供主

會長生祿位。大有造於善會者。附配捐願二十年者。銘碑。

會講廣義

陸清獻公刊六諭集解化靈壽嘗曰民久漸漬於薄俗豈區區一卷書朔望一讀遂足以勝殘去殺耶因思擴充引伸求所以淪肌浹膚之方茲同善會每季一講第先賢立法務簡以便後人能效耳若果誠心化俗使一邑中仁漸

義摩人人向善當必有不盡於此者敬呈
管見率擬七條情望仁人君子裁正焉

一主講 同善會莫妙於兼教今邑侯主會自宜主講第縣尊職
掌教化自有 國家令典及先賢成法在區區會講不過里黨
勸善之義聊以助雅化爾然必縣尊主持提調庶使風行趾躍
一分講 程子令晉戒立鄉校六十餘所暇時親至即明季嘉善
城內外尚分二十五鄉約由此推之凡縣內須分若干處各就
附近寺院諭會中司講者十數人朔望官講

聖諭

十六條暨勸善等書反覆開導痛切詳勉主會者循次臨講此
高子所云為鄉約幫手也每逢季月諭會中作講語一篇仍照
高陳會講法并刻送悉依前例毋失其舊各鎮各村既蒙諭行
同善會後同此諭講
若得每年臨
講一次尤善

一勸講 朱子臨民有勸諭伍保互相勸戒事件張子令雲巖每

月吉具酒食會鄉長於縣庭。囑訓子弟有文檄并令往告閭里。隨親訪民間聞否。今頒朔望所講者。勸諭伍保鄉長家諭戶曉。童婦盡悉。并刊文諭訓蒙者。日講因果格言。均宜動以至誠。勤以親訪。各鎮各村同

一助講。如旌善人。懲惡人。革弊俗。禁奢靡等類。各邑尊自有成

規。以維風俗。至會中所行一則。刊刻善書。或格言。或因果。或文

或圖。一則書寫善言。偏貼通衢寺觀。或編歌詞韻語。意必淺近。

詞必鏗鏘。務使識字者人人能讀。傾聽者人人能解。庶幾悅耳

會心。易於感動。或會中擇一善翻音詞者。教受濟諸旨。說因果

必拘定盲目。或會中精刻善言。斗方式。施於孤貧。台賣求趁。總須隨地多方設法。俾一日風醕俗美。便生出無限好事。

一上講。陸清獻公宰靈邑。每逢二四六八日堂事竣。即詣學聽諸生講書。松陽講義。面命叮嚀。真懇切至。誘諸生以聖賢門路。

此真百世縣父母之師也。或諭行黃陶菴公直言會更好。

一訂講 監會司會司月董事務訂交相勉勵存善心行善事。此

本之廣 并訂其中善誘者時講會約虛心聽受。

一辦講 監會司會司月等有力者捐貲有心者幹事。將上數條

和衷協辦始終力行。則義理明而漸摩熟善行愈廣善人愈多

而養教用觀厥成矣。此賴縣父母諄諄面諭以鼓舞作新亦賴

辦講者實心奉行而造福於合邑也。書曰作善降之百祥尙祈

不目爲迂而勇行之。

右倡會擬言及會講廣義一養一教推衍同善會法大約備矣。倘一時不能並行姑不拘先行其一務揀最要逐漸增添可也。

行同善會十二益

粵自井田廢而比閭族黨之誼漸衰斯任恤風微而窮民良多天札矣有宋朱子答張敬夫云有餘者取不足者與務使貧富不甚相懸而又增損呂氏鄉約之兼教養者以行於鄉意此聖賢不得已救世之苦心也。然均節之說一

時難行而呂氏鄉約民情又苦其煩重而莫之行仁人際
此隱痛良深哉此高忠憲公暨陳幾亭先生憫先王遺澤
之亡而酌留其一綫而同善會行焉其為教至簡其為養
最便不得已而隨時救世而又不敢蹈法古之名以駭俗
用心愈苦可繹而知矣有心斯世者念此惻然而忍自外
與今經江蘇憲頒縣令論行果能實心奉行則格亡之
昭溺飢瘠之重斃庶有濟乎尤望雅而廣之久而遵之則
字內太和之氣綢加蘊釀焉矣茲譯述舉行之益於左

邑免天札天休滋至自然民和歲豐則於國脈有益
僻壤殘喘叩問有人從此回生起死則於民命有益
惻隱本心闔縣感動畢竟好善人多則於人心有益
救災恤患恩明誼美城鄉各敦親睦則於風俗有益
完人貞節并全骨肉不至墮坑落壑則於名節有益
會講開論提醒愚蒙徐臻化暴免刑則於邦教有益
刊施會約戶有其書會中講論切偲則於人才有益
遠布會書歲以千計默使善氣流行則於世道有益

人心慕義。類引伸。以廣社倉錫類。則於眾善有益。父老作善。後生觀感。自能繼續遵循。則於流澤有益。鄉約保甲。隱相幫助。藉此整理。畫一。則於宰政有益。積歲豐稔。偶遇歉收。便得眾力助勸。則於備荒有益。

同善會實係吉祥善事。本小學呂氏鄉約之意。而更覺通俗。易行。行是會者。必須呈明縣尊公請。至會以正事體。且規模可放。可縮。不但城鎮宜行。即小村坊目下亦有做行者。竊思蘇州齊民陳明智倡普濟堂。揚州齊民蔡連倡育嬰社。有志竟成。何難之有。果能力行十數年。科甲富厚。天報不爽。若更精進。即如寶局。面自大。如士民萬不能盛舉。姑從一文會。善會倡自官紳。局面自大。如士民萬不能盛舉。姑從一文會。做足漸募至二三百會。亦可救待斃飢饉。二三十人日後自折。不。回。成。會。自。易。積。德。累。功。之。藪。切。勿。錯。過。

同善會緒言六則

同善會實係吉祥善事。最足感動仁心。楓鎮行之六年。頗獲效驗。雖不敢侈風俗之美。然耳濡目染。觀化良多矣。總河陳公諱鵬

年。序舒城同善會云。爲政之本。舍是無術。可以同於鄉邑。可以同於郡省。可以同於天下後世。可贊一道同風之盛治。

舒城規條與原規稍變通。敝地務絕諸弊。較爲周匝。卽大都大郡最繁地方行之。其待濟悉會中人保。更有居址鄰右可據憑。驗票給發。何從滋弊。惟願司年司月互相查核。票冊鑿鑿。月收貼會館。歲收貼通衢。收支何從滋弊。至勸募應呈縣頒發印簿。令自繳櫃。又何從滋弊。翹望同人率先倡始。康熙時松江王太史椒圃獨養鰥寡三百六十人。亦本此意。況眾擎尤易舉哉。

育嬰普濟必先建堂居眾。茲會亦可借寺院作公所。起造會館不妨徐圖。領袖何等便捷。但日後建館必屬稠密之地方。成盛會嘉善陳幾亭先生建同善會館於縣左。自具卓識。

義田爲善會根柢。倡會之初。或卽排戶作一次勸募。廣置義田。不

必每人逐月出貲尤善如其未能由漸而及徹地發助願僅有數友踰年約四五十願三年滿百嗣後輾轉傳勸樂助者二百數十家始行義田事緣有難易須審時勢若何耳

莫謂小邨落不可行同善會十室之邑必有忠信或能減衣縮食卽豆麥菽米等皆可准算會銀聽從多少不拘按月按季村間鰥寡無依及危難之事鄰里共悉偶收偶發眾耳目屬焉尤難滋弊如有一二翹楚小試其法應亦優辦或兼附近二三村共之

流傳會書每年務須刊刷廣布另糾數友捐貲專掌其事嘗見青浦惜字會書規條亦佳司事者公懇邑尊移文勸行本省各縣并及各省各縣既准會友分寫文書每角袋惜字會書二本一縣一學送署簽押用印隨持至本處鋪遞徧遞同善會書擬倣此例尤懇詳請 憲鑒頒行闔屬

同善會勸緣疏

江浙憲願後增入

蓋聞爲善最樂。修德降祥。不忍原本於同。然因果自徵。其不爽是以希支言志。每懷後樂而先憂。明道居心。祇願濟人而利物。富厚而好行其德。勢易建。祇稍贏而爲善於鄉。功同覆簣。觀此蕭條貧子。身瀕死而乏術求全。亦有偃蹇儒生。勢阨危而無心分潤。總俟仁人之普濟。猶宜處置之有方。爲善不在空言。施恩期於當厄。然仰倬幪於夏屋。非獨木所能支。而登仁壽於春臺。必眾擎斯易舉。敬裁短疏。敢告同人。或節食用之餘貲。命延指瘡。或減應酬之繁費。澤被含生。勿謂善小不爲。所慮惟日不足。隨時指貯。按月舉行。量力以施。聞風而化。挹西江之斗水。潤轍可甦。布大地之陽和。枯芟盡活。特舉濟人之會。廣謀同善之條。念前賢之割宅指困。敢謂後賢莫逮。積一善之解衣推食。頓令萬善歸懷。仁心以擴而愈。

充毅力貴勤而持久。不作無益害有益。惟通財斯善理財。能以一生濟眾生。既種德卽爲種福。死生懸於呼吸。能勿驚心。肥瘠判於越秦。幸毋歧視。豈不足以導迎善氣。保合太和哉。伏冀軒冕宰官。急父母斯民之意。縉紳先達。軫桑梓一體之情。自目前以歷歲年。刻刻心存拯濟。由一郡以行直省。人人共育生全。雖聖賢道在安懷。非云獲報而惠迪捷於影響。豈曰無知。務身體而力行。母始勤而終怠。將廉泉讓水嘉祥駢集於家門。而五桂三槐福祚永綿於後嗣矣。近時鄉鎮凡造橋修廟有集千人萬人會者。集腋成裘。眾擎易舉。竊意一切善會皆可仿照。集成亦權教也。要在經理得人耳。

同善會備荒四則

陳幾亭先生曰。行同善會。備遇飢荒。鄉紳領袖富戶各區。各村就附近處分救窮民。務令合縣無一餓殍。則卽救荒乃會中之職分也。可百年不遇不可一日無備。謹擬涓埃稍助。帑恤盛典。

一 諮策 平日務行社倉積穀。或照幾亭社倉變通法。猝遇荒歉。萬勿等待流殍。並作然後賑救。須移上二三月前。監會司會司月等。公同熟商賑飢之策。廣稽古法。便通時俗。各出所見。而參酌定當。以歸於一。總期及早行之。

一 呈縣 監會司會司月等。將酌定之策。公同呈縣。裁奪施行。得賢父母殫心毅力。經畫區處。便使飢黎再造。合縣蒙休。或仍傳齊紳士。公同議行。

一 協辦 或勘荒。或審飢。或不糶。或勸賑。是皆邑侯所行。而會中奉行協辦。務須竭心盡力。倘人數不足。各舉廉幹。辦理勘荒。可一覽而百畝。千畝審飢。則一日止三村四村。須急乘先時。平糶須縣尊量地方產米多少。如產米只給一縣。須禁米出境。即產米多者。亦須留一縣之需。禁米多出境。諭取租家。或自家門面。

零糶或發米鋪均要校準升斗畫平價錢此法平時宜行而米價騰貴尤甚至荒歲乏米則多方設米以平糶之勸賑須縣尊先造徵匾用警鄉頑二三然後樂捐者量數優獎此皆前賢行之多效者也

賑給 賑米之先須隨門莊戶親至其家細查極次真由分等

驗口授票此即審然後分若干處據票給米必將米數通盤公

派作一次給令歸治木業內有老幼病婦不能行者計口授米

各就附近分救自能清整如有流民須到處設粥廠鄉鎮務徧

至於病故掩殮收棄孩等會中均須畫策分掌聊擬大略其餘

因時制宜昔人云賑濟在官長大戶苟得自全即

及婦孺清惠公頃家救萬命而官百齡磨高倚此大戶官法也

如陸清猷公宰靈壽親至各鄉勸災卽由懇懇請蠲免及賑飢

每目裏賑濟不可經役吏胥民鄉正等手務絕轉輾假冒諸弊

勸廣行同善會文

同善會仰體好生俯恤災獨養教兼施設法盡善足以充惻隱培德器厚人心醇風俗君子與人爲善孰大於是一鄉有此則一鄉免其天札天下有此則天下拯其顛連業已常州嘉興等府無錫崑山舒城江都休甯嘉善等縣青陽盛澤新城楓涇等鎮盛行未艾竚望未行地方推恩廣被其遊太和此其功重在倡舉茲者一勸當事領袖明道作令座間每書視民如傷自警蓋身處崇高須熟察下民苦楚至若窮民無告仁政尤先高子忠憲公同善會向偕官長共事功與社倉相埒一以惠鰥寡一以懷小民二者原不可偏廢伏冀大憲普德施行闔屬令將同善會書鏤版傳布並郵遞他省便使寰宇受福若夫郡侯邑宰廣文佐貳俱祈倡率不妨公務不須捐俸旣令萬命迴生更使羣黎向善語云居官作善

如入寶山。望名公卿留意焉。一勸紳士領袖。福澤較齊。民懸絕積累。愈難諉謝。夙具善根。宜加培植。一也。祖父積德。當思繼承。二也。天賢我以開眾人之愚。天富我以濟眾人之困。此職分難辭。三也。況縉紳與官長相表裏。倡同善會。較易規模。更有閭遠者。至於今日之士。未必非他日之大夫。尤宜力行善事。以作保赤之基。昔高子忠憲公云。士人須半積陰功。半讀書。孳孳利濟。積久純熟。則心仁。仁則生生則吉。吉則百祥咸集。不期科第而科第在其中。此固爲士贈。卽縉紳爲子孫計。亦不踰此善會。其梯階也。翹企率先倡始。一勸大眾領袖。大眾經商謀利。居多不知善中之利。極大善中之利。最饒。歛商查永甯祖。獨任四千金建橋。而販木獲倍利。此利在財也。徽商王志仁。捨金二十兩救投水婦。而免禍。此利在壽也。福建葉封翁習匠業。傾囊濟道。糧被械。而子孫臺山作宰相。此利

在子孫也。且揚州居民蔡璉倡育嬰社。蘇州居民陳明智倡普濟堂。慨然居士大夫先。厥後撫院旌獎並捐俸。良法傳海內。事無難易。堅志便成。溫公積財積德之訓。切須熟誦。是可見同善會人人俱宜領袖然順風而呼。其勢倍捷。尤於當道望族厚期焉。

附奉勸深埋齒幣預絕疫端公啟

乾隆八年春是啟與同善會書並呈江蘇陳撫院

均蒙雅行附刻存之。此啟係楓涇明進士燮臣作

蓋聞施惠期於當厄而杜患要在未形。若事機已見萌芽。則綢繆必須蚤計。況乎事關民命。可以上寬。

聖天子宵旰之勤。下免數萬家疾苦之慘。尤不容不爲之先事而豫圖矣。茲據醫說之一端。實屬救時之急務。敢爲當世仁人君子縷析陳之。謹按漁陽林北海先生題喻嘉言疫論序曰。疫症之起。惟飢饉之年尤甚。流離滿野。道殣相望。三五爲羣。死無虛日。千百

一塚埋藏不深掩蓋不厚時至春和地氣轉動浮土陷塌白骨暴露血水汪洋穢毒之氣上冲隨風流佈鄰近災荒之處無論鄉城村鎮貴賤男女老幼強弱感受皆從口鼻而入無影無形直侵肺腑沿門闔巷傳染相同遂成疫症頃刻云亡莫可救藥先王於孟春掩骼埋胔誠恐穢惡之氣爲民物害故掩埋必深所以預補造化非徒澤及枯骨已也近上下兩江淮徐鳳嶺等處連被偏災加以上年夏季雨雹水漲七月中旬古溝衝開缺口河湖漲滿漂沒田房淹傷人口隨蒙我

皇上如天好生各上臺奉行實力如收尸藁葬加賑救濟諸務凡所爲施惠於當厄者固已至詳且備特慮蘆席藁葬乃一時倉猝之舉所謂千百一塚未必深藏厚蓋況現在災黎雖已仰邀恩卹而氣息尪羸加以露棲野宿風霜洊加則道殣溝瘠尙恐不能免

於目前設或掩埋不深蓋藏不厚將來土氣蒸動傳染可虞不可不預爲曲突徙薪之計竊意此等被災屍骸未掩者固須厚蓋深藏卽已掩者尙宜加工挑土使亡者安土無暴露之憂邪穢閉藏免流疫之患且偏募貧民給以工食又可以爲餬口之計一舉而三善備誠留心民瘼者之所宜採擇也前雍正壬子崇明上海兩匯等處海水因風泛溢漂沒人日以萬計藁葬堆積飢民露處待賑死者亦復纍纍被時曾創此說聞者以爲語涉迂遠竟莫之行次年癸丑自春徂秋疫氣流染蘇松近屬往來經見者哀哭之聲衰麻之服所在皆是傷心慘目已有明驗爲此謹刊傳勸所冀福星當路採輿論而施行利濟仁人解囊橐而創舉與其救濟疫症於旣發莫若消弭疫端於未形庶使人無橫夭家安樂利取竭芻蕘之一得尙期藟菲之無遺謹啟

不
金

先

高子忠憲公同善會講語

三條○高子起同善會九月重此講故四

蓋會講以使人興起於善則賑恤自能行且月朔會講
久之醒迷解網善氣通而裨益無窮矣此即朱子月朔會講
呂氏鄉約之法而從簡以便俗也嘉興舒城等處皆自擬講語會講凡行同善會者務須兼此

這箇善會專一勸人爲善所以勸人爲善者且不要論善是決當
爲惡是決不當爲的道理中間極有大利害不可不知我等同縣
之人若是人人肯向善孝順父母尊敬長上和睦鄉里教訓子孫
各安生理毋作非爲如此便成了極好的風俗家家良善人人良
善這一縣一團和氣便感召得天地一團和氣當雨便雨當晴便
晴時和年豐家給人足豈不人人享太平之福若是人心不好見
識歪邪見箇善人便叫他是沒用的滯貨見箇惡人便叫他是
有本事的好漢一味凭着自己的意力一切非爲要做便做一人作
歹十人看樣便成了極不好的風俗這一團惡氣便感召得天地

一團惡氣。雨暘不時。五穀不登。人民疾病。疫癘交作。兵火盜賊。出於意外。不知者皆謂氣數當然。不知氣數是人心風俗積漸成的。此非迂濶之談。昔年福建興化府人作惡。異常有識的人皆說道。此城必要遭屠。不數年間。倭子來。獨攻破興化府。士民都被屠殺。若不是人心風俗所爲。何以有見識人先說在倭子未來之前。可見一家爲善。便是一家之福。家家爲善。便是一縣之福。我等各宜真心實意。做箇好人。做好人。雖喫些虧。到底總算是大便宜。做惡人。雖討些便宜。到底總算是大喫虧。急切回頭。不可走差了路。害了自家。又害子孫。又害世界。

第二講

這箇善會。會友眾多。人人皆出自心願。可知爲善是人的本心。爲善是人的本分事。如着衣喫飯。人人喜歡做的。從此歲月日久。凡

在善會中人看得一縣中老者貧者病者死而無葬者真如一家之人痛癢相關有無相濟這一段意思豈不是極好風俗天地神明所極喜的凡在會中受施之人自然思量這箇銀錢是善會中來的豈可在不善處用皆當興起善心爲子弟者愈思孝親敬長爲父兄者愈思教子訓孫各思勸儉生理各戒非爲浪費這等方是同善之意所助雖微所勸甚大不虛了此會我等生在世間百年有盡所作善業惡業浩劫無涯過了一日便沒了一日所以吉人爲善惟日不足這箇身子生的時節一物不曾帶來惟有這箇善是原帶來的死的時節一物不能帶去惟有這箇善是原帶得去的各各思量各各努力

第三講

這箇善會廣勸世人爲善凡來聽者便是有善根的人所以有善

緣到此。便有善言入耳。切不可輕看過了。這句好言語。一句善言。提醒了一點善心。便做了一世善人。豈但轉禍爲福。正如起死回生也。人人有父母。人人隨分孝順他。人人有長上。人人隨分尊敬他。人人有鄉里。大家要和氣些。人人有子孫。大家要教訓他。生理是該做的。人人做自家該做的事。各有過活。非爲是不該做的。若做不該做的事。各有罪名。但看世間盜賊。那有不破的。但看世間嫖賭。打行告狀。詐人的。那有善終的。到得官府訪拏。囚禁牢獄之時。想着那街上本本分分。肩挑步擔。做小生意的人。也都是天堂。何苦只貪暫時快意。造成無窮苦楚。今日聽得這言語。各要立定主意。做箇好人。鄉里也尊敬。子孫也流傳。父母尊長都喜歡。就是沒有父母兄長的人。人也稱道。這是某人的子孫。某人的兄弟。如此學好。父母兄長也增光彩。祖宗也增光彩。這便是孝順尊敬的。

實事。比那三牲五鼎供養的也還強勝些。做好人有說不盡的風光。說不盡的玄穩。都從今日這一點念頭上起。原是好念頭的人愈要堅固。原不是好念頭的人就要轉變。苦海無邊。回頭是岸。急急回頭還嫌遲了。

附勸行講語

此下皆摘錄感應篇直講

聽了講語須要做出積德累功事來。善心純熟便是德。善事真實便是功。從少到多叫做積。從低增高叫做累。積德要像聚錢漸漸添多。累功要像築牆漸漸高大。善人家富便要像寶燕山范文正就是家貧也能筆舌勸人。精力辦事發心要真。要堅。用力要勤。要久。前賢說道凡做善事必要功德圓滿方能感格天神。趁早去做。到得積累日子便是圓滿處。若些須做一兩件善事便要邀福邀不動的。

孝悌講語

孝是萬善的頭前賢說。忤逆子媳。便是禽獸。天報最准的。然這點良心。个个都有。只消一喚便醒。若有人將二十四孝故事。提點提點。人便感動孝心了。只怕曉得這個字的。因循循過了時候。霎時間。父母大期盡了。要報親恩。再無日子。只是流淚不盡的。古人說孝。必連思字。不思。做不出孝的。善人每日思量。父母生我。萬般辛苦。說不盡的。便要做。出報親的孝來了。每日思量。親恩未報。父母年紀將衰。便要急急。做出報親的孝來了。每日思量。報親究竟在何事。便要勤本業。省浮費。得父母酒肉無闕。手裏有錢。又要和顏悅色。逆來順受。做出養親悅親的孝來了。每日思量。養親悅親。也算不得盡。孝便要愛惜精神。不敢斷喪。不敢犯法。又要種德報親。諸惡莫作。眾善奉行。做出保身修身的孝來了。又每日思量。當

初孝子。有代父受刑。刀斧不避的。有萬里尋親。性命不顧的。就使遭了最苦境界。也要做出孝順來了。一言一動。總要思量着父母。方才叫做是孝思。他如父母老的病的。鰥寡的。貧窮的。這是極苦。子媳更要竭力盡孝。○至于兄弟是骨肉。他骨是我骨。他肉是我肉。兄弟又是手足。手病連足也痛。足病連手也痛。今人兄弟不睦。若內有一個賢明。甘自吃虧。就可和好。前賢說。舜能化象。其機括只在不見象的。不是又說。骨肉間只該講情。不該講理。執了理便傷情。傷情便不是理。又說。兄不愛弟。做弟的不要學他。只該盡敬。兄道理。弟不敬兄。做兄的不要學他。只該盡愛。弟道理。善人讓些財帛。耐些衝撞。旁言弗聽。宿怨弗留。化導利濟。先從此做。不論賢愚。繼庶兄弟間一團和氣。至誠相愛。他或不順。只認我的差。不認他的差。功過格說。財物不論爾我。終身如是。作三子力。凡不肯救。

助兄弟及好的困厄。准三百過就是同高曾的近族。從祖宗看來。也是一派。都不可不卹的。

濟急救危講語

篇中所說濟急救危。人有緊要須用。叫做急。人有禍難將死。叫做危。善人看人的急。真像自己的急。看人的危。真像自己的危。慷慨解囊。從寬付鏹。樂此不倦。毫無吝色。猶恐遲了一步。不及救濟。只因他原是有福德的人。故能撞着這般善緣。做得這般善事事。關陰騭報應最奇。所以說個君子。贏得爲君子。每見財多福薄的人。看人急難。漠不關心。重已財似山。輕人命如毛。上天看來。便是最凶狠人了。爲此水火盜賊疾痛橫災。以及子孫賂蕩等報。必遭一二破散家財。況且財寬養子。這句古話最確。刻吝人家財多身弱。短壽絕嗣。屢看屢驗。空爲子孫做了蛇蠍。反賊害了子孫一生。

勞碌盡付東流。然當利迷心竅時節。甘中的毒。那得醒悟。三教中處處說道。積財不肯散施。必有奇禍。豈是哄騙你麼。所以說個小人。枉是做小人。

勸善講語

篇中說作爲無益。作爲都是做世間愚多智少。故做有益事少。做無益事多。如造大宅。收古玩。賽會做戲。好賭吃著。首飾狗馬器物。窮工結交有勢等類。朱子說我見人把官錢胡用。實是痛心。對面看來。善人知做事有益無益。便是禍福關頭。大要思量思量的。有益莫如行方便。長春真人方便文說道。人生世間。方便第一。力行方便。錯過可惜。一平糴米。是第一大方。便一濟人疾病。大是方便。若能精虔修合。許真君如意丹。施人方濟萬病。治疫尤速。次則普濟可施之藥皆好。又能印施良方。亦佳。一夏月施湯水。冬月施

老病衣服存恤。鰥寡孤獨收養。遇身死兒死而無棺者。施之棺木。急難困乏者。隨宜救濟。一濟度幽冥。費小功。大戒殺一切物命。一修橋補路。開井通渠。興利除害。勸善解惑。息爭止鬪。皆方便也。如前方便事。富貴者行之。及人既廣。受報必豐。福壽增崇。家有餘慶。原文尙多。今特節錄。又前賢說有文墨的不著善書。反造淫辭。實是通天大罪。更有得了科第。志得意滿。賭錢吃酒。着棋看花了過生世。便把蓋地彌天的力量。積福延慶的日子。都錯過了。真是明珠彈雀。故俗語說。人家出。一喪元氣。進士不如出一積陰德。平民。

戒溺女講語

篇中說。損子墮胎。既產。叫子未產。叫胎。損是溺殺等類。墮是用藥打。下或奸淫。或妬忌。或因窮困。或怨女多。那知天律與故殺人命。

等罪。故犯此必受慘禍。世人不醒。區爲悲痛。這三句最是輕妄的惡。對面看來。善人慈已的幼。并慈人的幼。如陳毅軒知諸暨縣民多溺女。公設法勸止。并定上中下三等嫁法。俗因大化。子文莊天啟採花。凡刻戒溺女歌。施保產丸。助米炭銀錢。都是積德中事。至賣墮胎藥的人。尤勸他不要造賣。這是上天震怒的。何苦貪小利墮地獄。速速改換行業爲妙。○女子投胎。也是一樣性命。下地卽遭淹死。於心何忍。你想一想。看所以世有淹溺女兒。後來生蛇蟠死的。也有因生產喪命的。也有死時見小兒討命的。也有并其兒子亦漸漸死絕的。淹女之家。子孫多致消敗。一定道理。心腸忒毒。受報也毒。要曉得天地好生。一切虫蟻尚且不可無故損傷。何況活潑潑的一條人性命。陰司法津淹女者。丈夫減壽。婦人產亡。你越淹他。他越要來。冤魂受毒。總要連你的性命帶去。眼前你們

也應多見過的了。我今分付你們各人歸去。在地方上竭力勸化。勸化一人。有一人的口祿。養一箇留一箇。存了好心。後來必有好報。能勸得婦女們回心轉意。多留幾條性命。陰功極大。積德於子孫不少。急速去勸。急速去勸。尤須廣勸。收生婆教他積些陰德。勿聽憑人家淹女。切勿與人打胎。蓋此兩樁。乃極傷心事。罪孽極重。如有人家淹殺女兒。以及打胎等事。神明查出。立刻發覺。到那時求天拜地也無用了。

點淫戲講語

世人每喜點淫戲。取樂全不知小戲誨淫。不但得罪神明。而且爲害自己。蓋檯上演。出檯下有數千百男女聚觀。其中之暗受其害者。不知多少。害人害己。造孽無窮。蘇州某人。每喜點小戲。自誇得意。後來其妻女皆不端。同時跟奸夫逃走。某立時氣死。可以鑒矣。

陳幾亭先生同善會講話

高陳二公行同善會每年四講講時擇

與會聽講姓氏釘本傳送會友并未與會者茲從幾亭全書內節錄二篇以爲式

癸酉秋講

向來曾說上中下三樣人家各有爲善的法子各有一句麤淺話兒我今再說箇三樣人家決不可不爲善的緣故富貴的要思量幾百幾千人中纔生得我一個人中富貴便像那樹中奇花異果山川中秀石甘泉天上明霞綵雲人人稱羨我今開一句口可以振拔人行一件事可以救濟人分明是上天與我修福的地位若認做我今只該享福高一分便短一分若識得我今正好修福修一分前面轉增一分只這關頭認得清認不清莫說差了多少人品且差了多少算着況長存好心長行好事富貴的地位原不會因此失了一面修福一面未嘗不享福若一味糊塗過日不留心

照管人必至害人。不着意愛物必至傷物。此是何故。富貴之勢。自然如此。自以爲日日在世。享福不知日日在世。造孽緣何。把那修福的根腳。倒將來造了罪孽。豈不辜負這一生富貴。古人說。願天常生好人。願人常行好事。今既處富貴。天已把箇好人看待我。何不常行好事去。奏那皇天。這便是上一等人家。不可不爲善的緣故。那中人之家。比上不足。比下有餘。我雖無富貴人的力量。日日可救拔人。其實人生在世。那一口不有幾箇人。與我打些交關。但不刻他不欺他。就是本分內的爲善。大凡至誠公道之人。鬼神保庇。牀上無病人。鄰里鄉黨歡喜。牢裏無罪人。年年安穩。去家事怕不漸長。又可教子讀書。指望進步。有等癡子。待人處處欺刻。初一月半。廟寺燒香。中峯和尚說得好。有益於人是善。有益於己是惡。蓋求益於己。必定妨人。從來說善惡無如此兩句。明白親切。作善

定須有益於人一切點燭燒香濟了甚事如何退消得害人的實
罪來。況惡人所供香燭鬼神必不盲所以平日不作善的人報應
到來衆人也不憐鬼神也不護平生使乖弄巧求神誚鬼此時無
一毫得力爭如那知足安分朴實勤儉的平穩無災這便是中等
人家不可不爲善的緣故至於窮人已是十分福薄生在苦惱中
過活凡福薄之人再經琢削不起別人過惡報應還遲我若有差
報應偏速譬如稟氣虛怯之人略風吹便外感略醉飽便內傷須
要極其本分方可度日又要識自家身上有箇決變得來的有箇
決變不來的若要分外營謀一朝暴富我不曾生得這造化難道
上天命數憑人氣力改移這是決變不來的但人心至靈實與他
物不同所以古人或因一點孝心或因一段濟人救物的真心便
能感天地動鬼神如爲善陰騭上所載轉禍爲福事跡甚多太上

感應篇開口便說禍福無門。惟人自召。可見總是箇命字。要把氣力算計去變他。決變不來。若有一段至公至誠的心田。不知不覺他自會變了。這話本不專爲窮人說。在窮人身上覺得尤緊切些。這便是下等人家。不可不爲善的緣故。總看來人無貴賤。各有本心。凡事做差後。也會懊悔。只是略遲了些。須移這點懊悔的心腸。早一刻兒用。爲惡到頭終有報。也不得不懊悔。可惜又忒遲了些。須移只點懊悔的心腸。早幾年兒用。舊秋說三樣人家。平平爲善的法子。今秋補說出箇急急爲善的情由。

辛巳冬講

這會所濟。雖不能徧及四方。惟不論會內會外。凡有濟人之心者。自覺與這會意思相合。便大家喜歡。凡有妨人利己之心者。自覺與這會意思相反。也大段銷融。這意思卻是感動無窮。後來卻有

說不盡的善緣善果。只看他處都有賢士大夫做行此會幾于善氣四塞。若行者無長久之計。受者不互相勸勉。便是兩相辜負矣。所謂長久之計。別有措處。日後自會曉得。救急的道理。只是勤儉二字。俗語說。成人不自在。自在不成人。人生在世。那箇是自在受用得。卽如官長貴人。一定也勞心勞力。雖不親手去做麤事。然自立身讀書而外。見好人便思獎勵。見惡人便思化誨。見饑寒便思救濟。見暴骨便思掩埋。縱然力量不周。也與多方設處。代他算計。與民同患。無日忘之。這纔是士君子之勤。農家及時耕種及時車戽。經紀小生意的。早作夜眠。勿學遊手遊食。這便是庶民之勤。每見富貴之家。自奉則不惜。周人則未免有吝色。若能節縮浮費。就耳目玩好上。省得一二件。便勾養活幾箇窮人性命。若件件省日日省。少些受用。那省出來的財物。不知勾活了若干人。又落他

自家惜了些福。從此推將去。行事不敢任意。出言不敢快心。發念不敢侈肆。這纔是士君子之儉。一切中下人家。勿貪口腹。勿好勝。虛粧體面。且如一兩年來米貴異常。農家該十分愛惜。卻到種田時節。伴工做生活的。每日要酒肉幾頓。我吃了別人的。別人還工也要照樣。原是白費自家的。有甚便宜。是甚算計。今後第一件。先從縮口食起。這便是庶民之儉。做好人。須由不饑不寒。免饑寒。須由勤儉。種種孝弟忠信。都由勤儉中出來。種種奸盜詐偽。都從不勤不儉中流弊。天下道理雖多。看來這二字也儘該括得盡了。

保嬰會規條 無錫青城鄉原本

卷三之一

天下最慘者莫如殺生物命且然何況人命近世溺女之風各直省鄉里小民所在多有呱呱墮地卽付沉淪蔑理傷和莫此爲甚育嬰堂旣不能強之必送而救援之法窮矣窮則宜變變則可通此酌助貧戶之法所以爲救嬰最上法門竊願爲普天下千百萬嬰孩哀號乞命於海內仁人君子也述保嬰會規條

保嬰會緣起

邑城例設育嬰堂收養遺孩卽見我

朝

愛育黎元保赤全生之至意法良意美誠盛典也但四鄉寫遠跋

涉爲艱

貧者每惜小費入城故貧乏之家生育稍多迫於自謀生路遠每多憚於抱送

計往往生卽淹斃相習成風恬不爲怪世俗美其名曰嫁之又曰度也人身習以爲常無人

勸不特生女淹甚至生男亦淹不特貧者淹甚至不貧者亦淹轉輾效尤日甚一日淹至數十女者居無日擊慘不忍言墮地呱呱遽遭戕害宛轉水中良久乃寂聞之酸鼻言之痛心嗚呼孰非父母孰非骨肉竟至忍而爲此豈必其本心之酷毒哉習慣自然故不自覺其殘忍至此耳雖然天心好生人心惡殺有心積善者物命尚思買放何況人命居鄉之士目見耳聞日坐視其死而不得之救咎將誰諉必周知須留心訪問貧嫗乃得其詳此所以不得不爲之呼號求救於四方仁人君子也查向來善舉育嬰堂之外有留嬰接嬰等堂爲鄉民遞送嬰孩洵爲善舉但初生卽爲抱送恐小小血泡一經跋涉未易保全今特仿蘇東坡先生黃鄂救嬰及彭南昀殿撰濟溺說之意變通其例用酌助錢米一法令其自養以補育嬰堂之所不及集成一會名曰保嬰凡鄉里有生育男

女。果係極貧而不能留養者。局中例給錢米半年。令其暫養。如萬不能養。再爲設法安置。或代送嬰堂。全其性命。庶使爲父母者。因助思留。因留生愛。幼孩日長。憐念倍深。所費無多。保全極大。昔人有詩云。一言激切垂悲淚。萬萬嬰孩在腹呼。仁人之言讀之者。猶怛怛心動。況目擊其事者乎。普望仁人君子。俯念孩赤無辜。人命至重。急爲設法倡舉。或勸或禁。庶幾惡俗可挽。嬰命可全。上合天心。下關風俗。出諸死地而生全之。其造福於兒孫者。何可量耶。爰擬規條如左。以備有心者采擇焉。

規條

一 集會之始。未及建堂。先就寺廟公所設局。各友分司。公舉殷實老成者爲會總。另舉老成有才幹者數人。或司季。或司察。或司捐務。須協力同心。以圖永久。

一集捐之法或躉或零或捐厘或助田畝各因地制宜或一族公議或一鄉一圖公議經費愈多愈妙務須齊心協力以挽頽風以保生命

一保嬰會之舉因鄉間溺嬰者多效尤日甚特於極貧之戶酌助養費以救一時沈溺之慘所以補育嬰堂之所不及其尚能勉力留養者不在此例

一地方凡有生育男女如果係極貧不能留養者必協同鄰右作保到局報明司察親往查驗屬實即給白米一斗錢二百文此後憑票每月照給令其暫養五月此中長短多寡不妨五月之後如果萬不能養方爲設法代送嬰堂如可勉力自養須力勸之或再給米二三月便

全可保

一局中設立底簿初生到局報明必將嬰兒生月日時及某姓某

地某堡注明司察查驗嬰兒記其手足指螺箕若干及頂髮螺紋單雙偏正卽給予票憑填明應給若干月兩月後抱兒到局驗看合符或司察不時親至其家看視倘有病故卽日注銷其隱匿不報者惟保人是問

一極貧之家凡有遺腹孤孩有關嗣續而無所依靠者公議格外酌增或三年四年則恤孤而兼敬節於風教更非小補

一貧婦生產後或隨時身故嬰孩無人乳哺勢必難保生全局中查實每月加給錢五百文聽其覓乳寄養定以三年爲則

一事久生酌助之例一開卽有力能撫養而希圖冒領錢米詐說欲湔者此則須細加察核務要實係貧窮方准給予尤宜剴切曉諭以溺嬰獲譴之報漸格其心

一是會舉行必須定以地界始可時時往驗若來者一概給予恐

經費有限。且路遠難以察核。姑以十里爲限。十里外未能概給。嬰兒報局。遇隆冬給棉襖抱裙各一件。春秋給夾襖一件。

一是會專爲貧而欲溺者。勸其留養。其或有以領費爲羞。而又厭多欲棄者。又有不便聲彰。勢不能留者。尤須力爲勸留。委曲代謀。庶幾陰爲保全。

一送來嬰孩。卽爲覓乳撫養。如有乳婦自願留作養媳。以配其子者。例給費三年。或初年每月二斗。以後每月一斗。至三年爲止。其男孩則多有人家收養作子。局中止給照單。以杜爭嗣之弊。錢米例不給貼。

一出痘爲嬰兒最要緊事。而天花尤易傳染。故須每年正二月或八九月種痘。囑乳母小心保護。局中酌給醫藥之費。另備稀痘丹。驚藥。螳螂子藥。以資緩急。

一凡遇嬰孩有病。到局報知。司事卽請醫往視。隨給藥費。病愈乃止。如報局之產母有病。或乳汁不通。亦准一體報明。酌給醫藥之費。

一是會所定規例。原爲極貧之家起見。其力能撫育者。斷不屑此區區。飲助。亦斷不肯送育嬰堂。其或間有以生育繁多。而墮俗淪溺者。似難一概保全。然有此一舉。稍有人心者。自不便再下毒手。而嬰孩可漸免橫夭之慘矣。

一是會稟縣出示。立案遵行。後一面地方公議。禁約倘有悍然不顧。仍將兒女淪溺者。一經察出。卽公同議罰。不得徇情容隱。庶幾風氣漸移。外似挾制之內。實感動之。非苛刻也。

一是會之舉。名爲保嬰。實亦兼資產母。蓋極貧之家。以紡織爲活計。一日不做。一日不活。一遇生產。卽不能操工作。巧炊乏術。抱

布奚從。百慮攢心。愁苦萬狀。產後羸弱。已覺不可支持。倘急於餬口。二三朝後。卽強起操勞。多致感冒風邪。釀成危疾。有此些些小助。便可安養數日。旣保嬰孩。又恤產婦。一舉而兩善備焉。一是會定例。代送嬰堂。實則十無二三。蓋初生時。或因困乏。或因氣惱厭惡。或欲代人乳哺。一時無奈。遂至忍而出此。若養至四五月後。小兒已能嬉笑。嬌憨之態。最動人憐。父母必有不忍拚棄而勉力留養者。至此則勉力之中。又須分作兩等。其極貧者。津貼之費。酌量再給數月。天下事莫大於人命。則善事之舉。亦莫大於救人之命。救命之舉。莫急於此。亦莫多於此。伏望有心世道君子。逢人勸諭。隨處倡行。無論大小。皆可成就。總之得救一人。且救一人之命。多設一局。卽可救無數之命。所係良非淺鮮。如以立法尚有未善。則因地制宜。參酌而變通之。尤有望於同心之士矣。

予曾詢一異鄉友有溺女之風否。友曰。吾地素無此風。予亦甚
歎其風俗之厚。後數月。復遇此友。則動色相告曰。有是哉。子前
日之言也。幸子爲我提醒。不然。予尚夢夢坐失善緣矣。因詳叩
之。則此友歸後。偶問一收生婦。始知溺女之俗。其地亦正不少。
遂於里中集衆苦勸。並設法保護。兼申禁約。因而得生者已五
六嬰矣。可見此風所在多有。特未嘗留心察訪。故不免交臂失
之耳。士子閉戶讀書。方自詡關懷民物。孰知門以外竟日有無
數嬰孩呼號待命哉。凡不問戶外事者。謂不問一切非分事耳。
若救人性命一事。則戶外何可不問。切勿
泥定此語把極好
積德機會錯過也

溺女之俗。既多在鄉間。則居城善士。在城亦無可設施。凡有心
願救人性命者。即可推此法於鄉間。訪問某地有此惡俗。卽爲
說法救護。能保全一方。關係正非淺鮮。若疑三阻四畏。難不行

自爲計則得矣。而白髮無情。催人易老。良緣錯過。後悔已遲。古人所以深有慨乎時不再來也。願與有志之士。急起圖之。又溺女之報。不勝枚舉。宜多刻報應圖書。以警愚蒙。下葉墮胎可附刊畫。至於閨房曖昧。勢難留養者。則宜徧囑收生婦。如遇此等事。倘能暗地抱送。另給賞錢四五百文。則暗中之保全者。當不少也。

人命關天。天心好生。故救人爲大。夫謀死一人。世上既難免。陽誅暗中更必遭陰殛。蓋怨毒之氣。結而爲戾。循環報復。禍有由階。反是以觀。則救活一人。或數十人。或數百人。當何如食報也。大小雖分。性命則一。善緣自結。切勿因循。

溺女之風。久成習慣。雖有煌煌告示。以禁之。種種篇章。以勸之。而蚩蚩之氓。既不識字。復不明理。卽誠之深而言之切。何能家

喻戶曉。執途人而告之。惟有將古今溺女救溺影彰報應編成俚語。明白曉暢。或說因果。或唱道情。於鄉村市鎮各處宣揚。善可以感發。惡可以懲創。則愚夫愚婦聽之。無不相悅以解。而相沿之積習。即可漸移而默化。能教江湖朦朧。習成此等歌詞。既可餬口。又堪醒世。一舉兩得。功莫大焉。

保嬰會局。設於錫邑北門外青城鄉蓮蓉道院。自道光二十三年集衆捐貲。立局舉行。數年來全活頗多。二十里內溺女之風亦漸稀少。此其效之可憑可信者。現在江邑青陽等鎮及本邑陡門秦巷均有善士倣照倡行。具見善有同心。漸推漸廣。惟此風吾省各州縣比比皆是。所望信善君子互相傳勸。俾各處聞風興起。於以挽惡俗而全生命。此則私心所禱祀而求者矣。人命所關。言之心惻。敢贅數言。用告同志。梁溪

得一金

同人謹識

卷二

附救溺嬰新法

見湖南桂陽州鄧錫範先生種子集中

人生幸際太平。幸值溫飽。便須孳孳爲善。多貽後人之福。縱有衣食以豐之。非爲善則恐福田之不廣。縱有詩書以訓之。非爲善則恐丹桂之無根。但一切方便陰功。誰曰非善。要不如救命之真。一切戒殺放生。誰曰非真。要不如救人之大。特是救人一事。有費數千金。未見確救一命者。惟有戒溺嬰女之法。能拯一人。卽實在救活一命。自古朝廷設法。神聖降筆。或分建養堂。或公僱乳母。法非不善。人猶多迷。送養則阻於作踐之浮言。自養則狃於賠錢之過慮。卽在仗義行善之人。亦慮事體重大。謀始圖終之難。是以另立出帖買命之法。帖出而願行。帖收而願止。同心者衆。固可大其規模。協力者少。不妨約其限制。可以兩人共行。可以一人獨舉。一里數里。畫疆可守。一月數月。計時可爲。至於仁人而在高位。賢者而擁

厚貲更可曲暢引伸廣施仁術又況人之好善誰不如我此地爲之彼地豈無爲者今日爲之後日豈無爲者使人人有此立願法則家家有一育嬰堂矣

能立局以圖永久自是更好如不能立局則從此做起亦屬急救妙法

數人共救勸帖式 某等特出具勸帖敬告本境上白某處起下

某處止左右某處爲界界內有貧家生女無力撫養者煩本人

於三朝內親報帖內有名之人俟其訪看的實助錢若干

各隨滿月至三月又助錢若干如切助三月之外自養抱養聽其力

其自便凡來報者以此帖存否爲據帖收願止倘報者界限情

事不與帖載相合不能妄助分文此白具勸帖某地某名氏並

年月日期

一人獨救勸帖式

某地某人立願助救嬰命若干一命凡本境

相識之中。有不肯洗養女孩兒者。煩近鄰仁人君子代爲勸阻。即曰來舍告明情事的。實至滿十日助錢一千。二月後再助錢一千。此後自養抱養聽其自便。但力微不能徧及。權自本境某處起至某處止。至滿願之日。收帖不行。凡來告者如與此帖不合。一文不敢妄助。此白。具勸帖人某地某姓氏并年月日期。寫

總共助錢三千分作半年逐月支取便可保全。此中多少不妨隨酌。

一更有謹默之人。心立善願。又不欲出帖揚名。並畏難於查訪者。不妨囑託誠信之好友。告以心許之願。使之採訪勸諭。不論遠近。果得救起之時。其錢卽付友人轉發。此尤簡便無弊之一法也。城中如無溺女之俗。卽可從鄉間訪求。託人辦理。○陰德陽也。德之分。總視其人之用心。若必欲力邀人知。更有許多謾事。如能行所無事。卽陰德亦在其中矣。

一有疑女命不可勝救者。試譬之溺人滿河。我能隨拯一人便是。

救一命之功。豈可以滿河難救遂並此一命而不救乎。夫名利之不能盡爭者。未聞以其少而不取。獨於善事則虛憂其大而實辭其小。彼將何所下手哉。有志者先須去此等狐疑。救人一最大須勉力做去。彼以爲緩而多生疑沮者。便是阻人爲善。恐非福相。

一富家文士亦有曾犯溺女之罪者。倘讀戒溺諸文。此心能無悔惕。然而死者已矣。惟有取用此法。可以救補前愆。可以轉禍爲福。又凡一切問心犯難解之罪者。宜取此爲贖身之一法。此足犯此罪者。開一條活路。

一凡求子求壽求功名之人。各具懇切真心。力行一切善事。如更能取用此法。隨力所至。實行廣推。世間感天地動鬼神之事。未有速於此者。其獲福何以數計耶。人欲挽回天數。自作元命。必須取用此法。勿至善地。此風尚少。可以緩圖也。

一世有樂善不倦之人。亦恐終身難遇一命之緣。正好取用此法。力行廣推。深種善根。若奉功過格。誓行善事若干之人。更苦終日無善可爲。唯有救活一命。則文帝此示。潘仲謀之訓。分明已準百功。況小財大用。人命關天。天地之德曰大生。此金不在修生之下。父母之恩曰罔極。此金更在罔極之先。節寒士之束脩。亦有獻洛除刑之意。出匹夫之片紙。卽同救過宥罪之書。但得一命。矜全此心。何等快活。況天道之報施不爽也。劇目怵心。文章至此。幾於驚風。而泣鬼神讀此而仍漠然無動者。非人情也。

一禍患疾病危迫困窮之時。誰不思立願以禳之。能取用此法。卽救一命。亦足以補天地之憾。轉移厄數。不卜可知矣。

一刊印各種善書。自是懲惡勸善。實在功德。而廣布此法。使一切事急無措之人。平日習俗見聞。自然立地可行。尤爲方便陰功。

凡爲父母祈福壽康健及自己子息功名財利疾恙求愈訟非禳解消災弭厄等項發願印送此集遠傳他省德洋恩溥生全更無限量矣按溺女之風東坡居士言岳鄂間有之魏裔介御史奏稱江西江南福建皆有之彭凝祉先生言嘉湖有之閩果報所載隨地皆然若能印送廣傳善與人同功德乃不可思議矣

按律載故殺子孫徒二年何以憲典久懸並無一人念及乎此豈人皆不犯耶抑官長所不及耶或深慮夫地保戚鄰之告訴有索詐挾嫌諸弊反惹成多事耶殊不知官長稱爲父母卽當推父母愛子之心而痛革平其父母殺子之習始則出示嚴禁繼則與紳士富戶等公議建堂立社設會各隨其俗所便而行若紳士富戶慨然樂善則天良發見豈有出錢以救他人之女

反欲吝錢以溺親生之女。清夜自思。必有不妥。則富戶之溺女。亦可漸除矣。貧者又得所贍養。亦何忍爲此滅絕天良之行。溺風不從此息乎。是以凝祉先生哀號求救於民之父母。其一種熱腸一片苦心。躍躍紙上。爲民父母者。能體好生以救生功德無邊無量。

泐文之風。近世所在多有。而尤甚於窮鄉僻壤。普望仁人君子。精心積善者。務祈訪問某地有此風俗。即可照此買命帖。式隨力舉行。救得一命。卽是一命的功德。勿曰吾地素無此風。遂忽焉不以爲意也。本地卽無此風。卽可推此法於他鄉。凡以救人性命爲急。當不過分珍域。

得
錢

卷
三
一

浙江紳士趙鉞請通飭保嬰會呈稿

呈爲溺女傷倫。轉呈江蘇省保嬰局規條。乞通飭各州縣照仿。勸辦以全生命事。竊民間溺女。最爲慘毒。順治嘉慶年間。欽奉上諭。嚴行禁革。誠以天道好生。人情惡殺。親生骨肉。忍心害理。足令見者慘目。聞者傷心。無如習俗相沿。遂成風氣。各州縣育嬰堂。多建設城內。鄉村廣遠。抱送爲難。貧乏之家。生育稍多。力難撫養。初生卽行淹斃。浙東西各處皆然。視人命如草菅。實惡俗之急宜嚴禁者。竊思殺害物命。尙干天和。况溺斃嬰孩。更乖倫理。有心者共切哀憐。而救全苦無善策。乾隆五十年前。任盛藩司撰戒溺女說數篇。剴切勸諭。曾詳奉前撫憲通飭各屬。初行時頗著成效。今事隔數十年。已廢弛而不知有其事矣。近年江蘇省無錫縣青城鄉紳士。創爲保嬰局。設法妥善。著有成效。今春紳士華嘉植等

已將規條呈蒙江蘇撫憲陸。批示飭縣刷印數百本。通飭各屬。并移咨安徽省照辦。誠善舉也。該處紳士。因知浙省多有此風。思欲一體勸辦。紳士余治特爲遠道來杭。將規條三百本。交與紳等囑令轉呈。籲求大人恩准。通飭勸辦。其推廣利濟之心。樂善而欲與人同善。紳等細閱規條。大旨在各就方隅設局。附邊有欲溺女者。止其溺而許助錢米爲撫養之資。約以五月爲期。計費不及五千文。而可以救一嬰之命。在貧家產女。因助而思留。因留而生愛。緣小兒養至五月後。嬉笑最動人憐。爲母者乳哺已久。豈忍取諸懷而棄之。多有不肯捨。酬勉力留養者。是暫時資助。顯以阻其殘忍之狠心。而五月攜持。隱以發其慈愛之天性。之死而致生之。蓋以仁術而爲援溺之權也。其有實不能留者。仍由局中妥爲安置。或給人領養。或送入嬰堂。半歲幼孩。較之初生血泡。易于鞠

育可保生全。事就近而易爲費不多而易集。至其餘所議各條。悉皆妥善。法良意美。事可推行。恭維大人全浙福星。痼癰在抱。勤求民隱。澤被蒼生。凡此呱呱生命。咸在矜全。胞與之中。爲此翹首慈雲。代爲呼籲。謹將余紳士交到規條。又抄錄前任盛藩司舊案。一并據情轉呈伏乞大人俯賜核准。通飭浙省各府州縣查照。勸諭各鄉村鎮樂善之人。各于本處就近照仿辦理。其中有因地制宜之處。儘可酌量變通。但能多一處之局。卽多救一處之嬰。若一村能保得一二嬰。推而至十村百村。嬰命之得獲生全。不少悉出自大人再造鴻恩。至聞勸聽從者。固應給之以利。而殘忍不遵者。仍宜治之以法。并懇飭各州縣出示嚴禁。有犯必究。懲勸並行。於以挽澆風而全生命。仰副大人誠求保赤之慈懷。紳等不勝感頌之至。再浙省溫衢各屬。溺女最甚。該處多與閩省連界。從

前魏總憲原摺指稱福建有溺女之風如蒙移咨閩省一体照辦
俾仁風通被閩澤旁流功德尤爲無量謹呈

巡撫浙江部院梁紳士趙鉞等呈批貧民鞠育無資輒將所生
嬰女溺斃最爲慘忍惡習擬呈請照蘇省准行規條通飭勸捐給
資撫養係爲保全生命起見洵稱善舉候札布政司通飭各屬妥
議照辦仍出示嚴行諭禁並候移咨福建撫部院轉飭循照辦理
規條抄案存道光二十七年秋月

附稟請江蘇巡撫通飭保嬰規約批

江蘇巡撫陸紳士華嘉植等所稟設局保嬰洵屬善舉已將章
程札行蘇藩司移會江藩司通飭各屬一体照辦並飭該縣將章
程刷印數百本送司通頒一面詳由督部堂衙門咨會安省循辦
道光二十七年四月初一日批

保嬰會記事

予於道光二十三年。就本鄉十數里之內。議舉保嬰會。緣吾鄉溺女成風。效尤日甚。甚至男孩亦溺。且甚至有力者亦溺。不特貧戶也。因再四熟商。集一善會。就貧戶之欲溺者。勸令勿溺。准生產後。報明每月助白米一斗。錢貳百文。以五月爲止。五月之後。如果不能養。方爲代送育嬰堂。其會以三百六十文爲一會。每人自一會起。至十會百會。各從其力。每春秋兩舉。焚香祀神。據分作會。收錢存公。以便給付。自此人多感化。留養遂多。自二十三年四月起。至今十餘年。每年因助而留者。多則百餘名。少則六七十名。此外又有因捐而留養者。卽如予族弟志宏。在蘇生理。連養三女。第四胎又產一女。妻氣忿。提所產女淹於浴堂。其長女奔訴於翁。翁大譴。以爲我於保嬰會。尙每日捐錢二文。何得如此。急撈起得不死。越

明年又產女。產婦更忿誓不肯養。志宏適在家。堅不許。以吾家尙捐錢助人保嬰。豈有自家反溺女者。妻不能違。越二年乃生一子。子每謂志宏曰。當時若將女淹死。恐未必卽能生子也。又有顧姓名三寶者。嘗爲蒙館師。性古拙。有二子。生二女。均淹之以爲吾寒士養女。恐爲後累也。予集會後。嘗以溺女果報事縷爲述之。頗心動。遂勸其日出一文入會。以期稍贖前過。一年後忽謂予曰。我家一分願不能出矣。詢之。則今年又生一女。以入會故。不便再溺。勉力留養。無力再捐矣。予笑謂之曰。然請從子。使吾子如實難養活。尙欲向保嬰局照例給貼。吾當如數以付。如何。顧亦笑曰。我尙不至此。不過日後又多一累耳。又有顧姓兄弟兩人。先後連舉女。均以捐一文願故。相勸留養。此外曰舉會而保全者。指不勝屈。畧舉數條以昭徵驗。一會之舉。其保全之多已若此。可見事在人爲。特

患不爲耳。且特患爲之。不勇耳。又予於咸豐八年在下塘雙廟鎮。借穀會中講說鄉約。知該處亦多溺女風。因重言以勸。男女環聽者數百人。惟羣相稱善而已。越明年。又因鄉約事至宋帝廟。晤張姓友。謂予曰。先生去年在敝地講約片時。現救一命矣。詢之。因言我去年聽講而歸。同行一友有太息聲。我知其以育子過多。曾溺死一男故也。因乘機謂曰。子得毋聞講鄉約之言而知悔其溺子之過乎。友曰。誠然。我初不知有此道理。但以多累故。且他家亦有溺子者。故不以爲意。今悔無及矣。因又謂之曰。無妨也。講約者曾言。設有犯過溺女者。能勸人家勿溺。可將功贖罪。子但從此苦口勸人。前過無難消釋也。友稱善。今年忽生一女。非但不敢溺。且愛之如掌珠。藉非聞先生一席之談。則男孩且溺。何況女孩耶。是先生講約片時。現救一命也。且此事以異而得傳。而此外之默爲保。

全者尙不知凡幾。而且聽講之後。因而知尊君親上。知孝親敬長。知吃虧忍耐。以及戒殺放生。惜穀惜字。積德爲善者。更不知凡幾。講約之功。真無限量也。張君所言。蓋咸豐九年三月二十八日行鄉約時也。同人聞之者。咸爲鼓舞。予亦竊幸以迂愚之見。口舌微勞。隨處得收成效。撫懷差堪自慰。並以見天下無不可化之俗。無不可格之人。惟在吾人之有心與無心耳。明時恩大無由報。欲爲鄉鄰講孝經。三復此詩。輒不覺怦怦心動焉。而況人命所關。初非細故。吐三寸不爛之舌。救萬千及溺之嬰。是尤所望於有心者之逢人說法矣。

梁溪陽明學人余治記

保嬰會約序

余讀吾鄉保嬰會約一編。不覺瞿然起喟然歎曰。溺嬰者之心之忍。何若是甚哉。保嬰者之心之仁。何若是彌淪周浹哉。呱呱墮地。亟投水中。宛轉良久乃寂。其忍如此。而有一家連淹七八嬰兒者。有一月一村連淹十數嬰兒者。其忍之甚如此。保嬰者目擊心傷。集資設局。其大意以酌助錢米。令其暫養數月。使爲父母者因助思留。因留生愛。因愛得保。動其自然之天性。還其本然之慈愛。仁矣哉。抑我心而置人腹者也。而又設司捐以裕其資。設司察以防其僞。定地界以分其限。誌羅篋以驗其真。慮其寒也。加給綿衣。憂其病也。量予醫藥。恤其耻也。令其背人抱送。產後母故者。代託親族。關係嗣續者。加增養費。路遠難徧者。勤設分局。實在難留者。不得已乃送育嬰堂以資長養。仁矣哉。開源節流。補偏救弊。燭幽達

微凡與嬰兒有益者事無不盡之事心無不盡之心矣其彌淪周
浹一至于此哉抑余又有感焉天下仁心爲質者多矣或有其心
而無其效或有其效而不能普且久大抵知一不知二也得偏而
遺全也有初而鮮終也必彌淪周浹如此而後可以言保嬰保嬰
必如此而後無一嬰之不保夫安得保嬰者皆如此用心哉夫安
得天下之類于保嬰者皆如此用心哉

道光丙午年閏五月 邑人鄒鳴鶴敬題

浙江程大中丞嚴禁溺女并酌定嫁資示

浙江巡撫部院程 爲嚴禁溺女以全性命事。照得父子之恩。本於天性。虎毒尚不吃兒。何況於人。試問爾身從何而來。毋生之也。爾子從何而來。妻生之也。身與子皆女所生。而乃溺殺其所生之女。不孝不慈孰大。於是如謂難以撫養。殊不知天不生無祿之人。如謂生女不生男。殊不知天下儘有生男敗類。而生女賢孝者。如謂溺女以求男。殊不知忍心害理。天必不錫以佳兒。且殺機所感。禍卽隨之。如羅元科在閨中有無數小手掣肘。石揆妻母子俱惡死。河口蔡某生子破體而死。元秀病中見羣女追殺而死。陳一清妻紅蛇纏股而死。赫連傑妻見羣女噬膚而死。福安張氏巨蛇擊乳而死。穎娘子血漏而死。潤州陳氏夢小牛觸身而死。王氏腹中生蛇而死。穩婆范氏專爲人墮胎溺女。全家十一口俱惡死。歷觀

古來弱女之家惡報不爽。蓋天道好生。鬼神惡殺。作惡降殃。理固然也。浙江溺女之弊。最爲錮習。查經前院司諭禁此風未息。大抵因出嫁費繁之故。聞民間嫁女。無一不備。有用銀數百兩。數千兩者。最少亦須百數十金。雖賣田借債。亦須湊辦。男家以厚嫁爲榮。薄則笑之。甚至翁姑待媳婦。以粧奩之厚薄爲愛憎。旣嫁以後。則有三朝七日十四日滿月名色。女家必須備禮物送至婿家。以多爲貴。少則婿家必笑之。逢年逢節。亦復如是。女若生子。未產以前。卽送衣襁食物。旣產以後。自洗浴剃頭。以至外甥週歲。均須節節備具衣飾。致送直至十歲而止。用錢不可勝計。而婿家及自己女兒轉嫌禮少。大屬非是。不知婚姻而論財。古人所戒。嫁娶稱家之有無。苟無矣。則一衣一被。儘足成禮。諺云。好女不穿嫁來衣。言貧富自有定命也。如果有福。雖嫁粧菲薄。而多生貴子賢孫。何患貧。

苦如無德無福。雖粧奩豐厚。豈能保守。古有公主下嫁。而能荆釵裙布。敦行婦道者。史官書之以爲美談。石碣有曰。愛子者教之以義。方弗納於邪。驕奢淫佚。所自邪也。婚嫁爲人道之始。奈何不教之以儉。而反教之以奢乎。卽富家莊田有餘。儘可分給女兒。何必以華靡之物作嫁資。以相誇耀乎。至節次送禮。不特費錢。亦且折福。尤屬無謂。嗣後民間嫁女。不許用金珠玉翠。繡被繡衣。總以銀器數事。布帛數件爲度。卽富家不得過銀百兩。中戶不得過四五十兩。下戶不得過二三十兩。最下之戶。卽三兩五兩亦可嫁女。其男家財禮多寡。聽其自便。彼此不得爭競。嫁女以後。止許以一二樣食物。偶爾探望。一切三朝七日。至爲外甥洗浴。做週歲等事。繫行禁止。民間嫁女。不難。庶養女者多不致溺斃。如貧家不能乳女者。卽送入育嬰堂。或與人作童養兒媳。本部院現在通行各府州。

縣勸諭紳士商民各於本鄉本俗捐資積穀育嬰養老該紳耆務須其相化導毋再溺女倘再有犯一經察出定行照例治罪特示
道光五年七月初一日示

明同安教諭金星徽上兩臺風俗書節畧

漳南之俗止育一女多則溺之夫父子天性何慘毒乃爾情因勢變也平民婚嫁相誇耀競尙張蓋鼓樂興從服飾謁蹶經營如輪公課及墮車方來積囊已匱賄奩甫畢索債盈門俗敝至此則雖日嚴溺女之條無補於事此段窮受夫移風易俗事非易於轉圜然物極必返想人情亦厭而思去矣特患無辭以避之耳若官爲諭禁則向之迫於不得已而勉應者今乃不啻釋重負而納清風也此段導去伏乞裁定禮儀下於州縣如金珠綾緞隨從之類概行禁止時進家長族正申明此義衣冠則責之教諭務令窮鄉僻

囊首知牽犬可以嫁女。竹釵可以承夫。則弄瓦與弄璋等耳。此段詳革
法弊之自茲人戒溺女家易得妻。閩南億萬命皆憲臺鴻仁所生全也。買父杜母豈得專美漢廷哉。為此備具正副二摺批示遵行。
按世俗厚嫁成風。遂致不敢養女。計每縣每年所溺女孩何啻數千計。夫人命關天。害一命已傷天和。而況以萬千生命所關何等大事。乃地方官紳恬然安之。不爲設法議禁。力圖挽救。誠可怪也。竊意厚嫁之俗。須責成大戶。通邑公議立定限制。分上中下三等。有逾制者加以重罰。而倡首者尤宜首先崇儉。示以榜樣。則風俗自可漸轉也。陳龍莊先生有云。吾鄉風俗奢靡。娶婦率多鼓樂張蓋。以華侈相尚。自陸比部娶婦。首先崇儉。不張蓋。不鼓樂。而後民間娶婦遂有以張蓋鼓樂爲恥者。可見風俗轉移全在鄉紳大戶爲之倡始。如地方有因厚嫁相沿而溺女

卷一 風俗
成風者該地紳富亟宜首先倡議會同邑侯設法化導以身先
之一面出示勸禁並勸舉保嬰會一舉而可挽百千年風俗卽
可救萬千女孩性命造福何可限量耶

保甲鄉約兼禁溺女法

貴溪令錢邦偉以保甲法禁溺女有犯者五家連坐所活無算以
官法相治恐有多事小人從此藉端誣陷轉滋擾累是誠不可不
防惟有地方紳士力行於鄉必有實效預先請官出示集諸父老
公議酌定同姓者出族異姓者出約如情願贖之以財則分上下
中三等存之以幫育女著爲鄉例溺女不糾舉者左右鄰連坐同
罰則保甲不行於上猶行於下斯真能踴躍贊王化者矣
現今處處奉行鄉約竊擬於呂氏鄉約德行可勸中增拯救溺女
一條會集之日相與推其能者書於籍以警勵其不能者於過失

可規中增淹溺子女一條會集之日值月告於約正約正以義理
誨諭之謝過請改則書於籍以俟其爭辨不服與終不能改者聽
其出約如厚嫁相沿則可公立議約酌定上中下三等裁汰俗禮
不許再蹈故轍如不遵者亦聽出約夫溺女之弊事在房幃查之
有所不便跡涉疑似辨之有所不行惟不齒於鄉一法爲王法所
不及者鄉評得而議之故識者謂官禁不如私禁之無弊也昔陳
實表率一鄉至使人謂寧爲刑罰所加毋爲陳君所短則約正所
以樹身之型者可不早哉

按州縣有育嬰堂是皆體天地好生之德士大夫倘能因其意
而變通之更立爲社力行救援此與天地參之大善也○附錄
鄉間救溺社規云好善者先作會首邀同志各捐資入公爲倡
外有按月捐銀之法少則每人一錢亦可又有按月捐錢之法

少則每日一文亦可。又有按月捐米之法。少則每戶一升亦可。其法每年正月會首挨門送帖。奉勸入社。以後每月續繳續捐。十人百人衆寡不定。一月數月常暫不拘。量入爲出。分給貧戶之育女者。歲終集社中諸友。就境內正神爲疏以告之。但使會首得人。公正無私。殷勤弗怠。亦切實可行之法也。

廣信康太守

基淵

設立嬰長責成穩婆以拯救女嬰序

庚子莫春以拯革溺女策試士於今惓惓不能少釋諸生陳義高者責成族長家自爲治示諭穩婆臨時勸止釀聯善會公給贍養甲會資助不預歛集皆可隨時因地行之惟存乎其人矣其在城穩婆懸賞董誡育女者給銀牌獎勵數月來既有成效而所及苦不能廣又令府署吏胥釀聯善會依規守行現報生女者二十餘人然遲之又久僅施行於在官而不敢舉以喻期紳民者深維始終之理釀集初事之匪易而垂久不敝之更無其據也蓋人少則歛貲難貲少則接濟難貲厚而生息難防乾沒侵蝕尤難久之刁黠覬覦更必滋訟中潰矣默息於心慎不輕發夏五學博熊公來言靈山汪生淑仁有設嬰長給田責令稽察之說其言一村內無論百家數十家或二三村相約公舉嬰長一人給田六畝令其自

種專任諭禁溺女卽本村紳士董之事克有濟兼可以久當加獎
勵更進以甲會助錢之意令兼其說行之貧乏者亦得養育擬俟
規式有定行之而效刊示通行猶念郡城爲四鄉七邑之歸理宜
先倡而鄉村樸質城市雜囂未可概以此法推之爰通以穩婆勸
止之義按城關穩婆六名每名給田七畝中歲獲穀七石足資口
食責不溺女有則舉首設嬰長一名給田十九畝零使稽察穩婆
擇委紳士八人主持其事董理一切其女嬰已不需乳哺而貧不
能養者責交穩婆嬰長暫爲鞠育代覓抱養或童媳早嫁若穩婆
嬰長不率者許董事稟官奪田更易每歲至日茶會二次以所活
女數列冊呈官有拯嬰稽舉之實無法久滋支之弊省貸息要會
之煩收旋至坐獲之效固莫有美具善兼若此者上饒向有育嬰
田三十一畝積存穀價一百八十三千零爲置田三十畝共得田

六十一畝零。足敷分給。刊列規條數則。永遠遵守。夫士農工賈。則盡乎化內之人也。城市都鄉。則盡乎聚人之地也。城市有嬰長。通以穩婆勸止之法。彼無不延接生者。而稽察罔虛不周。都鄉有嬰長。兼以甲會助錢之誼。彼固責專而說行。近地而情親者。習焉相忘。而風俗將日益厚。推斯道也。行諸七邑。美意良法。庶無闕格歟。規條既定。言以弁之。乾隆四十五年八月日。廣信府志

金谿縣嚴禁溺女示

爲嚴禁溺女以全天性。以維風化事。照得溺女惡俗。忍心害理。莫此爲甚。金邑素號淳良。而溺女之慘。相沿成習。屢奉 上憲示禁。愍不畏法。此風終未稍歇。前經邑人陳星週獨力捐八千金。李庭藻亦捐千四百金。創立育嬰堂於縣城。而其中冒領者甚多。鄉間溺女仍然如故。故本縣下車伊始。聞之殊深痛恨。爲此出示嚴禁。並

酌定數條開列於後。使便於遵守。如再有溺女者。或被告發。或經訪聞。照故殺子孫律究辦。此時悔之無及。毋謂言之不早也。

一宜重其望於紳耆也。凡殷實之家。好善之士。皆一鄉所望。平居宜開導愚民。不許溺女。懇切詳論。動其天良。如有溺女者。許其卽行稟送。從重究辦。卽其貧乏。萬不能育者。或相爲助錢。仿豐城六文會之法。而變通之。各盡其心。各獲其報。汝紳耆人等。豈竟膜視而不能救一坊之溺耶。并聞村中有抱養媳者。無如惡姑每多凌虐。貧家之不肯育女者。未必不由於此。汝等務宜勸其愛惜。是接紹宗支之人。比親生子女。更當保護。毋再凌虐。干咎。此亦爲救溺者開一生全之路也。

一宜專其責於地保也。汝里保於鄉村人命盜賊鬥毆等事。均有稽察之責。如村有溺女之事。亦應嚴查。據實稟縣。只用手本一

紙將某村某人於某日某夜溺死女嬰一名下手溺死者某人親房某人鄰右某人逐一叙明赴縣稟報本縣當量爲給賞如知而不報後被他人告發卽提該村里保重懲不宥本縣於此事深惡恨而痛絕斷不稍爲寬貸也

一宜均其罪於親房鄰右也溺女者固惟夫男是問如夫男外出則惟親房是問如無親房則惟隣佑是問尤必嚴查下手溺死者何人大抵總係鄉間無賴之徒不過得錢數十文或米一二斗遂造此惡孽必須嚴加處治其爲穩婆者亦當力爲救援如見溺者不救並拘其夫男懲治

附豐城六文會法

其法各村救各村之溺先立簿一本邀一百股則一月可得錢六百文以所養女之家如不得百股者六七十股亦可每月給

養女者錢四百文以養二十個月爲度計養成一女每人只消錢一百二十文。卽出十股者亦不過消錢一千二百文。其衣食稍能存活者不給。頭胎生女者不給。或生子數胎而始生女者亦不給。卽貧乏而不願領者亦不強給。大抵小村每年不過二三名。大族亦不過十餘名。且族大者或一村分爲數會。族小者或連村並爲一會。又變而通之。或於祭產內儲有公費。或預先邀會存蓄。不須臨時合費。俱隨各村所便。總之各村之溺。各村救之。則首事無稽察之勞。生女便於鬥錢。不生女不用。則首事無侵吞之患。養女者不必往育嬰堂領錢。可無開銷之費。如或可存活。或夭殤者。易於查明。可無冒領之弊。真所謂惠而不費。簡而易行者矣。本縣不惜諄諄告誡。務各遵照力行。使風俗歸於淳厚。本縣有厚望焉。

江山蔡廣文

英

擬勸救溺女法

字藩宣諸暨人乾隆丁酉舉人

溺女之慘素所痛心切齒而拯之無術若以官法相治慮有多事小人即從此藉端誣陷轉滋擾累第以空文勸戒則聽者藐藐當於無可挽救之中擬為隨力禁援之法願同志仁人君子推廣此意其謀革回敝俗爰列數條於左

一祖父立法以禁子孫凡其派下無論貧富有溺女者即削其譜逐出宗祠蓋彼既以殘忍之心戕其兒女則我亦不必認為子孫此條當書之遺囑載之宗譜告之祖先鳴之族長俾世世守之不易

一宗長立法以禁族衆凡其其祠其譜中有溺女者合族會議無論紳衿齊氏必於祖靈前杖責若干如情願輸銀贖責者則當隨家產多寡嚴定罰例即公貯其銀以分給族中之貧而育女

者

一士人多方以勸其房分親戚朋友。讀書實際。首在敦倫。以父母而溺無辜之女。豈非人倫大變。故凡師徒講論。姻隣聚談。同室同儕。居游出入。常常以此事之傷心慘骨。往復告誡。必有天良默動。自悟習俗之非。而已溺者不致再犯。未溺者不忍開端矣。且彼自戒於己。必將復爲人戒。轉相勸止。不溺者日多。溺者日少。此卽是轉移風俗之功。此卽是讀書人分內責任。務共勉之。一富家捐產立法以救貧女。如生齒不多。而有田百畝。祈捐十分之一。於其家計必無所損。而此十畝中除淨糧課戶費。通豐歉而計之。每歲可得穀十石。遇親屬隣里貧不能舉女者。勸令勿溺。卽予穀一石。置簿登記姓名及女生年月。嗣後每年予穀若干。女年漸長。則穀亦漸加。約穀四十石。分作十五年以給之。而

此女長大出嫁矣。彼嫁則續救一女。十畝之產。十五年中可並救養四女。則一百五十年可救四十女矣。千田而析捐百畝者。十五年中即可救四十女矣。自爲經營。俾與者無所侵蝕。受者無可假冒。沒身後則以此田附入祀產。使子孫之賢者掌理。遵守邇來義倉義學。大都有名無實。而此項則人受實惠。是永爲子孫造福。且家產罕有傳至十代。而此產可存之不朽。能如是積德者。必世世有佳子孫。以繼之。蓋以救人身命爲事。而其後入不大獲天佑者。理之所必無也。

一家長族長時常申戒婦女以溺女之罪。婦人柔而多狠。不讀書。不明理。貧者憂女難養。富者憂女難嫁。無子者憂育女則男遲。又或以女爲無益。或以撫字辛苦。或托言恐其後日貽羞父母。爲家族長者。當曉以女若難養。何妨早予。至親家爲養媳。女若

難嫁何難嫁。從省儉。究竟免得罪過。若憂男遲而溺女。則罪益重。男亦不可得。若厭女無益。則已。媳從何而來。怕育女辛苦。則己身從何長大。怕女後日貽羞。則生男後日豈能必其盡佳。况男女定自天命。一人該得幾女。溺死卽不算數。故每見人溺一女。又生一女。必要補足其數。而後已。徒多喫臨盆之苦。痛積殺命之惡孽耳。使婦人習聞此言。其知此理。則溺女之風可止。

一溺女之戒。大率責備貧賤者居多。不思富貴之家。每至中年無子。妻則恐夫從此多置妾媵。妾媵又亟欲生子。以圖固寵專房。凡此皆足以萌溺女之心。又有翁姑早望生孫。愚夫喜早生子。往往一生女。則長吁短歎。憂形於色。在婦人之不忍者。多憂鬱致病。其柔狠者。卽從此起溺女之心矣。此全在家中族長平日早爲化導。要知生女卽會生男。遲早自有定命。生女時尤宜不

露聲色。曲爲曉諭。分外喜歡。使溺女之念。無自而萌。則嬰兒孽海。永不生波。暗中造福。更爲無量。

培元堂勸育女說

保嬰會拯救溺女立法最善。予曾邀約同人。欲將此法行之於鄉。而不能遂。乃另設一法。祇先行於本族。以冀他族觀感。以救援嬰兒。命爰告族中。倘有生女。貧不能育者。吾願給孩襖褂抱裙各二件。每月助錢五百文。爲養資。以六個月爲止。過此或終不能自養。與人作童養媳。或代送嬰堂。自此兩月之間。卽全二命。一則以有所助。而肯育。一則並不望助。謂某尙出錢以活他人。我何忍自殘其骨肉。於是乎育之。由此觀之。惻隱之心。人皆有之。但未經感觸。故寂然不動耳。予觀四方君子。豈無有心向善。欲捐金撫養者。然或恐其費多。欲行終止。若予此法。祇行本族。則所費不過多也。如敝

族百餘家。每年生女大約十餘人。其衣食豐足者約三分之一。衣食粗足者亦約三分之一。此皆不須人助。其甚貧而須人助者。要亦不過三分之一耳。夫一族之中。每年生女貧不能自養者。不過三四人。計所給衣食之費。只需十餘金。即可全活數命。何美如之。如族中戶口繁多。則一族中豈無同志之人。互相集會。以成此舉者。復何憚焉。伏冀仁人君子。念天地好生之德。或邀同人集議行之。於鄉。或出一已之力行之於族。則人人做效。處處風行。將見青蚨白鏹。出自囊中。仙看紫誥藍袍。錫來天上。夫救蟻尚中狀元之選。況全人命之重。在皇天豈無賞善之道耶。願與同人共勉之。

彭南昀殿撰濟溺說

惜字之說。余深羨慕外官得造無涯之福。至溺子惡俗尤欲爲普。天下嬰兒哀號求救於民之父母也。試思楊寶救一雀而四世三公。宋郊活羣蟻而大封天下。況以人命關繫之事。較之掩埋棺木。戒殺放生。其功德尤大。數倍爲懇上而督撫下而守令。切須訪察某地有此惡俗。卽嚴示禁止。責令地保鄉鄰呈告。出首者懸賞以示鼓勵。容隱者並其父分別責處。果能實力行之。卽此一事。可以廟食百世。澤及子孫無窮矣。昔喻仲寬知順昌。閩人有此弊。公作戒殺子女文。召諸鄉父老轉勸。不半年百姓感格。所活者皆以喻名其子。賈彪爲新息長。民多不留子。彪嚴爲例。與殺人同罪。城南有盜劫害人。北有婦人溺子。公出掾吏欲引南。公怒曰。賊害人常理。母殺子逆天。遂北行案致其罪。城南賊亦面縛自首。人皆呼爲

賈父。又東坡先生與朱鄂州書曰。準律故殺子孫。徒三年。公宜召邑令以下正告以法律。仍錄條曉示。召人告官。以犯人家財給之。若客戶則併責及地主云云。余按嘉湖富家亦復如是。若不罰之以財。懲之以法。不能禁止也。其貧者勸令紳士糾造育嬰堂。以贍之。庶幾久久可行耳。余創建一會。察貧戶之欲溺者。急止之。月給米三斗。以三歲爲止。後有某翰林獻詩。見余拜焉。卽所救溺女之夫也。嗚呼。余欲勸人之不溺。彼已心如豺虎。報應亦所不畏。不得已哀鳴於官。官又以爲不急之務。而不採狂夫之言。然則普天下之嬰兒。竟聽其死於非命。而不爲之救哉。安得有萬代公侯之人。不忍坐視其淪亡。而必實力以謀普濟乎。

附溺嬰徵驗

天道好生。溺女者逆天。逆天者死。救溺者順天。順天者生。生殺之機。判乎一念。應若桴鼓。古來戒殺放生者。尚多福報。何況人命。爰集善惡報應數條。俾知勸戒。倘愚民無知。尤望讀書士人。隨地逢人告誡。能邀集地方父老子弟。如鄉約例。於以挽回惡俗。培養太和。使普天下千百萬嬰孩咸登仁壽。陰德豈有涯涘哉。能救活一命。已屬極大。除功況保全多多耶。

明陳毅軒為諸暨縣令。嚴禁民間溺女。又念民苦嫁資。為定上中下三等。議婚時。即約定夫家不得爭厚薄。民甚便之。其俗遂化。辛丑。觀歸同子仁。錫宿泰山夢神授詩四句云。拯溺婆心苦。全生善果成。無慚民父母。瑞氣杏林盈。天啟壬戌。仁錫果擢花及第。今諸暨縣此風又復熾盛。且延及溫台金衢嚴等處矣。奈何。奈何。安得賢有司。仿前賢之法。力挽流風。為斯民重生父母耶。如有此人。

吾願執事之且頂祝奉之庶幾旦暮遇之以抒夙願乎

喻仲寬知順昌閩俗多溺嬰之風乃作戒溺子女文召諸鄉父老爲人信服者坐廡下置酒親酌飲之出其文使歸勸其鄉人不半年所活已千數民至以喻字名其子女

此法極好蓋近時官長告示往往視爲具文吏役且

多沉攜惟召父老溫語使歸傳勸必多感化真格民妙法

劉彝知虔州民飢多棄子於道乃出示召人收養日給廣惠倉米二升每日抱兒閱視小民利二升之給樂於撫育一時孱弱俱全以育嬰法代賑一舉兩得尤可師法

新淦縣陳翁見鄰里有欲溺子女者輒以銀米助之勸其勿溺於是本不欲溺詭情以取錢者翁後夢至一處見數人拜公曰福德人也冥司極推重但某等不肖子孫騙大君子錢米被罰陰司欲求公於城隍說一分上免其譴責翁醒而異之逾月里中大疫

又夢其祖父告其速求陳翁翁乃具疏焚禱於城隍神疫者一時竟愈。

湖北沔陽生員王烜家貧遇考輒賣卜妻張氏有賢德鄰有溺女者強爲抱養者再乾隆甲寅同鄉某夢神語曰今科解元是有嬰是科王竟中元此等事尤須女人勸戒見聞多而言易入相夫積德助夫成名閭閻中亦有回天手也夫婦間尤宜

常以相勸

仁和章彥脩逢壽誕凡親友祝者悉令折乾曰盛意悉不敢領請以此銀爲功德可乎皆曰惟命於是悉將壽儀爲救嬰公費自具薄酌以酬之夫張筵召客在親友不過一刻之歡何如其爲功德彼此俱有利益乎推之娶妻誕子入泮登科諸項親友各有賀儀能遵此意以爲里倡首一則啟人善心一則成全美舉卽爲地方造福無涯矣。

廬陵王霞九先生督學楚北聞其地溺女惡俗最盛出示勸化責重士子言甚切至復刊刷六千本發各學給各紳士轉相勸化有能倡舉育嬰社會及救溺女實事者準令學官保舉優行例加獎賞自來戒溺女法此尤得其要領伏懇當道之誠求保赤者咸留意焉

韓念祖凡有溺女者力勸止之後入場見陰人長不二尺頗驚悚忽聞小語曰特謝解溺恩人是科遂中式尹作幹家甚貧生四女人勸其溺曰貧苦兒女皆命中注定安敢違天且時以此語勸人勿溺後生三子俱忝大政

右救溺善報

鄭一清妻三次舉女胎三溺之後又懷孕將產絞腸奇痛生下紅蛇咬破母腹而死

呂鉉生二女俱溺。後生第三女在桶中。忽大聲曰。我被你溺死兩次。今特索爾命。并索你兒子同去。妻卽時驚死。未滿月兩男同日暴死。遂絕嗣。

魏某妻生女多溺。忽生一瘡。有頭三個人。皆不識。痛喊月餘。忽見數女孩同一鬼拽鐵轡入房。乃曰。冤魂來矣。遂死。

戚某生二子。後生三女俱溺之。其妻忽被蛇咬。毒爛痛死。乃示夢曰。吾三女化蛇討命。悔已不及。爲我遍告世人。凡生女孩。雖餓死不可淹死也。

宋談訓之妻穎娘子。怨己多子。以藥墮胎數次。乾道戊子又孕。復墮之。血遂崩不止。臨死見數孩啼哭。扯拽不已。告其夫曰。前兒女糾纏如此。不去奈何。言訖痛喊一聲而死。卽此推之。何必預防多子之累。而自害其身也。

東坡先生與朱鄂州書曰有神仙鄉百姓石挨者

妻一產四子楚痛不堪母子俱斃報應如此

崑山穩婆范氏常爲人墮胎未及一年一家十一口俱得惡病死

范死時周身青腫病喊宛轉不堪言狀

可舉此爲穩婆勸

乾隆辛亥十月廿四日孝邑小河驛來一丐婦年三十左右貌中

人衣服亦頗脩潔不類貧丐肩生一女垂於左背衣服外以布一

幅披蓋之女頸與婦頸合頭藏婦肩窩內按之亦隱有耳腦狀手

足胸腹具體而微若初生兩月者問之婦曰此溺女現報也吾前


世爲男無子求望甚切每逢生女輒生厭惡前後其溺數女今世

爲某氏婦甫有娠夢寐中見女孩三四環聚房闔皆言奉命報仇

或曰使頭痛欲死或曰子如令心腹痛或曰橫生若何或曰變蛇

咬腹商議匝月惟一女然或問之曰是皆不足以洩吾忿也使

吾轉胎自其肩出身。贅於母。必使他終年乞丐。遍歷千門萬戶。將此段果報詳告於人。若一日偷閒一語虛假。吾則內嚙其喉。啖其腦。吸其血。使之求生不得。求死不能。如是等之。終身勞之。終身勞庶可爲天下戒。而吾憤不亦洩乎。衆女皆曰。可遂隱不見。今果其言而莫能違也。婦言次貌甚戚。余疑或有僞。命婢掀布幅。撫而視之。果相合而生者。市中聚觀如堵。有問必答。婦稍厭煩。則嚙臆難忍。絮述如初。惟問姓氏里居。遂淚下而求隱焉。湖北漢陽府孝感縣小河驛敬亭居士張闕大記。果報事不勝枚舉。特畧記數條。鑒鑒。



遂安生生會小引

遂安縣洪了泉倡辦一名濟嬰社

生生會者何。吾邑新設以濟嬰堂之不及也。蓋嬰堂開在城內。近者易於沾恩。而僻壤遐陬。或因往返之艱。或爲風雨所阻。近又因歲歉費鉅。力難徧周。故嬰孩仍有棄溺者。諸同人於乙巳春倡議。隨鄉設會。卽隨地散給。其法簡便。其力易行。各會友愆惠贊成。故十鄉均已次第舉行。每貧戶勸留一女。助錢一千文。分兩月給付。僉謂意美法良。到處可設。因約舉大略爲四方樂善者。公同好焉。其法每鄉或設一二局。或設三四局。局不必另有公所。人家店戶亦可。主局者必樂善殷實之家。或捐錢百千。或捐錢數十千。分作十年出付。則捐者不覺其難矣。計一鄉中歲得百千。當無不易。而百千可救百命。則一鄉之苦溺可支矣。復於每都中擇一二端方謹厚人。請爲採舉。察其應給不應給者。而聽命焉。近則比鄰。遠不隔二三里。則

耳目易周。而無假冒之弊矣。至倡議勸捐。清算設局。紙劄之需。不無少費。皆首事人幫貼。不從捐欸開銷。則是捐一千。便救一命。而聞者尤喜樂助矣。夫天道好生。鬼神惡殺。所費無多。所關甚大。語曰。微命必惜。致壽之徵。況其救人命也。又曰。救人一命。勝造七級浮圖。況救無數命也。吾邑自生生會之設。求子求名。屢經神驗。所望仁人君子。體大生廣生之德。推溺猶己溺之心。多方倡率。則人補其不足。庶使爲父母者無忍心。滅倫之慘。爲嬰兒者無墮地溺斃之冤。則迴孽海之波。同登彼岸。而陰功莫大。獲福無疆矣。至於隨地制宜。法難一定。是又在襄事者之善爲斟酌也。是爲引。

按貧戶生產。告借無路。困苦難言。不得已而遽下毒手。迫落盤一過。慈愛頓生。襁褓三朝。恩勤彌篤。千文之助。勝於七級浮屠。若得隨地倡行。造福洵爲無量。

梁敬叔勸戒近錄記浦城蜜浸

道光丙戌公車報罷。南旋至浙。同舟中有浦人。忘其姓氏。談次問詢其家中眷口。云有一子三女。因歎息曰。吾浦罕有二女之家。若余之三女。同邑每詫爲異事。蓋浦俗嫁女。必用蜜浸菓品。以多爲貴。至少亦須數百瓶。此物無買處。必須家自配製。又極費事。嫁期數月以前。卽須備辦。殫日夜之勤。窮工極巧。天時人工。一不相湊。色味便差。壻家往往以蜜浸之精麤。卜來婦之吉祥與否。貧寒之家。慮遣嫁之難。而舉女不敢多留者。半由於此。予婦行居次。生時亦先溺之。適其母舅至。再三勸解。乃勉留之。因是感誓。生女雖多。不棄。云。予告之曰。君舉于鄉。行誼卽當爲一鄉之表率。今旣育女。不棄。足以勸慈。將來嫁女。務先捐此蜜浸之陋習。以塞禍胎。爲一示儆。則功德必非淺鮮也。其人聞之。頗以爲然。今不知此風

仍舊否。余曰。浦城溺女之風稍差。而蜜浸之習未革。然余長姻祝東巖太守。本有不用蜜浸之議。余伯姊卽其家家婦。近日嫁女于孟家。獨排衆議。不用蜜浸。省卻許多葛藤。近聞有嫁女之家。其家長亦立意不用。而婦女輩仍于背地偷送者。陋習之固結如此。今浦城大小讌集。以及新正款客。新賓登門。無不需此。而家大人但擇杯一撰。從未沾唇。蓋亦本無滋味之可耽也。大抵溺女之風起于吝財其弊由于厚嫁。蜜浸特其一事。而作無益害有益。舉國趨之若鶩。實不可解。且近間有一新婦在家。因竭力配製蜜浸。致成癆疾者。是誠不可以已乎。

按此亦記厚嫁之一端。因區區無關輕重之一物。輒致自戕骨肉。犯法戕倫。本屬可驚。可訝。乃習俗移人。賢者不免。祝太守能獨排衆議。不用蜜浸。論屬中流砥柱。士大夫居鄉爲台邑表率。

主張風教。力挽頽波。真能造福無量。○此事須當道嚴行示禁。有心紳董。設立鄉約局。一面化導。一面會同合邑紳董父老各鄉董。立規定議。永遠禁革。庶幾大聲疾呼。群蒙頓醒。如必不能廢議。定不得過四色。至粧奩衣服。亦立一限制。違者議罰。庶人人知所儆戒。而儆俗可以漸革矣。

救命俗說

訪得近來鄉間有一件極大作孽的風氣。聞之不覺傷心。你道是什麼事。你們可知道近時有一等人家。多生了幾個女兒。便怕拖累。怕賠嫁。把他一盆清水。真是可悲可慘。本縣忝爲爾百姓的父母官。但願你們百姓家家戶戶都做好人。都行好事。從前所犯的孽障。急速要改。以後遇着好事。急速要做。自然可以免災免難。發福發財。共享平安之福。世間極大作孽事。莫如害死人命。所以說人命關天。殺了人。便要償命。難道初生的女孩。不算人命麼。本縣到任以來。察訪此地各鄉村。竟有淹溺女孩的风俗。該地方士民。或是不知。或是知而不救。於是習焉不察。不以爲怪。你們試想想。看人身是上天所生。無論是男是女。總是一樣性命。總是一般骨肉。你母親也是女。你妻房也是女。若使有男無女。你的母親那裡

來你的妻房向那裡娶。父母辛辛苦苦養了你。本要望你養男養女。你偏偏怕吃苦怕拖累。就不肯養女。初生下來活潑潑地就要害他性命。他投生而來。你就送他死。豈不是逆天大罪。你們試想想看。蟲鳥螻蟻尚且貪生怕死。存好心的。尚且買他放生。何況是人。我却知道其中緣故。未必盡由於爹娘的意思。親生骨肉到底一段恨腸。一段痛腸。未必竟有此毒手。最可恨是旁人聳使人家生了女孩。自然難免惹氣。在旁人口裡只好勸阻。豈有聳使之理呢。然而有一種不顧作孽的鄉鄰親戚。或是冤家仇恨。聽見生女。或是說尖刁冷話。或是背地暗笑。以致產婦心火發動。氣極淹死的。更有一種是假殷勤。鬼討好。故作嘆氣可惜。使產婦悶上加悶。以致淹死的。更有一種公婆大人。小姑妯娌。背後厭惡惹氣。叫罵使產婦情極氣惱。不得不淹的。種種旁人逼迫。實爲可恨。你們可知。

道冤冤相報。天道無差。陰司律例。一命要抵一命。淹死一個女兒。要罰他死一個男兒。淹死兩個女兒。要罰他死兩個男兒。來遲來早。一定要報。若是旁人逼迫。便要傷到旁人的兒子孫子。若是公婆大人。那冤魂告狀。也要與他算賬。折福減壽。你們可聽見。近來的報應極多。也有生怪生蛇的。也有肚中說話的。也有臨死時見小兒索命的。也有橫生倒養的。也有暗中減壽的。也有淹死了再來投胎。纏繞不清的。或是旁人。或是自己。種種報應。說也可怕。若說是家中貧苦。可知道天不生無祿之人。越淹越窮。一定之理。況且多吃一分苦。多享一分福。養大了。嫁了好女婿。到老來也好靠。若說多養了女。有碍男胎。可知傷了女命。要害男命。越淹女。越不得生兒。若說家中不能過活。要思量做乳娘。儘可養他四五月。送他到育嬰堂去。畱他一條性命。不致造十分大孽。總而言之。人

身是極不容易的。淹死了他。他陰魂必不干休。必定到陰司告狀。告准了。冤冤相報。懊悔已遲了。況且本來王法甚嚴。溺女之罪。照故殺子孫例。徒二年。鄉鄰知而不說。也要賠罰。本縣因爾等風氣習慣了。不便一槩執法。不忍不教而誅。所以做此一段俗話。交與各鄉父老士民。互相勸化。拜托各位父老士民。共體此心。轉輾相勸。識字的念與大眾聽聽。能勸得各鄉村各各存惻隱之心。不致再犯前過。則千百萬嬰孩咸登仁壽。其保生全。近報則在自身。遠報則在子孫。造福何可限量耶。勉之望之。

附保嬰會說

保嬰善會爲拯救溺女起見。各就地方或以五里十里爲限。勸諸善男信女公集一文善願。每年以三百六十錢爲一願。有力者自十願百願不等。凡有貧戶人家生女不能留養者。會中幫

他半年養費。每月給米一斗錢二百文。初生之時。報明局中查
明。卽給。隨給一票。以後按月支付。貼至半年。如果萬不能養。卽
爲代送育嬰堂。全其性命。占人說。救人一命。勝造七級浮屠。又
說。救一溺女。加壽十年。願有心人急仿行之。另有俚言奉勸。

待一金

卷二

三

桐鄉嚴比部善後局舉行保嬰會序

同治甲子。余還鄉省墓。爲鄉人留辦賑務。自夏徂秋。乃克藏事。而吾邑自恢復以來。一切事宜。尙無以善其後。乙丑之春。余將旋京。供職。特爲擬善後章程十六條。請於大府。舉同邑蕭琳村丈沈茂庭表阮兩人董理。而大府諄諄勸留。似喜其言之善。而欲觀其行之效。堅屬孰有端緒。然後交替。余既感大府之知。而亦願爲鄉人導其先路。暫緩北轅。於二月杪。開辦桐邑青鎮兩處善後局。凡所有事。皆按章以次舉行。茂庭表阮獨執簡而請曰。善後以救民爲第一義。而吾鄉溺女風素盛。是亦民之當救者也。顧縣城舊有育嬰堂。青鎮舊有留嬰堂。今皆廢棄。而驟謀興復。安所得此重貲。茲有保嬰會規條一冊。其會起於江蘇之無錫。湖州之長興。族人於八年前擬行於鎮鎮而不果。盡先酌議行之。固事輕易舉。而功德

無量者也。余因愛而讀之。爲之稱善者。再竊惟天地生物之道。有男女。然後有夫婦。有夫婦。然後有父子。故乾坤六子。三男三女。陰陽相配。蓋天地不能有陽而無陰。人不能有男而無女。若周禮職方氏所稱揚州之民二男五女。冀州之民五男三女。縱地氣之鍾毓偶有所偏。而天意之生成終無或虧也。乃末俗習於殘忍。幾以女爲棄物。至於自戕其所生而不恤。於是有仁人君子出而創育嬰堂。以保全之。固足以補天地之憾。而濟人事之窮。當此烽烟甫靖。民氣蕭條。各州縣戶口之數。減於前者多。或十之七八。少亦十之三四。而民生之窮蹙。且更甚於前。非徒溺女者如故。溺男者往往有之。育嬰之堂。旣已毀矣。保嬰之會。可不興乎。蓋育嬰於承平之時。不過爲孩提脫其死。而保嬰於大亂之後。且欲爲國家蕃其生。其關係爲尤重。則其舉行爲尤急。况舉會之法。雖卽

本於建堂而其法良意美則遠勝於堂中。收嬰例設屨於牆穴聽送嬰者置之而去。不問其誰何。不詳其姓氏。嬰卽長成。終身爲無父無母之人。是全其生而絕其倫也。堂中司事未必皆賢。怠惰谿刻皆不可保。而乳媪非其所生。時無覺察。往往不能時其寒煖飢飽。而嬰多夭殤。是暫生之而終死之也。長成之後。雖定例指配良家。頗爲養媳。而以無家之人。誰復顧忌。或轉鬻爲婢。或掠賣爲娼。皆所不免。是名生之而實害之也。今以保嬰會之法行之。則皆無慮此。夫狼虎尙不食其子。而人之忍而爲此者。固爲飢寒所迫。亦以乍免母懷。全無知覺。因得逞其片刻之剛腸耳。故但聞溺初生之嬰。而不聞溺旣舉之嬰。沈氏政中所云。要令提攜有賴。彼呱呱之一息。幸存待其啼笑堪憐。自煦煦而相依爲命。數語得其要領矣。且育嬰必待建堂。而會則無論寺院祠宇及人家間屋。皆可藉

以舉行。堂必建於城市。而鄉村之憚於遠送者。或不能開會。則雖一鄉一村。但得善士爲之倡導。皆可舉辦。又其法能大能小。可行可止。善舉之妙。無過於斯。天下事固有前人創之而尙遺罅漏。後人述之而乃臻美備者。其卽保嬰會之法歟。余因取其規條。詳加訂正。爲之序而刊之。先試行於吾邑。而後上之大府。請下其法於他郡。以資勸導。而廣孳生。仍刻沈氏原啟於後。不敢掠其美也。是爲序。

同治四年歲在乙丑暮春之月

賜進士出身翰林院庶吉士現官刑部主事桐鄉嚴辰謹撰

百制府通飭稿 爲欽遵

諭旨

出示嚴禁鬻妻溺女。以革澆風而正倫紀事。嘉慶二十年十二月初一日。准軍機大臣附報字寄。嘉慶二十年十一月十八日內閣奉

上諭

都察院奏安徽婺源縣民人吳新慶以遵例請禁鬻妻溺女惡習具詞呈訴等語。陰陽化生。人道之始。若民間生女皆棄而不育。則生息何由而蕃。至夫婦列在五倫。非實犯七出之條。豈宜輕棄。如民人吳新慶稱該處地方產女之家。因貧起意。往往溺斃。夫婦每因小故。輒相離異。實屬惡習。著將該民人原呈發百齡查辦。先出示嚴行禁止。並設法妥爲化導。以革澆風而正倫紀。其各省有似此者。均著一體示禁。民人吳新慶著都察院飭令自行回籍。欽此。欽遵。附寄前來。本衙督部堂准此。除飭藩臬二司通飭各屬欽遵嚴

聖諭

禁辦理外查民人無故棄妻及溺女不育例有治罪之條向來捐辦育嬰堂原爲民間生女不願留育及無力撫養是以收堂養育保全嬰孩活命而設既經生產不能養育自當送堂收養何輒忍心殘其生命誠如

若生女棄而不育則生息何由而蕃況夫婦列在五倫夫和妻柔自臻綿順卽或偶因小故反目豈可遽行鬻離近來各屬民人鬻妻溺女相習成風情殊可恨合亟出示曉諭嚴禁爲此示仰軍民人等知悉嗣後各宜敦重倫紀夫婦之間卽使偶有微嫌切勿生心離異其貧家產女無力撫養者卽送育嬰堂收養切勿棄溺傷生自示之後革除惡俗力改前非如有無故出妻任意溺女之人許該族鄰地保人等呈首到官立拏治罪決不寬貸倘族鄰地保狗庇不首一經訪察得實並干重處如該縣尚未建設育嬰堂

諭旨

者許卽呈請勸諭捐辦。籌費立規。以期經久。此係欽奉嚴禁之事。各宜凜遵。毋得視為具文。致干未便。特示。

嘉慶二十一年六月初一日示

乾隆三十七年九月十五日。內閣抄出江西按察使歐陽永禱條奏內開。江右素有溺女惡習。或因家計貧乏。撫養維艱。卽家計稍豐。亦虞將來遣嫁滋累。或急望生男。恐爲乳哺所誤。迨其再孕。往往甫經產育。旋卽溺斃。應請嗣後凡有生女溺斃者。照故殺子孫之罪。杖六十。徒一年。族鄰保甲知情不行救阻。照知情謀害不卽阻當律治罪等語。查故殺子孫之律。原以子孫並無違犯教令。而祖父母父母有心故殺。故擬以徒杖以懲其不慈之罪。若甫生幼女。毫無知識。何有違犯。乃以惡習相沿。甘心溺斃。其殘忍不慈。實與故殺無異。如果事發到官審實。自應卽照故殺子孫律辦理。毋

得一金

卷二

四

庸另立專條。惟是此種惡習。事出房帷。外人無從覺察。是以歷無舉發之案。應令地方有司不時剴切勸諭。動以天良曉以

國法。有犯則按律懲治。庶敝俗可以漸革。不至故戕生命。知人謀害他人。不卽阻當之律。係專指知同伴人欲行謀害他人。不卽阻當者而言。若各人室內自溺其女。不明以告人。族鄰等勢難責以救阻。應將該按察使所請族鄰人等不行救阻。照知人謀害不卽阻當律治罪之旨。毋庸議。乾隆三十七年十一月二十七日題。二十

九日奉

旨依議

江蘇藩憲王通飭札

爲通飭查禁事。照得民間溺女惡習。嘉慶年間曾奉

諭旨飭禁。例內又有治罪之條。賢明地方官亦多出示禁革。乃此風總不能絕。近經兵燹之後。更盛于前。相習成風。恬不爲怪。不特生女淹。甚至生男亦淹。不特貧者淹。甚至不甚貧者亦淹。總因育嬰接嬰等堂不能處處皆有。而鄉居寫遠。跋涉維艱。愚民無知。往往忍心爲此。從前各鄉間有設立保嬰卹產等會。隨時查報。先給產費。以後月發錢米。酌定年期。期滿如仍無力留養。再行代送嬰堂。使其父母因助思留。因留生愛。因愛得保。曲體人情。法良意美。是不得不賴地方官勸懲互用。以遂生機。合亟通飭。札到該縣立卽遵照。先行邀集在城及各鄉董事人等。剴切勸諭。各就各鄉實力化導。一面重整育嬰接嬰等堂。并各就地集會卹產保嬰。務須

革除惡俗。保全生命。仍由縣申明例禁。多繕告示。遍行實貼。嚴加諭禁。務使窮鄉僻壤。咸得週知。嗣後凡無力撫養者。或送嬰堂。或赴會請領資助。倘再忍心害理。仍行淹溺。許紳董人等。以及族鄰地保。呈首到官。立拿治罪。倘族鄰地保。徇庇不首。並干重處。該縣務須留心訪查。嚴懲一二。以儆其餘。仍將遵辦緣由。以及設立堂會處所。分晰稟復。現當六難初平。休養生息之際。此等頽風。亟宜竭力挽回。萬勿視為具文。因循玩忽。致忝父母斯民之職。勉之望之。

同治五年 月 日

蘇城遵辦保嬰會啟

念天地好生之德。成始成終。惟父母愛子之心。撫我畜我。人倫所在。雖天性本同。然而家道維艱。每多男爲增累。惟鄉愚之無識。幾溺女以成風。遂教甫育之遺孤。竟歎我辰之安在。加以兵燹之餘。糴殮不給。蕭條四壁。又不幸而將雛。輾轉寸心。曷忍言乎舐犢境之所迫。情實堪憐。爰集同志之人。用舉保嬰之會。賙卹先於孕婦。事實豫時。稽查首及赤貧。義從周急。未產而尺衣寸布。聊資襁褓之需。既生而日贈月資。薄備湯漿之費。事尙取其易舉。力尤賴乎衆擎。惟求仁人君子。哀念苦寒。大生憫惻。或酌廉泉之水。挹注成渠。或分懸杖之錢。百千慨助。總期多多之益善。尙當節節以推行。廣培一線生機。留得萌芽簇簇。行見萬家哺子。盡成瓜瓞綿綿。拜君之賜。靡有已也。謹志章程如左。

一凡城廂內外無力孕婦將產。先由親族或鄰里地保報局查實。先給執照。臨產持照赴局領去毛衫一件。抱裙一條。棉袄一件。大小尿布各一塊。五月初一起。七月底止。改給夾裙夾袄。不准本夫自報。

一產後三朝。司事查看。不論男女。每月幫給撫養錢六百文。一年爲滿。

一按月額貼錢文。定於報產之日給發一月。以後每月由司事送往。驗明孩照相符。照數給發。不必準定是日。或先或後。至遲以三天爲率。假如正月初報局給過第一月。極遲二月初三須給第二月。

一凡遇遺腹。每月加給錢六百文。以兩年爲滿。
一襁褓之兒。難於辨認。凡在局中領錢之兒。卽由司事查看左右。

十指箕斗。卽與照票。逐一驗明填寫。以便每月查核。

一凡產母偶有死亡。或重病斷乳。無從寄育者。報明局中。司事隨卽前往查看。設法寄養。或代報育嬰堂。臨時與本夫親屬酌辦。

一此會定額五十名。俟多募一名。加增一名。總期廣爲勸募。多多益善。

一凡額數無多。定以離城五里爲則。再遠不查。

一月終給過某某處某某姓氏。并幼孩箕斗頂髮記認。抄寫三紙。分送各董。隨時酌派親友抽查。以補司事耳目所不及。


右蘇城現辦保嬰會章程。係奉 上憲飭辦。省兵燹之後。煙戶散亡。丁口耗折。亟宜休養生息。以延人種。而同志不過數人。捐數未充。祇能以五十名爲限。原期各處善士。仿此章程。各就近地善堂。附入試辦。庶幾愈推愈廣。多援嬰命。省垣爲首善之區。

以此舉爲之先導。必有聞風興起者。坐蓐呱呱。哀哀乞命。願與
同人共勉之。

救命浮圖

犀錢方種福

雁塔早題名



右救命浮屠募緣冊。取救人一命勝造七級浮屠之意。其法每一塔合錢四千二百文。每一層計錢四百二十文。一人持一冊領募。每一人獨捐數塔。或數人合捐一塔。卽將捐助芳名寫入

第一金
 塔中以便彙集登入總捐簿年終報銷焚化
 神前以昭徵信

票 式
 保 嬰 局 票

茲有	鄉	村	姓	名之妻	氏現於月
之月	日產一女孩據鄰	來保實係貧	不能養准給	月如有假冒隱匿等弊惟經保之人	是問此照
月付	月付	月付	月付	月付	月付
月付	月付	月付	月付	月付	月付
年	月	日保嬰局給第	號		

育嬰堂章程

卷三之

周官大司徒以保息六養萬民。一曰慈幼。古聖人體天地好生之心。擴少者懷之之志。幼吾幼以及人之幼。其所以廣生成培元氣者無所不至。此賢官紳之所當亟爲取法也。述育嬰堂章程。

育嬰堂規條

一司總總理堂務司年管一年銀錢之出納。司月管一月之收給。司堂常住堂內照料一切。每月底司月同司堂將是月進出嬰孩經費逐細開明。除存堂坐簿移交下月接手經辦外。另造清冊三本。一在神前焚化以表心迹。一送縣存案。一交司年查核。又錄清單實貼堂中。并分送各司事家使衆共知。司年期滿將一年進出嬰孩經費彙總結算。刊刻徵信錄。遍送捐輸各善士。

仍將一本神前焚化一本送縣附卷備查。凡初二日十六日司事到堂查驗。是日茶飯及驗嬰獎賞等費。值月四人捐辦。至各司事船隻往來。俱係自備。概不支銷。

司察二人或四人。須往堂專司其任。但此職係嬰命攸關。尤宜勤慎小心。稽查堂外嬰嫗。不定日期。出其不意。親至其家探視。或先至其鄰近伺察。如該乳嫗不能盡心撫育者。追簽調發。并稽查抱領嬰孩作爲子女之家。是否如出親生。倘有非理凌虐。以良作賤情事。卽知會司總報官追究。倘有嬰病到堂。立即延醫同往診視。隨發藥炭。急令乳婦加意服侍。並各自立一手摺。記明某醫看治某嬰何病。盡心盡力。猶恐不周。設或任意遷延。必致臨期束手。故司其事者。宜發惻隱之心。實力奉行。慎勿虛應故事。有悞嬰命。嬰衆事繁。束修俱宜酌加。

一值堂竈四人公議工錢每月足錢各七百文。凡執爨灑掃延請發嬰等事。悉令專司。宜勤慎供職。聽候使喚。倘有躲避貪懶。互相推諉。及不法等情。司堂卽行斥退。另僱。

一稽察乳嫗。爲內司堂專責。此事最關緊要。如乳汁之多少。無養之勤惰。以及火燭一切。均須秉公考察。隨時教導。勿稍徇隱。凡董事家中年老內眷。誠心好善。均可隨時赴堂查驗。以佐內司堂之不逮。

一司堂經收田房租息捐項。會同司月掣三聯票。蓋用堂中圖記。一付善士租戶收執。一付司年存查。一存堂中核對。收到銀錢。交司年存貯。每月望晦。司月到堂。將內外司堂辛俸。及乳嫗等工錢。并柴米應用等費。亦出聯票。註明何用。向司年處支出。開發清楚。登明簿冊。彙入徵信清單。每年除支銷外。盈餘銀錢。俟

有成數公同存典生息

一 嬰孩到堂先記其男女。隨檢衣中有無生辰年庚如無卽以所到年月日時爲八字。細視其五官四肢頭顱偏正頭頂旋螺十指螺箕週身有無疤痕一一登明堂簿卽付乳嫗收哺收哺之後頭髮雜作錠勝模樣內外堂嬰一體照辦。

一 僱乳嫗以二年爲期。如有不食乳之子女准帶一人食乳者概不准帶。乳嫗哺嬰一口月給工錢一千二百文。帶有子女者月給工錢六百文。又兼哺一口日加錢十文。每日三餐堂夫送至內門擊梆分給。初二十六大葷每期每名折錢一百文。初八二十三小葷每期每名折錢五十文。每乳嫗一名各給床帳被蓆冬發棉襖一件。棉袴一條。銅腳爐一個。嬰孩衣帽隨時置給。乳嫗衣服等件出堂時點明收回不准帶去。

一堂外乳嫗於保領嬰孩時。繕寫木牌照簿上所載。付與本婦存驗。每名月給工錢七。百文。至初二十六。本婦持牌抱驗。聽給工賞錢文。不准臨期不到。并託人代抱呈驗。倘乳嫗有病。許其報明堂內探視。確實。俟病愈後補驗。

一乳嫗入堂之後。不准擅出堂門。如有本夫親族探望。不論男女。須告知司堂。於內門交界處。喚出本婦面談片時。不得送出堂門。倘乳嫗在堂不遵規制。卽算明工錢。令其出堂。不准復充。

一堂門設接嬰乳婦一名。每月給米三斗。給錢四百文。如夜接一嬰。接乳婦賞錢二十文。其夫賞錢三十文。以爲獎勵。倘遇天氣寒冷。有嬰到堂。立卽起來接進。加意護暖。哺乳。不使凍餒。如敢貪懶不接。以致殤命。定將乳婦之夫送究。以懲怠荒。

一乳婦一名。只發一嬰。若此婦已子遭殤。可發二嬰。亦當視其氣。

體壯旺。乳汁濃厚爲安。不可妄發。

一 每年神誕三月二十日。七月初七日。九月十七等日。凡在外發出。及旁房堂嬰。俱各齊堂。乳婦賞麪外。另賞錢一百文。

一 乳婦自願領育。經領投報至堂。嫗處滴乳。視其果係乳色濃厚。年力精壯者。司籍登明住址姓氏。以待登嬰。

一 發出領育乳婦。其所居以近爲安。最遠不過十里。以便隨時稽查。最宜防乏乳之婦。托其隣近有乳之婦到堂代領。司事者稍有疎忽。必致墮其術中。更有自放自領者。若輩貪圖乳糧。將自己之嬰托人放棄堂中。或越宿。或朝放晚來。謊稱生孩已故。願領一嬰接乳。乃以己嬰領去。亦得朦給乳糧。種種弊端。不可勝舉。須發嬰時。堂中如有幾嬰。備籤幾枝。上寫明各嬰字號。供貯神前。將籤筒令領嬰婦隨籤播出。係何字號。卽將此嬰發。則自

放白領之弊除矣。

一 本堂發嬰。每嬰付一木牌。一面填明年月號數。本嬰男女八字。并乳夫婦住址姓氏。及保領姓名。一面填明月給乳糧。每月初二十六日。令乳婦或乳夫質牌至堂。查對乳糧。刊給發。此牌不許遺失。亦不許押錢。如有無牌冒領。概不准給。

一 堂中每嬰三月給發布衫單袴。四月給發肚兜。八月給發布襖。棉裹裙帽襪。以上皆用鈐記。乳婦不得私自質當。每年對月交換。如遇過繼夭殤。卽令交還。倘有留難。當卽遣人喚同地保走取。以便再用。

一 乳嫗嬰孩。遇有患病。卽知照內司堂轉致外司堂。請醫診治。服藥。堂中預訂兒科女科外科專司診視。另備驚藥丸散。聽用。諸君樂善任勞。謝金與金酌量擬發。倘乳嫗一時難愈。令中保

暫行領回。病痊有乳。仍可開復。外堂嬰兒。遇有輕症。着嫗抱至堂中。邀醫診視。內堂嬰孩患痧痘。報明司堂。邀醫赴診。

一嬰兒有猝報病故。未經報知醫治者。司察卽往驗明。細緝果係猝病。令其到堂。繳牌銷冊。隨後給匣收埋。如有別情。查確的實。卽將乳夫送究。并追還乳食及嬰衣等物。

一堂嬰出繼後。男則爲螟蛉嗣續之計。自無他慮。而女則保無妓妾販賣情弊。司事者如未素悉其人。先當探其行止。生計實非娼優下賤。他鄉客籍之人。方准給票過繼。庶免日後稟追提堂。懲奸鋤惡之舉。並戒在堂人役。不許索取錢文。至及笄後。無論卽爲子婦。許字他姓。總當報明堂中。務察的實。俾無失所。一索便阻出路。故向例有領費四五百文。直就本堂賞給乳媪。

一收育諸嬰。憐此呱呱赤子。本生父母不能乳育。當捐棄時。父母

之恩已絕。本堂收育以後過繼與人。撫養成人。倘有假稱嬰父。毋恃強索領。卽以凶惡光棍論。許繼嬰家持過繼票報知堂中。送官按律嚴處。又有口稱己子。母病毋死。寄堂求乳者。及三歲以外能食能行者。概不收育。仍請縣示禁。

一本堂出繼嬰孩。除立過繼簿一本外。業經稟縣頒發過繼執照。預請空白存堂。後遇過繼者。立可登填註冊。卽將此照給發過繼之人收執。其照根存堂。以便同冊送縣備案。此舉以定繼者之後。以杜族人之爭。而安是嬰之業。

一嬰孩離乳。無人過繼者。另僱乾嫗照管。每人派管四嬰。照前給發。男至六歲以外。司年司月酌送義學讀書。十二歲以外。倘質性愚鈍。不能讀書者。酌行送業。女至十三歲以外。司年司月酌心擇配。倘有聾瞎癰瘕殘疾等症。至十六歲。司年司月公同斟酌。

酌安爲安置。

一 嬰孩保無殤損。乳夫報知堂中。司察親至其家驗其病死屬實。
一 歲以內者。用柿漆皮紙草紙蒲包收殮。發紙錠七提。一歲以
外者。司堂卽發票給領木匣。用柿漆皮紙着值堂糊封內縫。冉
用石灰草紙填實。以防滲漏。隨發紙錠七提。成殮後發嬰地掩
埋。每中元節。延僧道誦經一永日。施放法食一壇。以超度殤嬰。
一堂中火食。不論上下。每日定以六十文爲率。一應在內。如遇米
糧昂貴。實不敷用者。司年司月會議暫行酌添。除在堂司事開
銷外。遇有親友往來堂中。祇供煙茶。不得徇私畱宿。各司事自
願出資畱飯者聽。倘遇公事到堂。諸同人各貼飯錢三十文。不
准堂中開銷。

一 司年每月朔望。及發乳糧日期。俱應到堂。衆司事咸集。必衣冠

嚴整容止敬恭。有事則議。無事則散。每年收用清數刊載徵信錄。一焚。

神前一存堂內查考。每歲除夕。司年捐資。謹備酒醴祭聖母諸神。及土地神祠以答神庥。

一開堂收育嬰兒。來者自必絡繹而來。但乳食之費。日盛月增。惟賴遠近仁人君子樂輸勦助。或捐資生息。或捐產取租。俾得經費漸充。堂基永固。陰德所存。獲福無量。

一嬰兒最宜清潔。乳母食菜不得買韭蒜辣椒等物。若燒酒尤易致嬰火毒。更不許私買進堂。

一嬰兒之於乳母。不能片刻相離。所有堂中僱定乳嫗。既經入堂。凡各衙門及捐戶司事家不得借用帮乳。致滋物議。

一堂中接嬰及發外各乳婦。倘有偏愛自己子女。將本堂四時所

給嬰衣等件。私於己子。不顧堂嬰。并乳哺己子。僅以粉餌飼嬰等弊。全賴司察隨時稽查。如有禁止不改。甚而嬰色可憐者。卽將此嬰提堂。另發他婦領育。

收育女嬰。如有願領爲養媳。自行乳哺者。准每月貼錢五百文。每月朔日亦來堂驗看一次。以十箇月止。

一 嬰兒剃髮。除嚴寒大風及有病之時不剃外。春夏秋每月二次。冬月一次。男左女右。各畱髮一撮。以示區別。

一 堂嬰出天花最易傳染。故必須請醫種痘。每年以冬十二日及正月爲期。又平日宜預備稀痘丹爲之先擦。症有輕重。乳婦有勞逸。視其痘之輕重。酌給賞錢。

一 凡過繼嬰孩。前條所列獎賞乳婦錢文。均係本堂給發。領嬰之家。不費分文。倘有乳婦下人私向需索。以及外人籍稱領費名。

色從中訛詐者。許領嬰之人報堂送官究治。

一 嬰堂經費不充。未能全育內堂。是以新收血嬰孱弱者。酌畱在堂撫養。約匝月候其氣旺。掣籤發外領育。以穿耳畱髮爲識。認以杜已嬰充作堂嬰。將堂嬰復放之弊。

一 內育乳婦。每人准帶已嬰一名。每月乳糧通足錢一千文。不帶已嬰。每月乳糧一千四百文。如撫育勤勞。嬰有花色。另如獎賞。保金照門戶例加一。倘乳汁不旺。及不善撫育。退出另僱。

一 凡堂中訪募乳婦。接嬰請醫。備辦內外火食。啟閉門戶。僱用誠實鄉人三名。每名月給工錢七百文。折葷與乳婦同。

一 內堂乳婦。四季給發布衣裙褲等項。期滿出堂。賞給帶回。被褥蚊帳。不准私挪。以爲後婦應用。每月每名給零用錢五十文。每名夏給草蓆一條。涼扇一把。冬給箕窗一個。日給炭基一枚。

一堂中僱首嫗一名。每月給工錢六百文。爲衆婦之統率。專司稽查堂中乳婦有無口角是非。乳水是否充足。嬰兒飽暖飢寒。及乳婦貪睡覆壓等情。俱憑首嫗查察。須擇存心公正。精練老成。曾生子女者。方准充當。至各房什物並火燭各事。應着令照派管理。倘有違誤堂事。或得受乳婦賄囑隱匿作弊情事。有礙嬰孩者。定行革退。

一僱募乳婦。若任其攜帶子女。兼哺堂嬰。必致厚薄分心。礙難兼收。如果該婦夫故無依。或夫雖未故。而有殘廢篤疾無力養贍者。是該兒已同無父之孤。不能不收。但須易子而乳。本婦酌減工錢。以示區別。如父母俱存。力可自哺者。不收。倘先棄所生在堂。潛來應募者。察出送縣究治。按此條若乳婦必不准帶子女。將所生之子女淹棄反開。造罪之端。須通融酌辦。

一查保嬰會規條斟酌盡善。如有情願自養。憑保來報者。仍行照辦。惟自養之嬰。須隨時抱驗。能及近而不能及遠。必須如湖南辰州府嬰堂條規。凡自養者。各地分段編號。每段各有首事管簿。各有店舖存錢。嬰兒初生三日內。赴堂報明。俟查嬰人查實。並報知該段管簿首事。覆查無異。當用本段圖記片單。至堂領票。於該段存錢店舖發錢。年終各段首事暨各段存錢店舖。俱至堂中。三面對簿核算。彙總呈報。如此辦理。方能合境周遍。但非經費大充。勢難照辦。特先行標此良法。以待後人之推廣。

內育規條

一女司事公議。請司事內眷親臨彈壓。以昭慎重。逐月輪管。准帶老嫗一名使喚。不許僱婦代值。如違規約。另請。

一內育規模宜肅。女司事首慎堂門。約束衆婦喧嘩。三尺之童不

許擅入

一堂門專用老嫗一名把管。嚴禁出入。閒人喧擾。內呼外問。總以猷柳鳴點隨時答問。內需一切。傳知司育送入。門婦不許擅離職守。

一內育關防宜密。日逐申刻。司總加封驗鎖。匙歸內堂收管。實在必須啟閉。傳柳請匙。內以女司事查明傳知。外以管門老婦問明。方准舉行。不得濫行請匙。每日三餐。轉桶遞送。此外執事人等。亦不准窺探。以分內外。如違議罰。

一凡嬰兒服藥。最是難事。恐乳婦厭其哭鬧。不肯耐煩灌服。須堂中司事。眼同首嫗。親看服完。方足以昭慎重。

一嬰兒貼補糕粉。每日每人定錢十文。須按定時候貼喂。方能令聚一處。親自看食。免致乳婦不喂。亂攪別物。

一乳婦家實有婚喪要事者告知司總詢明的確方准傳知內司事。作假一日辰去申回。如外宿誤乳不准入堂。追還乳糧中金。

育嬰良法

凡胎嬰進堂。或由鄉間強負奔馳。或係城市路旁。儉拾風寒暑溼。

感受已深。一經入堂。先宜去其外感。用葱白三寸。豆豉七粒。生

薑一片煎服。

或來要尚未落臍者。即用庵臍藥少許。酒在臍中。四圍用飛過明礬末。上蓋棉花油紙。用長布裹肚。

已束緊固。俟臍落之後。不用礬藥。仍用棉花油紙裹肚。倘未落臍。十日以前。不准乳婦上遮風。畧揭些須。試看若只落一半者。忙用

哭可令乳婦於床上遮風。畧揭些須。試看若只落一半者。忙用棉花少許。墊平。俟臍落去。仍須裹束。切勿透風。以損嬰孩命。

清其胎火。

用人中黃。用連淨其胎垢。每日早晚。用熱水。一盞代

宜洗浴。倘有遺尿。脫臍。汚穢。以方保平安。倘有疾病。瘡瘍。疹毒。

致破皮膚。瘡疥等事。惟乳婦是問。無分晝夜。迅即報明董事。請醫調治。若遇痧瘧。

痘疹。責成首嫗。無分晝夜。迅即報明董事。請醫調治。若遇痧瘧。

另置別所。以防傳染。

凡乳婦與嬰兒同睡。切忌鼻風口氣吹兒顙門。恐成風疾。並常流鼻涕。

凡初生小兒。未剃胎頭。不與戴帽。則自幼至長。難于傷風。永無鼻塞拖涕之患。

凡嬰兒百日之內。切不可豎抱。豎抱則易惹驚。且必頭傾項軟。有天柱倒側之虞。半歲前不可獨坐。獨坐則風邪入背。背脊骨受傷。恐有偻僂龜背之疾。慎之。

凡小兒遇寒熱不調。柔弱肌腠。最易感冒發熱。用藥反恐誤事。但於其熱睡之時。夏以單被。冬以綿被。蒙頭鬆蓋。勿壅其鼻。但以稍暖爲度。使鼻息出入。得此暖氣。少頃則微汗津津。務令上下稍透。則表裏通達而熱自退矣。或乳婦同睡。輕摟貼身而上覆其面。則未有不汗出者。此至妙之法。百法百中。卽寒邪甚者。兩

三次汗出無有不愈。此法行於寅卯時刻。則汗易出而效尤速。凡嬰兒無論春夏。切不可抱當風口地方坐卧。感受風邪。尤忌檐下當門。過堂風破窗風。切忌切忌。每逢天氣晴暖。至晌午風定時。須抱出院。常見陽光。若常在屋內。偶出院中。則眼怕陽光。不能開視。尤易受風邪。

凡小兒腹瀉吐乳。常有之症。不可視為泛常。此二症如數日不好。須想法早治。遲則變慢驚。吐乳若向口邊流出。卽是乳哺太過。過乃滿而溢出。非病也。只須節乳。若吐乳直出而不停畱者。宜早治爲要。

凡嬰兒衣食不可過於飽煖。陳氏書云。小兒須耐三分寒。七分飽。頻揉肚。少洗澡。要背煖肚煖。頭涼心胸涼。皆至論也。

凡月內小兒不可聞哭卽抱。一哭便乳。每日早中晚須由小兒啼

哭兩三次。少卻許多病症。仍須酌量時候。不可哭之太甚。

凡乳哺嬰兒。須要得法。乳後不可便與喫食。哺後不可便與喫乳。

哺者飯食糕粉。乳食相連。難以化。大者成癖。成疳。小者泄痢腹痛。至

啼哭之際。與方醒之時。亦不可就乳。俟片時。與乳。可以無病。

凡小兒半歲以前。只可與乳喫。六箇月外。方與稀粥。週歲以前。不

可喫葷。並生冷之物。諺云。喫熱莫喫冷。喫軟莫喫硬。喫少莫喫

多。自然無大病。

凡堂中。每逢春夏之交。多燒蒼朮大黃。水缸中。並置貫衆。以避淫

氣。豎溫疫傳染。

恤嬰芻言

上海育嬰堂董經芳洲作

一育嬰堂之設。全在司其事者秉清公之志。無人我之分。視彼之子女。若己之子女。不敢於嬰稍懈。且彼子女無父母。我子女有父母。視彼之子女。勝己之子女。愈不敢於嬰稍懈。凡屬司事而莫之卹。則領婦更以途人之心爲心。其死必矣。嘻。其死也是誰之咎。神常默譴之。我亦有子孫。可不懼哉。可不懼哉。

一嬰之來堂。有逾月及期歲以外者。必病症危險。或隱疾內傷。居多。不然。彼父母何忍割愛。非比初生之嬰。尙無嬉笑動情也。故遇此種嬰。維持調護。尤宜周至。此內育之所以斷難乳領兩嬰也。然無勸懲之道。不足以激勵乳婦之心。蓋勤者日夜勞瘁。嬰病得嬰。卽發外育。而外育之有病者。仍回堂中乳養。最盡辛苦。苟無區別。其心何甘。况勤者必具慈心。雖離齟不堪之嬰。望其

生全而不忍嫌棄。至情者保無別具肺肝。冀換乳領乾淨之嬰。居心各別。功過懸殊。自有賞給之例。卽情者或因利而知勉。庶可望全活嬰命於什百耳。

一 嬰來時刻無定。若日間耳目衆多。自必隨時接進。諒不致有暑熱蒸悶。嚴寒凍冷之虞。惟晚間勢難週顧。全在接嬰之人。實心照應。惟接嬰者非專司其事。使工人兼任。則日間操作。夜間勢必安眠。且嚴寒酷暑。尤必倦於從事。當思有以鼓勵之。所謂人無利己。誰肯早起也。故夜間接嬰。應擬以犒賞之例。特暑天尙易而嚴寒較難。則犒賞之例。亦當權衡輕重。雖春秋天氣溫和。毋庸議及。而慎重嬰命。不妨稍寬其例。擬以三月朔起。十月底止。凡二更以後。隨時接進一嬰。賞錢二十八文。十一月朔起。二月底止。凡二更以後。隨時接進一嬰。賞錢五十六文。此例雖有。

賞而無罰。然亦有分別。當以嬰之冷暖。爲賞錢之多寡。或不致日久生怠。兼可知其勤惰。蓋嬰來隨到隨接。卽寓懷中。先行擊梆。使內堂婦聞知。一面卽懷至司事牀前。跪手足之冷暖。待幫婦至柵門口。始可安於轉桶而入。而內堂婦亦卽懷抱交於值夜之乳婦。如此經理。庶幾來嬰不受寒冷。致胎病根也。至犒賞接嬰工人。宜預爲申明。身體和煖者。如數全給。否則減半。惟司事者。切勿辭此辛苦耳。夫爲善須實心。常體天地生生之心。爲心曲全嬰命。自結福果。應亦樂而不倦也。

一宜備絲棉裹被一條。如方桌大小兩面。以粗棉綢爲之。蓋嬰來置於堂之門口。迨抱至內育。必經由數進房屋。以及天井。故當嚴寒之際。此被必需之物。或曰已有棉衣。可以遮蓋。似可無需。殊不知抱持者。雖以己身衣衿覆護。洞其底裡。豈無冷風入隙。

卽或赤心愛護者。另以棉衣裏抱。終不若絲棉裏被之軟熟。熨貼而風斷無隙可侵也。

一凡放嬰入柵。以擊梆爲則。又恐聲响不足以驚睡夢。宜以羊腸之線。繫於抽柵內口。出門上穿進。度於司事起居之處。卽在線尾繫數鈴。作响而又必於抽柵沿上橫一竹竿。使線由竹下勒過。庶外面抽動。其鈴卽响。如影隨形。機無稍滯。若不如此。雖柵盡抽。出其線不靈。鈴必不响。若徒恃梆聲。恐收嬰有遲悞之虞也。此係屢試親驗。不敢不揭出也。

一凡嬰用尿布。冬天更換時。觸手易生怨言。卽親生尚不免此况撫堂嬰。每偷懶不肯勤換。且布少亦不能時換。陰雨火烘。嬰每受傷致病。宜多備尿布。諭令勤換。冀免瘡瘍。亦保全之一法也。貼乳者有仁心。其撫堂嬰便與己子無異。否卽視爲無關痛癢。

設有殤疾。每過稽察時。卽以己子代之察。嬰者獎其勞。謂某貼乳者可靠。實不知所見之嬰已非堂嬰。因有託辭過寄。浼人先容。謂無育幾年。願作螟蛉。在司事祇知過寄。無不俯允。不知早爲乳婦所愚。宜仿照南翔嬰堂法。男左女右。留髮一綰如小桃子樣。永不難去。以示區別。而防蔑視。

卷一 金

卷二

士

恤嫠會條規

卷三之三

少婦喪夫最慘事也。婦人以夫爲天。所天旣唄。依托伊誰。泣血椎心。殆難名狀。卽家本素封。尙難排遣。而况家無長物。生計無聊。或衰老翁姑相依爲命。或伶仃弱息成立維艱。飲藥茹荼。酸辛萬狀。不有以周之。而欲其自甘荼苦之死靡他。也難矣。述恤嫠會規條

京口敬節堂倣行彭氏恤嫠會序

人莫苦於鰥寡孤獨。而四者之中。寡居尤甚。蓋鰥與孤獨。雖無骨肉相依。尙有親朋還往。至守節之婦。煢煢一室。形影自弔。養殮不繼。而人莫知其饑。鵲結不完。而人莫知其寒。呼號罔應。訴告無門。丈夫當此。猶難排遣。矧伊零丁婦女哉。其在無遺孤者。顯揚之報。旣絕望於後來。凍餒之嗟。復傷心於現在。悲憂悽愴。何以爲懷。其

在有遺孤者。思亡人之似續。祇此一脈相延。顧無父之嬰孩。常令三餐莫繼。解已之衣。不足以煖兒身。絕已之粒。不足以果兒腹。朝啼夕號。酸楚彌劇。奮欲捐軀。藐孤誰育。暫留殘喘。涸轍誰生。斯誠天地之遺憾。生民之最窮。苟非周恤而存活之。苦節之婦。何恃而安。任恤之風。何施而切。此長洲南園彭氏恤嫠會所由興也。吾鄉矢志冰霜而艱於衣食者。耳目所及。實繁其人。第以事關重大。費用良多。計必久長。倉猝難辦。故隱蓄相恤之念。以待樂助之人。甲辰冬。二三同志。偶舉彭氏會例。以告有力僉稱曰。善爰倣其例。畧爲增損而舉行之。所望諸大善士。豐於財者輸財。豐於力者輸力。互相贊助。以底厥成。毋始勤而終怠。毋捨實而務名。豈惟諸孀至誠銜感。沒齒不忘。抑伊祖宗九原之下。實相冥佑。福報之隆。寧有既耶。敬簡堂謹序。

寡婦之苦。比常人加十倍百倍。故無論城鄉。皆各宜倡興。或通族議捐。或合鄉集公款。莫大陰功有力者。切勿錯過。

京倣行彭氏恤嫠會例

一 彭氏舊例。先集同志。按月分募。但蘇州地廣。有餘者衆。吾郡力量可與是會者。屈指可盡。分簿各出。勢必彼此相同。而逐月募捐。益滋繁厭。今特改定。以每年出銀十二兩爲一會。由一會以至十會。諸公量力自書。書定後。卽將芳名勒石。以垂不朽。並爲疏告于邑廟神前。用昭善舉。

一 立法寧嚴毋濫。凡孀居毫無倚靠者。望親友代爲開明。姓氏人口住居。守節年分。故夫藝業。報會登簿。在會諸公。各就所近。加查訪。果係毫無倚靠者。卽按月支送。否則除名不收。聽情者照數賠補。

一是會大約以孀婦四百分爲率。其清門士族三十歲守節者一百分。四十歲以內守節者一百分。四十歲以外夫故者一百分。其寒微之家實能勵志冰霜者另立副冊一百分。續有舉報俟缺出再補。其補缺以舉報先後爲序。其額數可以隨時酌定

一孀婦三十歲以內守節者每位按月贈錢三百五十文。四十歲以內守節者按月贈錢二百八十文。以上節婦每有一子女按月加贈錢一百文。四十歲以外夫故者按月贈錢二百文。子女概不給贈。

一閨女未適夫家。聞夫故而往成婦禮者其貞節較諸孀婦更覺可敬。議定按月送銀一兩。若有承嗣之子按月贈錢二百文。一孀婦公姑年及衰邁又無他子養贍者推孀婦孝心按月加贈錢二百文。

一 孀婦如有疾病在牀。會中請醫代爲看治。給以藥餌。歿則代爲棺斂。以妥其靈。

一 少年守寡婦女。往往有貪利狂徒。多方誘脅。甚至逼醮搶寡者。此等惡俗。會中人公同稟官諭禁。如有犯者。立即稟官究辦。庶以保全貞節。懲儆刁風。

一 節婦或有孤子。年及七八歲。應入塾讀書者。酌助脩金。每季一千文。俾令從師課讀。

一 會內絲毫皆孀婦活命之源。務在矢公矢慎。或出或入。逐一記明。歲終刊印清單。分送助銀諸公。細覽庶幾弊竇不生。而諸孀盡沾實惠也。

一 在會董事者。必各有所司。斯責有專屬。今議定無論經理之人。分辨之人。倘有不合。俱聽諸友公議公換。

一局中所及止郡城近地其遠鄉隔縣查訪難周概不收入
一經始非難圖衆維難但願樂助諸君子日新月盛子子孫孫永
具厚力克成今日之志相與敬行於勿替是卽 神靈之默佑
也已

清節堂章程

蘇郡舊章

卷三之一

婦女之所重者節。青年矢志白首不渝。其鉄石之心。冰霜之操。洵足以維廉恥而植綱常。國家旌揚之典。所由重也。雖然。婦女而以節見苦矣。一朝守志。顧影瑩瑩。飲蘂茹荼。酸辛萬狀。又况呱呱血脉。襁褓無知。一綫宗祧。危如累卵。以孱焉一弱女子。而欲安其苦節。以撫此藐孤也。憂乎難哉。曲爲設法。俾可兩全。端有賴於宰官長者矣。述清節堂章程。

清節堂保節撫孤啟

蓋聞貞節者。宇宙所尊崇。孤寡者。聖賢所矜恤。自非性成婉婉。守志恒難。而况勢值此離保身不易。昔者金陵建堂。謂之清節。旣以全貞。又能保赤。立規盡善。成效堪師。原夫婦人之寡也。夫已云亡。未得從之於地。子猶未立。豈能仰之自天。苟失此呱呱。而夫焉無

後若任其慘慘則母也誰依視彼子處無倚者可哀更甚故有屈
身賫恨者欲拔靡從是水欲澄清揚之於泊舟之所玉原瑩潔汙
之於積淖之中則大失本衷遂違初志在天地不能平生人之憾
然濟施足以拯疾首之窮茲則衆善復建清節堂於蘇城也推已
及人因倭思幼仿規制於金陵名同地異擴懷題於虎阜事簡功
宏土木興章程務妥善規條備董正擇賢能母子兼收庶遂生全
之樂冠婚咸理可希成立之期第以厦屋非一木能營善果藉衆
擎乃舉狐裘之白必將集腋而成泰岱之高亦賴聚壤而大所以
不能不厚望於樂善好施之仁人君子相與有成焉不致行百里
者半五十必如爲九仞者加一簣將見寡者得以完名全節孤者
得以果腹成材生旣身安死爲目瞑用敢畧陳梗概伏祈隨力捐
輸所有規條另刊附覽此啟

憲示

江蘇藩憲給示。照得惇獨之哀。矢音於小雅。艱阨之賑。奏賦於鄉師。先王存不忍人之心。仁者裕汎愛衆之道。是以居養有院。安濟名方。凡所以心各效慈。德同歸厚者。以今方古。豈有讓焉。蘇城地據要衝。人稱繁衍。江海通於一輦。烟火接乎萬家。覘水土之華。幾同都會。徵物產之美。望若瑯嬛。固比戶之可風。宜百姓之咸給。然而生聚愈衆。貧富攸分。霄壤既殊。茵溷斯異。雖顛連之萬變。可拯救於百方。類有等差。序分緩急。所傷者。離鸞已唱。別鵠單唫。人悼未亡。既伶仃以獨活。心憐餘息。且孤弱以難生。首比飛蓬。身同集蓼。芳草因之見萎。貞柯於是遭摧。阨窮之路。尙忍言哉。茲據郡城紳士呈稱。上年有戴紹堂。捐田十四畝。畧在虎邱之南。情願建造清節堂。以安孤寡。公舉董事。實心經理。蒙縣通詳立案。今春二月

開工公議規條書捐勸募。惟恐有從中謀利。阻撓善舉。或有覬覦董事。視捐資爲利藪。或因事糾纏。以公產作私囊。或捏稱嫠婦。強欲入堂。或藉係公堂演劇宴會。或地棍滋擾。書役把持。籲請示禁。前來查該紳士等。好義爭先。承流恐後。福堂同建。美報必收。拔哀嫠於火宅。盡得清涼。置熒女於化城。咸生歡喜。第功類合尖。事同集腋。恐無知之徒。或蹈前轍。合行出示曉諭。爲此仰該處居民。地保以及董事人等。知悉。務須共敦實行。各效盡誠。發大生廣。生之願。通欲立欲達之心。敬恭桑梓。永護松筠。庶幾成廣廈之萬間。胥超苦海。造浮屠之七級。齊化慈雲。倘敢謀利滋擾。定即從嚴究治。

本堂規條

一清節堂創自江寧。收養無依嫠婦。守節完貞。甚盛事也。本堂新立章程。不無少加增損。而保節全操之意。則同。故仍顏其堂曰。

清節

一本堂雖專爲保全貧孀母子而設。如有未嫁夫亡。不願改適。往夫家守節之貞女。亦苦貧乏無依者。報知本堂。一體查明收養。一本堂設立蘇州府元和縣虎阜山之南。九都八圖地名菱行河頭。收養之嫠婦。在堂居住。除堂內稽查嚴肅外。一應外人。不得無故擅入。

一本堂收養嫠婦。防範不得不嚴。中門以內。三尺之童。概不許入。其所帶幼童。及本堂服役人等。出入均由司事稽查。毋得任意啟閉。

一總門牆上開設轉桶。外設雲版。內設木梆。以便敲擊相聞。傳遞物件。

一總門內設飯堂一進。凡各孀婦。一餐飯食。按時鳴梆齊赴一處。

同食

一本堂設立董事一位。司事四位。常川照應。不得在堂宴會。日需食物。公同議買。當卽註簿。逐日核算結總。凡公事出入。公同知會。不得私自專主。

一本堂董事。永不准支取辛俸。

一本堂於中門之外。二門之旁。立司事公所。稽查出入。并收放柴米及一切物件。

一本堂司事四位。俱延五十以外老成持重者。共襄善舉。倘有不合。應聽董事辭去。另爲秉公選補。不得濫憑親友薦引。瞻徇收用。

一本堂銀錢。皆孀婦養命之資。此外卽遇要用。另行設措。不得挪移分毫。違者議罰。

一本堂大門僱用老僕二名每月工錢三百文另賞錢二百文按月支給如堂內孀婦置買女工需用布線針黹等物傳柳告知司事方准代買倘將不應代買之物私相授受察出斥逐

一本堂中門內選老誠老婦二名稽查一切出入設秤一樣兩杆一交老婦一交司事堂內孀婦食物司事按照額數秤交老婦過秤設有短少卽退交司事補足

一孀婦或年老或有病須人漿洗衣服刷倒淨桶本係雇工老婦分應當值設有不合當時告知司事聽候公論不可擅自面斥致啟豐端

一僱工老婦或有已事回家只許按季輪流告假如有攜帶衣囊箱籠出堂者必呈司事查驗方准放行

一僱工服役每月工錢三百文另賞錢二百文按月發給不准透

支違者經手賠補

一 中門外厨火買辦等人董事酌用。餘外不准私自添僱致多糜費。

一 本堂中門轉桶內另選老誠僱工老婦三名服役司事隨時查察。務令勤謹用人不當咎有攸歸。

一 婦婦粥飯革素大小菜蔬務令當值人烹庖潔淨。

一 粥飯菜蔬計口授食。日有定額。不得絲毫作踐。

一 僱工服役人衆不得向婦婦私索銀錢以及偷懶作踐。犯者立逐。

入堂規條

一 婦婦情願入堂守節。到堂報明。經董事確查實在衣食不周而無親族可靠者。取具親族及該氏地鄰保結註冊入堂。年終稟

縣備案

一婦婦入堂後。其家男親男族。無論長幼。均不准入堂相會。惟本婦之姑及親生父母。酌於三節之期。至本堂公所一會。倘翁姑暨父母身故時。准回家視殮。成禮卽回。不得借事留連。

一婦婦情願入堂守節者。言明不許無故出堂。適有不耐羈苦之人。不安本分。勢必難以勉強。轉滋事端。司事一經察出。卽告知原保親族。具領出堂。不許復入。所給被帳衣服等件。照數追還。一青年夫故無依。遺腹未生。若遽許入堂。恐生產污穢。大非所宜。取其親族地鄰保結存查。卽照在堂之嫠婦例。先行授以衣服。按月給發口糧。候分娩彌月之後。方令入堂。婉身之際。原保人報明男女。另給黃米一斗。乾菜二觔。制錢三百文。襦襖一副。以示體恤。

一貧婦夫故欲入堂者查明百日以內先給衣服口食滿百日後方准入堂。

一青年孀婦或有父母翁姑在堂無人侍奉不能隻身入堂者一經採訪的實卽照入堂孀婦之例先給衣食之資候其父母翁姑身故後本堂收養。

一名門舊族之後不幸孀居實無親族可靠衣食日見不周者雖不肯入堂亦照入堂之例斟酌多寡按季托其親人轉給以曲全其苦節之心。

一孀婦如有年幼子女者均准攜帶入堂撫育其子十二歲之內隨母歇宿辰出入學申入依母至十三歲隨師歇宿不得仍住內堂。

一孀婦之子讀書學藝有成或其壻家有力迎養者俱准出堂以

全孝養

一孀婦之女。隨母在堂。年已及笄。親族擇配。均聽伊母主持。外人不得專擅。本堂給奩資元銀十兩。

一孀婦入堂守節。先將夫家墳墓地址。開交司事註冊。有子相隨者。每年春秋二祭。本堂給費用錢一百文。串錠一千。令人領同本婦之子。前往祭掃。

一孀婦入堂。茶水飯食。俱有規則。倘其家親族有饋送飲食者。必先交司事驗明掛號。再由轉桶送交。未經查驗者。司門老僕不准傳送。違者斥換。

一孀婦矢志保節。羣居在堂。俱宜各安本分。彼此和協。其完貞操。毋得恃性。搆隙致生是非。違者各罰月給零用錢一月。

一孀婦病故。所遺子女在堂。諸婦中有情願收領撫育者。每名每

月給錢三百文。倘撫育不能盡心。定卽更換。毋許爭執。

一 孀婦以及隨帶子女有病。本堂延醫調治。藥餌炭資均係本堂給發。

一 本堂醫生船轎金酌給外。每月酬儀元銀二兩三節節敬。每節送元銀一兩。

一 孀婦之子女在堂。或因天花致病癰瘰。以及瞽目暗疾。子不能學藝。女不能出嫁者。其女留堂。照守貞例。養活其子。分入外堂。另屋安置。

一 孀婦在堂身故。本堂給以三聯杉木材一具外。吊裏封口錢二百文。又殮費錢二百文。扛材錢四百二十文。打壙做墳錢四百二十文。紙十塊。錠五千。

一 孀婦身故。伊家親族有願領柩與其夫合葬者。本堂給發埋土。

之費。如無族領柩者。卽塋于本堂孀婦墳地。所帶之子女病故。亦照此例。另地理塋。

一孀婦有目能針黹者。其所得工錢。均歸本婦收用。至所做針黹物件。先由司事掛號。方准送至轉桶。轉交內堂店鋪收取。時仍由司事銷號。以免歧悞。

一本堂置得孀婦墳地。周圍環砌牆垣。樹以松柏。墓門建貞節牌坊一座。傍造饗祠。每故婦設立木主一具。墓前石碣一具。鐫明某某妻某氏之墓。其墳計徑八尺。高六尺。金井深五尺。每塚三年加土一次。春秋二季在祠祭祀。其地祇葬孀婦。其子女身故。不得混入。

一貞女及接婦。在堂守志。年歲合例者。俱本堂代請旌表堂外。如有烈女節婦。無力呈明建坊者。親族鄰友。告知本堂。查明確。

實一幷代請

一投堂節婦倘有翁姑及本生父母暨故夫三代暴露未葬者本堂擇地代葬俾安節婦之心有地無力酌助葬資

撫嬰館規

一本堂門外設立學堂延請名師訓教孀婦之子讀書明理每歲束脩足錢二十四千按月致送開館贄敬一兩三節節敬每節錢一千文塾師家有正事送分四錢定於每歲正月十六開館十二月二十日放館

一塾師所需紅硃筆墨及剃頭零用月給錢一百文

一諸童七歲入學認字寫字讀書八歲習禮讀書務令成誦字蹟務令端楷量材教課少長書熟不時抽背并每日默寫一二篇以免曠悞

一諸童每名給硯瓦一方簡板一塊書布一方水注一個每十日筆一枝每季墨一錠每日紙二方一月共訂一本

一諸童所讀書籍次第更換司事隨時買給勿致缺悞

一孀婦之子能讀書者使習舉業將來應考卽由本堂申送所有考費籌款撥給其資質頑鈍不能讀書者於十四歲後本堂量材分送各鋪學習生業視生業之大小酌付費用所有衣服行李聽其隨身攜帶出堂此後與本堂無涉

一塾師每日飲食肴饌與司事同

一清節堂於嘉慶二十四年四月二十日由府詳司轉詳院憲咨部於是年十月十五日奉到部覆准如所咨立案

孀婦食單

一食米務碾上熟無稗稻米

一米貯內門以外。每日晨初啟鑰。經董事或司事親身開倉放米。當卽眼同淘淨入堂計口授食。每日升斗注簿。一月總結。如有短少。經手賠償。

一嫠婦每日一粥兩飯。每人開銷米七合。菜蔬錢十二文。幼子女折半。

一每逢初二十六日食肉。逢五逢十食魚。大人每名肉四兩。幼子女每名肉二兩。每遇葷期輪派在堂僱工老婦二人值廚。按名分齊逐碗蓋覆。一則免冷。

價折錢。

一婦婦端節每名派肉半斤。粽子四個。鹽蛋二個。不食者照價折錢。幼子女減半。中秋每名肉半斤。月餅二個。幼子女減半。年節每名肉一斤。魚一尾。幼子女減半。不食者俱照價折錢。

一菜蔬每十斤。用菜油四兩。照數加減。逐日結總。收支數目不符。經手是問。

一孀婦每月給零用錢一百文。幼子女給錢五十文。爲剃頭鞋布零星之費。

一孀婦及幼子女。每年冬至日起。正月終止。日給炭基一枚。

孀婦衣制

一孀婦入堂。無衣被蚊帳者。給被褥一副。單布裙一條。枕頭一個。蚊帳一頂。冬給棉襖一件。棉褲一條。單布裙一條。春秋時給單衫褲一身。夏日給夏衫褲一身。幼子女亦同。

一孀婦被面水墨色布四幅。被裡白布。內裝新棉花五斤。褥用兩面藍青布。內裝新棉花四斤。藍青單被一條。三年一換。

一孀婦棉襖。用水墨布裡。用白布內裝新棉花斤半。二年一換。棉

褲一條面用藍布裡用青布

一孀婦大衫一件用月白衣裙一條藍布二年一換

一孀婦小衫一件用白布褲兩條用藍布一年一換

一孀婦夏大衫一件裙一條俱用藍夏布二年一換

一孀婦夏小衫一件褲二條俱用老扣夏布一年一換

一孀婦帳用中夏布二十二幅頂用白布三幅十年一換

以上各孀婦四時衣服按入堂先後扣足年月發給更換如有搗用低布舊絮卽退交司事仍照在堂各婦所給衣被花色一體換給動缺之件經手賠補

一各孀婦換給棉襖被褥之日卽將舊者交出收回小衣小衫不問

一孀婦入堂每名給棕墊床一張夏蘇蓆一床涼枕一個冬袂襖

一床。有子女者滿床。一年一換。無子女者堪餬口。若欲換房內
置備半桌一張。板櫈二條。瓦燈檯一個。面盆。腳桶。淨桶各一具。
一幼童每年各與單襪一雙。棉襪一雙。十歲以下毡帽一頂。十歲
以上紅幘帽一頂。四季衣服隨時給發。
一幼童年至十二歲。卽在外堂歇宿。給被褥一副。帳一頂。夏給蓆
一條。冬給秋襦一條。

司事辛俸經管簿冊

一本堂司事四位。每位每月辛資錢三千文。遇閏照支。按月同發。
不得透預。每逢年節另送錢一千六百文。家有正事送分一千
一司公設收銀錢大帳簿一本。支銀錢大帳簿一本。
一設柴米油鹽茶菜收支簿各一本。
一設孀婦幼子女在堂添補衣裳清冊一部。

一設各孀婦入堂年月日期年貌門氏有無子女並故夫及保舉人姓名清冊一本有病故或滋事出堂者卽在各名下註銷。
一設孀婦病故埋葬各年月日期山向清冊一本。
一司事在堂每日飯菜二桌每桌定價一百四十文。

吳復初捐助清節堂孤兒習業成家貼費規條

元和縣諭據善士吳復初同室俞氏稟稱清節堂收養有志無依節婦并其子女孀婦邁母孤兒七歲入學讀書至十三歲不能舉業者由堂送店學習生理誠大善事也。惟孤兒送店習業蘇郡風俗若無押櫃貼膳只能習下等工藝他日有成僅自餬其口至娶妻成家難若登天。是以初夫婦每念及此不禁代爲酸鼻故甘載來四方托鉢艱苦備嘗血汗針黹共積有足錢一千千文不敢私爲已有交存殷實店中按月一分生息年年可得一百二十千文。

以供孤兒習業成家迎養之助。合將酌議規條同存店票摺呈求
衡定詳明刊載堂規以垂久遠。其存店票摺並乞驗印。飭董遵照
等情到縣。據此查吳復初夫婦念及清節堂節婦撫孤不易成立
爲難情願捐錢存店生息以爲孤兒習業成家迎養之助。樂善好
施殊堪嘉尙。惟所擬規條是否允協。合飭查議。諭仰該司董陳道
脩即便遵照粘開各條會同吳復初逐一查議如何妥善永久以
憑核詳飭遵。

一孤兒十三歲出堂習業。給店中貼膳錢十千文。押櫃錢五十千
即交本店按月一分起息。不准支用。其利按年遞加。俟其習成
迎養娶妻時。方准同董到店本利支取。如店有事故。即由董將
本利歸取。另存他處生息。

一孤兒十三歲能習舉業者。即於十三歲起。由董將錢六十千文。

交殷實店中按月一分生息其利按年遞加俟娶妻完聚時方准同董到店支取

一孤兒習業倘學不成而另換者一年以內店中交還錢六十千另存一年以外不成者准店扣飯錢十千文交還本利五十千文二三年內如再不成該店扣去飯錢十千文收回本利四十千另作正用不准再給孤兒習業之後本與堂內無涉既甘下流聽其自便以爲不向上者戒如壽命不測亦照此辦理

一孤兒學業未成時寡母已故則此錢留爲孤兒娶妻成家時方准同董到店本利支用

一孤兒學業有成後或好賭博開蕩無志娶妻迎養或轉希此項錢文以迎養爲名而無迎養之實則寡母出堂反受饑寒之苦故定例必以娶妻迎養此錢方准支用否則由堂提回以爲不

報親恩者戒

一 每年利金所入不過兩人習業。此項錢文堂中不准分叉支作別用開銷。

一 現在堂中孤兒早已習業者。自應除去貼膳錢十千文。給付五十千文。挨次成婚。取用其現年學習者。先付店中飯錢十千。挨先付完竣。再付押櫃。以免偏枯而歸劃一。

按本堂規則。內董事永不准支辛俸一條。此就眼前而論。日後恐難爲繼。蓋殷實之人。肯作董事者甚少。倘有寒士好善品行端方。辦事誠實。而以館夥餬口者。焉能舍彼就此。惟議俸則可以聘請。而董理亦可專心。又名門舊族。照在堂例給付一款。大率守節者。名門舊族居多。自然不願入堂。但在家守節。與在堂一例付給。似與設堂之本意不合。且門族之介

於兩可者亦難分別。反致紛紛藉口。鄙意莫若另設恤嫠一局。果係士族單寒。酌量資助。仍歸本堂辦理。則庶爲妥善。查清節堂之建。有陳道脩者募佐也。首捐萬金。爲倡紳士翕然從之。而堂以成。噫。以一募佐。而能成此舉。洵乎有志者事竟成。不以人地限也。彼身都富貴者。尙不知聞風感奮乎。吳復初以銖積寸累之財。不敢自私。捐錢一千千。爲孤兒習業成家之費。何等心腸。何等度量。世之高貴坐擁緊握雙拳者。孰智孰愚。必有能辨之者矣。

儒寡會章程

卷三之四

寡婦苦儒者之寡婦尤苦。生長清門。禮義自守。羞顏難出。仰面終慙。卽自顧一身。已不勝茹蘗含冰之慘。況堂上白頭。膝前黃口。又有環而待命者耶。述儒寡會章程。

常昭儒寡會規條

江南蘇州府

常熟縣

正堂

黃方

爲公捐恤寡。出示曉諭事。據游文書

院肄業生童殷振雲等稟稱。切生等誼關同類。志切相周。惟念貧無錐立。庠士居多。利解秉遺。儒寡尤甚。以故蘇郡設立安仁分局。創儒寡善會。凡庠生赤貧身故。孀母寡妻。一無倚賴者。月給養贍錢文。其經費由紫陽正誼兩書院中捐扣膏火銀兩撥支公用。荷蒙

藩府憲批獎。札飭施行在案。郡垣有例。下邑宜循。況與善隣尤深。

民望常昭兩邑設局賓興既助鄉會之費書院考課復添膏火之銀善舉遞增寒士攸賴矣第思生無恒產猶有館穀可支歿有遺發并無硯田可恃或且侍高堂之榆景無以代盡為私撫繞膝之蘭芽無以克均鳩飼縱勤恤緯難免啼飢生等目擊情形不忍坐視謹仿照儒寡善會卽循紫正之例各捐膏火銀錢以立根基在士子分餘資於文圃每課之所捐無多在窮蹙獲滯穗於筆耕每月之所全不少業經會同衆議謹擬規條呈乞請照紫陽正誼兩書院成例批示立案并札飭書院司董扣留存局所扣膏火銀兩不敷接濟生等除先自書捐一面另立捐簿廣爲募捐庶幾積銖累寸常此舉行等情粘呈規條到縣據此查該生等因念庠生身故每有赤貧母孀妻寡一無倚賴茲擬仿照郡垣儒寡善會扣捐膏火銀錢以爲資助之費并恐捐扣無多不敷接濟先自書捐復

廣勸募。以冀久行。似此誼卹同儕。惠及孀寡。洵稱善舉。殊足深嘉。所議規條。亦甚妥協。除會詳糧道憲立案。並札飭游文書院紳董。遵辦外。合行出示曉諭。爲此示仰兩邑游文書院肄業生童人等。知悉。務各遵照捐扣。并各踴躍書捐。多多益善。庶幾經費充裕。再增儒寡衣被。遺孤修脯。及身故殮費。以全善舉。而垂久遠。各宜凜遵。毋違特示。

咸豐二年七月二十八日示

常昭兩邑詳定儒寡會規條

一紫陽正誼人數衆多。膏火係用銀欸。游文書院人數少。且用錢欸。因議稍有變通。擬每期已進內外課膏火花紅錢每一千文。捐錢一百五十文。未進內外課膏火花紅錢。每錢一千文。捐錢一百文。

一撥捐膏火花紅銀兩。仍存書院司董處。俟每月望日。司事前赴賓興局支領登簿。後按戶由司事致送。其舉報儒寡亦由司事開報。

一凡在庠諸生已故者。其妻寔係親族無依。伊子未經成立。憑學冊查明人學年分。及身故年分。確寔者。每戶每月致送錢四百文。其績學儒童之妻。寔係寡苦極貧者。俟捐有餘資。再議籌送。致送錢文。現因經費不敷。先行酌定三十額為率。餘俟廣為續捐。再議籌辦。

一舉報儒寡。須有保人。開具本儒姓名。入學年分。身故年月。并儒寡氏族年歲。住居何所。及子女年歲若干。并保人名姓。以便司事親往查核。斷不可徇情濫報。恐經費不敷公用。

一賓興局詳定章程。自二月起至十一月止。此會邀請公正司事

十二人。每月挨司其事。其正月十二月。各司事彙集賓興局酌
款。按戶致送。
一安仁分局有儒寡衣被遺孤修脯及儒寡身故殮費均俟經費
贏餘酌增。

行
金

三
卷
三

三

恤頤堂章程

卽老人堂本金陵舊章

卷三之五

嘗攷之禮有虞氏養國老於上庠養庶老於下庠養老之典。古昔聖王尤爲隆重。又况番番黃髮。煢獨無依。淹蹇頽唐。命懸風燭。於此而不有以安之。非所以與民阻孝也。述恤頤堂章程。

江寧恤頤堂記

在昔哽噎之視。見之曲臺。煢獨之哀。陳於小雅。王者以養老爲本。聖人以安老爲懷。其卽我佛慈悲之念乎。則有江寧正覺寺鏡公者。真實學道。普濟存心。於嘉慶十年。募建清節堂。賑恤縻延。保嬰赤菩提樹大。功德水深。宏願彌堅。宗蔭益廣。因念佛法大意。衆善兼行。無告窮民。殯齡尤甚。積瘁之筋力。役以長貧。易耗之形神。攫之沉痾。髮種種而已短。言藹藹而先哀。風燭之危。旣迫於一瞬。養殮之慮。復困於終朝。接目構心。誰能忍此。於是捨鮑侃之宅。更

闢廣場。輸光學之錢。大施法食。徧告十方之衆。其襄七級之修。於十六年。復建斯堂。益隆義創。規條綦善。耄耄斯安。養有取乎。獻鳩報非責之結草。遂使算高絳縣。同資續命之田。年小如來。咸與無遮之會。布裘絮被。煖費三冬。上藥中醫。危拯六疾。即使幽景難淹。鬼中竟執。而桐棺掩骼。無嗟蔓草之縈。蒿里歛魂。永安佳城之閉。麥飯常澆。九幽勿餒。楊枝一灑。枯骨皆春。厥制詳矣。厥功鉅矣。夫轄厄之賑。特重於鄉師。糗膳之典。有崇於王制。今茲善舉。廣自緇流。固宣彼法之仁。罔悖儒宗之訓。用製斯文。式嘉厥志。將使城號化人。布福緣於一鉢。聞名行義。現壽相於千秋。爾南坡曾燠。譔。

恤頤堂規條

一本堂收養無靠老人。年七十以上者。赴堂報名。經董事查明。素無犯案。由鄰甲投。府縣出結。入堂。未七十者。不得強入。董事。

亦不得濫收。

一老人年雖七十而有子孫奉養者。不准收入。

一本堂量經費收養。今已收百六十人。未得入者。司事仍註冊俟有缺出。循序挨補。毋得爭越。掣納。

一入堂後。設有性格乖張。飲食起居。未能遂意。情願自去。省堂中所給衣履被物。一概追還。本堂逐出者。棉襖一件。破一床。准其帶去。以全憐老之至意。餘物追回。

一入堂後。不得隨時擅行出入。如有要事。由司事處告假註冊。回時銷假。月不過一二次。出以辰後。入以申先。否則不特黑行。不便。抑且司事難查。如司事狗隱。一併立辭。

一入堂後。設染疾病。醫藥費。本堂加意備辦調護。倘成殘疾。仍留養本堂。一切衣物與衆共給。

一每月朔望前一日放假聽其休息探望親戚設老人有在外滋擾者當卽逐出不許再入

一老人四名共房一間每年給箕帚一付四人輪行灑掃不得互相推諉以致汙穢

一老人入堂每名給床一張。無帳者給帳一頂七年一換。給蓆一

條一年一換。冬天給草蓆一條。給被一床新棉花五斤三年收舊換新

。夏布大褂一件三年收舊換新。每年給水紗布小褂一件石門布

小褂一件。每年給水紗布褲一條石門布褲一條。單布襪

一雙二年一換。每年青布鞋二雙。雨縷涼帽一頂四年一換。蕉扇

一柄。石門棉布大褂一件三年收舊換新。藍布大棉襖一件新棉

花一斤半三年收舊換新。藍布套袍一件三年收舊換新棉襪一雙二年一換。

紅緯大帽一頂三年一換。瓜皮帽一個二年一換。衣領一條

一本堂所給衣被等物。如有私行典賣及借與人典押者。司事察出。卽指名斥逐。司事徇隱者。一併立辭。

一老人衣裳。難以洗濯。每月按名給零用錢一百文。以爲漿洗薙髮粗紙之費。

一冬至日起九盡日止。每日給炭鑿一個。以免足冷。

一本堂每日三餐。一粥兩飯。粥用小菜。飯用熟蔬。永以爲例。

一本堂設立齋堂一所。百叟公同吃飯。如有私造飲食。或燒小鍋小銚。及歸房私吃者。立卽斥逐。不但豐儉不公。抑且恐防火燭。司事須每日檢查。並責令在堂老人。公同舉報。

一本堂粒米同餐。董事司事粥飯蔬菜。皆與老人一體。不得另起鍋竈自行私食。

一本堂懸本柳一架。飯菜熟時。厨夫將碗箸擺齊。監督鳴柳。俟老

人齊集坐定然後擺菜。各口盛飯食畢各散其收洗碗箸抹卓等事。司事責令厨役。率以爲常。

一 每日一粥兩飯。用上熟好米。董事司事互相監察。

一 每頓蔬菜十斤。用油三兩。油之多寡。諒菜增減。每頓司事放油。與監督同看。油已入菜方回。庶厨役無偷漏。違者均咎。

一 飯時熟菜。每人各一碗。令厨役冬則蓋之以碗。碟司事仍不時巡看。老人庶不冷食。

一 粥時小菜。每人一碟。務要潔淨。不可腐臭。由司事處按時支放。

一 在堂俱係高年。齒牙不利者多。凡小菜蔬菜。俱以熟爛爲要。

一 端陽節。每人給粽子四個。錢三十文。

一 中秋節。每人給月餅一個。錢三十文。

一 年節。每人給素菜一碗。年糕二條。押歲錢六十文。

一恭遇

萬壽聖誕每人麪一碗。

一上元佳節每人給元宵十枚。

一凡有願輸蔬菜菓品食物者由司事分給在堂老人均惠不在常例。

一本堂老人衣食零星俱經酌定不豐不儉已可各適天年如有藉說孤苦求人私助告募者司事查明卽指名斥逐不得徇隱致亂堂規。

一入堂壽終如有壽材者聽其自用無者給棺一具裝殮褥一條枕一個封口油灰一斤紙錢一塊銀錠一千零用錢二百擡錢三百打坑作堆錢三百有墳歸者聽歸如無墳地者卽埋于本堂南門外丁字牆義塚立石以誌其名每年春秋本堂致祭。

一本堂義塚五年一修以免坍塌骸骨暴露

一本堂設立素軸一掛凡老人故于堂者書名于軸使歲時受祀
辦香人沒名存先後入者同沾義意

一每年清明及十月十日施食一壇以追薦亡故老民

一本堂代衆設立耆老公祖堂一所清明歲時聽各老人瞻拜祖
先以慰孝思

一本堂老人定於黎明即起黃昏即眠止于公堂設燈一盞不得
私行點燈大房以免火燭令司事不時查察

一四人共房一間給面盆一個澡盆一個提桶一個腳盆一個四
人公用如不願公用聽其自置

一本堂煤竈一所永久設立以便茶水

一老人洗面各人攜盆赴煤竈取水夏日攜桶取水洗浴亦然

一公堂設立茶具。司茶者將茶安放公堂。毋棄毋竭。聽老人自行斟吃。

卷一

金

刀

卷三

3

冬月收養遺孩條程

錫金成案

卷四之二

周禮大司徒以保息六養萬民。一曰慈幼。大學傳曰：上卹孤而民不倍。蓋以髫髻之年，頓失怙恃，熒熒孤露，俵何之？況值隆冬，飢寒交迫，風霜雨雪，最易摧殘，不有以撫之，恐弱質孱軀，轉眼卽填溝壑，可憫孰甚焉。述冬月收養遺孩規約。

江蘇藩憲裕 通飭札

爲通飭勸捐。設局冬月收養遺孩。以養天和而全人類事。照得天地以好生爲心。王政以賑窮爲首。鰥寡孤獨，皆天下之窮民，而孤兒尤甚。春夏秋冬，皆孤兒之苦境，而冬月尤難。故十歲以下，六七歲以上之幼孩，飢不能自爲食，寒不能自爲衣，既失父母提攜，又鮮親族倚托。當夫風雪天寒之候，晝則呻吟道路，夜則露宿街衢，破體者襁褓不完，入口者水漿亦缺，不死于凍，卽死于餓，非特目

之所不忍見抑亦耳之所不忍聞言念及此實堪憫惻。省城及外
州縣設有養濟院育嬰堂等處於養老恤幼之舉已屬周備獨此
遺孤既非育嬰堂之所能收亦非養濟院之所可托各守令爲親
民之官諒無不以民瘼爲念而此蚩蚩之氓熒熒在疚徒使飢寒
交迫日啼號於爲民父母之前誰非人子誰無父母惻隱有心能
不爲之動念耶。本司前守武昌曾於省城設立恤孤局收養無依
童稚給與口糧衣履之外計其教習技藝之方每歲籌撥銀三千
兩永以爲例議立章程通飭各州縣一一照辦全活良多茲採訪
得錫金兩邑紳士所刊冬月收養遺孩錄披閱之下嘉其佈置得
宜規畫盡善大集腋成裘其事甚易存孤養幼其德靡涯人同此
心心同此理凡斯善舉各宜倣照而行除飭蘇州府長元吳三縣
先行查議詳辦外合將本司前辦章程各稿彙刷一冊同該紳士

等徵信錄。一併札發。札到該府卽飭遵照。並飭將發來章程各項。悉心查核。分發各紳耆廣爲勸捐。選舉公正董事。設局收養。或捐銀生息。輪產收租。目前卽爲經久之計。或聚少成多。集小致鉅。逐年漸成。增廣之規。旣不拘於舊章。亦不限以定額。行一邑則一邑蒙庥。救一人則一人被澤。各從願力。妥議規條。事在必成。法期無弊。一俟捐有成數。卽行通詳察核。該府如能倡首捐廉。更見盡心撫字。該府爲各郡領袖。省城又爲他邑觀善之區。務須揀擇寬廠適中之地。先行建設。或於養濟院等處。查有空間。房屋暫時設立。俟捐項集齊。再行興辦。仍卽督同三首縣迅速妥議。詳奪保赤。卽以保民有教。必先有養。爲善最樂。積厚流光。本司有厚望焉。將遵辦緣由。先行報查。瞬屆嚴冬。慎弗泛視。刻延切切。此札。

收養幼孩廠規

一廠例止收養六七歲至十歲左右之孩。其十四歲以外自能謀食。俱不准收。或係廢疾。方准逾格暫容。但以十六歲爲止。

一近有一等貧戶。輒將四五歲之出屎嬰孩。送置廠首。自則躲於左近覘伺。收則棄置而回。不收則仍抱去等類。殊開覬覦之端。察出概不准收廠。

一凡上年曾經養過。今已長成一歲。須將舊冊查明核實年紀。如現年在十四歲以外者。概不准收。

一凡上年出廠。係有主收領。倘有仍流爲丐。又來投廠者。必須查明因何背主離異。如情有可原者。方准復收。倘有負義在逃。或犯拐盜不法等情。即使年紀合例。亦不准收留。

一凡例不應收之頑皮惡丐。來廠恃強硬捱者。卽令丐頭驅逐。毋得畏懼濫收。有壞廠規。

一凡合例幼孩既准收厰。卽問明姓名年紀住所。父名母氏。現存已故。有無眷屬。向依何處。如何度日。因何拋棄等情。據實註冊。備停養時。分別發放。

一既准入冊收養之孩。卽給棉衣棉褲。氈帽束帶蒲鞋。令其穿戴。先與白粥充饑。用木牌書其姓名。編號常繫腰間。以便認牌呼名。稽查管束。

一於東首號房裝摺兩排十間。前五間編仁義理智信。後五間編忠良孝友賢等號。着地厚墊。躉糠上覆蘆蓆。用麻布鞞面草蓆。儘房鋪滿。上蓋橫涇秧。每房臥孩十六名。標名鋪次。註明冊檔。各認原處。自臥不許更移地步。

一於西首號房裝摺另號一間。以備病孩移臥。勿令他孩傳染病氣。再裝摺臭號一間。或有遺尿幼孩。經同伴報明。卽行提歸是

號令與一類遺尿者共宿以便撒嚮晒晾。

一初收幼孩。必然久飢傷胃。如若驟使過飽。恐致內傷生病。先須每日調勻飼以白粥三餐。養其腸胃。五六日後量其脾胃平復。方可給以飲食。

一廠孩定例每日三餐。上下兩餐厚粥。中頓吃飯。小菜飯菜。酌乎其便。於普濟堂正廳。行列架板長檯。兩邊擱板爲櫈。諸孩對面參差坐齊。各派菜碗一分。每桌工人一名承值。盛給粥飯。問飽方止。待俱食畢。纔許起立散開。務使一例整齊。

一號房總門定例。辰初啟扃。放孩淨面。辰正朝餐。午正吃飯。申正晚餐。蒙影時齊歸號房安置。不准點燈。總以日出而起。日入而息爲則。

一廠孩定例。五日一洗浴。兩旬一剃頭。然須察看天時寒暖。寒則

暫緩暖則如期。

一投廠諸孩乞兒居其大半。野性難馴。未免互相吵鬧。於工人中選取威嚴剛氣一人專司內廠各門啟閉。兼任彈壓眾孩。止許在廠散行。不許出門惹事。倘有頑童以大欺小。以強凌弱。及不遵廠規。但敢肆行胡鬧等情。立即責治示懲。務使規模整肅。

一廠孩設有患病。經司事察知。隨時移臥另房。以杜纏染。仍聘高明內外兩科醫治。另撥工人一名專司湯藥飲食。及兼各號房晒曬等事。倘或病孩折殤。卽行取棺盛殮。插標埋葬。義塚註冊備查。

一凡給廠孩襖褲。仍用舊料所製。以其晝夜穿着。上與秧鵲交擦。下與麻磚相摩。未免間有破碎。須得常僱紉工爲之補綴。見有破碎。另以完整代換。如見襖棉單薄。卽爲加厚貼棉。務使一體。

溫暖

一 每年以十一月中旬開局收養。至明年二月中旬散放。每人給錢三百文。令其小本營生。或有願收養作義子。或供使令者。聽其自擇。例不給錢。

一局中請蒙師一位。教諸孩識字。隨讀續神童詩。并發蒙必讀。時與講說。其有姿性可造者。另與培植。逢五十則董事及蒙師相與談說。孝子悌弟因果報應等事。使各孩環坐靜聽。俾知爲人之道。

一局中諸孩不能讀書者。或教之紡紗。或教做草鞋。或教作紙錠。散放時。或使投師習手藝。隨其質地。俱可從事務。使謀生有路。不使人於匪類。則成全多矣。

一局辦於嚴冬時候。尤爲人命所關。極大善政。每縣一局。在鄉

者可囑報名入局保全者多以百計經裕申丞通飭之後各處
照辦如有未經立局之處尙祈仁人君子急圖之

金

卷四

ノリ

三

冬月恤丐條約

卷四之二

入至流而爲丐苦矣。而冬月之丐爲尤苦。霜天雪夜。僵仆凍斃。於茅簷牆腳之下者。皆丐者也。彼惟不能爲盜而爲丐。日乞數十文。以苟延殘喘。一旦遇冰雪交加。欲乞熱湯一盃而不可得。寒餓不支。祇拚一死。可憫孰甚焉。救人一命。勝造七級浮屠。人欲發願救命。則莫多於寒冬乞丐。擬冬月恤丐條約。

冬月恤丐說

人生不幸而爲丐。丐亦人也。同此身世。同此耳目手足。均屬上天所賦畀。我與丐無軒輊也。知覺運動。我非有餘。丐非不足也。乃世人則往往以其丐也而輕之。賤之。呼叱而怒罵之。嗚呼。丐之情狀。固屬可憎。然亦人也。人則吾同類也。善乎西銘之言曰。疲癯殘疾之人。皆吾兄弟之顛連無告者也。彼特無人焉。爲之提挈爲之荐

非故不免終於爲丐耳。我生亦幸而叨天地祖宗之庇，不至窮而爲丐耳。設一旦時衰勢敗，無人提挈，無人荐引，竟至流而爲丐，其情狀之可憎，安知不更有甚於此輩者耶？昔嘉善陳幾亭先生有丐房丐粥議於丐者，尤惓惓致意焉。倘得各鄉有心人，於冬月公議就各社廟間設立章程，以拯羣丐，俾度殘冬，免填溝壑，造福無量。

道光二十一年，予鄉大水，十月間曾偕友集捐，設丐廠於本鎮社廟之旁，便諸丐者住宿，中鋪稻草，日給粥二食。來者日衆，破衣敗絮，蜚虱成堆，臭穢薰蒸，互相傳染，以致病者日多，死者日甚。甚至冰雪之夜，則死者多於平日十倍。醫治不及，爲之惻然。因再四計議，另爲改章，添設草廠，不使羣聚，更脩棉衣棉褲，令諸丐各剃髮洗澡，重換棉衣棉褲。其脫下衣褲，各令拆下洗滌，重

加補綴有瘡瘍疾病者。另住一廡。各廡均脩溺器。就近排列。其稻草鋪。每日一晒。每月一浴。浴則重換衣褲。每日吃粥。後各令走動。或令做工。或授以紡車紡紗。或令樵草。或令作土塹。或令作紙錠。各令搯作。稍給以錢。自此至明年三月。歷經冰雪。竟無一人死者。夫乃知救人必須救徹。若以人多費絀。而草草率責。虛應故事。將欲救之。反以害之。功未見而孽已隨之。噫。其可懼也。稍不經心。卽關人命。願以告天下之留心作善者。

一設庇寒所。丐者隨處乞食。無人肯留。往往露宿。或廁屋。或廊簷。風霜飽受。安得不病。病安得不死。爲之計者。急宜公設一庇寒所。或社廟。或祠宇。或空宅。代爲打掃。中鋪稻草。或每人給與草蓆一條。以便托宿。責成一人專司啓閉。禁夜間不許吃煙。點燈。以防火燭。如有以強欺弱。及霸佔地步。不容他人投宿者。立

卽查明逐出

一給棉衣 冬月無衣。斷難度活。故給衣一件。卽救一命。給衣千百件。卽救千百命。宜預爲製脩。查明實在身無絮衣者。給之。又恐其轉賣他人也。或用大圖記作印。不許衣店收買。查給時。尤須無濫無遺。方無抱憾。至製脩棉衣。新者固好。如有力不及。卽舊衣亦可。

一給粥食 能竟收養在局。日給粥二食。不許出外行乞。尤妙。否則遇風雨之朝。日給粥二食。嚴寒之夜。每二更時。用擔粥法。挑擔赴廠。各令坐列兩旁。以次查点。給與粥一碗。亦妙。或每日清晨給粥一碗。或半價賣粥。均無不可。

施炒米薑湯 蘇城閭門外渡僧橋境下橋亭內。每交十一月。初一日。有善友每日天明時。預脩炒米薑湯。凡有過往肩販貧

民則每人給與一碗稍煖腸胃。免受寒疾。亦極大方便也。
一施米湯 施粥經費過大。人皆畏難。不敢倡行。若米湯則所費甚小。寒冷之朝。得米湯一碗。便可使周身發煖。仁心仁術。允可法也。

一雪天送衣送粥 雨雪之時。貧戶無食。又畏寒。不能出門。束手待斃。最爲可憫。此時周濟。極是救人積德機會。宜多帶棉衣。分挑粥擔。查極貧之戶。實在飢寒。難度者。量給之。和風一到。寒谷春回。有心人。幸勿錯過。

一恤產婦嬰孩 貧戶寒天生產。無衣無食。最關性命。宜立約徧貼。凡地方有生育男女。懷孕足月。貧婦准報明某處。給與棉衣。棉褲。絮胎產後。給與白米一斗。錢二百文。則產婦嬰孩均可保全。一救雨命。功莫大焉。

一恤貧病 貧戶寒冬染病最易致死宜格外查明量給衣食俾可安心調攝起死回生陰功尤大

一給秧鵲背心 棉衣經費不敷恐諸丐者得之轉賣故等而下之卽秧鵲背心或蘆花背心亦可過冬不然卽稻草衣亦可草衣式附後

一施稻草 乞丐無被隨地托宿得稻草幾束便可不死故棉衣之外尤宜多買稻草按人給之或鋪或蓋均可用也

一施煨熱土塹 老人畏冷得煨熱土塹一塊用棉包好挾之以卽便徹夜溫暖所費甚小所惠甚大洵可辦也

附寒冬勸設幼丐草廠說與冬月收養孤兒參用

嘗於往年十月間初發風信疊見幼丐凍斃於路目擊心傷爲之惻惻因地方乞丐甚多未能徧行收恤但幼穉者非必盡皆

不肖徒以童年孤露，提携乏人，遂致伶仃孤苦，動多摧折，風霜莫避。卽有施與衣褲者，每多被強丐剝去，故其苦爲更甚。擬於各坊搭蓋蓬廠，令其棲宿，俾免露處，得全性命，培植孤寒，真無限量。

一、令各坊地方稽查人數，報明司事登簿，互相稽察，不使遺漏。亦不濫收。查確之後，給付腰牌，開明姓氏，准其赴廠住宿。

一、幼丐須視年在十六歲以下，方准收留。如年齒稍長，及強梁惡丐，不得混雜其中。偶過身故，經司事查明，地保收殮。

一、廠中須多鋪稻草，俾可卧宿，能借板架，起更妙。

一、每屆隆冬，收宿廠內，至開年春暖，俱各散出，不得稽留。

一、存留幼丐住宿之處，憑司事僱喚誠實之人，嚴加管束，察看火燭，禁止喧擾。倘有不遵，立加撲責。

一 幼丐沿途求乞不能預定坊次如遇天色昏暗風雪驟加或陡遇病痛不及奔歸坊次者准于隣坊央保告知司事驗明腰牌許其住宿

一 各坊分設厰屋約以二十人爲率宜四散分處多則結隊成羣恐滋事端且恐聚處多人穢惡之氣易生疾疢尤須將墊草每隔三日必翻動晒鋪方免致病

一 如遇冰天雪夜或雨雪風晨不能出外乞食者宜勸同人設法給與粥食早晚兩餐俾可度活更爲無量功德

救生局章程

卷四之三

人生急難之遭。至江湖風波之險。而極矣。呼吸之間。卽關性命。呼天莫應。搶地無靈。四顧茫茫。心膽俱裂。此時設有爲之垂手救援者。起死肉骨。何啻浮屠七級也。述救生局章程。

金陵救生局募啟

金陵救生局嘉慶八年。始建於江甯之龍江關。至十八年。同人徙故址。稍西。建樓臨江。舟之往來者。遠近上下。莫得隱遁。請於大府。董以鄉之士大夫。凡救一人生者。錢若干。死者三之一。雖非局中所救。無問其生死。送之局。受錢而去。其飲食衣履。及死者棺槨葬埋之費。皆局任之。故是局之設。未及三年。而全活不可勝計。諸君子既樂其事之益於人。而所及者。不可以不廣也。故上至烈山三山營。下及龍潭之三江口。內及城中之長樂渡。設局凡五。紅船四。

蓋利益廣則費日增費日增則輔翼而籌畫之者不可以不眾輔翼而籌畫之者誠眾矣則凡邊岸遼濶及磯流迅急之地皆推而行之可也使輔翼而籌畫之者亦未有豈惟不能推而行之而現今所行者亦未有以善其後矣夫人當風濤震驚檣帆傾側往往叫號神明求緩須臾當此之日有可以出洪波而登之平壤者雖捐萬鍾棄千金之產而不惜也世固有翱翔倫黨之中息偃堂奧之上終其身不經江湖見舟楫者則以爲天壤間無有是事然仁人君子之用心固不俟身歷危險而始知其事之危而情之迫也然則以一人之財力而有可以全數十百人之力豈非有志於利人者所宜盡心而不欲辭其責者哉於是臚其事之功效始終以告知者伏惟當世仁人君子施德於無量之地協力於垂成之功俾費用日敷規模日廣已建者不慮其毀而局之應設者可日

有所增其功利之及於物者豈有既哉

同人謹啟

計開

一江面遇有覆舟人口責成擺江艍戶搶救河道溺水人口責令涼篷船戶救護每救活一人赴局領犒勞錢一千文如值外江暴風加倍錢二千文撈尸一口給錢三百文凡救起不活與救援者無涉該船戶等務當臨時踴躍保全生命切勿觀望貽悞亦不得藉救生之名乘間搶匪失風貨物察出定卽照律治罪

一江河救護活人局中預備衣帽衾褥履襪等件以備更換該快甲卽便知照家屬領回其有住處較遠暫留在局將息以三日爲期倘貧苦無出量給路費回家

一江面遇有漂溺屍身該艍戶隨時撈起上岸局內司事鳴知該處坊甲驗明男女面貌約略年歲及身穿衣服鞋襪佩帶各件

逐一唱報局中登載瘞旅底簿卽用局材一具歛布二幅紙鏤一千石灰十斤殮埋局設義塚標記待認局給抬埋錢四百文築堆高三尺坑深三尺寬七尺務須如式倘有草率不堅三年內有坍塌者卽着原理土工賠修該馬頭土工務須有呼立應如臨喚譔延該地快甲隨時稟候提究倘尸身或有傷痕該坊甲卽赴縣報驗局中給棺收殮抬至官設義塚

一查有等慣於泗水之人串同快保艇戶人等假意落水救起希冀犒勞分肥一經查出除將得錢之人提案追罰嚴加懲治枷號遊示外定將包容扶混之胆玩快甲人等一併拿究

一上下江面各岸口擺江艇隻例應編立字號分別大中小艇額載人數以妨多裝攬溺以裝三百担爲大艇二百担爲中艇一百四五十担爲小艇查例載大艇每隻裝二十五人中艇二十

人小舡十五人。每貨一担。抵人一名。每牛駝一匹。抵一人。豬羊大者抵一人。中者二抵。一小者三抵。一業經委員於舡兩旁載明第幾號。大中小舡。舡戶某人。該裝人數若干。連同掛帶各舡用白粉硃圈一律大書。仿崇明沙舡之例。永遠存記。嗣後擺江如有增添更替。卽由分防之員照例粉書。由救生局專案造報。以杜遺漏。其未報官編入字號及未書旁之舡。概不准於江面裝渡。違者立拿重懲。其已編號各處江舡。敢復違例多裝。一經紳士查明。許卽稟候鎖提舡戶。嚴行懲治。枷示江干。并將舡隻充公。以儆玩違。又無桅舵涼篷等項。小舡只許渡河。不准出江。大號涼篷。許裝十人。其瓜撇時馬小划等舡。許裝六七十人。稍寬者至八人爲止。敢有貪利多載。冒險出江。除提舡戶嚴究外。亦將舡隻充公。以垂炯戒。

一擺江裝載。自應渡送過江。泊岸後。照例取錢卸載。查近日舡戶。每有載至大江中流。任意勒索。及裝送病人。與夫婚喪過渡。格外留難。種種惡習。或至因爭失事。深堪痛恨。此後倘敢仍蹈故轍。許被索之人。報之公局。查明稟究。其報局之人。卽刻放行。免致拖累。至涼篷等舡。敢有在於河道勒索橫爭者。亦許被索之人。照江面之例。報局稟究。不貸。

一擺江渡舡。遇風狂浪大之時。除公文駟馬相機行止外。惟來往行人。當俟風平浪靜過江。不得冒險搶渡。現在奉

憲印發大風止渡旗。交局收管。若遇風起。救生局豎旗後。各舡戶卽當停泊。倘敢抗違。由局稟請拿究。

一紅舡四隻。原爲救生而設。自應遵照

憲定章程。不得濫捉差使。移調日巡。亦不得通情借用。倘紅舡

或私自攬載。本局察出。立將全船水手革退。

一局中前後基地。無許鄰近人等侵佔。及縱畜作踐情事。倘敢故違。卽由照管僧人。協同坊甲鄰右。指名具稟。以憑提究。

附江陰救生局酌改規條

- 一風恬浪靜。救得活人一名。送局賞錢一千文。黑夜加倍。
- 一狂風駭浪。救得活人一名。送局賞錢二千文。黑夜加倍。
- 一撈得港內浮屍一具。送局賞錢四百文。
- 一撈得港內棺木一具。送局賞錢五百文。
- 一撈得江中浮屍一具。送局賞錢八百文。
- 一撈得江中棺木一具。送局賞錢一千文。
- 一撈獲遇難空船。及客人貨物。送局。憑局董公同酌估。約值錢一千者。賞錢三十文。如有私行索賄。不卽送局。及隱匿客貨。私藏。

人已不歸還原主者。董事送縣究追。照例治罪。

一凡有犒賞。不論救生紅船。幫救杉板。及一應來往船隻。救獲送局。皆照例給賞。

一局使及水手人等。平日無事。卽令四出收拾字紙。另加獎勵。分別淨穢。入爐焚化。穢者必洗淨晒焚。字灰收存包好。嘉救生船內多則送入江心。

一局中供。天后聖母神位。遇有大旱。司工局者急應衣冠拜禱。以祈默佑。

一救出生人。理應向天后神前焚香叩謝。必考其平日有無過愆。曾否溺殺兒女。有則改之。無則亦須發願。則家逢人勸救。庶不負天后救命恩也。

附無錫太湖救生局規條

嘗聞太湖三萬六千頃七十二峯。沉浸出沒於其間。是西北衆流之所歸。而大江以南之巨浸也。錫邑自梁溪西南二十里至瀆以門。亂山錯峙。迅流激湍。狂飈猝起。居人商販。恆有漂溺之患。往時濱湖漁船。遇有溺者。輒揚帆往救。顧生者僅以身免。既無餘貲以酬援命之恩。而死者撈起還家。反疑營救不力。致有波及之累。無所利有所害。雖至愚誰肯爲之。故近年以來。漁船遇有溺者。裹足不前。不啻秦人之視越人也。辛卯春三月下旬。黑雲四垂。怒濤山立。是沒者無算。濱湖之人。惟聽其宛轉呼號。汨沒波浪中。而無可如何。豈非生民之至慘哉。孟子曰。惻隱之心。人皆有之。傳曰。匹夫慕義。何所不勉。爰集同人。議於湖濱。設立救生局。卽諭漁船救生費省而功實大。生者飲之歸。死者斂之棺。棺無所歸。卽爲之瘞埋。

義塚而于舟于拯生出力者酌給賞錢並具似難家或有異言以德爲怨預行呈縣備案一切經費俱由局內支領謹議規條集捐裕費協力同心以垂久遠并望濱湖人士仿而行之俾沉溺者均登衽席慈航普渡功德何有涯涘也謹啟

計開

一救生本應另設船隻。但湖面廣濶。船數少置不足濟事。多置經費又大。惟漁船每遇大風出港捕魚。船數動以百計。卽諭漁船救生最爲省便。或有別項船適值救生。亦一體給賞。

一湖面遇有覆舟人口。責成漁船及各色船搶救。每救活一人。赴局領犒勞錢二千文。如值暴風。領犒勞錢三千文。撈尸一口。給錢七百元。凡救起不活。與救援者無涉。該漁船務各臨風踴躍。保全生命。切勿觀望貽誤。不得藉救生之名。乘間搶匿失風貨。

物察出定卽送官懲治

一船將傾覆人未落水。隨時救住報局時查訪得實。並非勾串捏飾者。局中總給錢十兩。如被風之船有力者。勸伊出錢三四千文。無力者不拘多寡。以酬漁船救命之恩。

此欸若不立賞格。恐漁船必待覆溺然後往救。人命保全者。十中未必有二三。故賞錢酌議十兩。加以船上酬謝。庶救者可以踴躍。又被風之船竟貧乏無力。或性情頑劣。亦不必勉強勸伊酬謝。致起爭端。

一救護活人。局中預備衣帽被褥履襪等物。以備更換。該地保卽知照伊家領回。其有住處較遠。暫留在局安息。以三日爲期。倘貧貧苦無奈。量給路費回家。

一論漁船救生。船已遭風。銀貨豈無遺失。而遇難之人賢愚不一。

倘於救起後藉端索詐。本局隨時稟解。

一遇有漂蕩屍身。該漁船隨時撈起帶岸。局中司事協同地保驗明男女面貌。約畧年歲。及身穿衣服鞋襪佩帶等物。逐一登載瘞埋底簿。即用局材一具。斂布三幅。皮紙一刀。石灰七斗。殮埋義塚。標記待認。局給抬埋錢四百文。路遠酌加築堆。高二尺。坑深三尺。寬六尺。務須如式。倘草率不堅。一年內坍卸者。着原埋土工賠脩。若尸身或有傷痕。該地保報明恆善堂填給聯票。赴縣報驗。局給相驗錢二千。飯食錢四千。船隻錢四千。給棺收殮。一查有慣于泅水及無業等人。或串同船戶假意落水。或乘一破舟偽爲將覆。救起希冀犒勞分肥。一經查出。送官追罰。嚴加懲治。此等弊端。客船貨客異鄉之人。或難串通。若近地之人。無貨之船。夫業之徒。尤宜細心查訪。方可發給賞錢。但不可因疑致

刻藉詞客給。阻人好生之機。

一設立救生局。公所在吳塘門口。牆上書救生局三大字。并立碑。中告示石碑一個。公舉董事數人。同心協力。輪流稽查。始終如一。此外幫辦之人。應給工食者。遇事臨時酌給。以免平時浮費。各董事事。如飯食油燭船隻等項。亦歸局中開除。

無錫吳縣。救生局。係故友葛君葆之倡辦。始於咸豐五年。每歲其活百數十人。著有成效。惜亂後經費無措。葛君又歸道山。急宜重整前規。以綿義舉。

救火章程

卷四之四

救生局之設。爲救溺也。火烈于水。則救火之舉。宜更急於救溺。熏天烈燄。男女號呼。轉瞬之間。立爲灰燼。生人之慘。孰甚於斯。左傳許不弔災。君子惡之。同居鄉里。而坐視不救。必非人情也。

輯救火章程

救火之法。首重水龍。或水鎗。每坊廂及各鄉村。均宜平時籌備。他如火鈎。水斗。銅鑼。燈籠。草鞋。火把。均須一一預備。存貯公所。一遇有警。諸同人務踴躍爭先。立時趕赴。或扛龍。或提水。或執火把。燈籠。不得推諉。有經費。則派定夫役名字。每舉一次。局中賞錢若干。不到者。有罰。庶幾水能尅火。人可回天。各積陰功。聯絡鄉誼。茲將水龍救火法列于後。

規條

一救火夫派定名數。每年三節。每名賞錢三百文。此外每舉一次。賞錢一百文。其有臨時推諉不到者。扣除節錢一次。三次不到。斥去另換。

一龍到時。火炮數刻。無庸開嘴。違議者。不准發籌。

一出龍並未到場。卽在半路掬水濕龍。以便回龍。取出籌者。察出。公同從嚴議罰。

一擡扛齊有十人。方准出龍。

一水斗八隻。龍上自行運水。倘左右鄰近。俱係貧戶。無錢買水。勿得因此便回。

一路上不許追龍。臨場救火。各須踴躍。火炮方回。

一出龍至外坊。不准落鄉。惟本棚沿鄉五里之內。方可趕去。如再還者。不准發籌。惟根羅到者。無論遠近。概要去救。

一 擡龍諸人中。倘三次不到。押龍查明。與衆司事公議拆出。
一 火勢蔓延時。急宜用火鈎拆屋。以免延燒。該房主不得攔阻。致
誤大事。

附上海果育堂水龍水擔條規

一本堂製備洋龍壹座。着行口承攬四十人。內派頭目一人。承執
大旗。兩人掌管龍頭。一人照管洋龍車輪。其餘三十六人。分作
兩班輪流打水。如聞城廂內外失慎信息。齊集到堂。伺候發給
號衣號帽。扛擡洋龍。司事帶領前往被災之處。竭力救護。火熄
爲止。次日夫頭點還衣帽。算給工錢。每次每名給錢二百文。此
外不另加給。倘有遲誤。立予議罰。

一本堂製水擔十副。着行口保舉水夫十名。如聞城廂內外失慎
信息。齊集到堂。領取號衣號帽。并水擔十副。卽在本堂挑就太

平水十擔。跟同洋龍前往失慎之處。傾倒。隨即竭力挑水救護。挑水一擔。發籌一枝。火熄之後。仍同洋龍回堂。次日夫頭繳還衣帽。視其路途遠近。酌量數目。照籌給錢文。倘有遲誤。立予議罰。

一本堂選派司事十二人。各給手燈長籌一枝。如聞失慎之信。齊到被災之處。照料龍旗水擔等物。各以燈籌爲記。自無營縣人等攔阻。並備大籌十枝。小籌三百枝。籌袋一隻。派司事一人專管發籌。而大籌於起擔時。各給一枝。出門後無論用與不用。每擔給錢一百文。小籌按照水擔。每擔發給一枝。次日算給。適有善姓當時持錢另發。聽其自便。與堂無涉。同往提燈發籌。龍夫入等概不得與人搬運物件。以致遠離緊要之處。自顧不周。如撲救不力。違者議罰。

禳火法

用雞蛋七個。每用一個。向東方吸生氣。急念普施法。潤天尊七遍。吹氣一口。將蛋拋入火中。自能止熄。

和一金

一先

三

施藥局規條

卷四之五

伊古任賙之風。以疾病相扶持。爲尤要。蓋貧民恃手足謀生。一人臥榻。合室驚惶。無力延醫。坐以待斃。呻吟牀第。搔首呼天。設身處地。真堪惻惻。所以合藥施送。療人疾苦。爲利濟中一大事也。述施藥局規條。

藥局規條

一凡各種丸散膏丹。須虔誠修合。或誦經咒。或禮懺文。務須齋戒。虔誠如法。炮製藥材。必道地。地方必肅靜。器具必精潔。炒研蒸曬。必耐心。不厭。倘有疎忽。誤人不小。慎之勉之。

一給藥定以逢六九日爲期。先期整齊。以免臨時紛錯。是日以齋戒肅敬。將事爲要。

一給藥必須對症。凡來請藥。先問病源。有在表而深在裡者。有病

似實而實則虛者俱宜細心詳問不可輕忽亂給卽如咳嗽一症有因感冒而咳者有因勞傷而咳者有因喘哮而咳者有將成癆瘵而咳者有陰虛火旺喉中作癢作痛而咳者總當酌量給與不可固執或藥與膏丹有孕婦者忌用尤須于包上開明再三叮囑不可有誤

一凡染毒生瘡及夢遺白濁色癆精滑婦人經閉一切暗病往往含糊不肯說明或托言腰痛咳血或托言脫力癆傷若不洞悉源委或致誤投他劑倘有不合必速其死造罪可勝言耶凡遇此等尤須危言根究自有實情吐露

一局中請名醫內科傷科外科施診每年四月爲始九月爲止看病日期或歸三六九或隨機迎變若有力者請去看病須送謝儀

一藥中如用穀麥芽。須囑用絹包好。煎服後。即將穀麥芽付與雞鴨作食。免致狼籍。造孽藥包字紙。亦須收好。

一局中各種靈方。屢試屢驗者。揀選刊刻。以廣流傳。

一請藥後。如病愈。須燒香叩謝。尤須將家中所有殘破書本。壁隙零星字紙。及婦女夾花線。有字書簿。以白紙簿自行換出。攜至局中。焚化字爐。免留孽障。便算酬謝。如有家藏淫書。唱本。及私情山歌抄本。害人最大。并亦自害子孫。造孽最深。務須勸其一并送局焚化。亦屬功德。至淘洗坑底。須每年兩次。廚房灶前。必打掃潔淨。炊灶時。稻草遺穀。必須留心摘下存貯。道途棄粒。必須收拾。戒小兒勿許輕傷物命。凡一切暴殄褻瀆之處。務各在在留心。自種福田。共消災厄。在局同人。務宜不憚諄諄。俾知聽信。庶幾藥度有緣。信不虛也。

得一金

卷四

119

又附藥局立願約

從來生人疾苦。半由人事。半係天災。人事可以藥力治之。而天災則藥力恐有不及。是故遇災而懼。古人有懺悔求禱之條。洗心革面。以祈神佑。庶一誠上格。厥疾可瘳。爰述立願約如左。

條約

局中供 呂祖師聖位。請實心勸善。不憚煩勞者。一二人屆期清早到局。專司勸人立願事。凡來請藥者。或帶香燭。令來人先向案前跪拜。問明病源。卽勸立願。然後將藥包好。向爐香上熏過。親付其手。再拜受之。務須敬謹。囑付不厭再三。一藥物奉歸。須向灶神前焚香叩首。堅立善願。然後服下。外症貼膏亦然。百試百效矣。

一立願並不費錢。只須恭叩 神前。誓願一生常說好話。所有好

話十二句。另有開單條目。無論男女老幼。人人可立立願之後。自然醫藥有靈。百病消除矣。

一既經立願。則一切過失。如逆父母。淫女色。刻薄口過。殺生害人。之事。斷不敢犯。各自問心爲要。

一生平戒食牛犬田雞。可免瘟疫之災。自當隨卽立誓永戒。

一字紙五穀上天最重。從此須另備一小袋。常掛在身。凡見字紙米穀。務必拾取。每日走路。留心隨見。隨惜。不可忽略走過。

一地方溺女之俗。爲人命所關。凡來求藥者。必須問其地有無此風。曾否犯過。尤須勸其立願。勸人多救嬰命。你肯救人。天卽救你。自然服藥有效也。

一藥局事畢。須結壇建醮。將立願姓名。表奏上天。求神保佑。俾立願諸人善心堅固。永久不忘。

右藥醫局勸人改過立願。以挽澆風。合身病心病而兩治之。不取一錢。但邀心願。寓勸善妙用於扶疾之中。願力堅。斯藥力透。雖有痼疾。不難霍然起也。局設未幾。求藥者踵相接。幾幾乎無往不驗。詢之。則聞有逆子沈某。因請藥立願。改過病愈。而性情大改。竟知順其父母矣。有朱姓寡婦。因請藥立願。病愈而守節撫孤。誓不再適矣。有陳氏婦。因請藥立願。勸勿溺女。病愈而已。轉勸其鄰。救一將溺女孩矣。有周姓某。因病立願。常說好話。病愈而已。勸人息一訟事矣。有王姓某。素業粘鳥掘鱗刺蛙。因請藥立願。病愈而毀其粘竿蛙叉。誓不再犯矣。其他因立願而改行者。指不勝屈。予不禁喟然曰。有是哉。施藥之成效。竟至若是哉。是不但治其身病。而并治其心病也。是不但治其一時之病。而并治其終身之病也。是不但可救濟一方之疾苦。而并可轉

移一方之風化也。救一病人。卽可得一善人。救千百病人。卽可得千百善人。且得一善人。而他人之因善人而感化者。又不知凡幾。由是父與父言慈。子與子言孝。善言播。卽善氣充。善氣充。卽沴氣消。蒸蒸乎人心。日以厚。風俗日以醇。將見疾痛不興。天札無患。以是其登仁壽。世官承平。不難也。補天地生成之憾。濟君師教養之窮。一舉而萬善歸焉。其爲功德。何可涯涘耶。因誌其緣起。以諭世之好行其德者。

醫藥局立願單

醫藥局立願單說

世人病痛皆是上天所降的災星。無論大小。總關性命。若不及早調理。恐漸漸加重。懊悔不及。今日不知明日事。上床不可怕。但醫身病。必先醫心病。肯認錯。陰謀暗算。青害殺生。皆是心中大病。須一刀斬。心病不除。身病必然難好。本局仰奉神訓。醫不受謝。藥不盡了。心病不除。身病必然難好。本局仰奉神訓。醫不受謝。藥不取錢。只須立一善願。這箇善願。既不費錢。又不費力。只須把各種的好話。逢人說說。說一句好話。比如燒一枝香。將原本古人遇災而懼。懺悔求禳的意思。各發良心。求神保佑。大醫王慈心救世。衆病人叩首皈依。藥度有緣。信不虛也。今將立願勸人說好話條目開列於左。

- 第一句勿逆父母
- 第二句勿忘皇恩
- 第三句勿欺兄弟
- 第四句勿走邪路
- 第五句勿溺女孩
- 第六句勿壞良心

第七句勿騙人財

第八句勿佔便宜

第九句少殺生命

第十句常行好事

第十句敬惜

五穀

第十句戒吃

牛犬田雞

以上好話十二句。須親向神前或灶前焚香拜告。自願一生不辭辛苦。逢人講說。吃齋短齋。有過即改。自然病痛可除。災星即退矣。如能立願做好事。戒殺放生。常行方便。各隨力量。可做便做。則更妙矣。

棲流局章程

卷四之六

夫人生苦况至窮途流落之人極矣。乃流落而加之以病。則其困苦更有不堪言狀者。此時苟有爲之庇以廣廈。給以醫藥。是直不啻起死肉骨。重生父母也。述棲流局章程。

憲示

道光二十年上海縣案

松江府上海縣正堂葉 爲

曉諭事。照得去冬風雪較多。今歲春寒尤甚。又兼米價騰貴。外來無業流民。饑寒交迫。凍卧道旁。不一而足。本縣目擊情形。殊堪憫惻。除已札知同仁堂董事設法辦理外。合行示諭。爲此示仰各舖小甲知悉。凡城廂內外有貧病流民。凍卧道旁。將斃未斃。不能行走者。該地保甲問明原籍。並姓名年歲。先行報堂。俟該董事查明確實。然後擡至棲流公局。日給稀粥調養。如春和病愈。聽堂酌給。

盤費一二百文。卽令他往。如有病故。仍填明聯單。照章脩棺殮埋。若係本邑近方人民。自有親屬。至江湖乞丐。則有該管丐頭收管。不得混報。倘有刁詐棍徒。藉端充人。乘端滋擾。有妨善舉者。該保甲卽行扭稟。以憑盡法懲治。爾等亦須奉公佐善。不得徇情。致干提處。毋違特示。

棲流公局規條

一凡病癯到局。據各該保申報。明年歲面貌里居。編號登冊。挨次歸局。每給柴席絮被。病痊不得攜去原衣及隨身物件。統行給還。

一斯局專爲沿途重斃疔癯。而設。至傭工有主。及親屬可依。或癯顛癯。皆癯疥。疔瘡。孤乏食無病貧人。概不收養。司事不得徇情。

一收養病癯。皆憑保甲查明。無屬無傷。填單送局。醫痊後。仍交原保領去。故則填單收驗。來去俱憑地保。倘有來歷不明。諱匿事故。冒屬滋擾等情。俱有地保責成。與局無涉。如無地保送局。概不收養。

一訟案病人。恐有畏罪私逃之弊。致滋波累。概不收養。

一局中房屋無多。不能收養婦女。

一進局後。初給稀粥養息。俟一二日漸加。如有不納穀食者。酌進湯藥調治。司事監同與服。

一初送到局。查明所患何症。分別內外。科延醫診視。定方。按名配藥。司事必須親自檢點。毋稍懈忽。如病體少愈。不得私自出外。聚眾喧嘩。爭奪器皿。

一醫治病痊。交原送保甲具領遣去。給盤費錢一百文。去而復來。

不准再收。

一病痊後無屬可歸者。轉送肥城普濟堂收養。

一如遇病故。遵奉縣憲示諭。填入聯單。脩棺收殮。掩埋義塚。

一駐局司事。清晨察看病人。給飲湯粥。照應服藥。督率工役灑掃病房。收拾床舖藥飯碗盞。稽查炊食。一切細心檢點。常川勿曠。至晚起更。後閉門下鎖。小心火燭。苟非報送病斃。不准開門出外。日惟蔬飯。概從節儉。不得飲酒。謔談。或留親友借住。及借用局中物件銀錢。

一本局經費及衣被藥炭粥米小菜等項。現在設法募捐。如有善信樂輸。隨時登簿標貼。

報單式

具送單

保

圖保正
鋪小甲

今具到

同仁堂棲流公局

身

於月

日在於

地方見有垂斃流民

詢係

人身面

鬚年

歲查無傷痕委係患病沉重亦無近

地親屬謹遵

縣憲示諭填單送局聽候調養病痊則交身遣去與局無干合具

送單是實

計開

年月

日刻具送單

圖保正
鋪小甲

領單式

具領單

保

圖保正
舖小甲

今領到

同仁堂棲流公局身

於 年

月 日在於

地方見有垂斃流民

係

人

謹遵

縣憲示諭送局調養茲已病痊自應交身遣去合具領單是實

計開

年 月 日 刻具領單

圖保正
舖小甲

第

號

今據

保

鋪圖保正
小甲

具報

在於

地方見有垂斃流民

身面

鬚年

歲係

人

身穿

頭戴

年
月
日
刻到局

得一金

卷四

四

棲流局病癘 方案 月 日 劑

官醫鈴記

附南翔棲流所規條

本城翔鎮各建棲流所一所。平日僱有家室之人。住居看管。遇有垂斃病人送進。卽令送給湯水油燭等物。倘有生機。酌給錢數百文。令其自去。如病斃後。並令看守照應。投保報驗。以專責成。堂中每名捐棺一具。并費用三千文。交與該差料理。土工伺候人等之用。不再擾及地主。其病人非有地居送進者。概不准收。

一遇有垂斃之人。投明本圖地保查驗。如身受有傷。及服瀉服毒等形色。并傭趲之人。現有工主並有親屬可領者。地保毋許混行送進。其送至棲流所時。仍與該處地保交代明白。報驗時公報公辦。

一向來遇有浮屍路斃。如無親屬出認。由地保報官驗殮。相驗時

凡搭蓋篷廠僱倩土工伺候人等飯食皆所必需。地保無論有力無力。斷不肯出資供應。不得不出之于地主。或更從中漁利。挾制訛詐。以致貧富居民。見屍浮在界。無不畏累出錢移去。以卸已責。今若欲杜其弊。必先絕其源。如遇有此等浮屍路斃。相驗時堂中亦給屍場費用錢三千文。毋許向地主隣佑勒索。欲其不向勒索。須不傳地主隣佑到案。則差保無由挾制。伏查浮屍路斃。如係近地之人。自有親屬出認。其致死之由。報呈內俱已聲明。與地隣本無干涉。至于並無親屬出認之屍。皆從遠來。地隣焉知來歷。即屍身或有死于傷。非由病斃溺斃者。飭傳地隣到案。亦無可訊問。且自有該保在場詰訊登答。今若准免地隣到案。則地隣無所畏懼。差保無藉詐勒索之權。自可永杜移屍沉溺之苦矣。

一地隣之畏累。由于飭傳到案訊供。因而差保等得以肆其勒索。今既准免傳訊。卽無所畏避。嗣後無論貧富居民地界遇有浮屍路斃立時赴堂知會。該保卽行具報。一切相驗諸費。自有堂中應付。與地隣無涉。倘仍有奸胥移詐嚇索。卽指名稟究。

一遇浮屍路斃。除附近處所由堂給費錢三千文。交與該差分發外。若路遠需用船隻。除本官坐船自行捐給。其書役人等所坐圈棚快船。照民僱平價。每日每船給錢三百五十文。向來所用各差役坐船二隻。刑招仵作坐船一隻。火食轎傘軍牢等坐船二隻。每次定用船五隻。不許多用。遵

憲定五十里往還爲一日。嘉邑極遠邊界距城三十六里。往還不過一日。堂中一併照數捐給。交該差備辦。此外如多索錢文及再向地主添補者。指名稟究。

一相驗後地保赴堂領棺盛殮堂中現設義園

一盛棺時開明男女年貌服色或垂斃時猶得詢其姓名籍貫

于埋葬處插標登記以待親屬認領

一路斃浮屍若係服毒服毒實非病斃及附木坑棚間自縊應行

查究者如有親屬出認應由該親屬自行報官驗殮與堂無涉

如無親屬出認經官相驗後堂中給費料理出棺盛殮仍聽印

官照例查辦交保停放立標註明男女老少服色面貌以待屍

親查認不必埋葬義園

一相驗建設屍場必擇空潤處所毋許差保硬于地主平民門首

混設如敢暗中索詐許地主稟究

一附近地方司事留心稽查遇有浮屍通知地保拴住報官或徑

白赴縣呈明以杜地保隱匿如有曠僻處所司事不及至地主

不及知行路之人看見許其赴堂報知。司事同往協保察看屬實。賞給報信人錢三百文。令其自去。仍由堂中約保報官。憑官相驗。

一堂中每年動用經費。毋容送縣報銷。致滋經胥索費。但不稍爲立法稽查。恐日久滋弊。應于諸事中。公舉司總一人糾察。司年司月一切收支。如有浮冒。加倍議罰。不得瞻徇。

一堂務一切案牘。選擇好善經書。飭令專司承辦。至命案相驗事件。向係值日刑書頭役經辦。今查相驗無主路斃浮屍。既已由堂施棺給費。若仍歸值日。恐人衆志紛。日久滋弊。故于刑書頭役中。遴點老成勤慎各二名。專司辦理。以歸責成。

棲流所禁擾累示

嘉定縣正堂爲嚴禁擾累事。切照本縣遵奉 憲行設立棲流

收養沿途垂斃無告病斃病痊遣去病斃報驗業經通詳 各憲
在案恐有無知之輩藉稱收養公所妄希混入及地保濫行送進
並有游手棍徒到所作踐種種擾累台行嚴禁爲此示諭地保居
民人等知悉嗣後照依後開各條規除沿途垂斃無告病斃送所
收養外如有圖混滋擾許該董事指名稟 縣以憑嚴究各宜凜
遵毋違特示

計開

- 一公所各有界限凡鰥寡孤獨殘疾自有養濟院收養本所祇
收沿途倒地垂斃病人並非爲貧人舖啜之地如有偶因患
病輒思混入者不准
- 一病人查有親族及身有傷痕地保留心察看不准濫收
- 一病丐自有丐棚收管不准濫收

變通棲流條約

上海濟善堂規辦章程

一凡城廂內外本籍貧民及客籍之不居于寓者。一經患病。如果醫藥無措。卽倩親友或隣居來局投報作保。局中司事卽赴查確。倩醫赴診。並給藥票。至病痊日止。

凡投報者須於午前來局。以便司查者往查。回局卽爲請醫。否則路有東西南北遠近之分。醫有不家出外之時。往返需時。恐於本日不及診治。致有遲誤。

一如有病而尙能步履者。本人請同親友來局作保。局中卽與藥票請帖。口就醫所診治。仍給炭資等物。以省彼此查察請醫之煩。

一城外落鄉之處。路更寫遠。司事往查不及。且請醫往視亦屬不便。茲擬以城廂內外爲止。城外里許以外。本局不能兼顧。現有

保息局仁濟濟善堂施醫病者或自投就醫亦可

一凡病者痊愈後無可謀餬口除寓客仍照舊章其本籍及賃居客籍病痊後酌給資本錢五百文

一凡醫藥無效病故除寓客之並無親屬者仍由本局轉報善堂給報殮埋外其本籍及賃居客籍如果棺殮可自請親友赴堂請給無須本局轉報以省煩雜

一議送內外科醫生診視酬儀仍以前議規條每診一人酬儀一百文於三節總送并先酌給興金

一凡病者於報局日起除應需藥罐風爐青炭仍照舊由局給發外其餘房飯及煎藥侍病之人因寓客係屬孤身故局中一并酌給至本籍及賃居客籍與孤身寓客不同自有親屬照管局中一概不給

一局中專司簿冊登記出入之人。以前均係本局司事自願經理。並不支取辛資。今自推廣以後。局務益繁。且多掣票收捐之事。令酌定本局自願經理者。仍不支俸外。另請總司籍冊及查察收捐之人。每月酌支薪水。以專責任。

一局中請醫一切。除前已僱用局使一名本應。茲仍令其承值外。尚有收取捐錢之事。前使不克兼顧。當添僱一名。一體議給辛工飯食錢文。

卷一

義倉章程

卷五之

伊古備荒之法縣都委積以及常平義倉等制法良意美均堪利濟然此惟有司官得爲之又係藏於州縣所恩不過市井惰游未能遍及窮鄉誠有如朱子所云者夫天災流行何地不有使不早爲之備而欲取辦於臨時則請賑於朝旣恐鞭長不及集捐於下又虞瓶罄難支鳩形鵠面之民有不相率而填溝壑者乎但積儲一端雖善處立法不善則侵漁耗廢諸弊叢生有不可不爲籌畫者輯義倉章程

朱子社倉法

朱子以常平義倉藏於州縣所及不周又爲法太密封鎖遞傳官吏侵蝕有召無責遂酌定此

法以行於鄉洵爲良法

宋清熙八年時朱子爲浙東提舉上疏言乾道四年間建民艱食稟請於府得常平米六百石請本鄉士官朝奉郎劉如愚共任賑

貸夏受粟於倉。冬則加二計息以償。自後多年數散。或遇少歉。卽蠲其息之半。一年未全荒則一分計息也。大飢則盡蠲之。凡十有四年得息米造成倉廩。以元數六百石還府。見管米三千一百石。以爲社倉。不復收息。每石只收耗米三升。以故一鄉四五十里間。雖遇凶年。人不缺食。請以是行於他州。

明邠州鄧成美家。小歲約族人預給一周利會。其法豐收時。每畝出穀一斗。或二斗。逮來春有人借者。按三分行利。秋收交還。積之數年。粒米狼戾。其或值歲歉。視族人緩急。散給以活之。所謂周於利者。凶年不能殺也。

熟年有積儲。則荒年便不至鬧事。有力者所當早爲之計。慷慨捐集。若到荒年。請求保家并患之法。恐已落下著矣。救荒有先策。願賢明官長早圖之。

附前輩積貯論

高忠憲公責成州縣積貯約

一積貯民之大命。豐無所儲。荒無所賑。尚可稱民父母乎。必須隨宜設法。一縣積穀足備一縣賑濟。豈獨活民。卽以弭亂爲州縣者。功在蒼赤。慶流子孫。端係於此。

一社倉是救荒良法。各鄉勸縉紳及名家自造倉廩。自放自收。不可以官府與之。其法量人戶種田多少。人口多少。以二分起息。於青黃不接時借貸。又必二三十戶連名保借。欠者卽同保內人戶攤賠。小荒減利。中荒捐利。大荒連本米下熟徵催。官府給與印信文簿爲究治奸頑。使之可久。

湯念平先生勸積義穀序

民窮日甚。借貸無門。一有灾荒。坐而待斃。昔朱文公社倉一法最

爲盡善。然時詘舉。贏實爲難事。宜師其意而力行之。爲積義穀法。每坊造一木櫃。置本坊神廟。每月朔望。謁廟者各持義穀少許。或一斛。或半斛。或一升至一斗而止。勿得過多。不願助者聽隨其意。而因其力。不相強也。數少而不欲多者。相形則意沮。力輕者可久也。其推一端。謹者司登記。雖一斛半升。必紀其名。以彰好義。推一稍有恆產而素行忠信者。司出入。每朔望迄晚。卽將貯櫃者登倉。次年春夏推陳出新。因數多寡。貸與農人。息取加二。小荒則以貸諸貧人而減其息。必公議而酌行之。若大荒則盡捐以賑。困窮必計衆而均分之。先其老弱之無告。及孝子節婦之貧者。是舉也。專以備荒而利農。他雖公事急需。不得輕移。以致耗散。有恃強而索者。衆共持之。不聽。則控諸官。庶幾可久行而不廢。夫爲數甚少。則人皆樂助。月月積之。歲歲行之。斯可無大飢之患矣。噫。省目前飲

宴之費即可甦異日數人之命。減一月雞鵝之粟即可救他年同類之生。獨何憚而不爲哉。見魏叔子文集

又募義穀疏

里中親友壽誕稱觴。當計其費出義穀。欲爲人稱觴者。亦計其費出之。或宴會有不可已者。則薄其費而以義穀補之。夫省酒食之浮費以利濟飢貧。此祝壽之上術也。又有疾病及一切祈求。亦於神廟發願出義穀。若干天省齋醮之虛文以利濟飢貧。此祈神之上術也。蓋天地鬼神所以愛人爲心。能愛人者則彼亦愛之。以此祝壽壽必永。以此祈禱病必愈。以此祈名利子息名利子息必得矣。見魏叔子文集

魏叔子先生立義倉策

貧民富民多不相得。富者欺貧。貧者忌富。貧民閒時已欲見上風

生一迫飢饉。則勢必爲亂。初則搶米。再則劫富。再則公然嘯聚爲
賊。富民目前受貧民之害。貧民日後受官府之刑。兵刀之慘。眞貧
富兩不相得益也。所以朱子脩舉社倉。不特救一時飢殍。實所以
保富全貧。護人身家。養人廉耻。爲法至善。今師其意而少損益之。
凡每坊設立義倉。不必分派若干家若干人。隨其相附近處。擇便
爲之。聽民自議自行。則衆情和矣。但建倉費重。或勸富民。或設處
公費。隨時斟酌。此在官長以真心勤力行之。凡欲立義倉。先集父
老士民。懇切開諭。以義倉之利。身先捐俸。以勸富室。然後出示遠
近。令十日內報命。凡報命者。合坊具連名呈一紙。內稱遵諭設立
義倉。共計戶丁若干。出穀者若干。舉值事者一正二副。某人造冊
二本。一丁冊。一義穀出入冊。凡丁冊不論男婦貧富貴賤皆載之。
呈及二冊官皆用印。旋給本坊收掌。其官所助穀若干。照各坊丁

數多少。派貯倉內舊冊寫完。則仍以新造之冊送官用印。坊中有
富豪慳吝不肯助義者。許本坊呈官。視所應出者加罰三等。所舉
值事之人。有不法不公者。本坊呈官重罰。公舉他人代之。或本人
有病故久出者。仍簽他人代之。俱要呈官。其呈仍用印付還。或坊
中事繁。三人不能理。許值事人隨簽幾人幫之。本坊俱要酌處公
費。以酬其勞。至義穀出入之數。官府不與。只於當發糶之時。先期
出示。令各坊清覈丁數。定於某日糶米。官府時行巡訪。於當收糶
之時。先期出示。以某日起糶。如至某日報完。踰期不完者。以欠穀
多少議罰。凡坊內與糶者。設簽一根。寫戶首姓名。下註共計幾口。
糶米時。左設一人散簽。右設二三人量米。來糶者。先將名下應糶
米錢若干。交左人領簽。即將簽投右人。照簽領米。散米已完。右人
繳簽交左人收。明日如之。富室及童婢皆許與糶。凡糶米如原價

每升一分。今價三分。則取分六釐二分。則取分四釐分半。則取分二釐。分二釐。則取一分。升一分。則不出陳矣。蓋酌取餘息。以供耗折。及脩倉雜用諸費也。凡石斛升斗之類。皆一聽官造。日久器壞。計如法私造。仍送官驗押。蓋以賞罰之權。歸於官。則人知所畏。出入之數。歸於民。則官無可私。所謂官民相制。其法無弊者也。

陶宮保勸豐備義倉章程

川縣中每鄉村公設一倉。秋後聽民捐輸。歲歉酌量散給。出納悉由民間經手。不假官吏防侵蝕。以禁騷擾。矜貧寡而杜爭端。誠善政也。

一 鄉村無論百餘家十數家。總以里居聯絡者公設一倉。每年秋收後各量力之盈絀捐穀存倉。出者無吝。勸者無勉。數十石或十數石。多則一二百石。少則數石。數斗。均無不可。穀公同立簿登記。擇一老成殷實人總管。再擇一二人逐年遞管。仍設立四柱交冊。分別舊管新收。開除是在。明晰登載。互相稽查。連年豐稔日積月多。則穀不可勝食矣。

一 鄉村零戶有難于聯絡者。或族各爲一倉。或一族中每房各爲一倉。或以散戶歸入附近鄰保。其爲一倉均聽民便。總在

隨地制宜。多多益善。果能一處行之有效。久而他處自仿照行之矣。

一設倉宜擇善地。不宜近水。不宜近市。以防不虞。建義之初。倉廩未立。或神廟或公祠。或老成殷實之家。倉屋有餘者。均可借儲。但須本人情願。不得強借。一俟穀石稍充。即可另自置倉。

一倉穀由于樂捐。間或有濕有秕。不能拘泥盡一。應于收倉時。先為晒乾車淨。公同登記耗蝕若干。或收貯年久。又須公同出晒一次。覆量上倉。再逐一登記實數。以便查考。

一設倉本係義舉。司事之人。不許籍端開銷。惟看守倉廩之人。不能不給予工食。責令巡查。遇有風摧雨漏。倉板破損之處。即告知經管。隨時修理。其鎖鑰等項。不得交守倉之人佩帶。

一捐穀既有成數卽赴地方官呈明立案以免匪徒阻撓擾亂章程以後捐多捐少收放出入官吏概不與聞卽里長甲長亦無許越俎倘有吏役托名稽查藉端需索查出照詐贓例從重懲治

一積穀既多止須添建倉廩不必推陳出新以求滋長亦不必春借秋還以權利息戰爭杜紛此爲最要惟餘穀置田收租尙可並行不悖然必積穀實在充裕有餘以少半置田乃可否則不必蓋此穀原爲備荒而設至捷至便推陳出入易滋朦混借出難還漸歸烏有置買產業雖屬經久之計然不能救濟目前亦非急務也

一每遇災荒總管分管外再擇公正司事計穀之多寡先儘本村中鰥寡孤獨無告之人次及極貧又次及貧或五日一

散或十日一散事竣憑衆確算至家計稍可支持者不必分給卽小歉之年亦不必動用以歸實濟

一捐穀之家此穀旣捐卽係公物遇有災歉不得以從前甲多乙少致啟爭端或先在此村捐穀之家其後移居他處遇此村散放不得以曾經捐穀回向轉索新來之戶從前雖未捐穀遇有散放亦應酌給些些不得獨任向隅蓋各保各境以鄉村爲斷雖救恤無分彼此而穀少人多亦不得不稍爲限制其各族各房積穀者則不必以鄉村爲斷

一年豐時和勸捐較易果能積有三年五年之蓄又不妨畧爲變通邀同紳耆劃分若干于鄉間添設卹發育嬰義塾等會或于冬間就村莊中鰥寡孤獨與外來無告窮民量爲賑濟亦所以廣任卹也

一鄉村紳士克知大義者多。自必首倡爲倡。如有能捐穀千石者。或捐銀千兩以上。買穀積貯者。或捐置基產倉廩及斗斛諸器物。用銀千兩以上者。均當照例請

旌以資鼓勵。倘慮書吏索賄。卽逕赴院司衙門呈明捐數。以便行

查確實立予旌

旌。斷不令善舉稍有阻格。

一勸捐之外。尚有因事樂施一節。如民間演戲酬神及嫁娶喜期慶祝生日。儘可將糜費折穀捐入義倉。擴而充之。不特安貧卽以保富。將型仁講讓之風。亦由此而興起矣。

以上各條。積少成多。衆擎易舉。所以圖便民也。各保各村他處不得混冒。所以免牽掣也。擇人經營立冊交代。所以防侵蝕也。紳民自理。不經官吏之手。所以杜騷擾也不減

糶不出易不借貸專意存貯所以斷糾轡而弭爭端也凶
年不妨盡用樂歲仍可捐輸以一鄉濟一鄉之衆而不患
其不均以數歲救一歲之荒而不虞其不給孫孫子子無
窮匱也取錙銖於狼戾之時求水火于至足之地捐穀者
不以爲難司事者不以爲累行所无事不求其利而弊自
除防其弊而利乃可久也本部堂前經爲此章程籌思經
歲簡便直截永遠可行爾紳民等其勿以爲空言文告而
忽之至若慳吝之徒難與圖始必當曲爲開導俾知有備
無患安貧卽所以保富倘有匪徒藉端肆鬧無知逞臆刁
難則本部堂此條卽可錄存捐穀簿冊之首以爲憑信
國法森嚴弗任擾累於序圖匱于豐爲善最樂勉敦任卹其享
昇平本部堂有厚望焉切切特示

無錫青上鄉六三圖積貯議規

立議單某某等。今因嘉慶十二年遇荒。我等設局平糶。所捐之錢。除轉運折耗費用外。計存錢十二千文。輪流經管生息。至十八年秋收。本利結存錢三十一千二百文。買貯袖稻二十三石五斗。十年。九年又遇亢旱。卽將此稻。糶米應糶數月。除開支折耗零用。以及本圖查荒費用。共計去錢十餘千文。所剩之錢及米。於上年八月。糶換新袖稻三十石。爲數雖少。尙能照前累年經運積少成多。亦周官委積之遺意也。爲此公同立議。於豐稔之歲。設法收放。以陳易新。自成義舉。但素來公項。易致侵吞。總由有治法。無治人。積久弊端百出。全賴經管之人。任怨任勞。秉公籌辦。務期實濟。今將議定規條。開例於左。

一議積貯原以備荒。非爲圖利。然以陳易新。不無耗折。且畧爲

申息庶可積少成多在借戶得免債米之害遇歉歲藉以分潤一圖此所謂一舉兩得也目下所貯之數無多公議每石酌加申息俟五年之後再行公議酌減

一議放稻於插青秧後定期收稻於新穀登場後訂期通知限三日內各借戶務將颶清乾潔好稻再行當面過風如有將毛潮抵塞者下年不准領借公放公收升斗割一

一議總管每莊一人收放限期斷須親到其供給各人自備不得開支公項其零星用度俱臨時酌議開支不得浪費

一議放稻每莊舉老成幹事者數人經手按莊分派各寫領票交與總管俟秋收交清後發還領票

一議收齊後交與圖內老成毀戶收貯

一議存貯非遇災緩征時候不得創議先行設局發賑以致後

來竭蹶

一議付借只可於本圖之內。外圖人不得混入。卽本圖不種田之人。及不種仙稻者。亦不得給借。

一議議單五紙。五人各執一紙。每年於收齊稻日算賬。倘遇災發賑。各將議單總局收局後再議。

金

三

ナ

救荒章程

卷五之二

姚龍懷曰兵荒者世界一劫運也。救劫者順天之心，逆天之運也。天心好生，順以承之；天運行罰，逆以挽之。人道之所以與天地參也。人欲一日而行千百善，一人而救千百人，舍却此等時節，無處著力矣。輯救荒章程。

勸賑名言

胡振安曰：陰功有萬而救人爲第一。倘值水旱奇荒，三空四盡，百萬生靈嗷嗷垂斃，仁人君子當此苟可自全性命，卽當傾財救濟。而一人之力有限，須得實有善心者，廣爲勸募，設法賑給，庶幾轉溝壑爲衽席。此在大家股戶，首當倡率者也。魯恭云：萬民者天之所生，天愛其所生，猶父母愛其子。故愛民者必有天報。今上天見其地人民稍有罪愆，不得不罰以災。旣罰之災，又矜其飢寒困苦。

不勝哀憫。忽有人焉。憐而賤之。以錢財衣食。使不致填於溝壑。上天又不勝其慰。然歡欣將必報其人。以世世子孫富貴壽考。此一定之理。無可疑者也。

司馬溫公曰。士君子盡心利濟。使海內少他不得。則天亦自然少他不得。卽此便是立命。又云。積金以遺子孫。子孫未必能守。積書以貽子孫。子孫未必能讀。不如積陰德於冥冥之中。爲子孫久長之計。又云。人受命於天。生來之福有限。積來之福無窮。善心既發。切莫中止。溫公位至宰相。子孫十八世爲顯官。且上惟大智慧人眼光。看得遠。善觀天道。善體天心。爲其能廣種福田。以散爲聚也。張清恪公伯行曰。地方雖有富戶。未必人人好善樂施。必得上人獎勵勸勉。則有所慕而爲善益力。宜諭富戶各量力捐施。捐極多者爲一等。尙義之民。院司給匾旌獎。次者爲二等。尙義之民。知府

給匾旌獎再次爲三等尙義之民州縣給匾旌獎若有破格多捐爲人所不能爲者申詳撫院具題旌獎

切問齋文鈔

楊景仁曰太平之世遇歉歲而民不饑蓋不獨捐上以益下也抑民間有自相補助之道焉歷代助賑皆有優獎之典誠以施期於當厄多一人捐卽多數人食多勸一人捐卽多活數人命也

聖朝屢遇災荒賑貸蠲緩百方籌畫不惜千萬億

帑金之

費又何藉涓埃之涖注然鄉黨好施者例加獎勵此勸善之良謨實救荒之仁術也大抵勸輸之事不一端助賑而外凡設粥平糶輯流民收幼孩施衣施藥施棺等項皆是也當饑荒之歲安富必早安貧斯有力皆須努力是在良有司之善勸矣積至誠以感之而不臨以貴勢分清俸以倡之而非諭以空言牖之以懿好之良人雖愚而易曉動之以厚德之報民雖蠢而易從怵以饑民劫掠

之可虞。則分財以拯荒。爲保家之至計。歆以令典。褒旌之可慕。則樹德以受賞。爲榮身之善圖。分多寡以量其力。未嘗強以所難。戢刁悍以定其心。俾勿牽於所慮。鼓之舞之。亦克用勸。何庸抑勒哉。竊見相朋相救。與仁讓而勸懋和。聖世良民。由多良吏也。猗歟隆矣。

王圻賑貸羣議第七條議倡義記曰。富則仁義附焉。好義之心。人孰無之。在上之人。陽激而陰率之。則僦僦之士。慕焉。雖膏夫亦捐千金如敝屣矣。以百姓之財。救百姓之死。倡導鼓舞之機。惟豪傑默運之耳。第十條議權宜云。飢民命在旦夕。非權宜從事。曷克有濟。昔汲黯矯詔開賑。范仲淹縱民競渡。范堯夫發常平封椿粟麥。不待報韓文預支官軍俸糧。不待命皆能便宜從事。有地方之責者。仿其意而行之。蒼生幸甚。袁黃曰。凡係世家。未有不由祖德澤。

厚而科第延綿者。予舊館於當湖陸氏。見其堂中掛一軸字。乃其
先世兩代出粟賑饑。而人贈之者。文中慙敘古時濟饑之人子孫
皆膺高位。謂陸氏他日必有顯者。今自東濱公而下。三代皆為九
卿。其言果如左券。則今之閉糴射利。剝眾自肥者。可反觀矣。臣鑒
宋撫州守黃震約云。天之生人。惟有愛人人。眾不能盡。皆契天定。則時加汰治。凡其饑厄之歲。皆其升沉之機。富室之在豐年。賢
否。未知也。及至荒年。或剛怙而濟患。或頑忍而不恤。富室之賢。否
分矣。小民之在豐年。善惡未白也。及至荒年。或堅忍而守分。或無
賴而妄作。小民之善惡見矣。賢否既分。善惡既見。天之升降。是人
於斯乎。決此非因果之說也。天道自然。固應爾爾。所以飢饉之後。
富者或自此而貴顯。或自此而禍敗。貧者或自此而溫厚。或自此
而刑戮。皆有明徵。思之思之。自當猛省。

于忠肅公勸平糶榜曰富厚之家有三千金家計可捐貸百金萬金家計可捐貸三百金亦不過三十分中一分耳捐一分之資而活數千人之命上紓朝廷隱憂下爲子孫積福吾勸汝等爲此好事爾等未必慨然及一間僧尼說法化緣遂能捨大貲財以邀來世福澤豈非妄乎孰若捐數十百金以濟嗷嗷飢苦之民生前萬人感戴後世流芳之爲愈也多有富家之家平昔慳吝不肯捐賑嗟乎身在世食用有限死又將之不去且終日營營下謀自計而牛馬不肖少輸一二爲此美事乎我亦知爾等富家巨室皆幸甚行營成家必不强致之亦安敢强出之但恐爾等不行此便宜好事爲可惜耳

顧咸正賑荒問答有云人之情將損人之財以予我貪者必受也將損人之財而並損其人之性命以至並損其人之父母妻子性

命以予我雖甚貪者決不受也夫饑民一日得米三合許便可以
不死計一歲中每一石米可救一人不死荒年珠粒僅有此數不
在饑民腹中則在宦家富室倉庾中今閉一石不發必有一人死
者矣閉十石不發必有十人死者矣閉百石千石不發必有百人
千人死者矣然則宦家富室除正供日用外其餘倉庾中陳陳堆
積者皆堆積死人皮骨肉腦髓也夫省一筵宴之費可活幾
人省一交際之費可活幾人省一呼盧之費可活幾人省一土木
之費可活幾人省一簪珥衣被之費可活幾人省一摩挲古玩之
費可活幾人省一供給游狎客之費可活幾人省一布施庸俗僧
道之費可活幾人夫以種種活人之物而藥費之無用之處以為
豪華娛樂則是合數十百千人死入皮骨肉腦髓羅列目前以為
豪華娛樂也清夜尋思理上說得過否心上打得過否縱然他說

理上硬得過心上滿得過自有天帝鬼神與他算帳不知究竟硬得過瞞得過否記得萬曆某年某鄉有某上舍積餘米三千石值歲荒價一兩二錢時上舍在外其管倉僕寄信云米價貴可難矣上舍批云待貴至二兩方許糶不數日火發焚倉三千米悉燼其他古今報應事更不勝悉數嗚呼可畏哉某言到此直是肝腸寸斷涕淚千行鐵石人間之當必有踴躍奮起者而况讀書明理之士哉

救災前鑒

趙閱道知越州歲大歉公召州之富民勸誘以賑濟之義即自解腰間金帶置庭下于是施者雲集全活十萬人厚德錄趙汝愚道見病者必收卹之躬爲煮藥歲饑旦夕率其家人餽食之半以食餓者宋史

啓宗元祐三年冬頻雪凍死者無算呂公著爲相日與同列議所以救禦之術乃發官米官炭遣官分場賤賣以惠貧民貧病之人日給醫藥餽粥又不時委官看問以故多得全活康濟錄

張綸除江淮制置發運副使見漕卒凍餒死者衆嘆曰此有司之過非所以體上仁也推俸錢市布絮襦千數衣其不能自存者宋史趙抃知越州值大饑多方救濟及春人多病疫乃作坊以處疾病之人募誠實僧人分散各坊早晚視其醫藥飲食無令失時以故人多得活康濟錄

元張養浩爲陝西行臺中丞時關中大旱飢民相食公拜命之日卽散其家之所有與鄰里貧乏者道遇饑者卽賑之死者則葬之到官六月未嘗家居止宿公署夜則禱於天晝則出賑饑民日無少怠元史

王克敬除江浙行省都事鄱陽大饑總管王都中出廩粟賑之行
省欲罪其擅發克敬曰鄱陽距此千里比待命民且死彼為仁而
吾屬顧為不仁乎都中因得免史元

劉彛知虔州會江西饑歉民多棄子於道上彛揭榜通衢召人收
養日給廣惠倉米二升每月一次抱至官中看視又推行於縣鎮
細民利二升之給皆為字養一境生子無天閼者明善集

嚴世期山陰人同里張邁三人妻各產子時歲饑餒慮不相存世
期聞之馳往拯救分食解衣以贖其乏三子並得長成宋史

嘉靖十年奏准陝西災傷太重遺棄子女州縣官設法收養如民
家有能自收養至二十口以上者給與冠帶康濟錄

文宗太和六年詔曰天下有家長者皆死所餘孩穉十二至襁褓
者不能自活必至夭傷長吏令其近親收養仍官中給兩月糧亦具

都數開奏

康濟錄

黃震提舉常平倉。初常平有慈幼局。爲貧而棄子者設。久而名有實亡。震謂收哺於既棄之後。不若先其未棄。保全之。乃損益舊法。凡當婉而貧者。令里胥訪於官。贈之。棄者許人收養。官出粟給所收家。或活者衆。宋史

宋史食貨志。振恤條。載孤貧小兒可教者。令入小學聽讀。其衣襦於常平頭子錢內給。遺棄小兒。聽人乳養。仍聽官。置寺院。養爲童行。宋於幼幼之道。規制周悉。黃文潔更爲酌定。蓋詳密矣。

隋辛公義爲岷州刺史。岷俗畏疫。一人病。闔家避之。病者多死。公義命皆昇置廳事。醫藥之。既愈。乃召其親戚。諭之。皆感謝而去。其後病者多就使君。其後固留養之。始相愛。風俗遂變。隋書

倪文正公一命浮圖疏引云竊爲米價高騰天災未已麥青有待
近憂三四之交榆赤無條遠危六七之際頃者分坊設賑亦既普
郡歸仁然固有窮谷荒邨他鄉別井卧儒游旅廢丐瘦囚居遠仁
者之鄉名逸飢民之籍鳩鵲在望殍殣漸繁誰不有懷所患無術
今則曲求巧便別啟因緣不假多施但占一命計自春暮以及秋
中爲期百有旬旬量米日纔五合不過七斗以閱三時今以萬錢
廣施萬衆萬腹仍荷只一橋專渡一蟻一緡卽足爲此功德勝
於浮圖名務盡心其間厄運以萬寶登原之日爲七級合尖之期
一願倡募者領冊一本認救一命更於親友間輾轉勸募卽自己
無力者但能勸募多人功德自應無量也一注認之後須訪查確
覈必得真實無告束手待斃而後可以當之無或忽畧受欺虛此
善願一每十日給米五升錢一百文自六月初旬起至九月盡止

如米不足以麥代之亦可一遇有異鄉流落枵腹露居日夕就斃者更當設處空屋半間俾得容身棲息倘家無餘屋者或於大寺觀公所覓一無礙隙地使暫棲止并宜由縣出示如有寺觀僧道神廟司祝不肯招留饑民者察出定應究逐不貸一此舉費少功大願相與踴躍從事約計米六斗錢一千二百文便可全活一命一倡募某人領冊倡募其募救飢命若干人認察舉飢民者開記某人察舉及所舉飢民姓名列於後幅上書賑主姓名中書認一命下書飢戶姓名及啟賑日月某人察舉飢戶幾人按此係崇禎時浙省荒旱會稽倪文正公設一命浮圖冊以勸於鄉遇有真實無告束手待斃者仁人君子觸目警心各任一命日給錢米以待秋成務使全活而後已雖所及有限而實能生人救人百人發心卽活百命千人發心卽活千命各人一片惻隱至誠真可以格天

心同厄運豈小補哉

蘇州府陳公鵬年救荒二十策

康熙四十七年水旱相仍陳公以此策請詳江浙各撫領

行初時米價二十文一升不及兩月每升止糴八九文民歌再道海下愧經濟安布

禁占米作酒○禁小麥燒酒○禁黃豆打油○禁醴糟白糟作糖

○禁麩皮作麪筋今即糶賣貧民作餅度荒五項嚴禁書縣

禁屠沽熟食惜福省財只許賣○勸巨室富商捐米賑飢

公天資親至富室勸捐至誠感大剛柔遞用有願捐十石者什捐數百金者什捐累千金者給米給錢外到處造糧施粥又免來賑

濟數月至食糶而止捐數有○興工作以濟乏如築城開河修路等使工民得食

○寬山澤之禁如聽民賣鹽捕魚不禁採樵等○犯罪情有可疑

者聽其以粟贖罪取以賑飢○不論官吏軍民婦女僧道雜色等

人能捐米助賑者少則給匾領賞多則詳憲候

旨○延請名醫開藥室以救病民○近山之民教採松柏療飢

荒歲不得食可細鳴松柏葉以水送下。不飢為度。清粥湯送下。尤佳。每用松葉五合。相葉三合。研服。或專用松葉亦可。但須禁一切食物。自能療飢。卻病。○緩刑。凶歲犯法者。省禮。減其禮文。○貸民種食。地利也。○謹防盜賊。恐為民害也。○官吏紳衿耆民。每逢初一十五。齋戒沐浴。執香步行各廟拜禱。以祈民休。

荒歲災禍易起。故搜索鬼神。○

每州縣中。擇有才德者。主持荒政。如料理給米。施粥。之類。使小民米者一體。

○花米豆麥等船。放關一月。并遣人夫。率挽護送。外郡

日至。則價日減。是轉救為豐。一大關也。○其年平。湖知縣董天眷

得陳公。鵬年。指教先造為富。不仁。匾額。二上。在莊。縣。始從。鄉。村

勸。拒。遇。頑。富。三。家。釘。匾。門。首。非。在。告。發。禮。田。上。新。加。謝。贖。家。業。幾

去。半。從。北。山。鄉。到。城。樂。於。眾。多。所。以。賑。貴。有。餘。也。昔。朱。子。與。蔡。屬

日。勸。分。以。救。民。之。急。不。得。不。小。濟。陳。公。深。得。朱。子。救。荒。之。道。矣。

悲。終。無。可。行。威。克。厥。愛。子。事。乃。濟。陳。公。深。得。朱。子。救。荒。之。道。矣。

節錄先賢救荒四策

先策者。未然也。如復屯田。理鹽務。近水防漂。乏水防旱。懲游手

訓。節儉。勸農桑。興水利。有事以粟為賞。罰廣種代穀。食常平倉。委

任得人。率建社倉。或借裕鄰封。則薄商征借。靈海道則清海。如叢議所云。督撫將各項下賤罰銀。令府縣盡糴穀。徒流以下。其穀贖。一縣有災。鄰縣通融借貸。減價平糴。先策者將然也。如水旱穀種。既沒。當預先廣糴。他邦查災傷無可生理者。貸之。隨地利可栽種者。教之。貧富皆令約食。近處糧米。先事奏請截留。當蠲富賑急。踏勘先事奏請。正策者已然也。一開倉平糴。除緊急兵餉外。其餘出陳易新。二截留上供平糴。與民將錢輪部。國課無虧。三借帑糴糶。帑金可借。則差官循環糶糴。米可利民。銀仍補庫。四勸富賑飢。多有面諭。罰賞兼施。五勸典用米。令賫批往產米處。遠糴聽民以物質米。照時價值大興工作。如興水利。葺橋路等。并勸民婚葬營繕。權策者佐正策之窮也。招徠商販。令遠商聞風。競來。則米價自減。并馳檄鄰封。速令開禁。暫免關鈔。經過地方嚴巡。

護送或重罪有可出之機令人入粟以贖

河南撫軍畢沅

奏請災年出賣田產仍准贖回疏略

乾隆五十一年

案例

豫省連歲歉收凡有恒產之家漸多變賣鋤口近更有於青黃不接之時將轉瞬成熟麥地賤價准折別省富戶聞風赴豫舉放利債藉此准折地畝核其價值均不及平時十分之三該富戶剝削荒民甚屬可惡現飭各屬曉諭凡民間四十九年以後賣出田產如價值過賤者許其備價呈明地方官取贖買主不得以已經賣絕故意勒掇倘買主另行轉賣亦止准照依原價不得多行取值以聽原戶贖回仍以三年爲限以杜年久紛爭之漸至近日連麥准折之地限半月內令買者賣者自行呈首聽原主收回割刈除歸還原價外仍照豫省典鋪取息之例按月算給倘買者已將麥

禾收割核計所收麥價除去原買產本及應加利息如有多餘令其同地退還如稍有不足仍令賣主找清將地贖回倘買主圖利佔踞不行放贖即照重利盤剝之例從重治罪如原賣之人或有逃亡事故亦令呈明官爲辦理將所遺地畝另召無業農民耕種收息充公等因

道光二十七年河南
又災援案辦理

荒政叢言

明僉事林希元疏云。救荒有二難。曰得人難。審戶難。有三便。曰極貧民便賑米。次貧民便賑錢。稍貧民便賑貸。有六急。曰垂死貧民急。饑病貧民急。醫藥病起貧民急。湯米既死貧民急。募瘞遺棄小兒急。收養輕重繫因急。寬恤有三權。曰借官錢以糶糴。興工作以助賑貸。牛種以通變。有六禁。曰禁侵漁。禁攘盜。禁遏糶。禁抑價。禁宰牛。禁度僧。有三戒。曰戒遲緩。戒拘文。戒遣使。

牧令當行二十二條

一曰方旱則誠心祈禱。二曰已旱則一面申州。三曰告縣不可邀阻。四曰核旱不可後時。五曰申上司乞常平以賑糶。六曰申上司發義倉以賑濟。七曰勸富室之發廩。八曰誘富民之興販。九曰防接濟之奸。十曰嚴軍文之弊。十一曰聽客人之糶糴。十二曰任米

價之低昂十三日請提督十四日擇監視十五日參攷是非十六日勸功勞十七日旌賞孝弟以勵俗飢者骨肉不能相保有能孝養公姑竭力供祖父母十八日散施藥餌以救民十九日寬征摧二十日除盜賊二十一日察冤獄
孝婦含冤三年不雨二十二日掩枯骨

審戶

宋蘇次參澧州賑濟患抄割不公給印冊一本用紙半幅令各自書某家口數若干大人若干小兒若干合請米若干實貼於各人門首壁上如有虛偽許人告首甘伏斷罪以便委官查照又忠請米者完分定幾人為一隊逐隊俱用旗引如卯時一刻引第一隊領米二刻引第二隊以至辰巳時皆用此法則白無冗雜且老幼婦女悉得均親矣○又任澧陽司戶曰權安鄉縣正值大澇始至令典押將縣圖逐鄉抹出全澇者用綠半澇者用青無水之鄉用

黃不以示人。又令鄉司抹來參合。方請鄉耆逐鄉爲圖。復以青綠黃色別其村分。出圖參驗。故不檢撈而可知分數。催科賑濟亦視此爲先後其法甚簡要也。○明陳龍正曰。賑飢之法。往往吏緣爲姦。皆由戶之不能審也。貧者未必報。報者未必給。其報而給者。又未必貧。請就里中推一二大姓。任以賑事。有司不時單車臨視。稍立賞罰科條以勸戒之。蓋大姓給散其利有九。習知貧戶多寡。不至漏冒一也。給散近在里中。得免奔走與留滯之苦。二也。披籍而得姓名。穀米之數。即便查勘。三也。以鄰里之誼。不至僞雜損耗。四也。貧戶素服大姓。卽有缺漏。易於自鳴。五也。食糜各於其鄉。不至羣聚喧雜。穢惡薰蒸而成疫癘。六也。大姓熟識近鄰。不至搜奪七也。分縣官之勞入也。吏不能爲奸。九也。

剔弊

一鄉保里地於查報飢口給票散賑時多有指稱使費需索災民不遂其慾則多方刁蹬恣意請張印委各官務須嚴加禁約加意密察一有見聞立拏究革枷示追贓如有故縱該管道府州察實嚴叅○一劣衿刁民見鄉地混報吏胥侵蝕卽從中挾制或於本戶之下多開數戶或於領賑之時頂名冒領鄉地吏胥明知而莫可如何不可不察○一各衙門書吏視辦災爲利藪給票則有票錢造冊則有冊費災民無力出錢卽刪減口數州縣如此府司院胥吏明知其弊因而需索稍不遂意將冊籍苛駁更有上下勾通將空白印冊交給任其朦開捏造俱於賑糧內取盈非上下衙門之本官互相覺察尤難破此弊也○一州縣官長厚者在其朦蔽而不能覺察柔懦者受其牽制而無以自展又或因倉穀庫項尋變虧缺借此開銷或希冀盈餘入己遂徇私而不察其弊謹上開

一孔下開百竇則大利歸於下而重罪歸於官矣

急賑卹

環慶大饑帥守坐不職罷去范純仁代之始至慶州餓殍載路官無穀以賑純仁欲發常平封貯粟麥賑之州郡官皆不欲曰常平擅支罪不純仁曰環慶一路生靈付某豈可坐視其死而不救衆皆曰須奏請得旨純仁曰人七日不食則死豈能待乎諸公但勿預吾獨坐罪可耳卽發粟賑之一路飢民悉得全活

撫卹事宜

一撫卹一項原爲被災之初查賑未定極次未分災民之中
猝被水衝家資飄散房舍衝坍露宿蓬棲現在乏食勢難緩待者
自應不論極次隨查隨賑給以撫卹一月口糧或錢或米各隨災
戶現棲之地當面按名給發印簿委記官登彙冊報銷仍卽訊問

各災戶原住庄村註冊。俟水退歸莊後。查明災分極次。仍按原莊給賑。其衛軍貧生兵屬。有似此者。亦應一體查辦。如有竈戶在內。鹽法衙門管理。倘場員查辦不及。應令地方官照依民例。先行撫卹。造冊詳請鹽政衙門撥還歸款。○一猝被水災。房屋坍塌。一時舉爨無資者。或暫行煮粥賑濟。其有趨避高處。四圍皆水。不通旱路。窮民無處覓食者。該地方官亟應買備餅麵。覓船委員散給。以全生命。此係猝被之災。事非常有。向無另項開銷。如遇此等辦理。應按其救濟災民口數。歸於撫卹項下報銷。

貸米粟

後魏李元忠爲光州刺史。時州境災儉。人皆菜色。元忠表求賑貸。至秋徵收。被報聽用萬石。元忠以爲萬石給人。計一家不過升斗耳。徒有虛名。不救其敝。遂出十五萬石賑之事。訖表陳。胡延嘉之。

陸會禹曰杯水不可救車薪之大古云二千石與國同休戚救民之災苟不力任主仁恭見殺于劉武周郭子和誅汪才于榆林衛皆以不賑而起人拂逆之心可小視哉今刺史不事虛名增其賑米不獨救民且可弭盜

貸牛種

明僉事林希元疏云幸而殘冬得度東作方興若不預爲之所將來歲計復何所望故牛種一事猶當處置臣召父老計之自立一法逐都逐圖差人查勘除有牛無種有種無牛聽自爲計外無牛人戶令有牛一頭者帶耕二家用牛則與之供食失牛則與之均賠無種人戶令富人戶一人借與十人或二十人每人所借雜種三斗或二斗耕種之時令債主監其下種不許因而食用收成之時許債主就田扣取不許因而拖欠亦加其息官爲主契付債主收此法一立有牛種者皆樂於借而不患其無償缺牛種者皆利於借而不患其乏用有災傷處如臣之法似可行也

廣糶糴

明周文襄忱撫蘇時云次貧之民宜賑糶其法有二有坊郭之糶宜多擇諸城門相近寺院及寬厰民居儲穀於其中不限時日零細糶之糶米計升多不過一斗糶穀不過二斗如姦牙市虎有借倩粧扮之弊出首者重賞其弊自革有鄉村之糶宜行保甲之法間月而糶之每先一月出示將有災之鄉保限次月某日某保排定日期每隔一日一糶以防雨雪壅滯之患每甲大約許糶三石多則五石若通水去處當移舟就水次糶之糶價俱比時價減少愈少愈善富人強奪貧人之糶用張詠道坐之法一家犯罪十家連不許糶其糶本借官銀或借官糧或勸富家事完各歸其本如係民家則加獎可也

通商販

宋熙寧中。趙抃知越州。兩浙旱蝗。米價踴貴。諸州皆榜道路。禁人增米價。人多餓死。抃獨榜通衢。令有米者任昂價糶之。於是諸州米商輻輳。米價更賤。而民無餓者。陸曾禹曰。抑價之令。一行。商賈知之。平糶戶恐人賤糶。糶少許。以應多人。餘皆重價而暗售他方。故無米者室如懸磬。有錢者亦欲呼庚。於是。一夫不靖。千人應之。趙公之倫。○從政郎董煟云。比年爲政者。不明立法之意。謂民間無錢。須當籍定其價。不知官抑其價。則客米不來。若他處騰踊。而此間之價低。則誰肯興販。商賈不至。則境內乏食。有蓄積者。愈不敢出矣。饑民手持其錢。終日無告。糶之所有。不肯甘心就死者。必不能安靜。人情易于煽搖。此莫大之患也。惟不抑價。非惟舟車輻輳。而上戶亦恐後時。爭先發米出糶。其價自賤。

憐婦女

少婦處女。初次到厰吃粥之後。當給半日之糧。令其吃完此米。再

到廠中來吃一次。如前給之。後皆倣此。不可令彼含羞忍恥。日日到廠挨擠於稠人廣衆之中也。

憐嬰兒

不論男婦到廠吃粥。倘懷中有嬰兒者。許給一人之粥。令其攜歸哺之。彼利此粥。不致棄子造福更大也。

憐寒士

明御史鍾化民曰。讀書者不工不商。非農非賈。青燈夜雨。常無越宿之糧。破壁窮簷。上有枵雷之腹。一遇荒年。其苦萬狀。從厚給之。○粥不可過熱。過飽。潤飢民腸胃。凡有活人之心。宜無不加體察。

勸捐棉衣

高文定曰。直屬今年被災地方。窮民困苦。何蒙

聖恩。廣沛普徧賑卹。已無飢餒之患。惟是晨風戒涼。向前漸入寒

冬孤苦無營之人。雖幸得食而衣不蔽體。仍恐莫保身命。深堪憫。側案原題。部議紳衿士庶有情願捐賑棉衣者。報明地方官聽其自行經理。多則題叙。少則獎勵。奉旨允行。及今撫卹災黎之計。捐備棉衣。又爲急務。各州縣可卽出示勸諭紳衿士庶有願捐賑者。卽今製備棉衣分給貧民。或交地方印官。於赴鄉散賑之便。察看單寒極貧之男婦。攜帶散給。不得預期聲張。更不得委任胥役。仍將捐給數目據實申報。分別獎叙。如奉行不善。致有抑勒擾累。定卽加以處分。

安流民

宋富鄭公弼知青州。會河朔大水。民流入境內。公擇部內豐稔者五州。勸民出粟十五萬斛。益以官廩。隨所在贖之。擇公私廬舍十餘萬間。散處其人。官吏待闕者給之祿。使卽民所聚。選老弱病瘠

行一金
者廩之。約爲奏請受賞。率五日輒遣人以酒肉勞之。人人爲盡力。流民死者葬之。叢塚自爲文祭之。明年麥大熟。流民各以遠近受糧而歸。凡活五十餘萬人。募爲兵者萬餘人。上聞之。遣使勞公。卽拜禮部侍郎。公辭不受。前此救災者皆聚民城郭中煮粥食之。聚爲疾疫。及相踣藉死。或待次數日不食得粥皆僵仆。名爲救之而實殺之。自公立法簡便。周至天下。傳以爲式。公每自言曰。過於作中書令二十四考矣。

憫時疫

明王文成守仁曰。災疫大行。無知之民。惑於潮染之說。至有骨肉不相顧。療者湯藥。餽粥不繼。多饑餓以死。乃歸咎于疫。夫鄉鄰之道。宜出入相友。守望相助。疾病相扶持。乃今至于骨肉不相顧。縣中父老。豈無一二敦行孝義爲子弟倡率者乎。夫民陷于罪。猶且

三者致刑。今吾無辜之民。至于閭門相枕藉以死。爲民父母何忍坐視言之痛心。中夜憂惶。思所以救療之道。惟在諸父老勸告子弟興行孝弟。各念爾骨肉。毋忍背棄。灑掃爾室宇。具爾湯藥。時爾饑寒。貧弗能者。官給之藥。雖已遣醫生。老人分行鄉井。恐亦虛文。無責父老。凡可以佐令之不逮者。悉以見告。有能興行孝義者。縣令當親拜其廬。凡此災疫。實由令之不職。乖愛養之道。上千天和。以至於此。縣令亦方有疾。未能躬問疾苦。父老其爲我慰勞存恤。諭之以此意。

收育棄兒

宋葉夢得守許昌。值大水。流殍滿道。公盡發常平倉所儲者賑之。全活者數萬人。獨有遺棄小兒。無由得救。公詢之左右曰。無子者何不收养。曰。人固所願。但患歲豐年長。卽來認去耳。公卽立法。凡

災傷棄兒父母不得復認遂作空券印結發於里社凡得兒者明書於券以付之計救小兒共三千八百餘人後官至尙書左丞封侯子皆登第○宋劉彝所至多善政其知虔州也會江西饑歉民多棄子於道上葵揭榜通衢召人收養日給廣惠倉米二升每月一次抱至署中看視又推行於縣鎮細民利二升之給皆爲字養故一境生子無天閼者○明于忠肅謙巡撫山西河南勸民曰若有遺棄子女里老可卽報與州縣著官設法收養候歲熟訪其父母而還之如里內有賢良之民能收養四五口者官犒以羊酒給其匾額十口以上者加絲緞免其終身差役二十口以上者官帶榮身一時富民樂捐而尙義者甚衆

禁賣牛宰牛

明僉事林希元曰凡年歲凶荒則人民艱食多變鬻耕牛以苟給

目前不知方春失耕。歲計亦旋無望。按問刑條例。私宰耕牛再犯。累犯者。俱發邊衛充軍。但民果貧不能存活。許其赴官陳告。官令富民收買。仍令牛主收養。卽以木牛種田。照鄉例與富民分收。待豐年或富民得牛。或牛主取贖。如此則牛可不殺而春耕有賴矣。

敦風俗

明王文成守仁諭軍民曰。兵荒之餘。困苦良甚。其各休養生息。相勉於善。父慈子孝。兄友弟恭。夫和婦從。長惠幼順。勤儉以守家業。謙和以處鄉里。心要平恕。毋懷險譎。事貴含忍。毋輕鬪爭。父老子弟。曾見有溫良遜讓卑己尊人。而人不敬愛者乎。曾見有凶狠貪暴利己。侵人而人不疾怨者乎。夫罷訟之人。爭利而未必得利。求伸而未必能伸。外見疾于官府。內破敗其家業。上辱父祖。下累兒孫。何苦而爲此乎。此邦之俗。爭利健訟。故吾言懇懇於此。吾愧無

德政而徒以言教父老其勉聽吾言各訓戒其子弟○陸曾禹曰民之日流於汚下而不能享太平之福者人知之乎皆由未知孝弟忠信禮義廉恥之爲重耳如父兄能以此而教子弟師友能以此而曉愚蒙在位者察其言行獎其清良民雖頑末有不感奮者

以工代賑

宋皇祐二年吳中大饑時范文正仲淹領浙西發粟及募氏存餉爲術甚備吳人喜競渡好爲佛事仲淹乃縱民競渡又召諸佛寺主守諭之曰饑歲工價至賤可以大興土木于是諸寺工作並興又新倉廩吏舍日役千夫監司劾奏杭州不恤荒政遊宴興作傷財勞民公乃條奏所以如此正欲發有餘之財以惠民使工役傭力之人皆得仰食於公私不致轉徙溝壑耳是歲惟杭饑而不害○窮民無事衣食弗得法網在所不計矣故盜賊蜂起富室先遭

塗毒而餓殍亦喪殘生。爲害可勝言哉。今勸富民治塘修堰饑者得食。富室無虞。保富安貧之道莫過於此。○明萬厯間御史鍾化民救荒。令各府州縣查勘該動工作。如修學修城濬河築堤之類。計工招募以興工作。每人日給米三升。借急需之工。養枵腹之衆。公私兩利。陸曾禹曰。化民之救荒。日馳數百里。巡察各縣。溺厥隨堤等類。悉令開工。每人日給米三升。不許畧加。猶穀又論州縣有領工價而或稍怠其役者。鞭撻概行停止。恐一人臥痛。闔室餓亡。故耳。誠不世出之仁人也。

勸富戶業主當商

明宣德間山西河南荒。命于謙巡撫二省。公到任。卽立木牌於院門。一書求通民情。一書願聞利弊。二省里老皆遠來迎。公公曰。吾欲首行平糶之法。汝衆里老可將吾言勸諭富豪之家。將所積米穀扣其本家食用之外。餘者皆要糶與饑民。若仗義者每石肯減

價二錢。減至一百石以上者。免其數年差役。一二千以上者。奏請建坊旌表。有不願者。亦勿強。若有姦民。擅富要利。坐視饑民。不與平糶者。里人具稟。以呈重罰。不恕。凡有借欠私債。一槩年豐還納。○陸會禹曰。勸諭之道不一。握其要則民輸恐後。失其方。雖官索不輸。曷弗以古人爲法乎。○又有一種分頭勸。不可不知。宜預查通縣共有幾社。每社先訪才幹出衆者。能事能言者。數人聘以禮酌以筵。許其旌獎。每一人令其勸輸幾戶。多者爲能。倘有富足而不聽勸諭者。有司始自勸焉。不激不撓。循循善誘。務在必得。如是則社社無不輸之上戶。村村無不救之窮民矣。詩云。哿矣富人。哀此茕獨。周禮云。五族爲黨。使之相救。五黨爲州。使之相賙。有無原貴相通。濟貧卽是安富。勸分其可少乎。特不可稍存其私耳。

救荒福報

古來世家大族富貴綿延者無一不由於祖先之陰德而陰德之最大者莫如饑年施賑一舉即可活千萬人下全人命即上契天心古云活千人者後必封洵不誣也考諸記載賑荒善報幾不可勝數茲特就臆見所及臚列之以資勸感

至近世大家昭昭在人耳目者如吾吳之彭氏潘氏以及崑山之徐常熟之蔣常州之趙錢塘之計其先世之積功累德固婦豎所共知者茲不復贅

漢伏湛爲平原守時境內大荒湛謂妻子曰百姓困苦極矣奈何獨享用乃共清齋食粗糲不肉食悉分俸祿賑鄉里全活無算後官至司徒封侯子隆爲光祿勳孫曾皆貴顯

唐蕭復爲太子僕射廣德中連歲不稔穀價騰貴家貧將鬻昭應別業行賑時宰相王縉聞其中林泉之美使弟絃致辭若以別業見贈當處足下於要地復對曰僕以家貧鬻業將拯救孀幼耳僅

以易美職於身。令無告之人。凍餒非鄙夫之心也。

宋陳堯佐知壽州。歲大饑。公自出米爲糜。以食餓者。吏民以公故。皆爭出米。活數萬人。公曰。我豈以是爲私惠哉。蓋以令率人不若身先。而使其樂從也。後以太子太師致仕。壽八十二。謚文惠。

李廷美妻徐氏有賢行。家貧。遇凶歲。自度不能活人也。則命冢婦日計煮飯。用米若干。而多煮爲粥。鄰人饑者來。則食之。曰。吾日三粥。足以無飢矣。而餘力可兼濟人。不愈於食飯而獨飽乎。

趙壹爲平原守。時多盜。乃與諸郡討捕。斬其渠帥。餘悉赦之。青州大蝗。侵平原。荒甚。乃出俸賑之。勸富民出穀。濟飢。所活萬計。官太傅。封侯世爵。

滕元發知鄆州。時淮南京東饑。元發慮流民且至。將蒸爲疫癘。先度城外廢營地。召諭富家。使出力爲席屋。一夕成二千五百間。井

竈器用皆具。民至如歸。全活至五萬人。後爲龍圖閣學士。年七十。一無疾而逝。

齊劉善明。平原人。元嘉末。青州飢荒。人相食。善明家有積粟。躬食。餽粥開倉以救鄉里。多獲全濟。百姓呼其家田爲續命田。

宋眉州蘇杲。遇歲凶。賣田以賑鄉里。及熟。人將償之。辭不受。以致數敗其業。而不悔。子洵。孫軾。輒爲世大儒。

宋祝染。延平人。遇歲凶。賑濟煮粥療病。無虛日。後生一子。幼卽聰慧。應舉入試。鄉人夢黃衣使者執旗報喜。奔馳而告曰。狀元榜上有四字曰濟饑之報。及開榜。果狀元及第。

東吳駱統。八歲歸會稽。時饑荒。鄉里及遠方客多有困乏。統爲之減飲食。其姊仁愛。有行數問其故。統曰。士大夫糟糠不足。我何心獨飽。姊曰。誠如是不早告我。而自苦如此。乃自以私蓄盡與統。

又。以。告。其。母。母。亦。賢。之。遂。使。分。施。由。是。顯。名。明。瞿。與。嗣。好。行。陰。德。
有。一。貧。人。值。大。雪。餓。不。能。起。晨。往。以。錢。二。十。緡。投。窻。隙。而。去。歲。歉。
有。人。來。糴。米。受。其。錢。五。千。佯。忘。曰。汝。錢。十。千。耶。倍。與。之。凡。貧。販。者。
必。多。償。其。值。曰。彼。手。胼。足。胝。以。求。利。所。得。無。多。忍。與。較。乎。年。八。十。
子。孫。榮。顯。

徐。孝。祥。隱。居。吳。江。家。甚。貧。忽。於。後。園。樹。下。得。白。金。一。囊。亟。掩。之。人。
無。知。者。後。二。十。餘。年。值。大。荒。孝。祥。曰。是。物。當。出。世。耶。乃。啟。囊。日。取。
數。錠。糴。米。以。散。貧。人。全。活。不。勝。計。銀。盡。乃。已。子。純。夫。入。翰。林。
宋。富。弼。爲。樞。密。副。使。爲。小。人。所。譖。罷。去。夏。竦。復。誣。弼。遣。石。介。結。契。
丹。起。兵。期。爲。內。應。仁。宗。怒。甚。以。有。救。者。乃。落。職。知。青。州。時。河。朔。大。
水。飢。民。流。入。境。猝。難。獲。食。相。繼。待。斃。富。弼。擇。所。部。豐。稔。者。三。州。勸。
民。出。粟。得。十。萬。斛。以。官。廩。貯。之。勸。分。得。公。私。廩。舍。十。餘。萬。區。散。處。

其人以便薪水擇待闕官吏廉能者給其祿使循行鄉里問老弱疾苦官吏皆書其勞約爲奏請率五日輒以酒食勞之出於至誠人人爲盡力山林河泊之利有可取爲生聽流民取之主不得禁流民死者大塚叢葬之從者如歸市或謂弼非所以處危疑禍且不測弼曰吾豈以一身易六七十萬之命乎行之愈力明年麥大熟流民各以遠近受糧而歸所全活甚多帝聞之遣使勞弼卽拜禮部侍郎尋與文彥博同相制下朝士相慶封鄭公進封韓公壽八十謚文忠配享

漂陽任南原公樂善好施天啟時大荒出米數千石以貸鄉里貧人廩蓋一空自食粥次年秋人勸其索償公曰貧人經大荒後今稍甦不忍逼索遂取券盡焚之曾孫蘭枝榜眼及第元孫端書探花及第

海甯陳氏先人富而好施。嘗建高樓。每午刻。高樓四望。見里黨有不舉火者。使人以粟周之。遇疫時。開局施藥。施棺置義塚。地數百畝。一生樂善不倦。晚年遇異人。指以葬地。科甲鵲起。累代中堂。至今爲望族。

桐城大學士張英。張廷玉父子中堂。忠孝厚德。其先五世祖某公。仁慈好施。遇歲荒。以米萬石。半價盡糶於鄉里。心甚喜。曰。荒年半價。乃豐年全價。無損於我。有益於人。實爲心慰。仍捐萬金。設粥濟貧。如是三次。後家無餘畜。卽將田屋衣物賣銀買米。以救餓者。後遇化齋異人。指葬地。今子孫貴顯不絕。

王均亂蜀。雷有終討之。欲屠城。時蜀中名士范燦。范璫。暨文鑒。聞道迎王師。曰。蜀人懦弱。其有從者畏死耳。城下時。切勿屠戮。鋤其兇黨可也。有終見三人皆偉丈夫。又感其至誠。爲改容曰。非聞長

者言幾作忍心事矣。於是合城獲免。至今范氏子孫蕃盛爲蜀中甲族。文鑒享上壽。

全琮字子瑾。錢塘人。父好積聚。嘗使琮賣米。往吳市易。吳荒旱。琮將米散給貧民。空舟而返。父責之。琮對曰。兒以所利非急。而吳民方有倒懸之難。因便賑給。不及啟也。父大喜。私異其子。後琮仕吳。封錢塘侯。

倪閔。沙縣人。穎悟好學。節儉好施。每出以錢。自隨。遇貧則擲其家。不問知否。路遇丐者。必給錢。人皆曰。此小惠耳。倪曰。我但念其窮而可憐。何計惠之大小。若以小惠而不爲使天下人盡存如此識見。若輩多應餓死矣。及領鄉薦。赴禮闈。雖處京師。施與不減。屢試不中。人譏曰。君以濟貧爲事。何屢屈於春官。豈造物有未知耶。閔聞益自勵。紹定三年。寇起。蔓延侵境。兵獲從賊者。皆繫獄。閔憫其

無知羅法日飲食之已而得釋後火焚民舍將及閃家賊黨相與撲滅鄰家獲全明年大饑道殍相枕閃罄家以糜粥濟之活者萬計次年赴試人多夢豎旗於閃門旗上書饑粥陰功四字果大魁天下爲尙書

河南按察使張孟球居官廉潔遇年荒自食菜粥嘆曰百姓饑饉吾當與百姓共苦安忍食厚味耶因出已俸并夫人衣飾糴米賑饑於是富戶爭相煮賑全活無算生五子皆登科

吳鳳岡五十無子蓮池大師勸其行善吳曰吾貧不能行善師曰爲善不在貧富貴賤宰相日日有可行之善事乞丐亦有日日可行之善事只要存心力行不急耳功過格上有許多不費錢的善事爾可受持爾教讀一年所得不過十餘金用度自然不足爾能持齋戒殺盡心教學不誤人家子弟路見字紙米穀必拾起見虫

蟻不忍輕傷遇衰老殘疾乞丐卽施一文二文錢一碗半碗粥口中時時說因果報應好話勸人爲善今當荒年正是寶山取寶之時宜格外出力救得一人是一人的好事救得十人是十人的好事多抄救飢方治疫方傳貼廣勸施助此皆貧人可行之大善事與富貴人布施千金萬兩者無異也鳳岡導師訓力行不怠後享高壽生四子二登甲榜今爲江干望族

披髮婆子年約八十餘不知何處人在沁水縣東門內往來求乞口念彌陀不絕聲人憐其老多施錢米婆卽轉施孤苦饑民并云我代施主轉種福田也後里人見五色雲起草市中見婆坐逝異香郁然

太原布商劉全順求袁柳庄相面袁一見驚曰兄大限只在一月內可飛速回家辦後事柳庄神相也言無不中因是歸寓惘然不

樂表姪周鰲問故始知因勸云今大荒歉人相食何不捐資五六
十兩買米麥散賑諸貧人稱大陰德或者可回造化劉卽依言星
夜發銀辦米散賑過一月餘無恙復往見柳莊又驚曰爾作何大
陰德滿面陰陽紋非但延壽且可得二貴子劉後年八十五生二
子皆登甲榜子孫科第不絕

天啟時祥符縣車夫金芳貧而好施遇荒年自吃糠粃荳渣見飢
寒殘疾人必施一二文每日推車得錢隨路散去空囊而歸有時
雨雪不出常忍飢一二日不忍也年六十四歲遇無心昌老贈吞
丹藥髮白復黑齒落重生鄉里皆異之後復遇昌老隨之而去不
知所終

天啟時桐柏觀道士趙紫霞遇歉歲將錢米衣物盡施山下貧苦
老幼殘疾自絕食掘蕒根剝榆皮療飢致成病而卒舉棺甚輕開

視惟留敝衣一襲蒲履一雙屍解而去

嘉靖時平陽府西街楊士炎開張糧食舖吃虧忍氣不與人校人呼爲楊呆見貧苦乞丐必與錢米店夥有時叱罵乞兒楊云貧苦小人所求者不過一文一勺何忍加以阿罵且人生靠天只要店中生意順利無官非口舌火盜自己吃用省儉些每日亦不爭乎此數百文錢貧人買米三五升者常令他自量任滿不取其利遇荒年家內所存錢米平價糶完每日哺帶銀錢往僻巷小街見孤兒寡婦及貧病不能舉火者酌給之凡肩負挑販老幼殘疾無不沾其實惠愈施濟而家財愈盛六十二歲秋病入冥府見冥官查其善功增壽二紀後壽九十二歲無疾而終子孫累代富厚至今已二百餘年益多貴顯可見爲商爲賈之人若能留心積善隨地可種大福蓋錢財是命中一定之物分中有財能捨得自能積得

上天必千倍萬倍加利還之。分中無賄。卽使用盡心機成家立業。而天地降罰。飛災橫禍。不難奪之而去。或爲不肖子孫敗去。留不美之名。與人作笑柄。所謂小人在自爲小人。深可惜也。

嘉靖時南昌熊兆鼎翁。精內外科醫術。不計財利。不避寒暑。往往自備藥餌。以濟貧病。遇荒年卽步行四出赴診。甚至賣田以濟。所活無算。自妻冬衣葛裙。怡然也。年八十歲誕日。忽見中堂懸紅綾報單。上書奉上帝命。命熊兆鼎三日後赴福建省城隍司任詢之。家人皆云不見。至期沐浴更衣拜天地。別親友端坐而逝。異香滿室。數日而散。子孫繁衍。科甲不絕。爲江西望族。

蘇城桃花塢潘敦仁。療疾數年。卧床待斃。自思身後要錢何用。不如及早濟人。時值辛未大荒。售屋八間。捐施粥廠。米六十石。忽有異人自言能治其疾。請診之。卽開一方。一服而愈。

徽商汪宇亭算命者言伊只有四十五歲之壽無子丙子歲飢捐粥米一百六十石後年七十餘尙健生四子七孫

蘇城長洲學前馬鶴林辛未曾助粥米十六石助後三日往淮安寓湖嘴子蔣家飯店至夜半腹疼下樓大解忽聽轟然一聲樓上牆倒衆人攜燭往視馬之卧床已壓碎矣馬此後一心力善享壽八十二子孫滿堂

蘇城南濠李文壁於丙子年父故廣脩齋醮一夕父神憑孫女福全對文壁云爾在生亦孝我今當此荒年有此錢財何不施濟飢寒今但延酒肉僧道禮經拜懺於我毫無益處若肯施濟飢民比經懺勝多多也文壁異而應命明日卽施饑人每人錢一百二十文共用七百餘千其父又神憑福全對文壁云爾可爲大孝冥府已加增福壽我亦往生富貴人家去矣

舊一金

卷三

三

救災有福說

左傳秦子桑曰。救災恤鄰道也。行道有福。或者疑其說近邀福。而其心不純。近世張氏爾岐辨袁氏立命說。以其瑣瑣責效。目爲異端邪說。田氏蘭芳撰唐幼章句釋感應篇序。謂希福冀報。非儒者所宜言。推其意。則救災而言有福。不亦與正誼不謀利。明道不計功之旨相戾乎。竊以爲張氏田氏之說精矣。然持論過高。無以誘人爲善。且斥立命說爲異端。尤矯枉過正者也。袁氏記功錄過。大小厚薄。各有成格。造物若稱量以相償。誠未免沾沾作計較。然必謂其望報而始爲善。說已近苛。況以私僞斥之。何以服彊爲善者之心。耶。彼不求報而亦不爲善者。轉於人有濟耶。田氏嘗感應篇亦以其中勸戒。輒以禍福爲驗耳。不知所言善惡之報。卽稟書惠迪吉。從逆凶之說。尚書福善禍淫。作善降祥。作不善降殃。易言積

善餘慶積不善餘殃皆此義也何田氏不敢議書易而獨議感應篇耶夫子言後獲言後得未嘗不言獲不言得也然則行救災之道必有救災之福安可以言出於霸佐而疑之試畧舉救荒感應之事以昭法戒焉宋淳熙初司農少卿王曉平旦訪林機時爲給事中在省其妻曉姪女也垂淚訴曰林氏滅矣驚問其故曰天將曉夢朱衣人持天符來言上帝有勅林機論事害民特令減門悻而寤猶彷彿在目也曉待林歸叩近日所論奏林曰蜀郡旱歉奏乞撥米十萬石賑贍有旨如其請機以爲米數太多蜀道不易致當酌實而後與封還敕黃上諭宰相云西川往復萬里更復待報恐於事無及姑與其半可也以此一事耳曉舉蹙去未幾林病歸至福州卒三子繼踵亡此建言阻賑之報也

張詠知益州日嘗夜夢詣紫府真君降階接之禮甚恭繼請西門

黃兼濟揖張益州坐黃承事之下。夢覺莫知所謂。問左右西門有黃承事否。令具常服見。既至。果如夢中見者。再三問平生有何陰德。承事云。無他。惟每歲收成時。隨意出錢收米。至來年新陳未接之際。糶與細民。價例不增。張公嘆曰。此宜居我上也。使兩吏掖之而拜。此每歲平糶之見重於神也。

明萬曆年姚恩。仁巡撫河南。殺賊甚多。忽病被攝冥司。主者詰曰。爾何好殺如此。姚曰。某爲天子執法耳。主者曰。凡爲官當體上天好生惡殺之心。爾不以哀矜自省。理應受罪。姚曰。固也。當兩省凶荒。某會上疏。請賑所活不下數千萬。獨不可相準乎。主者曰。此爾幕賓賀燦然所爲。已註其中。年富貴矣。姚曰。稿雖賀作。疏由某上。獨不可分其半乎。主者默首言是。亦有理。遂令其生還。賀從姚於官。因見凶荒。特作疏稿勸姚上。之後賀年四十登第。累官冢宰。姚

官至工部尙書此上疏請與作疏人同心救荒之報也

他如宋祝染施粥而子及第邵靈甫發所儲浚河而子梁登第孫剛魁南省明馮珥賑流民而壽逾八十子冠舉進士蕭達出粟濟饑而年七十五子良有良譽俱登第救災獲福確有證驗事難枚數畧舉其槩如此夫釋氏因果之說近於荒誕而善惡感應固有昭然不爽者救災恤鄰道也卽誼也行道有福利也卽功也正誼必有其利無誼外之利也明道必有其功無道外之功也歆以福則人有所慕而爲善怵以禍則人有所懼而不爲不善行道有福之說正欲盡人納之於道誼利不謀而獲功不計而成山畏罪者強仁而進於智者利仁也安得以私僞疑之哉必計有所爲而爲之其心已雜而不純吾恐持論過高轉失聖賢與人爲善之旨矣

附勸製草衣說


裕魯山中丞陳臬江蘇時。曾刻勉益齋偶存稿一書。內載在湖北武昌太守任內。辦理荒政。籌款製辦棉衣之外。尚有飭製草衣一項。其年老殘廢者。則給棉衣。強壯者。則給草衣。載明廣購稻草。編製草衣。每件約需大錢六十文。將草衣式樣。交給委員。飭縣看視。遵照製備等語。其中雖未細載如何造法。其所云編製者。想用粗麻。將稻草打軟。照蓑衣之式編成也。若得做成式樣。廣傳分送。俾人人可仿照而行。則農人亦可自製。并可售人。利益頗大。緣近年人多費絀。綿衣之給。勢難遍及。惟草衣價廉工省。亦足禦寒。爲衣爲被。均在乎此。活命法。此爲最廣。願有心人。急起圖之。

草衣之製。其法。冬月未必適體。未遇嚴寒。或有不屑受者。然與其衣不蔽體。而受凍。何如權藉草。身稍禦風。草衣本食山。聖人出而爲之。以救貧民。而惟願仁人君子。多爲製備。廣給貧寒。可救無告。而免其輕賤而忽之。

草衣之弊。雖冬未必適體。未遇嚴寒。或有不屑受者。然與其衣不蔽身。而冬何如權藉章子稍禦風雪。草衣木食。山聖人尚力。而惟願仁人君子多爲製備。廣給貧寒。可哉。無以輕賤而忽之。

草衣式

蒲衣亦可照式



將稻草打熟用燈草絞繩編成或用麻皮線更好。背後雙層餘俱單層長約二尺二寸。卽雇書做蓑衣人爲之每件約重四斤有餘。每件工食草料約六十餘文。得此式則草裙草褲皆可類推或編蒲作衣亦無不可。草衣蒲衣前後背心均可夾用蘆花更爲有益。

濟荒粥賑章程

卷五之三

濟饑莫善於粥。而設廠施粥。流弊極多。故施粥廠中病斃者。纍纍無數。本欲救之。反以害之。固董理者所不及料。亦未始非墨守舊章。不善變通者。滋之咎也。擬粥賑章程。

粥店十便說

一省廠費。施粥必須設廠。或公所大房。局面既大。上下人等。伙食工料。一應費用不少。粥店則不必設廠。但就地方公所。只須數間空屋。除鍋灶缸杓器用外。其餘各費俱可從省。

一可接續。施粥有出無入。當大荒之年。集捐不易。經費恐難爲繼。開店賣粥。則半施半賣。賣出錢文。又可以資轉運。相濟源源。在災民已得便宜。在我亦堪接濟。便可多延日月。不致半途中止。

一免奔命。粥廠必須人集給發。守候多時。比及吃完散放。爲時已晚。數里往返。仍然枵腹。每日爲兩碗之粥。奔命不遑。老弱婦女。固不能堪。卽年壯丁男。亦難強忍。日久疲乏。難行。或宿窮簷。野塚古廟。荒菴。勢必流爲乞丐。甚至風霜染病。僵仆道旁。最爲可慘。粥店則隨到隨發。不必守候時刻。自無此等流弊。

一免廢業。粥廠見人數給粥。十口之家。必十口偕來。遂至扶老携幼。衝風冒雨。觸目可憐。終日役役。男荒其畊。婦荒其織。有妨將來活計。將欲濟之。適以累之。奈何。若粥店則一家只須一人來買。其鄰右不能行者。并可托以帶買。在家者仍可勤其故業。卽來買者。往返甚速。歸後仍可操作。本業兩無妨碍。

一全體面。施粥一事。顧體面者。雖朝不謀夕。往往甘心窮餓。不屑嗟來。而愛好婦女。又恐出垂露醜。不肯赴廠。其情最苦。此則

以買爲名。與者非惠。受者無嫌。且可帶買。則婦女并可不親來。全人體面。體恤最至。

一少擁擠。設廠施粥。必俟人集方給。人數既衆。擁擠必甚。老幼病弱。受傷必多。甚至傾跌。隕命。粥店則自晨至晚。絡繹發付。隨即散去。可多可少。聽人自便。自無擁擠之弊。

一易籌辦。施粥不分界限。須各處一時并舉。否則遠近偕來。尤難支應。且經費必須廣集。方能舉事。而估費過大。勢必人人畏難。反阻善舉。粥店則可以漸次開設。經費亦可漸籌。可收可放。可大可小。可暫可久。辦理自易。且施粥必須將粥煮齊。方可散放。而粥多時久。每易清壞。粥店則隨煮隨買。可無清壞之虞。一免疾疫。粥廠既設。人跡雜沓。廠旁臭濁。穢氣薰蒸。卽飽煖之人。尙易染成疾病。故司役者往往易生怠心。而災民以寒餓之

軀。早起跋涉。道路風霜。外邪乘虛而入。守候既久。廠中再受穢濁。無論老弱。卽強壯者。必生疾疫。此中性命關係不少。粥店則旣無薰蒸之氣。卽跋涉遠來。到局卽有粥吃。以充餓腸。不必守候。自無疾疫之慮。

一省司役。粥廠督理煩雜。必須多請司事。多僱夫役。所費甚多。况以人多而忙在一時。尤易生弊。董理者耳目難周。粥店則經董只須一二人。主糧亦只須一二人。夫役不過三四人。一店已可兼辦。二三間自晨至晚。陸續打發。無甚匆忙。况夫役少。則耳目易周。自然難於作弊。局費亦屬無多。以逸待勞。以簡御煩。此爲最善。

一多暗助。粥店旣設。則極貧次貧。一一呈露。倘實係極苦之戶。無錢買粥。局董須另脩粥籌。暗中送給。自無向隅之憾。而且目

擊情形。動人最易。往往有有心人預買粥。就中冷眼相看。酌量給予。令其到局領粥。或給錢令買者。自無苦樂不均之弊。如實係經費不敷。難於爲繼。則不妨用間日買粥法。否則三日中賣一日亦可。惟須先行貼出。方不貽誤。或用糠粃麥糊粥。或米湯。或炒米薑湯。附局散施。極貧之戶。則調劑災民。無微不至。逢兩雪之候。則用粥担法。徧送。或看天氣有久雪之象。則米麥糠粃雜糧。按戶分給。或施不飢。亦可使有餘糧。以待晴霽。自可免多少杜門飢寒矣。

此事最係飢民性命。集資稍有端緒。卽當趕辦。若必待經費充足而後舉行。則日延一日。徒託空言。災民待哺嗷嗷。恐已多填溝壑。宜先就最荒之鎮。先行開辦。鄰鎮見有成效。自必奮興繼起。其好善者亦必樂於續捐。從此勸行愈推愈廣。可以徧及四

鄉有志竟成。自古若是。若慮有本非飢戶。亦來買食。有碍極貧地步。可先查明戶口。分別極次給票。填明人口。其次貧之戶。或人口折半亦可。准其買粥幾碗。自無浮冒矣。此法始於錫邑。青城鄉。於道光二十一年大水爲災。義賑之外。又添粥店。以二千爲始。其時不分界限。十里之近。均來買食。計飢口三千餘。延至七月之久。所費一千七百餘千。人皆稱善。嗣後道光二十九年。水發更大。合邑成災。遂合邑通議。分圖開設粥店。一時並舉。勸圖內稍可自給者。勉力書捐。其圖內無大戶者。總局協濟酌貼粥米若干。計合邑粥費六萬餘千。全活災民數十萬衆。可見善有同心。所患赴之不勇。爲之不誠耳。能勇能誠。何事不濟。

道光二十九年常州府通飭合郡勸行刊發規條

救飢之法。惟粥最宜。而施粥之弊。前人有極言之者。以其有擁

擠守候之勞。且有接濟爲難之慮也。道光二十一年。錫邑被水成災。北鄉芙蓉楊家各圩尤甚。有青城鄉北七房鎮同人集資開設粥店。半價發賣。先查給粥票照票發籌照籌發粥臨早隨晚或多或少聽其自便其實係極貧之戶。無錢買粥者。許照票半給。如平糶之給餘錢者。或暗與錢。或許暫賒一碗半碗。聊可充飢。此舉無施粥之名。有救飢之實。煮粥之本日有所虧。則逐捐逐補。故延至經年。事半功倍。人皆稱善。近鄉仿行者不少。至二十九年。常郡合屬大水。特將粥店章程。由府通飭各屬。一体照辦。一時郡屬各鄉城。仿照遵辦者數百處。飢民便焉全活。無算。謹擬粥店簡便說如左。冀有心人采擇行之幸甚。

從來救荒之策。自恩賑撫恤外。莫善於煮賑。然煮賑雖善。要亦不能無弊。蓋設廠

煮賑必俟遠近饑口齊集方可給發。不至日中必不得食。彼枵腹者恐不及待矣。且煮賑必按口給發。凡一家有數口者。不得不扶老挈幼而至。始則奔走。恐後繼則擁擠。爭先勢所不免。其疲癯殘疾。不勝奔走擁擠者。不得食也。此煮賑之弊也。故有心救荒者。莫如去賑之名。而寓賑之實。於被災之區。開設粥店。減價發賣。較之煮賑。其便有四。隨到隨買。不須等候。則無擁擠之患。其便一也。一人來買。兩三家可以安坐而食。無事萬人空巷。以致廢時失業。其便二也。煮賑經費浩繁。難於久遠。以故人人畏難。以煮賑一處之費。可以分設三處。以煮賑一月之費。可以延至三月。費少則易成。三也。且顯有賑饑名目。在白愛者。或甘心窮餓而不肯食。至於以錢買之。則不以爲恥矣。其便四也。前於道光二十年。無錫青城鄉六一圖曾行此法。周圍十數里。

之內人人稱便。已有成效。今歲水災尤甚。民不聊生。好善君子。倘能放其大概。斟酌行之。或十里五里。隨便開設粥店。以至麥熟爲期。則起死肉骨。彼嗷嗷者。均沾實惠。於無旣矣。謹將煮賣條規詳開於左。

一 每米一斗。加粉二升五合。煮粥百杓。

一 煮粥須用新米。南米最好。粉米不拘。每粥一杓。定價四文。半杓二文。

一 每作灶一副。頭二鍋煮粥。梢鍋貯水。俟粥出鍋後。卽將梢鍋滾水。勻入頭二鍋內。便省柴火。

一 粥米每鍋須有一定之數。預先量准。將兩鍋米并在一處。用小缸水浸半日。

一 頭二鍋須用極大者。名平三尺。梢鍋次之。

一 風箱要大。且要新。旣省龔糠。出粥又快。

一煮粥水須用礬打潔淨

一粥出鍋後貯大缸內不可任其上面結蓋倘結蓋則熱氣不能外達易變清水須用長柄扒頭時時兜底攪之

一先後出鍋冷熱之粥斷不可貯放一缸

一煮粥之鍋須先燒滾水二三次然後煮粥

一粥不可過熱亦不可太冷

一煮粥宜舊鍋舊傳新鍋煮粥煮飯菜饑民食之未有不死者故厥中須用舊鍋萬一舊鍋不足須將新鍋或向庵堂寺院或向飯舖酒家換取舊鍋備用庶不致損人之命此又一要法也

粥不可過飽過熱

明崇禎庚辰年浙江海寧縣雙忠廟賑粥人食熱粥方畢卽死。每日午後必死數十人。與宋湖州賑粥方離釜猶沸滾器中飢人

急食之。食已未百步而卽死者無異。後杭人何敬德知之。遂於夜半煮粥置大缸中。明旦分給死者。寡矣。其所以必死之故人知之乎。凡食粥者。身寒腹餒。必然之勢。身寒則必喜熱粥。腹餒則必貪飽餐。殊不知此皆殺身之道。立死無疑。故賑饑民。其粥萬不可過熱。令其徐徐食之。戒其萬勿過飽。始可得生。賑粥時尤須大書數紙多貼於粥廠左右。上書餓久之人。若食粥驟飽者。立死無救。若食粥太熱亦立死無救。猶當令人時時高唱於粥廠之中。使瞽目者與不識字之人皆知之。庶可共警人之生死係焉。仁人幸無忽也。

因里設廠賑粥

魏叔子禧曰。施粥者必須因里設廠。若勞其遠行。恐半途仆斃。又須立人監理。令飢民至者隨其先後。來一人則坐一人。後至者坐

先至之下。已坐者不許再起。一行坐盡。又坐一行。以面相對。以背相倚。空其中路。可令擔粥人行。行走坐至正午。擊梆一通。高唱給第一次食。令人次序輪散。有速食先畢者。不得混與一次散訖。然後擊梆二通。高唱給第二次食。如前法。共三次。卽止。蓋久飢之人。腸胃枯細。驟飽卽死。再飢民中。稱有父母妻子。卧病在家者。量行給與。携歸處分。已訖。方令散去。散去之法。令後至坐外者。先行挨次出。厥庶不擁擠踐踏。又多人羣聚。易於穢染。生病須多。置蒼木醋碗。薰燒以逐瘟氣。又不時察驗。嚴禁管粥者。剋米。將生水攪稀。食者暴死。其碗箸各令飢民自備。○按米多亦不得施飯。久飢食飯有立死者。

一擔粥法

賑粥者聚而待哺。冷氣薰蒸。更防變生意外。莫若用擔粥法。無定

期亦無乏。每晨用白米數斗煮粥。

煮粥盛以有蓋桶外備小鍋貯碗十隻。箸十雙。鹽菜少許。

分挑至通衢。若郊外凡遇貧乞。令其列坐。人給一杓。每擔需米五六升。可給五六十人之餐。十擔便延五六百人一日之命。或數日。或旬日。更有仁人繼之。諸命又可暫延。無設廠之勞。有活人之實。既可時行時止。又且無功無名。量力而行。隨人能濟衆。每日有仁方矣。此崇禎辛巳嘉善陳龍正賑粥之法也。如四月後天炎。不可用粥。不拘糯米麥豆磨粉爲蒸餅湯糰之類。照散粥法分給。亦便。

陸桴亭施米湯約

陸桴亭世儀勸施米湯約曰。荒歲米貴。民多食豆。粿麩糠草根諸雜物。溢滯塞腸。久飢者每每致死。嘗考方書。惟穀性最養人。人但得穀氣。卽累日可以不死。因思今素封家。雖無餘力。可以活人。然朝夕炊粥飯時。幸少增勺米。湯沸必挹取數盞。盛大甕中。多多益。

善。明晨以湯再燒。量入麥粉少許。使成稀粥。更以水薑三四塊。擣碎調和。飢民畏寒。有薑汁各就門首施之。或一次或早晚二次。湯則辟寒氣。通腸胃。凡有活人之心。宜無不以爲然者。問切

抄
齋文

黃慎齋澄煮麥粥法

黃慎齋澄煮麥粥法曰。用大麥磨成麵子。每麵八升。加以碎米二升。調成糊粥。遇飢年。擇一倚傍廟宇空處。對面搭棚十間。兩頭設立木棚門。門派二役把守。棚內砌土灶五眼。用大鍋五口。滿貯清水。燒冷滾沸。預將米粉麥麵二八拌勻。堆貯棚內。一鍋水滾。入麥麵攪勻。頃刻濃熟可吃。用大杓約一大碗。自東棚門放飢民魚貫而入。就鍋與一大杓。挨次給散。令其山西棚而出。一人掌杓施粥。其調煮之人。卽於第二鍋內下麵調攪。頃刻又熟。二鍋散完。卽散

三鍋。次第以至四五鍋。而第一鍋又早水滾可川矣。鍋不必洗。人不停手。竈下十人。竈上十人。共二十人替換。足供是役。計麵粉每升可調三四杓。濟三四百人。計三四石可濟千人。每日調粥十餘石。可濟四五百人。初不慮擁擠也。自卯未辰初散。至午未竣事。計麥麵米糶之價。較米價止十分之五。而人工費用器具。又省十分之七八矣。其便有五。一價賤則經費可充。可久。一麵粉麤於米粥。非實在飢民不來爭食。一米糶拌入麥麵之中。廠內人不能侵尅。攪熟可現吃。非若冷粥傷人脾胃。一頃刻成熟可吃。非若米粥必隔夜燒煮。不費人工時候。如境遇大荒。賊鄉分設四廠。可無受饑之民矣。但須預於半月前發米磨糶。發大麥磨麵。責成磨坊碾部。陸續磨運。畢貯以供應用無缺。查大麥麵子。淮揚徐海貧民藉以日食。收買甚易。江以南則須買麥焙熟方用。以免傷人脾胃。

切問齋文鈔

道光二十九年。錫邑大水。各鄉設粥店數十處。而吃粥者多。博濟爲難。因設糠粃糊粥。權宜補救。其糊用糠六分。粃四分。其磨細粉入鍋。將滾水調糊。畧煮數沸。傾於缸內。缸外用草簍圍之。上覆以蓋。經時不冷。如無粃。以大小麥粉代之。或用小豆餅磨粉攪入。蓋因施賣米粥。尙有濫吃之人。若此糠粃糊。則非眞極餓者。必不屑食。所來就食者。盡屬極貧之輩。是以人皆稱善。而助捐者源源不絕。凡救饑時。而以經費爲憂者。可仿辦也。時有粥必須好白米。且言必須極乾極厚。皆包知其一。不知其二。不知經辦者之苦心也。

米麥之外。一切雜糧。如包穀。豆粒。番薯。亦堪作粉果腹。但散給各粉。只可調糊。切不可作糕餅乾食。恐傷脾胃也。

災年恤產保嬰規條

卷六之一

自來荒政諸書有收養棄孩局一條。善舉也。近世習俗。往往有生卽淹斃者。則收之無可收也。且有產後凍餓成病者。則局中不及顧也。事關兩命。法宜兩全。擬災年恤產保嬰規條。

災區恤產保嬰引

從來荒歉之年。民間多棄嬰不育。蓋以粟珠薪桂。度日維艱。爲父母者。自顧不暇。不遑顧及所生。且近世多溺嬰之俗。呱呱墮地。卽付沉淪。習俗效尤。恬不爲怪。每逢饑饉。淹棄尤多。戊申夏秋之交。江水驟溢。江陰壽興沙被潮泛漫。田廬淹沒。其地人民。救死扶傷。謀生不給。凡有生育。往往淹斃。男孩亦所不免。予在江邑沙洲。聞產嬰孩多不能舉。有老婦言。其里不滿百戶。兩月中。已吞所生者。掩斃女孩三口。男孩一口。外此當更不少。言之惻然。已吞所生者。卽由適遇。或不願瓦全。苦命重貽父母之懼。在生之者。顧復同情。

何竟至玉碎甘心。忍割裏毛之愛。事必出於無奈。情或有所難言。鄰母喧傳。嘆手援而莫及。鄉人驚告。嗟目擊以難堪。是何心哉。良足悲已。况饑年產婦。以寒餓之軀。猝焉坐蓐。愁腸百結。費難支。憔悴姬姜。最易感冒。倘無調理。曷保生全。查荒政諸書。有收養棄嬰一條。洵爲濟荒善舉。顧收之於既棄之後。恐奄奄弱息。不兒爲委瘠於道旁。何如恤之於未棄之先。庶小小血胞。轉可罕罕珠於掌上。爰擬仿照保嬰局規條。并入賑局兼行辦理。或另集局。或就賑局。凡飢戶中有新生男女。而勢不能舉者。勿令淹棄。由報明局電查驗的確。先給綿胎一件。白米一斗。錢二百文。嗣後每月酌給食米。附賑散給。以賑畢爲止。並請縣出示曉諭。禁止溺嬰。如此則貧民既因有所助而樂於留養。嬰孩更得依所生而易於保全。現在產婦得此一助。更可安心調攝。亦不致以強起操作。而生意外之虞。

道可兩全。事堪兼舉。門開方便。既以全災民骨肉之恩。術本行仁。並可免孩赤沈淪之慘。想有心人當不以爲迂遠也。是爲引。

條規

一、是舉卽照錫邑青城鄉保嬰局規條辦理。專爲荒區起見。凡被災地方。無論水旱疾疫。總可照辦。如有賑局。便可就局舉行。倘不能辦賑。宜另集捐資。各就本鄉設法。實爲救命要著。現在功德。切勿錯過。

一定例。凡災戶中有生育女孩。不能舉者。許憑保報局查確。先給米一斗。錢二百文。小衣一件。寒天可用棉胎亦可。以後給與憑票。逐月酌給。視經費之多寡。爲盈縮。能曲爲籌畫。接濟至成熟之期。更爲大妙。如經費難集。卽一二月亦無不可。千餘文卽可救人一命。便宜善事。莫過於此。

一 生產本屬險事。荒年更堪憐憫。一朝坐草。囊乏半文。枵腹臨盆。支持無力。往往昏暈難保。若必待報局查驗。恐致耽延時日。所得未能應急。凡辦事諸君。如逢荒歉。不妨先到各村坊訪問。如有有孕之家。約某月將產。可即先爲注冊存根。臨期報局。不待查驗。即可付錢。且約有成數。籌費更易爲力也。

一 男孩例不應給。然一遇荒年。男孩亦恐不保。亦宜稍爲酌濟。以期必舉。戊申冬。蘇郡收養流民。恤產每名給錢五百文。以後即添入小口冊。故生育男女無一棄者。產母有病。另爲調治。保全亦正不少。

一 荒年籌捐不易。各村坊注冊後。約計若干。該錢每名若干。不妨勸人公捐。或一人認養一名。或一人認養十名。隨力捐助。以期衆擎易舉。

一保嬰局大意在因助思留。因留生愛。因愛得保。其法實隨處可行。荒區尤易見效。略有所助。無不欲慈產得錢。轉可賴以過活。故凡有生育。無一溺棄。且撫養分外當心。數月後嬰孩已能嬉笑。而吾法自此行矣。

一是舉於戊申冬初。就江邑之壽興沙先行貼招舉辦。十二月初。又於常邑之青草沙仿照辦理。全活頗多。已著成效。爰稟請撫憲陸札飭藩司通飭各屬被災之區一體照辦。惟願賢父母實力奉行。並出示曉諭。設法勸捐。率地方善士。悉心籌畫。共起而圖之。使百千萬及溺嬰孩咸登仁壽。造福當無限量。

按宋史黃震提舉常平倉。初常平倉有慈幼局。爲貧而棄于者。設久而名存實亡。震謂收之於既棄之後。不若先於未棄保全之。乃損益舊法。凡當婉而貧者。許里胥請於官贍之。成活者衆。惜

後世辦荒者多不計及此。此舉洵足補近時荒政所不及。

江蘇巡撫陸通飭稿

爲通飭照辦事。據江蘇縣生員余治稟稱。竊天下事莫大於人命。則仁政之行莫大於救人性命。現屆歲荒。粟珠薪桂。在在動關性命。而惟產婦嬰孩爲尤急。蓋近時鄉里間多溺女惡俗。遇此災年。父母尙難度日。何況嬰孩。故無論女孩之不育者。十有八九。卽男孩亦恐不免。呱呱墮地。慘遭戕害。可悲可慘。莫此爲甚。況飢年孕婦以凍餓之軀。猝焉坐草。支持乏力。難產堪虞。而且貧戶以紡織爲活計。產後尙強起搥作。多致感冒風邪。釀成危疾。故災鄉產婦嬰孩最關緊要。查南北朝任昉爲義興守。歲荒禁民產子。不舉有孕者輒助其資。全活數千家。洵可爲後世法。現擬就賑局中另開一款。先就災區查明貧戶孕婦註冊。臨產時卽給以白米一斗錢。

百文衣褲各一件。錢米以半年爲率。如是則嬰孩既以得所助而
易爲畱養。產母亦以得所助而足以保全。一舉手間。卽關兩命。得
財生不得則死。所費有限。所救無窮。若得推廣遵行。尤爲全活無
量。等情前來。查溺嬰本屬惡習。產婦尤屬可矜。若非設法周恤。頃
刻卽關兩命。所擬章程。意美法良。洵足補從來荒政所不及。除出
示勸行外。合行通飭各屬一體遵辦。云

道光二十九年十月

日

云

災區恤產保嬰善願引

生產險事也。呼吸之間。動關性命。昔人比之死和。逃生者此也。而
一遇災年。則險又加險。蓋災年貧婦。腸胃空虛。氣血衰薄。一旦以
寒饑之軀。猝焉坐草。用力稍過。往往虛脫。其險一。囊乏一文。穩婆
孰問。倘逢難產。妙藥誰施。慘痛莫支。束手待斃。其險二。而且貧家

藉女工爲活計。一日停機。合家坐困。倘急於餬口。產後卽強起。搯
勞多致。感冒風邪。釀成危疾。其險三。有此三險。則產母之命。固已
危如朝露矣。況乎近時鄉里間。所在有溺嬰之俗。豐年尙多此習。
一遇災荒。在抱者尙思拋棄。何況初生。倘不稍爲酌濟。則無論女
孩之淹溺者。十有八九。卽在男孩。亦有十居四五者。嗚呼。姪姜樵
悴。那堪枵腹臨盆。孩赤啼呼。忍見吞聲投水。兒兮命苦。生偏遇此
饑荒。母也心傷。死忽卽臨旦夕。待黃泉兮相見。泣勿呱呱。灑血淚
兮。何窮號驚。恻恻。苟設身而處地。當搔首而呼天。此景此情。堪憐
堪憫。夫事必審其所急。生死所係。何急如之。事必權其所重。兩命
攸關。何重如之。茲擬集一恤產保嬰善會。以出錢一千四百文爲
一會。每遇貧戶生產。例給棉衣褲各一件。米五升。錢百文。第二月
給三百文。以四月爲度。約計錢一千四百文爲一會。有力者千會。

百會。各隨心願。費小功大。何以加茲。普望當代仁人。四方同志。各發慈心。玉成善會。一鄉一保。量力付肩。一冊半冊。隨緣分募。爲千百人重生父母。奚啻七級浮屠。結億萬年最勝因緣。先兆盈庭玉樹。


世之有心積善者。無不以買救人命爲急。而買命一事。莫多於荒年。荒年買命。尤莫多於恤產。所費不過一二串。已可保全兩命。并可救一家之命。現前極大陰功。想同心者。必不肯錯過也。

附災鄉恤產保嬰記略

予於道光二十八年秋。在江陰壽興沙辦賑。因其地素有溺女風。一遇災年。父母尙難自活。何況嬰孩。因設爲恤產保嬰之舉。先查飢口。中有孕貧婦。注明冊簿。許以生育之後。無論男女。到局報明。卽給米一斗。錢二百文。綿衣褲各一件。以半年爲止。計查懷孕貧

婦數百戶均爲註冊待給。十一月初二日清晨予在西沙公局風雨中聞扣門聲啟而入則一十三四歲女童扶一老婦目雙瞽衣履盡濕寒戰欲跌詢之知其女昨晚產一女贅婿王某夫婦均病瘡家貧膝下已有二女一男長者僅八歲衣被早入典庫皆着破單衣所領賑錢亦用盡六口嗷嗷昨午餐僅啖菜湯晚間吃得鄰家粥半盂得坐蓐產母呻吟牀第恐無以爲養囑將所產女孩速淹斃之聞鄰人言公局中另有錢米恤產是以勉爲留養刻下家中柴米俱絕產後欲覓三文錢買沙糖煎湯飲且不可得今晨勢急堵又病瘡不能起因冒雨來報云云予察其情確實因給以錢米并綿衣並令食粥而去老婦潛然曰我幸得吃粥產婦在床不知如何光景也食畢負米出局喃喃念佛而去又東沙爲常熟界以經費未集至十二月初始挈資前赴卽日查辦同人以爲此事

極好。惜先生遲至三日。已誤兩命矣。予詢之。則知慶陰沙有展姓婦。新產一男。其夫外出。婦與一八歲兒在家。寒餓不能支。生產後。家無粒米。呼鄰童。搾所產兒。棄於河。是夜產婦亦凍死。蓋婦所臥。故無被。以竹簾爲蓆。又無稻草也。鄰人爲報局。領義材。始知其事。若此舉早行。則產婦嬰孩均可保全。惜行之已晚。亦命也。夫子爽然若失。深恨辦事遲延。致誤人命。爲之引咎傷懷者竟日。是舉於二十八年秋查辦孕婦計先後七百餘口。以有錢米之助。均各畱養。越明春。因築堤公事。赴各圩埭巡歷。每見有沙民抱其所養嬰女出。謂此女若非先生資助錢米。早已淹棄。何能到今日。顧小女孩則皆作嬉笑態。予不覺狂喜。謂此舉之真足以救人。實生平快事也。並記之以爲此後辦災者之嚆矢云。



填冊式

今查得

鄉

圖

村

里貧戶

之

妻氏現在有孕 月約 月將產產後不准拋棄許報明局
中每月助米一斗錢二百文以 月為止此查

年 月

日局查第

號

今有

鄉

圖

村

里

之妻

存根

氏現於

月

日生產

孩一名係

作保准給

月為止此存

該氏現有兒女

名

年

月

日局存

恤 產 保 嬰 票

凡災鄉各圖飢戶中如有懷孕婦女煩圖董先行註冊一遇
生產凡在鄰里務必勸他好為留養即日報明該圖董即領
向局中給白米五升錢二百文以後准每月給錢五百文以
月為止如離城路遠即由圖董墊付許到總局劃算如有
假冒經手賠罰各脩陰德切勿忽略此啟

如經費不敷准在飢冊中填明加給產婦嬰孩口額亦可
今查得 鄉 圖 村 里 之妻

氏於 月 日新產女孩一名照例准給 月此照

月付 月付

月付 月付

年 月 日局給

第 號

蠶桑局章程

卷六之二

古聖王利民之道。首重農桑。蠶桑之利甚溥且厚。可佐耕農之不足。地有曠土而不知倡種桑之舉。非所以厚民生也。因民所利而利之。是所望於彼都人士矣。述蠶桑章程。

清江勸課蠶桑局規條

清河磚圩門西設立勸課蠶桑局。並分局。公舉董事。管理出入帳目。照料兩局樹株。公議事宜十條。開列於后。

一局地十二畝。餘現每畝栽桑五十株。二年後長成。每株好者可摘葉三十斤。每畝只留四五十株。餘揀出移栽他處。以五株百五十斤之葉。養蠶出絲一斤。計一畝出絲八斤。除去人工飯食一半。頗有贏餘。

一養蠶俟接桑長成之後。就近僱覓江南蠶婦來局。教十五歲以

下女子養蠶

一籌欸由紳士分單各向親友寫捐。無論多寡若干。均由局中給與收票。俟三年成熟。按每年一分起息。統共加三連本歸清。其婦女養贍銀兩。情願借入局中者。加給經摺。按月付分半利。亦俟三年歸本。官捐者。任滿日如數完繳。

一局中每年春秋二季種樅後。小桑甚多。如民間有願領回桑秧自行栽種。悉聽其赴局領取。多寡隨到隨付。局中桑匠一名。每年照料桑樹外。定准接桑千餘株。以資配搭。本秧給散俾各戶均有湖桑可接本桑。

一局中散給民間桑秧。樹本微小。移栽者見效在二年之後。爲日遲久。種者畏難。擬每年買備仙女廟兩年後大桑秧二三萬株。配搭本局小桑秧。普散給民。見效甚速。惟每萬須價五十千文。

現局中無力購辦。俟捐項稍有存積。卽爲買備。倘遇好善樂捐。美舉定必有成。

一 民間種有大桑秧。四五十株至一百株。不知接條者。許其到局。邀請桑匠赴鄉代接。但需年前具稟到局。臨期方不致悞。

一 局中每年種買桑葉。俾貧民知有桑樹。卽可易錢。自必多栽桑樹。局中每年種桑秧。普散。並收備桑子施散。

一 局中製造江南絲車二輛。鐵鍋二口。年年繅絲。如民間來賣繭。婦女願學繅者。令其自繅。買絲照買繭價酌加。總期於民有利。一局中每年刷印繭明種桑養蠶繅絲法三單。張隨時普爲散給。有領桑秧者。必設立號簿。註明集鎮。以便知其散放多寡。以便桑匠分接。

蠶桑局事宜

規條既定。亟須妥速料理。所有一切應辦事宜。擇其尤爲簡要者。開單於後。

一編籬 查照古農書法。冬月夾雜密栽榆柳大長條。俟生活後。兩邊扳倒編爲一字籬。用棕束緊。此外仍多栽酸棗。枸櫞木。槿五加皮之類。總以有刺者爲佳。

一窖糞 冬日培根用缸盛魚腥水。百草水亦好。

一接果 五月畦間種桑。冬月將土解齊澆過。春發新條。除次年接桑外。多餘可接果樹。不論楊梅。石榴。梅杏。梨皆可接。

一蓄菜 桑下種葱韭瓜菜。及芋苗山藥。取其頻頻澆灌。桑葉愈茂。蝗不食桑。芋故宜多栽。

一采藥 霜桑葉桑寄生。白皮及殭蠶之類。皆可入藥用。惟桑蟲多蝸牛者。須勤捕之。方不傷葉。

一取料 養蠶須矮桑多留大者長成材料製一切器具皆好桑梓桑麻桑棗並稱亦不妨連類及之

一養竹 局中需用桑梯桑几及桑箔之類大約竹器居多

一喂羊 老桑葉喂羊肥美羊矢兼可飼魚

一分局 捐項充餘可盡賣添設分局以期廣栽

第一金

名ノ

三

伐蛟事宜

卷六之三

月令季夏之月。命漁師伐蛟。誠恐盛夏雷雨之際。伏蛟忽起。大水迅發。迫不及防。害及田廬人畜。非細故也。述伐蛟事宜。

伐蛟說

江南按察使翁藻條奏伐蛟禦蛟之法。乾隆十年二月奉

旨。此摺着抄錄。寄與江南浙江督撫閱看。如有可以仿照之處。令其酌

量辦理。欽此。漸藩司潘思渠又廣其說。將一切辨觀氣色。制掘鎮壓諸法。著有條款。詳准通行。洵非誕妄。惟聞山村人家。宅舍之旁。見一物狀類蚯蚓。頃之雷電交作。飛騰變化而去。逾時即安。一草一木。未經損傷。惟所起之處。下成深淵。小者。川人工。填土填實。大者。速爲遷移。亦免崩陷。則蛟亦有善有惡也。爲民上者。脩德行。仁。懲姦除暴。則人物相感。自然災禍不生。群虎渡江。飛蝗入海。勝

于制伐之法也多矣。

翁臬司原奏

臣查被水之由多係蛟發所致。按蛟似蛇而四足細頸。頸有白癭。本龍屬也。相傳曠原邃阜。當春而雉與蛇交。精淪于地。聞雷聲入土成卵。漸次下達于泉。久之卵大如輪。又聞雷聲奮起而上。剖而出。暴騰猙獰。往往裂岡嶺。蓋山園漂沒。廬舍人畜而迫不可防。雖雉與蛇非類而交。其事不經。又未見于紀載。似涉臆說。第考晉大元中。司馬軌之將雉媒。下翳其媒。屢雉野敵遙應。覓所應者。頭翅已成雉。半身後故。是蛇又武庫中。忽有雉。人咸怪之。司空張華曰。必妖蛇所作。搜括之。果得蛇蛻。是雉與蛇交而生蛟。容或有之。要亦蟲惡爲民害者。所當亟爲驅除也。謹按月令。季夏命漁師伐蛟。則蛟之宜伐也。明甚。惟是伐之法不傳。詢之山野父老。鑒言生蛟。

之地冬雪不存夏苗不長鳥雀不集其土色赤其氣朝黃而暮黑
星夜視之氣冲于霄未起三月前遠聞似秋蟬鳴此時蚊能動不
能飛可以掘得及漸起離地三尺聲響漸大不過數日候雷雨而
興多生夏末秋初之間善識者察氣辨色掘土三五尺餘其卵卽
得多脩利刃剖之其害遂絕或云蚊非龍引不起龍非雷電不行
其害鐵與犬血及不潔之物以鎮之又云蚊畏金鼓夜畏火夏月
田間作金鼓聲以督農則蚊不起若連日雨夜豎高竿懸以燈火
亦可避蚊凡此搜捕之方防禦之術體察物理未必無徵臣竊以
禦災捍患惟慮不得其法耳苟有其法似宜試行之況蚊水最暴
發則爲害非輕歷查各直省內每于山深谷邃之區多被蚊患若
得前項禦蚊之法通行各省令地方官曉示居民不時留心察看
如果掘得蚊卵自可永除民害否則如法鎮之俾不得上騰亦可

防患于未萌。此人力所能爲。似未便置之勿論也。

潘藩司原詳

查夏秋雷雨之際。崇山疊嶂之間。蛟水報警。間或有之。良由不識產蛟之地。未得翦除之術。以致蛟起之時。山水並發。民間田廬多被漂沒。爲害非淺。則是防禦之法。誠不可不預爲講求也。查唐陸禪續水經內載。蛇雉遺精于地。千年爲蛟。又玉壺清話亦載。游伊山見雌雉飛入草中。薙草往視。果一巨蛇。一雌雉盤結糾纏。始念陸禪之說不誣。等語。則是雉與蛇交。遺卵成蛟。散見諸書。似非不經。又說鈴內載。甯國郡山中秋蛟最。山人每于大雪時視其土。方圓丈許。無雪者。卽知下有蟄蛟。持竿掘下數十丈。得蛟約千百觔。等語。是蛟之爲害。可以掘除。亦有明驗。今江南翁泉司旣奏稱生蛟之地。冬雪不存。夏苗不長。鳥雀不集。其土色氣色以及聲響可

以預爲察辦。宜用鐵與犬血不潔之物。并川金鼓燈火以制之。則防禦之法亦既明白。曉著允宜。徹照遵行。第本司考之齊諧誌內。載蛟有三畏。畏棟桷。畏鐵。畏蠟。又聞前明河臣潘季馴。夢神告以高家堰隄下有蛟。惟石灰可制。詰朝投以石灰。遂斬一蛟。則蠟鐵棟桷。石灰。似亦蛟所畏忌。凡有蛟處。所勘其土色。察其地氣形色。可疑。並宜預爲埋藏。以鎮壓之。或亦不無裨益。竊聞產蛟之處。多在深山幽谷。似應將捕禦諸說。刊刻小字。小板。刷印多張。飭令地方官。于每逢宣講。

上諭及巡行村落。勸課農桑時。進耆民老農。親授方法。明白講解。再于經收錢糧之處。所無論城鄉花戶。完納給串之後。卽給一紙帶回。時時觀看。俾父老子弟。咸知捕禦之方。隨地察看。依法除之。惟是法立弊生。恐有地方奸棍。懷私挾詐。捏稱有蛟。或侵毀墳塚。或掘

壞田地亦未可定。應請除山野無碍之處。如有前指形色。知其下
伏蟄蛟。許令軍民人等。便宜制伐外。其關涉他人墳塚田畝者。著
令先期呈報。地方官立即詣勘確實。方許制掘。是又于立法之中。
寓除弊之意。至保甲軍民兵役人等。如能捕獲蛟卵。許稟報府縣
驗明。各給賞銀十兩。俾知奮勵。從事如此。區畫承辦。實心料理。庶
蛟患可以漸除。民生實有裨益矣。

捕蝗章程

卷六之四

蝗蝻之害。損傷苗稼。頃刻成災。國課民生。兩有妨碍。雖曰天意。亦未嘗不可以人力爭也。述捕蝗章程。

治蝗說

蝗蟲能食禾苗爲害滋蔓。惟在初生之時。竭力撲打。始易爲力。若羽翼既成。生生不窮。不但害在本地。兼能飛入隣境。故定例處分最嚴。州縣一有報發。當督率夫役。多方搜捕。不惜工費。務在盡淨。乃已。查乾隆五年九月。戶部會議。候補詹事李紱奏捕蝗諸法。此方官民皆知。惟埋蝗最善。凡蝗生之地。中掘深坑。約長里許。兩邊用竹梢木枝驚逐。蝗性類聚。一蝗返奔。衆蝗隨之。墮入坑中。卽行掩埋。不能復出等語。應行文各督撫。轉飭地方文武官弁。凡有蝗生之地。照法辦理等因。又乾隆十七年三月。戶部議覆山西道監

察御史周燾奏略稱各處撲滅情形。有司縱不愛民。不能不畏處分。畏處分。則不得不張皇撲捕。于是差衙役糾保長撥烟戶。設廠收買。是亦盡心竭力。不敢漠視矣。然有業之民。或本鄉本村無蝗。蝻往別處撲滅。惟懼拋荒農務。往往囑托鄉地勾通衙役。用錢買放。免一二人爲賣夫。免一村爲賣庄。鄉地衙役飽食肥囊。再往別村。仍復如故。若無業奸民。則又以官差捕蝗。得食工價。下已利。每于山坡僻處。私將蝻種藏匿。聽其滋生。延衍流毒。待應差撲捕之時。亦往往束手無策。不過叩禱劉猛。祈以神力驅除。要皆循行故事。未嘗講求于拔本塞源之計者也。臣聞蝗蝻所自起。不過化生卵生二端。化生者。宜於水涸草枯之時。令地方官董率百姓。縱火焚燒叢穢之區。盪以烈焰。草根蝻子俱成灰燼。永絕孽芽。卵生者。春深風暖。土脉鬆脆。募民于前歲蝗集之處。掘地取種。陸續送官。

酌酬價值。上年閏五月間欽奉

上諭仿行以米易蝗之法。令州縣將所收蝻種詳報上司核其真偽。動用米穀准于公項開銷。小民既可除害復得餬口。自必踴躍從事。而以米易種較之以米易蝗似覺費省功多。倘行之有效亦勤民重穀之一事也。等語。乾隆十七年戶部議覆查蝻子之生貽害禾稼不一而足。惟在地方官于萌孽蠢動之時設法剪除。自可根株盡絕。乃遇庸懦有司。不過廣差衙役撥派烟戶虛張聲勢。種種弊竇勢所難免。應行令各該督撫不時稽查。遇有蝗蝻間生地方。該州縣倘不親身設法撲滅。聽憑胥役奸民婪贓賣放。以及種蝻流毒者。按律嚴叅治罪。毋得疎縱。至水涸草枯之時縱火焚燒。原係古人成法。總在地方官親身履勘實力奉行。體察輿情。根究真確。毋得聽信胥役借端滋擾。至掘地取種。上年閏五月間現有以米

易蝗之

諭旨仿而行之。小民自樂于從事。但須地方官確實查核。果否是前歲蝗集之處。并試令挖掘數處。驗其委係蝻種。一面通報上司。一面督率小民。該州縣驗其真偽。酌其多寡。動米賞給。詳明上司報銷。倘有捏飾。一經該上司訪聞。卽行題參。一蝗蝻爲災。除將撲捕不力各官題參外。其被災田禾。農民乏力補種。應酌加借貸。資其籽本。若時候已失。無可補種。照例辦理。

摘錄明人除蝗疏

一捕蝗解惑。考昔人治蝗之法。載籍所記頗多。其最著者。則唐之姚崇。最嚴者。宋之清熙勅也。崇傳曰。開元三年。山東大蝗。民祭且拜。坐視食苗。不敢捕。崇奏詩云。秉彼蠹賊。付畀炎火。漢光武詔曰。勉順時政。勸督農桑。去彼螟蟊。以及蠹賊。此除蝗證也。且蝗畏

人易驅。又田皆有主。使自救其地。必不憚勞。請夜設火坎其旁。且焚且瘞。乃可盡。古有討除不勝者。特人不用命耳。乃出御史爲捕蝗使。分道殺蝗。汴州刺史倪若水上言。除天災者。當以德。昔劉聰除蝗不克。而害愈甚。拒御史不應命。崇移書謂之曰。聰爲主德不勝妖。今妖不勝德。古者良守蝗避其境。謂修德可免。彼將無德致然乎。今坐視食苗。忍而不救。因以無年。刺史其謂何。若水懼。乃縱捕得蝗四十萬石。時議者喧譁。帝疑復以問。崇對曰。庸儒沉文。不知變事。固有違經而合道。反道而適權者。昔魏世山東蝗。小忍不除。至人相食。後秦有蝗。草木皆盡。牛馬至相噉食。今飛蝗所在。充滿加復蕃息。且河南河北。家無蓋藏。一不獲。則流離安危繫之。且討蝗縱不能盡。不愈于養以遺患乎。帝然之。黃門監盧懷慎曰。凡天災安可以人力制也。且殺蝗多。必戾和氣。願公思之。崇曰。昔楚

王吞蝗而厥疾瘳。叔放勸蝗神乃。今蝗幸可驅。若縱之殺。且其如百姓何。殺蟲救人。禍歸于崇。不以累公也。蝗害訖息。現今東省畿內。用爲常食。登之盤殮。臣常治田天津。適遇此災。田間小民。不論蝗蝻。悉將煮食。城市之內。用相餽遺。亦有熟而乾之。鬻于市者。則數文錢可易一斗。噉食之餘。家戶囤積。以爲冬儲。質味與乾蝦無異。其朝脯不充。恒食此者。亦至今無恙也。而同時所見。山陝之民。猶惑于祭拜。以傷觸爲戒。謂爲可食。卽復駭然。蓋妄信流傳。謂戾氣所化。是以疑神疑鬼。甘受戕害。東省畿內。旣明知蝦子一物。在水爲蝦。在陸爲蝗。卽終歲食蝗。與食蝦無異。不復疑慮矣。一先事消弭之法。○傍湖官民。田蝗初生時。最易捕治。夙昔變異。便成蝻子。散漫跳躍。勢不可遏矣。法當令居民里老時。加察視。但見土脈墳起。卽便報官。集衆撲滅。此時措手。力省功倍。其二已成

蝻子跳躍行動便須開溝捕打其法視蝻將到處預掘長溝深廣各二尺溝中相去丈許卽作一坑以便埋掩多集人衆不論老弱悉要趨赴沿溝擺列或掃帚或持撲打器具或持鋤插每五十人用一人鳴鑼其後蝻聞金聲努力跳躍或作或止漸令近溝臨溝卽大擊不止蝻驚入溝中勢如注水衆各致力掃者自掃撲者自撲埋者自埋至溝坑俱滿而止前村如此後村復然一邑如此他邑復然當盡淨矣若蝻如豆大尙未可食長寸以上卽燕齊之民畚盛囊括負戴而歸烹煮暴乾以供食也其三振羽能飛飛卽蔽天又能渡水撲治不及則視其落處糾集人衆各用繩兜兜取布囊盛貯官司以粟易之大都粟一石易蝗一石殺而埋之然論粟易則有一說先儒有言救荒莫要乎近其人假令鄉民去邑數十里負蝗易粟一往一返卽二日矣臣所見嘉靖時幕天匝地一

落田間廣數里厚數尺。行二三日乃盡。此時蝗極易得。官粟有幾。乃令人往返道路。平若以金錢近其人而易之。隨收隨給。卽以數文錢易蝗一石。民猶勸爲之矣。或言差官下鄉。一行人從未免蠶食里正民戶。不可不戒。臣以爲不然也。此時爲民除害。髮膚可捐。更率人蠶食。尙可爲官乎。佐貳爲此。正官安在。正官爲此。道院安在。不于此輩創一警。而懲嗜廢食。亦復何官。不可廢何事。不可已耶。且一郡一邑。豈乏義士。若紳若弁。青衿義民。擇其善者。無不可使。亦且有自願捐貲者。何必官也。其給粟則以得蝗之難易爲差。無須預定矣。

一後事剪除之法。蝗蟲下子。必擇堅垆黑土高亢之處。用尾栽入土中。下子深不及一寸。仍留孔竅。且同生而羣飛羣食。其下子必同時同地。勢如蜂窠。易尋覓也。一蝗所下十餘。形如豆粒。中止

白汁漸次充實。因而分顆一粒中卽有細子百餘。或云一生九十九子。不然也。夏月之子易成。八日內遇雨卽爛壞。否則至十八日生螭矣。冬月之子難成。至春而後生螭。故遇臘雪春雨則爛壞不成。亦非能入地十尺也。此種傳生一石可至千石。故冬月掘除尤爲急務。且農力方閑。可以從容搜索。官司卽以數石粟易一石子。猶不足惜。第得子有難易。授粟亦宜有等差。且念其衝冒嚴寒。尤應厚給。使民樂趨其事可矣。

備蝗雜法

一王禎農書言。蝗不食芋桑與水中菱芡。或言不食菜豆。豌豆豇豆。大蔴。苧蔴。芝蔴。薯蕷。凡此諸種。農家宜兼種。以備不虞。一飛蝗見樹本成行。多翔而不下。見旌旗森列。亦翔而不下。農家多用長竿。挂衣幫之紅白色。光彩映日者。羣逐之。亦不下也。又畏

金聲砲聲聞之遠舉。總不如用鳥鎗入鐵砂。或稻米擊其前行。前行驚奮。後者隨之去矣。

除蝗方。用稭草灰石灰等。分爲細末。篩羅禾穀之上。蝗卽不食。一傳子曰。陸田命懸于天。人力雖修。苟水旱不時。一年之功棄矣。水田之制。由人力。人力苟修。則地利可盡也。且蟲災之害。又少于陸水田。旣熟。其利兼倍。與陸田不侔矣。

附治蟲條約

農書云。熱氣積于土塊之間。暴得雨水。醞釀蒸溼。未經信宿。則其氣不去。禾根受之。遂生蟲。烈日之下。忽生細雨。灌入葉底。留住節幹。或當晝吸太陽之氣。得水激射。熱與溼相蒸。遂生蟬。朝露浥日。濛雨。日中點綴葉間。單則化氣。合則化形。遂生蟬。熱種根下。溼行于稿夾。日與雨外薄其膚。遂生螟。穢交熱化。不雨不暘。晝晦夜暘。

而風氣不行。遂生蟄五賊。不去則嘉禾不興。故灌田者。先須以水浸過。收其熱氣。旋即去之。然後易以新水。栽禾無害。或以長牽。或以疎齒。披拂。勿以凝著。則蟲不生。按此言致蟲之由。與却蟲之方。凡屬農家。不可不知其說也。

乾隆十三年七月。浙江布政使永貴。頒行治田間青蟲諸蟲方法列後。

一青蟲大如蠶。每于日未出時。青蟲正在苗尖吸露。急用新竹軟條作掃帚。往廻輕輕刷掃。則蟲落田間。爲泥粘住。不能復生。若日出以後。蟲行葉下。雖掃無益。

一蠶蟲小如芥。多在苗底。小竹筒一箇。儘下筒口四面鑿孔。繫繩四條。如筐挑之式。于筒節旁鑽一細眼。筒內注菜油。將孔堵塞。拴于竿頭。天晴日午。兩人對立。一人執竿。將所繫油筒取開。塞孔在

苗葉上左右用油拖運向後退行一人執細竹掃帚向前刷掃蟲
隨油落二蟲發生均須急治爲主

一飛蛾蚱蜢亦能食苗惟山鄉則有之其法于黑夜中在田邊隙
地用草燃火飛蛾自投火中

一青蟲如蠶亦能吐絲織繭于稻葉內化爲蛾江浙鄉人名爲裹
頭蟲此蟲只能食葉除淨後不仍發生尙無大害惟蠶賊之屬最
不易治食及根節爲害最毒也

一治蟲當致力于初發之時與救火災同稍遲卽滋蔓難圖雖青
蟲諸蟲其害與蝗蝻無異也一有生發一面稟報一面親往踏勘
督率業佃盡力救治近者田家多以石灰桐油布于葉上亦可殺
蟲如有工本不繼之農酌量借貸以助其油木工食如果成災照
例辦理江浙田土高卑不齊雨水爲災最甚止荒熟相間惟年久

生蟲爲災最大。大抵青蠹、蝗、蝻諸蟲，當生發之際，得遇透雨，尙易撲救。淨盡人事，當盡而天時最難必得耳。

金

卷八

勤儉社約

遂安洪子泉定

卷六之五

人生困苦之遭。大半由於不勤不儉。勤能致富。儉可成家。人亦有言。良非虛語。以日省二文爲積穀備荒計。節小用以成大用。洵可隨地倡行也。述勤儉社約。

勤儉解

貧富皆少不得勤儉二字。勤非孜孜爲利。惟在專心正務。儉非鄙吝過情止是量入爲出。故不習勤好安逸貪嬾惰者。家富則入於下流。家貧則必爲乞丐。苟不習儉。酒肉是務。華麗是崇。淫濫賭博者。家富則至於破蕩。家貧則必爲盜竊。昔有論做人家者。少年子弟不可聽其浮閒無業。必察其資性才力。無論士農工商。授一業與之習。則心有所關。身有所拘。外而經營。內而謀畫。自然無暇他想矣。若任其閒遊飽食。終日必流入花酒呼盧鬪狠之中。諸般歹

事都做出來。勢必蕩產傾家。喪身敗行。故爲人父兄者。於少年子弟。必尋一事。早令他勤苦做。非定要得利也。卽其事無大利。而拘束了身心。演習了世務。諳練了人情。長進了學識。這便是大利。益也。豈必得金乎。若縱容子弟。浮閒慣了。是送上了貧窮道路。雖遺金千萬。有何益哉。故做人家。以勤爲第一要着。至於節儉與鄙吝不同。慷慨與奢華不同。鄙吝者。止知做家。而不知做人。奢華者。止知做人。而不知做家。究之。做人要好。不尙奢華。故曰與其奢也。甯儉。又曰儉則示之以禮。斯儉而得中矣。

勤儉歌

人要勤。人要勤。男耕女織各經心。耕得田禾之飽飯。織得布帛着衣裙。聽我歌。該認真。睡眠早起學成人。游手好閑流下賤。爲匪作歹受官刑。古云坐吃山空了。要望成家只在勤。

人要儉。人要儉。淡飯粗衣。安貧賤。酒肉資朋。箇箇親手裏無錢。人都厭。聽我歌存主見。血汗求財。經百鍊。有錢常想沒錢時。沒錢應用何處變。絕無花費白便宜。若怕求人當省儉。

勸日積二錢勵勤儉說

禮曰。貨惡其棄於地也。不必藏於己。力惡其不出於身也。不必爲己。夫貨棄於地爲不儉。力不出於身爲不勤。不儉不勤。非獨大同之世所不容。卽求處小康之時而不可得。此常人所盡知也。然而不勤不儉者實多。才能人所矜也。而不勤者無由能。富厚人所羨也。而不儉者無由富。且第無能與無富也。甚或爲人賤惡而貧困不克自存。則害亦深矣。而天下之不窮不儉者猶多。何也。無勤與儉之心也。卽有心而不能持久者。則無所事以口淬厲之也。吾請爲一說以勸人心。苟勤雖鄙事不必無一錢之餘。人身苟儉。雖

小用亦可省一錢之出。所餘所省。皆別儲之。則一日必有二錢之積。歲終可得七百二十文。而一家少者以五日計。亦合爲三千餘錢焉。噫。貧家當歲暮。逋集呼索盈門。乞限則夙已負期。轉貸則舊賒已偏。撿箱囊而物無可售。計田宅而券已質人。當此之時。苟有別儲之錢。出以償之。而明歲可復通乞假。縱儲少而不能給。亦可略與之。以求緩。分償之以冀恕。是何異昔之人每治飯時。必取少米別儲者。後竟以濟斷炊之急歟。推此以思。平昔之耗於無形而馴至大困者。蓋無日不有不勤不儉之端。以致之也。能能日以自繩。而藉勤儉二錢爲之課功。而稽贖。則上焉者。擴充乎此。而無一事不勤儉。并能持戒與修福。以邀天佑而獲素封。次之亦兢兢不遑罔敢侈肆。外可見原於債家。而少紓迫脅。內亦可支吾湊墊。不遽至於辱行喪身。斯豈非勤儉二錢。日相激勸。而有以淬厲之歟。

則此誠療貧之良劑也。而吾謂斯又保富之要術。古稱富視其所與貧視其所不取。是知貧尚廉富尚惠。如前之所言。則貧者日積而可鮮妄取。富者亦宜日積而可資廣與。語云富人者貧人之母。思母之憐子果何如。則富之憐貧當何如。佛書言能佈施者得富厚報。自思吾之有富非祖父先世之能施。必吾身前世之能施。故得免貧之苦也。既以施獲富。富遂不復施。富何能久。富而益施。富終無盡。而子孫可期永享矣。然而富者財施猶易。心施實難。心施者時念貧者之艱。而思損己以益之。故功德尤大。誠能每日勉親細務。而省一錢。復節晝食。而省一錢。錢雖微。而此克己裕貧之懷。晨夕往還於方寸。吾知其慈祥惻怛。必能默契幽冥。而福祿日增矣。至於儲以待用。則莫大於豐年積穀以備荒。不徒施濟之利溥也。亦以豫免饑民之閔奪。豈非保富要術歟。然則富者之儉所以

惜物而賙貧。故曰貨惡棄地而不必藏於己也。富者之勤所以習勞而體貧。故曰力惡其不出而不必爲己也。由是羣富共相淬厲。習以成風。俾菽粟如水火而貧富相安。豈非大同之盛復見今日而共慶昇平於萬禩哉。

勸立勤儉社爲積穀備荒積錢作善法

勤儉兩錢。一日七百廿錢。一年十萬人餘七萬千。積穀還資積善。不善固宜不入。萬善胡弗回歸。勸君立社幸無違。備荒此爲上策。親睦相扶相助。聯絡大小村莊。一社合成周利倉。積穀三年千擔。八百六十四位。一年六百廿十。約來千擔合三年。照此城鄉並勸。一社百零八席。一席分定八人。每人一月六十文。席長一人是問。社長總理百八。年終彙數收齊。二十七席一分司。四季四人司事。一社積錢儲穀。每年糶陳糶新。平糶只許社中人。

社外一升不應。富者惠周同里。貧者利倍。自身利人利己。免飢民勤儉。推恩無盡。荒歲議蠲。議賑一時。設法俱窮。藏富何如。里井中預備倉。開濟衆。攸行鄉飲酒禮。少長咸集於堂。型仁講讓。徧城鄉。孝義滿門一樣。子弟之率必謹。父兄之教必先。勢有不行。且從權。易子而教尤善。闔家大小男女個個宜儉宜勤。一日蓄心在二文。好吃懶做無分。積日堆金兩個。悉歸勤儉筒中。餘錢再積再歸筒。七百廿錢歸總。勸君勤儉事大。莫說兩錢甚微。時時謀食又謀衣。那肯絲毫濫費。一切當用則用。凡事當爲則爲。儉勤兩字萬般推。知進尤宜知退。一儉則邪心去。一勤則善心生。善惡何須別。勸懲本正源。清無訟。自古耕三餘一。於今年不如年不勒不儉。莫求天普勸及時立愿。有愿卽今有穀。無心終久無錢。非從人願在三年。且待他時請念。要識天心仁愛。凶荒

己減刀兵逢凶化吉善心誠如此誠求必應。人能定天亦勝有荒歲無荒民。我今求雨復求晴。惟有善門乞命。大用之而大效。小集焉而小成。八人一席各書名。百八今年圓定。到處男勤女儉。一時俗易風移。積錢作善莫遲疑。舍此難回天意。然後驅而之善。故民從之也。輕萬善同歸萬萬人從此昇平永慶。

此法行之一年。便有成效。行之一處。即可感興。豈惟有脩饑荒大益人心風化。不勤儉則日用不足。一勤儉而歲計有餘。請試行之。今年爲始。多則上下三村。席以百八爲率。必如是積穀三年。處處凶荒有備矣。少則八人一席。錢止五千有零。僅如是積費三載。家家作善有基矣。卽少漸可成多。畏難終無成日。吾以此二字勸人立社有年矣。而知其善者。惟不果於行。故至今。仍不能有備無患。吾方恨其行不及早。致無備於今茲。吾猶望其

行莫再遲可有備於他日此亦猶七年之病求三年之艾及今蓄之止待三年苟爲不蓄終身不得今之視昔悔難追矣後之視今嗟何及哉嗚呼今天下之通病大都起於不勤不儉所致吾今勸人立社積穀卽所謂兼收並蓄醫師之良是正欲以勤儉醫人所以養人身而不至於凍餒者其利猶小所以養人心而不陷於死亡者其利無窮是真良藥苦口利於病者安得不大聲疾呼以求人人響應共出塗炭之苦而咸登衽席之安也夫

行一金

行金

五

放生會章程

卷七之一

古聖王綱開三面而放生之說起。楊寶放雀。隋侯放蛇。史傳皆著。為美談。不獨佛氏為然也。陰騭文新解有云。小人捉而賣之。君子買而放之。小人賣之以餽其口。君子放之以全吾仁。善哉。體天心。惜物命。培元氣。召祥和。真世間第一吉祥善事也。述放生會章程。

彭南昀先生勸舉放生會說

先生名定求。與孫啟豐皆會狀元。為吳中盛事。蘇郡世德首推彭

氏其家累代戒殺。故科第綿綿至今猶盛。

予家不能斷葷。然不食活物已數十年矣。雞鵝之類。雖祀神不用也。魚蝦買已死者。中放生會亦甚易。與惜字會相仿。法以一人糾十人。為一朋。按月輸三十錢。得十餘朋。便可舉行。至期遇物即買。切勿認人認店。以啓其釣弋之心。要久不倦。擇漁獵不至之地。

放之自有功德戚友中有艱於子息功名者予先授以持殺生之戒並勸其入會放生凡莖華爲善者果輒應驗昔羅念菴先生曰同生天地卽爲同氣不忍之心乃我生機減一滋味於食無損全一性命利物不細真仁人之言也幸有心人隨處倡行造福無量今人不信戒殺說到放生輒多方駁辨一味唐突使人開口不得此無他其意不過爲口腹護短耳嗟乎下了三寸咽喉不知何物而必費盡氣力爲自寬之地上背聖訓下阻善念使人聞而信之愈以恣其貪饕之性戕戮生靈億億萬計則人之過皆其過矣人之罪皆其罪矣古聖賢飯蔬飲水澹泊自甘飲食之人則人賤之未有貪口腹而恣殺生靈者七十者可以食肉一個小民百姓有多大福分顧於少年時大啖無厭耶盍再思之爲老年稍留餘地哉

放生會規條

一放生會每月一舉。每會以三十文爲率。有力者十會八會各隨所願。屆期携錢赴會。不得誤期。或每會百文二百文更妙

一會項既集計有若干。卽儘數入市買物。或魚鱉或禽鳥。或螺螄水族。則放入放生官河。如無放生官河。卽放入寬大河港。禽鳥則放入深林。惟須擇一禁獵之地方得保全。

一會期或每月朔日。或望日。或就神佛聖誕日。如正月初九二月十九三月念八四月初八五月五日七月七日中秋重陽十月初八十二月初八等日。隨便酌定可也。

一放生之日。會中同人均素齋。放生之時。或用放生船。宜各持名誦咒一心祝願。所放生命均歸樂趣。

一每年冬臘月宜結通年總帳。共收錢若干。買放生命若干。務須

禮懺一天焚香叩首表奏天曹以重盟誓而昭徵信

蘇州彭氏放生池規約

一 寺院人宜護持生物上防惡鳥下防惡獸至岸有坍塌及時報知修整不得拋入惡水及惡汁亦不得放草太多不得留人宿

一 園中種菜其多生蟲豸致傷物命者皆宜少種可多種瓜茄刀荳芋荳芝蔴等物

一 燈罩用心整治泯縫蓋時緊掩恐傷物命

一 宜放魚蝦蛤蚌等

一 池中勿放黑魚鰱魚鮎魚汪刺魚杜父魚鰲鱧以要害好魚故

一 池內勿放螺螄以內有青魚要食螺螄故

一 不得以洗刮油膩及糟糠等物入池中魚食之多泛死故

一 不得多買草料宜少少與之

一防獺及惡鳥要爪魚故

一鱖勿放池中鱖要箝魚眼龜要喫鱖故

特啟放生諸善人。凡來放生者。必遵先師規約。而住持大師。見有來放生者。務必引看此碑。有放不得者。必放外河爲安。蓋凡物各有相生相尅之性。倘不講究遺害。非細可不慎乎。江沅誌。

又小雲棲放生園規條

買物不可定人。不可定時。不可定地。按時而動。謀利者必預爲。摻羅以待。是本處散而聚。而苦之。其致死十有二三矣。擇地而。購取巧者。必多方計算。以營是本。非食品而籠而致之。則造福而罪先成矣。認人而行詭法者。必假托慈悲。以售是本。屬賤價而貴而鬻之。則此昂彼必少買矣。欲除此三弊。法在隨目所睹。隨心所發。隨物之緣。隨錢之數。刀砧既及。殮殮既危。勿泥巨牲。

爲命重卽一蟲亦是救生。勿以細數活多命。彼大畜何可膜視。總之不貪自己之福。實憫衆生之苦。則不求福而福自倍也。

一養生不可失人。不可失時。不可失地。馬牛羊宜燥處。春夏宜生草。秋冬宜枯草。羊宜乾桑葉。豕宜濕處。宜糧食。雞鴨亦宜糧食。鷺宜草食。鴨宜近水。牯牛宜水。魚宜二三月食草。并不可多放。餘日不必食螺蟬蚌蛤蠃等。宜安一處。黑魚鮎魚。汪刺不宜放。龜鱉宜淺。如蛇在城。不宜放。鳥宜茂林。披竹。若此者。斷在慎時。慎地。而尤慎者。餵飼。惟謹。掃除。宜潔。游牧。惟勤。當家領衆。各半月一警策。勤則獎。惰則罰。若或踢打。致損大小。分罰致死。若罰出寺。另派總之。視物命如己命。彼生靈自戴而超昇矣。

一稽察最關緊要者。若責之僧人。未免因循。責之董事。又難周徧。今自整頓以後。專請司事常川在寺。隨時稽察。凡一切收支牲

畜銀錢進出向有總賬。今統歸司事主筆進出一切及收支一文俱逐細載註。如有交寺放生。例出收照。亦責成司事主筆。卽不取收照而去者。亦概行登記。以免掛漏。

放生不能定限。如有持物而來者。悉從喜捨之心。有無牲糧。不得過于索取。至所收銀錢。無拘何欸。總定以四分買物。以六分買糧。庶參養無虞。生靈有益。悞果之說。未嘗不是。然與其買十分而餓斃。不若買四分永得其所也。

一牲物進院。旣經司事記數。凡有傷斃。俱經司事驗看。如係畜養不當。及踢打損傷者。管牲人議罰。司事務須舉報。如有就地掩埋者。或應抬置骨塔者。司事督令舉行。勿任因循。致有弊混。一牲所積聚較多之際。仍發大雲棲收養。責成值月董事。前赴雲棲點數交代。以免中途照料不及遺悞之處。

一放生之物如係來人交來者只查點數目如係本寺買備其議價過秤一切均會同司事過目免致弊混

一豢養之法亦宜酌定時辰喂飼不使失時司事屆期監看以免因循怠惰其欄圈各所亦須隨時沖洗勿使骯髒致損生靈

一放生牛羊雞鴨之類各有欄圈收養外如驟馬不能在本寺安置者務宜酌安妥適地方請發願放生信士會同司事押往該處點數安放以免中途弊混

按放生原屬美事但死後瘞埋不食其肉一條可不必拘定或給與本城老人堂或普濟堂收養人食之正釋家所謂早脫皮毛便近人道在地土少蒸腐之氣而瞿腸有肉食之懽亦未爲不可也

陳薦夫放生論

仁人捐未用之餘資。智士施不報之厚德。使斷腸殘喘。續命於鋒刃之顛。令槁魄驚魂。回生於鼎鑊之上。其爲功德有三。無常放有。兩不必放。有物生放。有放生。夫世人放生。多尅定時。日射利之徒。因而網弋以赴之多。致困弊。是以殺爲放也。途間世上耳目所及。隨便買放。是謂放無常。則世人鑿池寘苑。既有常處。人得伺之。方脫豫且之網。旋作校人之羹。是以殺爲放也。江河林沼地利。隨宜監以善信。倏然而往。是謂放無常。處世人外放生物。家中宰割不疑。至謂擾畜待人。職宜供饌。不知子孫亦所豢養。橫遭屠噉。彼心謂何。諺云。經營還債。勝於布施。結會放生。何似戒殺。以至草木盡屬生靈。蟣蛾都關佛性。或壞垣而破蟄。時覆巢以毀卵。以至棄羶聚蟻。積水生蛆。珍玩魚鳥。致物以創。我雖無殺之心。彼則有死之道。皆宜避忌。預護生全。是謂不放之放。放無常物也。

若乃遭噬觸網放之未必有生更宜調養使其平復卽不全活因
而痊之又有猛獸毒魚惡蛇鷲鳥救彼一生實延衆壽是當較喪
全之多寡量功過之重輕聽其自存自死比之不見不聞此一種
者不必放可也然亦不可殺隨緣隨力相機相宜無以殺小爲無
傷無以放小爲無益無憚勞而阻善念無爭價而廢善緣一物非
寡衆生非多肖翹非小馬牛非大一文非不足萬緡非有餘所謂
有物生放其盡於是矣物既有之人亦宜然或註誤可憫或冤困
莫救或厄盜賊水火或遭疾病貼危或營求失利而忘生或逋負
莫償而欲死此能資以物力開其生路與以周旋圖彼解脫人生
我放其視物生尤爲關切者也故念我困危望救心自然形體不
隔推我感恩救護心自然功德有歸若乃我放我生倍當喫緊人
負生處卽能喪生放下無生是以長生倘能六時打磨一切透悟

直認本來了取無生。斷世諦之網。撒塵勞之錮。一條洒灑不係來去。無拘無迫。逍遙自在。種心放之殼外。真生脫彼輪迴。則非人非物。高出四生之中。不仁不功。永超福報之上矣。因繫之以偈曰。種種生成患亦成。有生纔有放生名。與君打破牢籠去。悟得無生是放生。

放生決疑

或謂仁民而後愛物。今先務愛物何也。答曰。仁民易。愛物難。不忍於害物者。必不忍於害人。况布衣無仁民之權力。量惟能及物。以力量所可爲者。而錯過不爲。何異人寶山而空手回乎。或謂儒教不聞戒殺。答曰。成湯之解網。子產之畜魚。至於刳胎殺夭。覆巢破卵。孔子之訓。諄諄矣。夫一殺一放。善惡分途。因果迴異。哀今之人。不聞能學聖賢。惟不戒殺。藉口於儒。何自欺也。

或謂天生禽獸所以養人也。答曰。誠如子言。豺狼能食人之肉。蛇能啞人之血。天豈爲豺狼蚊蚋而生人哉。如必以物之命。使食則天生人以殺物也。不必再生五穀矣。不知天地惟一好生。人物爲一體。天生人而人卽傷天地之生。可乎哉。

或謂人皆不殺則物類充滿世間矣。答曰。正惟頻頻而殺。故頻頻而生耳。物類之壽。亦有數年者。亦有五六年者。亦有一二年者。惟人不能盡其壽數而殺之。則殺者復生。此輪迴之報所必然也。若殺者少。則生者亦少。何由充滿世間乎。獸中有猶鳥中有燕。此皆人不殺之物也。安見比他類而獨多乎。

或謂人貴物賤。殺一物命。何至爲惡。答曰。所貴乎人者。祇因能慈心愛物。天生物而人育之。故人爲貴耳。若好殺之人。恐轉一世而不得爲人矣。

或謂祭祀必血食奈何。答曰：天地仁慈好生，爲大神明，忠正惡殺，爲先殺命，以邀福。皇天必無此理。若享祀先靈，恐以虛名而增先靈之實孽。世人苟有仁心者，方且爲殺不食，豈有神鬼而反樂享之乎？人之生死有定，正直神明豈貪口腹而遂移已定之天恩？之極而徒爲病者，再加惡業耳。不然，彼祈晴祈雨，胡爲必禁屠宰乎？或謂我自己不操刀，聽他人爲之，答曰：彼世有枉受官刑者，何以不恨劊子而恨官府乎？以非執刀者所能主也。故自殺與命人代殺，惡似相等，而欲嫁禍於人，設心愈不良矣。

或謂生必有死，殺之何妨？答曰：萬物自生自死，與人無涉，無爭若云物命難逃，理當烹炙，亦將謂老人壽數無幾，悉可誅滅耶？或謂貧人卽欲放生，其如無錢何？答曰：家中蠅蝶蟲蟻之類，能全其生，亦卽是放生活命。或見放生者，隨喜贊嘆，以堅其志，或隨我

力量勉而行之古云一文非少萬錢非多放一命與放萬命總是
心中之善發出但力有大小善無二善惟論心之難易何計施之
多寡若貧人而能力行善其功更大於富室矣

或謂所放之生既已損傷恐終難保全奈何答曰使其得善終不
猶愈於生切活煮之痛乎况垂危而救之恩功最大卽十命之中
止全其二三猶愈於卽刻赴刀鋸也

或謂所放之生終被後人提取亦有何益答曰放生功德不必究
他後來卽一放頃已得圓滿勝果譬如重囚臨殺暫赦還獄明知
死在異日且喜今日尙生

或謂豬羊雞鴨鶩之類放於寺院中飲食難以相繼終不免於餓
死是放生而反作孽也答曰寺院放生池中原有施主捨食接濟
一切畜類未必盡皆餓死縱使僧人不肖以施主之錢入己而不

惜生命是亦僧人之咎。與放生者固無礙也。

世人食肉咸謂理所應然。乃恣意殺生。廣積冤業。相習成俗。不自覺知。昔人有言。可爲痛哭流涕。長太息者是也。計其迷執。畧有七條。開列於左。餘可類推云。

一曰生日不宜殺生。哀哀父母。生我劬勞。己身始誕之辰。乃我母垂亡之日也。是日也正宜戒殺持齋。廣行善事。庶使先亡考妣早獲超昇。見在椿萱。增延福壽。何得頓忘母難。殺害生靈。上貽累於親下。不利於己。此舉世習行而不覺其非。可爲痛哭流涕。長太息者一也。

二曰生子不宜殺生。凡人無子則悲。有子則喜。不思一切禽畜。各愛其子。慶我子生。令他子死。於心安乎。夫嬰孩始生。不爲積福。而反殺生造業。亦太愚矣。此舉世習行而不覺其非。可爲痛

哭流涕長太息者二也

三曰祭先不宜殺生亡者忌辰及春秋祭掃俱當戒殺以資冥福殺生以祭徒增業耳夫八珍羅前安能起九泉遺骨而使之食乎無益有害智者不爲也此舉世習行而不覺其非可爲痛哭流涕長太息者三也

四曰婚禮不宜殺生世間婚禮自問名納采以至成婚殺生不知其幾夫婚者生人之始也生人之始而行殺理既逆矣又婚禮吉禮也吉日而用凶事不亦慘乎此舉世習行而不覺其非可爲痛哭流涕長太息者四也

五曰宴客不宜殺生良辰美景賢主嘉賓蔬食菜羹不妨清致何須廣殺生命窮極肥甘笙歌饜飫于盃盤宰割冤號于砧几嗟乎有人心者能不悲乎此舉世習行而不覺其非可爲痛哭流

涕長太息者五也。

六曰祈禳不宜殺生。世人有疾。殺生祀神。以祈福佑。不思己之祀神。欲免死而求生也。殺他命而延我命。逆天悖理。莫甚于此矣。夫正直者爲神。神其有私乎。命不可延。而殺業具在。種種淫祀。亦復類是。此舉世習行而不覺其非。可爲痛哭流涕長太息者六也。

七曰營生不宜殺生。世人爲衣食故。或畋獵漁捕。或屠宰牛羊豬犬等。以資生計。而我觀不作此業者。亦衣亦食。未必凍餒而死也。殺生營生。神理所殛。以殺昌俗。百無一人。種地獄之深因。受來生之惡報。莫斯爲甚矣。何苦而不別求生計乎。此舉世習行而不覺其非。可爲痛哭流涕長太息者七也。

放生會小引

放生之說暢於釋氏。儒者或疑之。然古者網罟必用四寸之目。魚不滿尺。市不得鬻。言放生也。國君春田不圍澤。大夫不掩羣。士不取麇卵。言放生也。成湯之網。開三面子。產之畜魚於池。無非言放生也。是故聖王之世。鳥獸魚鼈咸若。鳳凰麒麟不踐生草。不食生蟲。則謂之仁禽。謂之仁獸。天地之大德曰生。全體皆仁也。聖人學天。學天之仁而已。天心好生而惡殺。聖人體天之心。以爲心。故民胞物與。並育並生。推其極。必使無一物不得其所。而後聖人爲仁之量始全。則放生之說。固久在聖人並育之中。無事別標宗旨也。自古禮衰而殺機熾。貪口腹恣暴殄者。反以煦煦之仁爲藉口。殺以召殺。而殺劫以開。佛氏惻然憫之。思欲有以挽其流而拯其敝。於是大其聲以疾呼。而放生之說於以起。而放生之會於以行。是故顏魯公奏請天下立放生池八十一所。蘇東坡爲杭州守。

率僚屬至西湖放生以爲樂。自來名公巨卿醇儒宿學類多從事於此。則放生之爲道蓋可想也。吾輩幸際太平共遊光天化日之中。安常處順不遭橫禍。是天之放我以生也。天旣放我以生。我苟非體天之心多放生命。其何以仰答天恩。終免災劫耶。爰與同人糾集放生善會。每會以若干文爲率。會數各隨其願。一月一舉。隨買隨放。不拘何物。不拘何地。事畢回向乞求往生。所願各發慈心共培善果。庶幾日久月長愈推愈廣。以期答天恩而消災劫。當亦吾黨同人所樂於捐助也。是爲引。

後一編

卷七

七

放生官河條約

卷七之二

古者網罟必用四寸之目。魚不滿尺。市不得鬻。聖王愛物之心。藹然如見。况邑城鄉鎮。必由地脉結聚而成。制伏無方。每閱衰旺。青鳥家言。非無因也。古來仁慈好生之地。往往不見干戈。而城邑遭屠者。多由其地人民好殺所致。倘非急開生門。以順地道。以格天心。將何以召祥和而消災劫。放生官河者。生門也。生門開而生氣聚。生氣聚而戾氣消。此不費錢功德也。述放生官河條約。

放生官河禁止採捕議

蓋聞天地之所好者生。帝王之所慎者殺。古聖人設爲網罟。以佃以漁。所以備祭享除物害。非以爲口腹也。然猶必設爲厲禁。數罟不入污池。網目必用四寸。漁不滿尺。市不得鬻。蓋恐取之太過。卽

以蹙物之生。故必示以限制。使取之有節。庶涵濡長養生機相續於無已耳。是以成湯解網。里革斷罟。顏魯公奏立天下放生池。於勢難槩禁之餘。必宛轉紆籌。留一綫生機。以延物命。凡以體天地好生之心。廣帝王仁育之量。不欲盡取以傷萬物之和也。我

朝仁化旁敷。和風廣被。舉凡鳥獸魚鱉。具徵成若。仰見

聖天子萬物一體。度越百王。凡屬臣民。自宜本愴惻隱之心。擴並育並生之量。日孜孜焉。爲物命計。俾之繁滋生息。涵泳於光天化日之中。於以祝

聖壽於無疆。俾羣生而遂長。庶不虛生

盛世耳。乃習俗相沿。取求無厭。多方採捕。力索窮搜。無論大小官河。插籬設網。幾使水族無潛逃之所。而有司官又視爲不急之務。竟不復留心禁約。爲地方稍開生門。甚非所以仰體

皇仁以培

國家元氣也。今擬於州縣鄉鎮各留河數處。聽作放生官河。永禁採捕勒石垂遠犯者。懲之。其清查辦理。宜聽該處各善士妥爲設法。仍不許地棍土豪專擅開禁。有則鳴鼓共攻。並令各善堂隨時稽察。庶使

聖澤汪洋羣生同被。蠢靈共壽。物我皆春。亦仁人君子之用心也。
謹議

顏魯公放生池表

臣聞帝德莫大生成。臣心敢忘讚述。微臣職忝方面。受恩莫報。廣宣皇命於天下。臨江帶郭處。置放生池共八十一所。澤及昆蟲。海隅蒼生。莫不欣喜。臣不揣愚昧。述天下放生池碑銘一章。蓋欲使天下元元。知陛下有好生之德。因令微臣獲廣昔賢善善之義。乞

得一金

卷一

御書題額以光揚不朽。

放生河爲人主祝壽祈福

蘇東坡守杭州奏開西湖墮禁首以放生爲言。迨天禧中大臣始奏以西湖爲放生池。禁捕魚鳥爲人主祈福。自是以來。每歲四月八日。郡人會放湖上所活羽毛鱗介。以百萬數。皆西北稽首祝皇。上千萬歲壽。此西湖放生故事可徵也。

憲示

蘇撫部院張爲申明舊禁。剴切曉諭。事照得蘇城虎邱前一帶堤河。及相近東西各港。原係放生官河。永禁採捕。本部院前於藩司任內。歷經出示嚴禁在案。茲聞日久廢弛。該處仍有不肖居民。及漁戶人等。罔顧生靈。公然違禁。或操鷹舟。或張巨網。肆行捕捉。致潛鱗無一綫之生機。放生之地。竟爲若輩之利藪。地保人等得其

規利代爲包庇。殊堪痛恨。除訪拏懲辦外。合行剴切曉諭。爲此示仰該處居民及漁戶地保人等知悉。自示之後。爾等如敢在於放生河內。肆行採捕。戕害生靈。一經本部院查出。或委員稟報。立即嚴提懲處。如該處地保不行查逐。受賄縱容。定卽一併究懲。不貸。各宜凜遵。毋違特示。

嘉慶十九年十一月初三日示

蘇州府元和縣正堂舒 爲籲恩勒碑示禁以垂久遠事。據生員王煦監生屠曉殷在天周揆殷等稟稱。切照憲治正三圖。設有妙濟堂。於內設局。凡施棺收葬。惜字放生諸善事。靡不備舉。獨是放生一事。因堂地狹隘。舊日就沿河一帶立石爲界。作放生河路。甚爲短促。不能多容。今擬請南至青松寺。北至婁門蛇王廟。一帶官河。作爲放生河路。無許捕魚。鄉農藉稱罾泥名色。挨堂放生河邊。

競相捕捉所全物命實多爲此籲恩叩請伏乞恩准給示勒碑禁止捕捉以垂久遠等情到縣據此合行給示嚴禁爲此仰該地保居民鄉農漁船人等知悉所有妙濟堂放生官河南從青松寺起北至婁門蛇王廟一帶永禁捕魚鬻泥如有任意抗違在河鬻捕地保司事立即拏獲解縣以憑重處枷示倘地保徇容隱察出定提並究決不寬貸各宜凜遵毋違特示

嘉慶二年六月

日示

蘇州府正堂覺羅景爲據稟給示嚴禁採捕事嘉慶二十四年六月初四日據清節堂董事陳道修職員何桂巖吳復初孫道融吳兆鉦陳道軒陳培顧退思劉會真程廷珍胡惠友蘇晉英等赴府稟稱切照蘇郡虎邱山塘官河西由西瓜河起東至渡僧聚龍山塘各橋南至六房莊北至錢萬里橋十家洋虎邱後山等處歷經

各善堂稟蒙

各大憲放生惜命禁止採捕均於橋座鑿有禁止字樣祇准各漁船在外河大蕩捕獲不許在所禁之處採捕在案無如日久廢弛漁戶勾串地匪得規狗縱始則夜間捕捉今則白晝布網甚至前舟放生後船撒羅罾網所在不計其數欲其生而仍置於死董等目擊此形情殊惻惻是以情願捐資備石各處勒碑永禁採捕以護水族而勵好善環求給示並掛牌曉諭以便隨時巡查勒石永禁並賜分飭長元吳三縣一體禁約嚴飭各地保漁總毋許得規狗縱取結存案等情到府據此查虎邱一帶放生官河歷經各憲嚴禁採捕漁戶等何得勾串地匪肆行罾網顯係地保漁總得規狗縱殊屬不法本卽查提嚴辦姑寬免究據稟前情除飭縣一體禁約併取地保漁總切結備案外合就出示勒石嚴禁爲此

得一金

卷一

示仰各該地保漁總漁戶以及附近居民諸色人等知悉所有虎邱山塘官河西由西瓜河起東至度僧聚龍山塘各橋南目六房莊北至錢萬里橋十字洋虎邱後山等處放生官河勒石永禁嗣後不許再行繕網採捕責令清節堂董事隨時指示巡查倘有不法漁戶等敢再私行偷捕立即指名稟候飭提嚴究地保漁總徇縱容隱並提從重懲辦決不寬貸其各凜遵毋違特示

嘉慶二十四年六月初九日示

簡明捐示式

山塘等處官河

勒石永禁採捕

責令清節堂董

捐示巡察莫情

倘有藐抗漁戶

敢再肆網撒羅

立即指稟拿究

重責枷示游圖

鄉鎮憲示

蘇州府爲據稟給示禁約事。據某某等稟稱：元境周莊鎮地方四面環河，有等漁業之人在河捕捉，邇來漸入市港，魚無巨細，搜捕一空，甚至攫取螺螄，將鉄器扒損岸腳。今漁船既聚，適市民舟擁擠水面，惟思若輩生涯亦易，豈必在市港狹窄之所生等語。擬定界地，南至報恩橋，北至全功橋，西至聚寶橋，西北至全福寺港，永作放生官河。毋許採捕，不求曉諭，難以禁止。環叩查照各善堂成案，出示嚴禁入市捕魚，以廣仁德等情。到府據此，除稟批示外，合就給示禁約，爲此示仰各該地保及漁戶諸色人等知悉。所有元邑周莊鎮市河南至報恩橋，北至全功橋，西至聚寶橋，西北至全福寺港，作爲放生官河，不許漁船採捕，以全物命。如敢故違，許指名稟究。地保或徇縱容隱，察出並處不貸。各宜凜遵，毋違特示。

道光二十四年五月二十九日示

放生官河規條

一放生河應設司事經管稽查如河隸書院或善堂則司歲事卽書院善堂之司歲兼管其司察事卽捐資經議諸君輪月稽查如遇匪人偷捕卽送官究治倘司事中有遠遊及出仕或荐賢自代或公舉補缺

一放生河已詳憲辦案宜祀神立碑永禁採捕其界址所在宜多立奉憲放生河小碑石每年清明冬至兩期或天赦吉日司事率同漆石工人於各小碑石字上俱潤硃一遍以醒眾目倘有缺者正之缺者補之以符原立之數不致歷久殘缺一放生河除請給諭單嚴諭漁甲使之督禁漁戶外每年於二八兩月仍須請邑尊給嚴禁偷捕告示十數道分貼沿岸行鋪等處並給湖差坊保漁甲分班巡邏查緝牌票

一竹木簾上向多板罾捕魚。又有將樹木枝極沉於水中。暗自成圍。河面浮水草一叢。名曰燕子窠。使游魚藏聚。便於偷捕。至冬季尤甚。宜飭差協同漁首小甲。押令各漁戶將漁窠樹枝撈起盡淨。並取具不再私捕。雜捉甘結存案。凡我同人當隨時查察。如河中再有燕窠。哨袋等物。卽協同漁甲撈去。以除弊竇。並賴沿河居住行鋪諸君。如有見聞。務祈照諭禁告示其相禁止。

放生河立碑禁捕。飭河差巡緝。往往始勤終怠。視爲具文。且積久弊生。漸啟分肥徇縱之端。又司事稽查。或遇有偷捕。單言禁止。卽聞聲潛逸。甚者反肆強梁。與舟人犂角。咸在波面。船頭萬一失足。有不測之虞。事尙未臻盡善。宜飭取漁首甘結。俾不致通同甲長賄縱漁船。或曉或夜。仍滋偷捕等弊。又

取地保甘結俾不致徇縱岸戶中遊手好閒人違禁扳罾恣捕傷生等弊嗣後賢邑侯遵例諭禁漁船偷捕責在漁首岸人扳罾責在地保逢有滋弊卽行呈治

一冬季漕艘船上水手人等往往以扳罾捕魚爲樂奉木道憲給示嚴禁幫船水手違禁捕魚以全善舉並發憲牌一行縣俾一休給示嚴禁一移衛俾各船遵照禁約歲以爲例

一現議規條倘歲遠時遷未免事有異宜恒賴賢父母慈愛爲懷諸君子維持勿替俾全河水族涵泳於光天化日之中永無網罟刀砧之厄尤深望於後之仁人匡濟也 平湖放生湖一隸育嬰堂一隸當湖書院其相經理善士黃菊坪等捐田三十餘畝贖湖放生詳憲立案立石二十餘處永禁採捕仍每年捐錢數十千半買物放生半作堂中辦理費其法甚

善

放生之說其所由來尙矣。蓋本古聖人仁民愛物之意而行之者也。史記所載湯見四面網魚者。蹙然曰。嗚呼。盡之矣。乃去其三面而祝之曰。欲左者左。欲右者右。不用命者。乃入吾網。諸侯聞之曰。湯德其至矣。此非放生之始耶。周官之制。魚禁鯢鱖。數罟不入汚池。所以蕃生息保物命者。亦於是乎兢兢焉。吾夫子釣而不綱。弋不射宿。君賜必音。慈愛之心。藹然流露。孰謂放生之說非儒者之教乎。昔子輿氏導齊王以仁政。卽在於恩及禽獸而察識擴充之。非以此不忍之心所及者廣耶。方今聖人在上。休養生息。澤及蟲魚。諸君子仰体恩波之浩蕩而樂觀物類之蕃滋。行見放生河中。涵濡卵育。各暢生機。魚躍順流。堂堂策策。想當時和景明相與問諸水濱。但覺依蒲在藻之樂。無非太和翔洽之休。盎然生趣。

得一金

卷一

洋溢目前有不作濠濮之想者矣

嚴禁毒魚憲示

甯波府鄞縣正堂張爲照案出示嚴禁事。案奉 水府憲張札奉
本道憲以札開。照得甯屬各縣每有無賴之徒。購買巴豆俗名
淨剛子。或川雷公藤煎汁傾河。藥取魚鮮。無論巨細。受毒卽死。河
無魚類。甚至居民汲飲此水。輕則染病。重則傷生。不惟戕害物命。
且毒及閭閻。卽經前道暨本道札府飭禁在案。茲據紹郡紳士
嚴嘉榮等呈請飭禁前來。據悉日久玩生。札府轉飭示禁等因。奉
經照案示禁在案。茲訪有貪利之徒。仍前售買淨剛子雷公藤等
毒物煎汁傾河。藥魚情事。合再照案出示。嚴禁爲此示仰閭邑漁
戶及諸邑人等知悉。爾等須知古制。敝官尚不入池。況以毒物藥
取魚鮮。幾至鱗介不留遺種。其暴殄物命。莫有甚於此者。且居民
買食此魚。汲飲此水。中毒染病。受累傷生。在所不免。更爲民生之

書自示之後。務各痛改前非。切勿再以淨剛子雷公藤煎汁投入河中。祇爲爾一人謀此微之利。以致害物害人。似此居心。亦斷不能賺錢獲利。倘敢抗違不遵。仍前購毒藥取魚鮮。一經訪聞。或被告發。定卽提案究處。決不姑寬。其各凜遵。毋違特示。

咸豐七年六月十五日

賞節會規約

卷七之三

近人每逢芳辰令節。必大張筵宴。以爲賞心樂事。且謂必如此方不虛度。吁。富人一席酒。窮人半年糧。席上一盃羹。周下千百命。孽而已矣。樂云乎哉。擬賞節會規約。

賞節會啟

李青蓮云。天地者萬物之逆旅。光陰者百代之過客。蓋人生百年。如白駒過隙。垂髫卅角。轉眼華巔。逝水歎其流光。石火驚夫幻相。古人所以及時行樂者。非無故也。顧行樂之道。自有真焉。近世高雅之士。每當春秋佳日。月夕花朝。結會聯朋。釀金選勝。或山之巔。或水之湄。徜徉臨眺。相與爲樂。其在豪華之輩。則畫船燈舫。選色徵歌。虎阜秦淮。歡場蹀躞。流連筵宴。所費不貲。非是則謂之虛度。所謂賞心樂事者。非耶。然而珍錯充乎庖。而孤寒之嗷嗷待哺者。

不及問也。肥甘恣乎口。而物命之慘慘叫號者。不及聞也。馳逐竟日。樂幾忘疲。醉飽歸來。味同嚼蠟。殘膏賸馥。僅供僕御拋零。一盞半盂。未許窮黎沾被。如是而謂之不虛度。然乎否耶。夫芳辰令節。一歲中爲日有幾。人當此際。娛目騁懷。倍增忻暢。此誠萬物恬熙之日。而天假我以行樂之候也。吾輩名疆利鎖。終歲束縛。曾無一毫善緣。上答於天。亦已內返多疚矣。幸遇良辰美景。尙不能稍有設施。竊恐白髮無情。催人易老。良緣錯過。後會難逢。至是而歎終身虛度。也不已晚乎。今擬集十數同志。結爲一會。每逢佳節。攜分赴約。烹茶小叙。作半日游。一濟孤老。一放生命。臨流登山。吟眺爲樂。將見出水火而衽席。易刀俎而江湖。物沾再造之恩。人獲含飴之樂。受者歡喜無量。施者亦歡喜無量。物與我皆歡喜無量。而天之心。有不歡喜無量者乎。吁。節一宵之豪飲。即可濟數十孤寒。分

半席之餘資。便可活萬千物命。如是方可謂之賞心樂事也。如是方可謂之不虛度良辰也。願與同人。本歡喜心。行歡喜事。結歡喜緣。熙熙恬恬。物我皆春。庶幾皆大歡喜。而成極樂世界乎。此啟。

規約

一、每年芳辰令節。如元宵、花朝、寒食、浴佛、端五、荷花生日、中元、中秋、重九、十月初八、冬至、臘八、及大士誕、純陽誕、各佳節。及尋春賞荷、賞桂、賞菊、賞雪諸勝會。有館者或趁諸同志務各攜分赴解館日期。會每分二百文。或能多攜者。聽備作會外善事。除備茶點外。餘悉入公。以六分濟貧。以四分放生。庶幾賞不虛糜。功歸實濟。

一、訂會友不拘多少。願與者。即署名會簿。每逢佳節。輪流主值。先一日。值會者訂約。屆期共集。主會者不得爭爲體面。於會外賄費。庶可永永相繼。

一所濟孤老。各就耳目所及。必審其的。係極貧。朝不謀夕者。方准給子。或一百二百不等。不得濫給。

一所放生命。不拘飛禽水族。隨買隨放。不必限以何地。庶免射利者從旁覷覷。

一會約不拘地方。或登山。或棹湖。或就寺院。會時烹茶聚話。或談書理。或究內功。或商辦善事。或稽察功過。或各舉新聞果報。筆之於書。不得浪說無益閒談。違者議罰。

一所備茶點。宜分外從儉。省一浮費。即可充一正用。若欲從豐。便難乎爲繼。於會例有碍。必須先酌一定額。

一會友偕來。或扶老攜幼。或挈客聯朋。務使父子兄弟朋友。各極其歡。同襄善舉。叙天倫之樂事。聯故舊之歡情。誠人生難得之佳會也。

蘇郡彭氏惜字會每兼放生此會亦可兼及惜字約諸同人務須沿路收拾字紙米穀不拘多少以作相見之儀迂事也實韻事也

待一金

卷一

三

區種章程

卷七之四

王者重農貴粟。耕三餘一。耕九餘三。所以預爲凶荒之脩者。已無所不至。而耕之中。有可以用人力。而得數倍收者。裕民足食。積穀脩荒。莫過於此。是可采擇試行也。述區種章程。

區種章程

區種之法。不論地土之肥磽。隨地多少。皆可種植。每區計地一尺三寸。每畝積算二千六百五十區。止種六百五十區。一區可收穀七升八升不等。大旱亦可得穀三四升。洵爲備荒之良法。王禎曰。叅攷汜勝之書及務本書。謂湯有七年之旱。伊尹作爲區田。教民糞種。負水澆稼。諸山陵傾坂及田止城上。皆可爲之。其區當于閒時旋旋掘下。正月種春大麥。二三月種山藥。芋子。三四月種粟及大小豆。八月種二麥。豌豆。隨時爲之。不可貪多。夫豐儉不常。天之

道也。故君子貴思患而預防之。是知此法由來甚古。特爲採集古
今人傳播成式。條列于左。以俟留心者。倣而行之。可使游惰之人
各務精勤。凶年又免饑饉。一舉而兩得也。

一畝田。闊一十五步。每步五尺。計七丈五尺。每行一尺五寸。
該分五十行。長一十六步。計八丈。該分五十三行。長闊總算。通
共二千六百五十區。每區四方各一尺五寸。見方二尺二寸五
分。空一行種一行。隔一區種一區。可種六百五十區。不種旁地
以收地力。

區田畫就。每區挖深一尺。將鬆土起出。此就應種之六再起出
鬆土寸許。用熟糞一升。與寸許土和勻。歸入區內。將籽種均勻
撒在上面。用手在糞土上按實。使土與籽種相粘。然後將起出
之鬆土覆上。且勿過厚。後穀芽將探起時。漸漸添土鋪平。隔處

便人入內澆灌耘鋤諸事。

一苗出時相去一寸半。留一株區之。邊上多留一株。每行十一株。

此是區內種稻之行也。非每區一百一十株。只看粗壯好苗約佔卽前每行寬闊之行也。抹留不必逐株細數。總不可貪多。收成時自然獲利。區有四邊

一株靠一邊。畱空三邊也。

一禾苗留足之後。俟當鋤之時。製一小鐵鋤。寬一寸長四寸。鋤去野草。如鋤過八徧草盡。土鬆結子飽滿。禾穗長大。如肯加功勤鋤。卽尋常種植。收成猶多。況區田乎。

一區田禾穗長大。所結穀粒甚重。定要下墜。況遇大風搖擺。一經臥倒。便恐傷損。須于苗出有尺許長時。卽用土壅。漸長漸壅。遇大風不致吹倒矣。

一凡田不論美惡。總須糞以肥之。況區田既不擇地。未必皆屬沃

土糞壤最爲要緊。田畝歲歲種之。土敝氣衰。生物不遂。必儲糞
朽以糞之。則地力常新而收穫不減。
一凡高原平坂。正陂及宅傍空隙場地。但以一只五寸畫區。雖奇
零尖斜橫曲。無不可做。其區當于閒時慢慢開掘。弗貪安逸。致
臨時急促。用多之戶。餘田照常栽種外。量種二三畝區田。豐年
固可倍收。卽大旱亦有區田所得足資口食。田少之戶。儘可竭
力行之。以收水旱無虞之利。大率一家四五口。可種區田一畝。
多者增加。少者弟兄子姪合種一畝。或分區各種。無不可也。
區種穫數之多。人皆疑其爲誕。但考之齊民要術云。昔兗州刺
史劉仁之在洛陽。於宅後十七步之地。畫爲區田。收粟三十六
石。又考雍正四年。直隸巡撫李公維鈞在保定城內。嘗試行之。
據稱播種灌溉。未盡如法。然一畝之地。已得穀十六石。康熙丁

亥桂林朱龍耀爲蒲縣知縣。曾行之有驗。後陞太原司馬。亦於署中後圃爲之。每區得穀五升。畝可三十六石。無疑。康熙末。聊城鄧鐘音亦嘗試種。每畝所收實多。常田二十斛。衢州詹文煥監督大通。於官舍隙地爲之。計一畝之收。五倍常田。又有廣潤別駕方鳴夏在蘭州時。教張姓者治區田一畝。得穀三十六石。後歸江甯。以其法語族人。亦治區田一畝。得穀三十八石。乾隆時。建昌觀察李公餘三於衙署後。仿行之。豫章帥念祖亦仿行之。收穫皆符其數。至道光八年。蘇州潘相國哲嗣於婁門外。以其法課種稻禾。及時耕植。果獲豐收。遠近村農皆所目擊。次年又於葑門外擇田試種。亦復應驗。由是觀之。區種多獲。又何疑焉。使今之田主及業農者。果皆信而行之。將見家給人足。鄉閭不至終窮。由是講讓型仁。禮教得以漸復。人事父兄。出事長上。

孝悌忠信之行。不難兼脩於深耕易耨之餘。斯禍亂不弭而自弭。庶可相與其旨。太平之福也。豈不快哉。

區田圖



此圖白行種稻。掘深八九寸。見方一尺五寸。濶每行種一區。空一區。黑行不種稻。亦見方一尺五寸。濶高起。楞頭八九寸。留楞頭泥。節次以壅苗根。

區種豆麥

區種大豆法。坎方深各六寸。相去二尺。一畝得千六百八十坎。其坎既成。取美糞一升。合坎中土攪和。以內坎中。臨種沃之。坎三升水。坎內豆三粒。覆上土。勿厚。以掌抑之。令種與土相親。一畝用種一升。用糞十六石八斗。豆生五六葉。鋤之。旱者溉之。坎三升水。丁夫一人。可治五畝。至秋收。一畝十六石。

區種麥法。坎同前。凡種一畝。用子二升。厚二寸。以足踐之。令種土相親。麥生根。戍。鋤區間秋草。緣以棘柴。律土壅麥根。秋旱則桑落燒澆之。秋雨澤。適勿澆之。麥凍解。棘柴律之。突絕去其枯葉。區間草生。鋤之。大男大女治十畝。至五月收。區一畝得百石以上。十畝得千石以上。

區種芋法

汜勝之書云區種芋。區方深各三尺。下實豆其尺有五寸。以糞着其上。深如其其。區種芋五本。旁四本中一芋成其爛皆長三尺此本漸漸培之亦良法。今之農不然。但于淺土種子。俟苗成移就區種。故其利薄。夫五穀之種。或豐或歉。天時使然。芋則繫之人力。若種藝有法。培壅及時。無不獲利。以之度凶年。濟饑饉。助穀食之不及。

區種瓜瓠

區種瓜法。六月雨後種。菜豆八月中犁掩殺之。十月又一轉。卽十月中種瓜。率兩步爲一區。坑大如盆口。深五寸。以土壅其畔。如菜畦形。坑底必令平正。以足踏之。令其保澤。以瓜子大豆各十枚。徧布坑中。瓜子大豆兩物爲雙藉其起土故也以糞五升覆之。又以土一斗薄散糞上。復以足微躡之。冬十月大雪時。速併力堆雪于坑爲大堆。至春草生。瓜亦生莖葉。肥茂異于常者。且常有潤澤。旱亦無害。五月瓜便

熟其搗豆餅瓜之法與常同若瓜子盡

區種瓠法收種子須大者若先受一斗者得收一石先受一石者

得收十石先掘地作坑方圓深各三尺用蠶沙與土相和令中半

若無蠶沙生著坑中足躡令堅以水沃之令水盡卽下瓠子十顆

復以前糞覆之既生長二尺餘便總聚十莖爲一處以布纏之五

寸許復用泥泥之不過數日纏處便合爲一莖留强者餘悉掐去

引蔓結子子外之條亦掐去之勿令蔓延留子法初生二三子不

佳去之取第四五六區留二子卽足旱時卽澆之坑畔周匝小渠

子深四五寸以水停之令其遙潤不得坑中下水不論草木凡根

脚遙

備荒瑣語

稗史彙編曰甘藷或曰芋之類根葉亦如芋大如拳熟食味如薯

積海中之人壽百餘歲者由食甘藷故耳沙土深耕厚壅大旱汲水灌之無患不熟閩廣人賴以救飢其利甚大

又曰諸苗二三月至七八月俱可種但卵有大小耳卵八月始生便可掘食若未須者勿頓掘居土中日漸大南土到冬至北土到霜降須盡掘之不則爛敗矣其種宜高地遇旱災可導河汲井灌溉之在低下水鄉亦有宅地園圃高仰之處平時作場種蔬者悉將種藷亦可救水災也若早年得水澇年水退在七月中氣後其田遂不及藝五穀蕎麥可種又寡收而無益于人計惟剪藤種藷易生而多收至于蝗蝻爲害草木無遺種種災傷此最爲酷乃其來如風雨食盡而去惟有諸根在地薦食不及縱令莖葉皆盡尙能發生不妨收入若蝗信到時能多并人力益發土徧壅其根節枝幹蝗去之後滋生更易是蟲蝗亦不能爲害故農人之家不

可一歲不種此實雜植中第一品亦救荒第一義也

又種諸法種宜沙地。仍要極肥。臘月耕地以大糞壅之。至春分後下種。先用灰及剉草或牛馬糞和土中。使土脈散緩。可以行根。重耕地二尺深。次將諸種截斷。每長二三寸種之。以土覆深半寸許。每株相去數尺。俟蔓生。盛長剪其莖。另插他處。卽生。與原種不異。又曰。人家凡有隙地。悉可種諸若地非沙土。可多用柴草灰雜入其土。其虛浮與沙土同矣。卽市井湫隘。但有數尺地。仰見天日者。便可種得石許。其法用糞和土晒乾。雜以柴草灰入竹籠中。如法種之。

農書云。稗多收。能水旱可救饑。孟子言五穀不熟。不如荑稗。淮南所謂小利者。皆以此。且稗稗一畝。可當稻稗二畝。其價亦當米一石。宜擇嘉種子下田。莠之。歲歲無絕。倘遇災年。使得廣植。勝于流

移搶拾不其遠矣

丁

借米實惠法

卷七之五

陽羨玉涵子曰康熙九年吳越大水。吾宜爲甚。吾鄉名東村者爲尤甚。予有田頃餘在焉。去冬偶過之。行其巷寂無人聲。非鎖門而他出。則闔戶而就寢。余深訝焉。或告予曰。凡鎖門者。殆舉家行乞他所。闔戶者。殆絕粒而僵臥不起耳。予大驚曰。然則不久已死乎。曰。但未至是也。凡吾村之困守家居而不遠行丐乞者。類皆以網罟作本。以蝦魚爲資。每得蝦魚一斤。可賣米半升。輒得一日活數日來。雪大冰堅。無可施網。又今年巨浸蘆葦亦淹沒無遺。雖欲採薪以沸水。亦不可得耳。春二月復過之。忽有言曰。昨有某者。三歲兒餓死矣。余駭甚而問其狀。曰。吾地邇來。惟割野菜馬蘭雜煮而食。雖得些少米。不敢以爲糜也。惟粉之而入於草湯中。可以得膩。藉以稍通饑腸耳。是家無撮糊入甕數日矣。兒幼不能草餐。母絕

粒許久。豈復有乳。是以過死耳。予淚潛然下。不能收。思上年之水。凡麗吾地者。真極難矣。計予業田二百餘畝。得租不過十七石有奇。因漕白緊急。盡數輸倉。所存欠數。謂當賣產借貸以償矣。忽遇天恩。往以水災捐折。反領米四石九斗有奇。以歸。豈不可譬之未嘗捐折乎。此村立就危亡。吾家尙日三餐。又三日粥。輒欲一餐飯。見此光景。而私此四石九斗有奇者。以獨豐義。不忍時二月廿四日也。中夜以思。余持此米將何爲而可乎。欲施以煮粥也。則余見煮粥之弊矣。煮粥者環一二十里而設一塲。飽暖者未必不近。飢寒者未必不遠也。飽暖者不宜食。其無恥者未必不食也。聞粥一熟。羣相閼然。吾見有大桶小盃而攜歸以餉其工人者矣。又取多積剩而臭腐。以及夫犬豕者矣。遠方飢民在十數里外。扶老抱幼。衝風冒雨顛蹶而至。則鍋已罄。空相向一慟。枵腹而歸耳。夫少壯

者。得以自達矣。衰穉婦女。何以自達乎。晴天暖日。不難早候矣。雪霜泥濘。豈能早候乎。况今春作方殷。農務正急。若舍一日之用。功而往返十數里之遙。以就二三碗之薄粥。將來秋收。甯復有望。性命旦夕。苟延活計。愈加斷絕矣。故愚謂不如計口分賑。領歸自煮之便也。出米以賑者。誠莫大之功。然人皆吝財。誰肯竟捨。有出無入。事實難行。雖以官府臨之。急之而嚴戒切責。勸之而禮貌溫文。終莫肯應也。卽有十分好義者。吾知其出之亦有限矣。今使有人於此。與之米一升。明日卽無以繼。有人借之米五升。至冬要還一斗。二者不可得兼。其人必甯借五升矣。蓋與而無繼。究必餓死。借重利之債。而可以得生。將來秋收。一熟矣。難此一斗乎。故愚謂勸賑不如勸借之便也。然今日之借。不患利息重。而惟患不肯放。放債者富人之所樂爲。而在。今偏不肯爲。巨萬家貲。錙銖以積。連歲

積固羣視耽耽。一人肯借十人豈得辭乎。一升可借十升甯便已。
乎。歲荒民歎。借去尙肯還乎。擁粟積錢如負重債。囂囂羣口竟同。
敵。譬幸天下太平。眾皆明如暗。嫉摩掌疾視。鴈行相持而莫敢輕。
動也。一旦有變。彼堆千累萬者。負之將安往乎。然以今之勢。苟不。
力爲斡旋。亦未必保能無變也。富人刺肥貧無半粟。富家厭羅綺。
貧者衣百結尋常。亦諉於命而安之矣。同是人耳。竟甘心獨稿餓。
以死哉。且不借者將謂其必賴乎。竈冷烟空朝不謀夕。藉此救命。
奚忍負恩。計口而給。不過升斗。秋收一熟等之錙銖。崔子曰。惠不。
在大濟人之急。可也。濟人只在急時。凡衣食不缺乏之家。不過暫值。
荒歉耳。若肯竭力節省。豈無一石五斗贏餘。省得一石出即可救。
百人三日之饑。省得五斗出亦救百人日半之饑矣。吾米尙不滿。
五石。欲以出放濟貧。豈不令人齒冷然。只要與吾輩作一榜樣。做。

一。前驅耳計熟矣。恨不卽曙黎明。卽起書片紙曰。史八房有米五石。出放。其米作價至冬償還。其息加二。凡本村極貧之家。論丁分借。此知時余僕莊四在傍。余語之故。且備告以作價加息便宜事。而莊四曰。僕幸邀主庇。積省得米一石。不須自食。亦可搭放。以濟人乎。余喜吾術之得行。而此法之果可以行之。人人也。急領之。日是極善。遂續書其下曰。下人莊四一石。亦放時值清明。余以執事祠祭無暇。過彼。而已有先余而告之者矣。相與踴躍稱快。哺後余至。則益相與嘆息。致感余。愈愧赧。不自勝。因挾前片紙。不敢出。忽一人大聲言曰。審若是我等窮人。今茲或者尚有命乎。我等平日借貸於人。慣矣。雖加六加七。而未嘗一負也。乃今者過之。而俱謝無有也。無已。以倍稱許之。而益謝無有也。醫其無者。咸以爲今歲非放債之時也。今秋甯再大水乎。若其有收。奚至負此擔石活命。

之債也。若其無收吾。將視其擁此仍仍者而獨食矣。無非怕有富名耳。官人寧富者哉。余曰眾等皆在。是此紙可以無貼矣。眾曰豈官人是爲要欲令通邑式也。請卽列之通衢。因請余出放之期。余曰。今米尙在城中。廿九卽月盡。其次月初一乎。眾散去。獨有一人尾予。後私請曰。官人能餘米在此。閒乎。余曰。前者因築圩埂給發飯米。尙存數斗。又板瀆圩佃。該我結數斗。今還當問我家人周百福耳。其人曰。官人放米。前後等耳。余家七口三日無粒米下鍋矣。遵官人論。丁分借法。當得二斗有零。今可以一斗先惠予乎。余曰。吾應汝然。勿令他人知。余先歸。俄而此人至。余視剩米約有三斗。卽以三斗與之。其人向天連叩首曰。官人積德如此。皇天。皇天。你必速報。余急扶之起。謂曰。我放米與汝。又作價要利錢。非捨汝也。何至作如此狀乎。其人曰。如余等人。今者孰肯惜余一勺乎。雖加

十○加○此○亦○萬○感○也○余○有○一○媳○十○九○歲○矣○有○娠○因○合○門○將○餓○死○欲○出○
脫○真○苦一○人○兼○可○得○眾○人○活○媳○請○曰○當○此○荒○年○身○居○貧○賤○廉○恥○之○事○固○
不○足○言○獨○恨○婦○有○重○身○已○五○月○矣○將○持○此○誰○適○乎○只○待○相○向○同○死○
耳○今○得○官○人○米○又○再○挨○過○去○矣○俄○而○又○有○一○人○至○曰○見○彼○尾○官○人○
後○似○有○所○私○者○吾○家○極○慘○之○事○且○不○及○言○尚○有○餘○剩○卽○惠○余○乎○余○
罄○量○且○及○一○斗○急○與○之○比○余○入○城○則○前○此○四○石○九○斗○有○奇○者○已○爲○
內○人○買○薪○市○鹽○雜○費○用○去○二○石○矣○急○省○飯○米○一○石○補○入○而○尙○少○一○
石○也○且○下○鄉○再○圖○之○初○一○日○眾○等○將○來○領○米○余○先○令○人○告○曰○不○須○
皆○來○只○二○三○人○領○去○足○矣○俄○而○五○人○棹○一○破○舟○至○內○二○人○卽○前○日○
之○先○支○二○斗○一○斗○者○外○又○同○一○人○乃○余○舊○佃○余○識○之○遙○問○曰○汝○非○
此○村○人○也○何○以○至○是○其○人○前○致○辭○曰○某○實○不○住○此○村○頃○來○饑○腸○欲○
絕○聞○官○人○放○米○特○來○相○央○耳○余○謂○曰○吾○前○許○五○石○今○不○自○意○缺○一○

石而無從措也甯尚有餘能及汝乎其人力懇添彼一丁以與此
村人均分五人者辭曰吾村已論戶照丁派定雖勺合會不相假
也吾等雖欲便汝真無由若官人此處能多出必與汝矣其人淚
懸懸欲下歎息以視余命先將四石量訖喚周百福取前所收板
來恰是要緊事瀆圩米來至則帶陰元米六斗命傾之盤中則熱氣蒸蒸欲爛矣
止估時却開敘蓋余收租必用官斛故每得佳米而彼人見今歲米貴雖稍收亦
屬貧艱故不覺撓水太重耳余曰今無奈只得湊汝去但不須利
有二人者喜曰是竟與我吾視之亦甚甘而可以免息也餘少四
斗則前已發過三斗矣止缺一斗余入內細檢得一上年藏米舊
囤糶後尚有少剩也余悉取出見中有空蛙及草屑余命篩之又
簸之併歸盤中在傍者咸笑曰是殆一斗有餘暗察前佃面忽欣
欣有喜色余命量清一斗再量得八升前佃急前請曰是甯得不

借我乎。余曰：是昇汝而前，領過二斗者，忽愀然曰：吾此行，人家所
分不過數升矣。今地下有狼籍及蛀屑空頭，可以施余乎？余急命
盡掃以去。彼四人者，出一紙上，細開三十二家，共一百七十六下
止分所借米六石耳。悲哉！夫余之此法，既詳且穩矣。作價以償，防
秋熟而米或賤也，加二起息以週年計之，卽加三也。既可獲利，又
救人性命，天下無此兩便事也。吾輩要大修行，積德舍去此等時
再無此好機會也。而繼余者，尙鮮何也？意皆實處於不足耳。夫下
人莊四甯有餘之家乎？亦放一石，毋論一石卽一斗二斗皆可濟
人。苟其出之，必有受其惠者。若自己偶乏而轉借以放，尤見至心
吾輩遇此歲年，錢糧賠累，食指繁多，自難尙有餘剩。惟是平昔行
誼，苟足信人，但一開口告貸，代人生息，人之與余，不待卑辭而苦
口也。借來放去，仍討來償還，不過一擔當轉換間耳，無損於已而

大有濟於人。何惜此點點面情。幾許筋力。任人展轉垂危。而不一援手。耶。因義倉社倉之不能旦夕復。而欲使出者不傷財。受者立有濟。愚謂此放貸賑法之切實可行。可以人人行之。爲甚便也。立日毋論社倉難復。似此隨時有社倉不用收貯。又無侵盜。眞前此未有之議。後此必傳之法。其法以十家爲甲。甲有長。通地爲村。村有長。一圖爲坊。坊有正。其人必擇地之公平。有信行者爲之一人。不能獨任。再擇一二人分任之。甲內饑民。甲長村長結報。隣甲隣村查核達之。坊正坊正勘實入冊。男子全給。婦女及七歲以下。半給。其三歲以下及無行之士。與從來丐乞者不與計。丁分借。具米色必論高低。會同牙行三面作價。至冬還亦如之。其斗斛出入同用。流鬻其息加二。放米之家借戶書與借券。甲長村長作中。坊長照數入冊。本坊之米卽放本坊。其本坊米少而借之隣坊。借戶書借券外。坊長村長另立

收領認與追清務期有放必還有米樂放或曰其利不可以已乎
○善○行○法○者○
曰此又子貢贖人不受金子路救溺而受牛之說矣凡立法要使
○入○當○隨○時○制○宜○
久而可行其刻待借者所以廣勸放者而加惠貧民實所以安富
○主○惠○
民也

不
金

不
金

不
金

恤寒會事宜

卷七之六

生人之苦。莫如饑寒。而寒更甚於饑。當雪夜冰天。死者必倍蓰於平日。可見受凍而死。更迫於受餓而死。饑猶可稍緩須臾。凍則難延頃刻。禦寒之備。所關正非細故也。士大夫消寒有會。亦知門以外。有無量孤寒。呼號待命者乎。擬恤寒會事宜。

一施棉衣。無衣無褐。何以卒歲。得棉衣褲一身。即可度過殘冬。故冬月施衣。得則生。不得則死。最是實惠。冬月施衣。向例必待仲冬嚴寒之候。以爲太早。則恐變賣也。然寒信不測。徃徃初冬。即見冰雪。薄寒中人。最易成病。其無衣無褐之人。一遇寒風。即難忍受。設身處地。吾輩授衣之日。當爲此輩一想。况變賣之人。皆係無耻乞兒。非可因噎廢食。鄙意施給棉衣。宜於十月初旬。即應查給。若慮乞丐變賣。則衣之前後。可用花樣大印爲記。

或竟施秧。韠背心。或稻草韠背心。或先施粗麻布袋。或蒲包席片。聊以遮寒。總在乎有心者之盡心曲體耳。待衣者衆。或力不能多辦。或多製秧。韠背心。以施貧者。卽草衣亦可禦寒。前裕魯山中丞。在武昌任時。曾製以給散者。又難民得絮兩塊。護前後心背。便可不凍死。必無可辦。卽用絮兩方亦可。

施風帽。肩挑貿易之人。往往五更早起。冲冒風霜。最屬可憫。能多備風帽。施給。大爲方便。

施絮被。老年幼穉。床無絮被。最難度活。須另備絮被。凡老年無告。及寡婦撫孤。貧戶生產。實在無被者。查給之。

施柴炭。凡遇大雪連朝。貧戶不能出門。尋活餓而兼凍。必致僵仆枕藉。此時最宜趕緊查訪。除送擔粥外。尤宜施送稻草。炭火。俾可禦寒。功德比尋常更加十倍。極寒天氣。窮民衣少。恐

不足恃。惟有多積炭火圍烘。或用柴火徹夜烘之。可免凍僵而死。難民局遇風雪之夜。凍死者不可數計。此皆司其事者。不知料理安排。誤人性命。此中罪孽。推諉何人。願此後當其事者。慎之戒之。

一設粥。窮民寒餓。得熱粥一碗。便可支持。故嚴冬設粥。爲濟貧妙法。或竟施給。或半價發賣。均可隨時斟酌。若遇風雪之期。貧人出門不易。必須擔施。方爲盡善。

一設庇寒所。或每鄉祠廟。撤空屋數間。中鋪稻草。以便窮民借住。免其露宿。責成一二人專司。收管料理。緩急如無空屋。或搭草廠一所。亦妙。

一施草蓆。難民臥地。往往受濕。其臥處必多鋪稻草。或作草蓆。能以板架起。更妙。每十日一換。掃淨污穢。以免觸冒。其臥處必

備尿桶。毋許就地便溺。更須時焚蒼朮。以辟穢氣。

一施炒米薑湯。窮民小本營生。往往侵晨入市。枵腹冲寒。情實可憫。宜給予炒米薑湯一碗。聊以禦寒。蘇城閭門外渡僧橋。下冬月清晨。施炒米薑湯。最爲方便。

送粥擔。凡遇冰雪風雨之期。須早煮熱粥。或不能行。不能起者。須擔粥送至其地。俾令就近取食。倘有凍僵垂死之人。用薑湯灌之。或尙可救。老人給與熱土壘一方。更妙。

一查造衣冊。施衣最易滋弊。人冒領。卽有一人受凍。動關性命。經手者。功罪判然。豈可忽略從事。故須預先按戶清查。必得實在。在無衣貧戶。方准給票。其稍有寒備者。不得徇情濫給。方爲功歸實在。

換濕衣。乞丐冒雨濕衣。或傾跌爛泥。無可更換。和衣臥地。其

寒入骨病發難支。凡遇此輩須另備棉衣爲之更換。

一施草鞋。乞丐雨天行乞。破鞋爲爛泥濕透。寒入足脛。易成濕

毒。宜各施以蒲鞋木屐一雙。其赤足者。卽施蒲鞋一雙。亦妙。

一施帽領。窮民科頭赤頸。無以蔽寒。宜多買舊破毡帽。或小帽

給之。其領則以布縫棉。所費亦屬無幾。窮民之受惠多矣。

一更夫柵夫。徹夜守候。冒犯風雪。其棉衣褲尤宜及早給發。以示體恤。并須每人給棉風帽一箇。更妙。

イ
一
イ

三

墓親社約

本陳榕門相國訓俗遺規

卷八之一

宏謀按停喪不葬之非禮。亭林先生已極論之。今世士大夫亦不能不以爲非。顧停棺淺厝。所在皆是。暴露經年。恬不爲怪。推求其故。則曰爲擇地也。爲無力也。夫忍親棺之暴露。以求子孫之福。陰擇地之非已。雖見於他編。惟無力則誠難以爲悅。唐子以葬親爲社約。醵金相助。衆擎易舉。雖極貧寒。得此亦可以舉棺。而又有不葬之罰。相規相勸。無不以葬親爲事。使不葬者無以自容。其經營之善。用意之厚。不誠可以勸孝而勵俗耶。楊園增補之條。尤爲精密。行呂氏鄉約者。亟當增入此約。以爲救時之切務。

條約

不孝之罪莫大乎不葬其親。而以貧自解。加以陰陽拘忌。既俟

地。又俟年月之利。又俟有餘貲。此三俟者。遷延歲月而不可齊也。勢愈重而罪愈深。今集同社數十人。爲勸勵之法。以七年爲度。期於皆葬。謹陳數則如左。

一。凡欲葬其親。願入社者。各書姓氏。滿三十二人。則止。每人詳列同社姓氏。粘諸壁間。遇有葬者。則註其下。曰某年月日。其親已葬。以觀感而愧焉。

一。凡有舉葬者。同社各出代奠三星。有力者或和從厚一以爲敬。一以爲助。或至墓。或至家。一拜而退。主人惟各登拜。以爲謝。無纖毫酒食之費。

一。同社者。衆不能遍告。促金各隨其親朋遠近。分爲東西南北四宗。每宗八人。自叙長幼輪年。捱次一爲首。一爲佐。凡所宗內有葬日。則以語於各宗之首佐。各聚其所宗之金。而函之上書奠。

儀註曰某宗下書同社某某同拜主人無答簡宗者不失可宗之義仁孝相勉異姓猶同姓也

一每宗首佐躬拜其餘可至可不至或首佐有事亦可推代如志同而地隔度後往返不便者不必共社倣例別成可也

一所費甚薄而貧者猶以爲艱然有爲浮名社刻而費者矣有呼虛酬宴而費者矣卽不然譬有至戚吉凶大事不得已而多此一費者又譬有泛交套儀而其人偶受之者今費而必酬則是葬親之外府也且受金不權子母較諸稱貸舉會者利已多豈有不酬之理凡有葬知期前三日金不至者宗首罰之宗首犯者旁宗首罰之凡罰於本金外加三星

一親未入土禮宜疏布持齋而大拂人情則相從者少今願齋戒者短長任意惟每月朔望及親忌日及祀祖之日俱不得華服

金 卷一
茹葷此僅餽羊之遺意而尙不能者不必入社既入而犯者亦
罰如例此所罰註月日封押存宗首處俟偶有葬者併入函贈
之受者於原罰人之葬日答其半

一七年之間貲可徐措地可徐擇日可徐消念釋在茲庶能勉強
蓋三年而力不足又以三年遞之又久將復何需不得已而又
一年再不葬者從前之費無所復酬所以爲大罰也無已則於
八年之葬者衆答其半以存餘厚過此復何尤乎
一人數既定約於某日共至公所聚會信誓以期必遂期滿而親
俱葬復聚會告成任意豐歉醺飲以相慶

楊園先生跋

養生送死子職所共當禮稱財人心攸盡是以我獨不卒雅著
蓼莪之哀凡民有喪風垂卬卬之訓義苟隆於報本情自切於

感興餘溪唐子以錫類之至仁舉葬埋之正誼期於七載統厥四宗勸勵資乎友朋念釋斷乎已志不封不樹食息豈忘泚然既降旣濡俯仰能無沓若要使苦直靡怠日月有時人無不葬之親親無久塵之概傷哉貧也文不備寧戚有餘安則爲之遺其先追恤其後式茲里俗咸與孝誠斯云厚德之旌旄葬倫之鵠的者矣

附補例三條

一原約同會始終兩會而已竊恐日月浸久相見太疎不免怠忘之慮宜於每歲之首特加一會其已葬者於會期申再拜稽顙之禮以致謝旣省登拜之煩亦使未葬者有所觀感而於一歲之中矢心積力以期必葬則是歲舉事者必衆矣其會以已葬者司其事而不任費

同會之人不踰桑梓非其親黨則通家隣舊也聚會之人不妨率其子弟以至世好既敦亦明禮讓其有佻達不敬父兄遊浪不務本業者同會教戒之

一藍田呂氏鄉約敦本厚俗莫此爲甚今日之集特從流俗之極敝人心之最溺者先爲之導宜於會日講明其義使相輔而行庶乎仁義之風久而寢盛異時卽不立社可也

附烏青葬會規條

一是會爲貧不能葬者設。貧人力難營葬。必集衆資方可藏事。茲敘四十人爲一集。在集每人出錢捌百文。合四十人計有三十。二千文足敷葬費。各憑掣錢得錢。掣得者即可辦葬。一年敘會四次。十年爲滿。則四十人葬事皆舉矣。

一每集一次。定於四仲月望日午後爲期。不及徧邀屆期。各資足百錢。捌百文。親赴西土地堂公所。齊候掣籤。風雨無阻。其或緣事遠遊。須預託一人代爲賣錢掣籤。不得誤期。

一四十人分四宗。舉四人爲宗首。公請二人爲司會。願入會者。告明宗首。轉達司會。即將里居姓名註入會冊。倘有屆期不到。司會卽囑該宗首先行代應掣籤。無論得與否。限次日宗首自行追收。不得稍任遲延。

一是會平收平發並不加息。臨期收會齊集公所。請一長者在上。先向同會姓氏籤筒中掣取一籤。看明某某姓氏。高呼某某。本人答應。卽向得會籤筒中自行掣取一籤。看籤上有是爲得之。四字。卽爲得會餘。俟下期再敘。無庸爭先論後。

一掣籤得會者。所收錢文存留公所。卽備葬料。不得因他事借用。致誤葬事。

一營葬磚瓦石灰工作等項。議歸宗首辦理。每收錢一次。先辦葬料存儲公所。俟葬主擇吉臨期。着泥司載料送地營造。

一葬地係歸葬主自辦。不與會款干涉。惟葬事旣歸公辦。不能徧及遠方。現經稟請分府憲。移知烏程歸安秀水石門桐鄉五縣備案。禁止阻葬惡習。凡在會中卜地自宜。近在程安秀石桐五縣境內。方能公同辦理。

一臨葬遇有鄉惡藉端阻葬。凡我葬會中人。各宜自備供給。約同到鄉排解。如不得已。司會宗首及葬主公稟地方官懲辦。應用川資。照會中人公派。俾葬家任輕易舉。不至獨力難支。致誤葬期。

一凡掣籤既得擇定安葬日期。欲領葬料工食諸費。必須於親族中請一衆所共信者作保。協同該宗面立收據。領者保者俱要書名畫押。將收據存於公所。俟會滿檢完。倘已收已葬。後來短發會錢。該宗向保人索取。不在拖欠。

一欲與會者。無論爲祖父母爲父母。或族戚鄰友。悉從其便。至營葬時。必須告明登冊。

一所集葬費叁拾貳千文。現因工料俱貴。本係僅敷兩穴。惟葬主或有兩妣。卽須三穴。自應葬主另措壹穴之費。倘或實係無力。

情願稱家辦理。不妨轉致該宗。將會款從儉置備。以兩穴改爲三穴之用。俾得速安窀穸。

一現在先後共成四集。每集四十人。照章辦理。將來如有同志隨時增集。多多益善。是所望也。

永安會條程

卷八之二

語有云入土爲安。蓋謂送終之禮。一日不入土。先人魂魄一日不安。卽人子之心。一日不安也。顧或有以家貧乏力。不能舉事。因以遷延時日者。亦人子之隱痛也。非有好義親故爲之設法相助。孰能早安窆旁也哉。述永安會條程。

永安會議

末俗葬親。用磚費多難辦。貧者無力。因循歲月。不獲已而爲火化。僅免暴骨無瘞。人子之心。誰能堪此。梅里李繹芻先生用古白雲葬法。與葬親會曰永安。每會助銀三錢。歲兩舉。訪里中久淹未葬者。爲之經營窆旁。事竟。隻雞盂飯。肅拜以安。安其靈而遂。無類泚之傷矣。因欲仿其法。行於郡中。吾郡道里遼濶。好善者多。會費約以貳錢。費少則易輸而可久也。夫貧士委親柩于荆榛蔓草中。風

霜雨雪之交加。狐兔蛇蟲之雜處。或苦力綿。或苦無地。以致暴露。未有不銜隱痛。一朝舉以就窆。實生死被之。是以徧告同志。勸成善果。在富者好善樂輸。固未嘗望報。而天之報施。豈或爽哉。集成卽刊與會諸名。以垂不朽。使他郡聞風。繼起以共敦仁厚。亦皆吾郡諸君子樂善之勸也。

條規

一同人中。有好義者。合數人爲會。每一人募十會。總彙一冊。交司事處。至期。司事發票收錢。設簿登記存貯。臨期營辦。

一司事每年輪當。遇葬。經理其事。再撥協辦二人。卽司事中間定一會期。雅於二八兩月初十前發票。定於十日內收齊。每會收錢百六十文。足俱存留。司事處總交當會。

一旣慨然尙義。自無中倦之理。倘欲中止。須覓友頂補。庶不致廢。

弛

一凡欲葬而力未能者。先書姓氏年庚及柩幾具。地在何處詳悉書明。告之堪輿。司事酌量舉行。

一葬於公共祖坟上。或有族眾阻撓者。本家自行清理。與會中人無干。

一凡欲葬之家。柩多者。須於柩上記明某公某氏臨葬時。如本家乏人或親或族到地送葬。務使夫婦同穴。昭穆分明。倘有位置舛錯。與會中司事無干。

一停棺年久。底若朽爛。無可舉動。預置小槨。或備大罈貯骨。若稍可動者。豫備襯板。以便扛移。

一柩多費繁。本家親戚能助葬者聽。

一凡已葬諸家。每年司事刊刻徵信單。分送單上註明某月某日。

葬某宅

只用名號

不柩幾其于某氏圩用錢若干俾與會者得以

隨時查核則經理者不致使用浮開等弊

一白雲葬法量棺之大小開金井假如棺高二尺須開深三尺下鋪灰尺厚以足踏之令實按棺于上棺之前後左右所開視棺約闊八九寸量可容足爲式按棺厚之周圍鋪灰每一尺厚約踏至七寸許再加再踏至齊棺再于棺面鋪灰卻不可踏以手按之越厚越好成堆卽挑土淋珠以大爲妙其配灰之法每棺兩具耐用灰十担或增一棺量加灰三担每灰一担用山沙或山黃泥三斗又土黃泥三斗俱晒乾篩極細臨用時將石灰洒水少許以物蓋之灰便散卽和泥沙拌勻乾鋪乾踏並不用水覆以坏土俟得雨露滋潤漸融漸緊自然成水乳膠漆之妙雖斧鑿不能攻正如石之蘊玉也

一 所葬或三代中間築石灰牆子二道二代築牆子二道不獨尊卑有別。并取堅固也。其有三娶四娶棺木多者。酌用牆子同。
一 宋儒有灰隔法。卽白雲葬也。周圍牆子務要築實。蓋頂必須騰厚。一人有餘。日後不致坍塌。

一 沙必用鳳口。隨時豫辦。泥須秋成後。乘鄉人空閒。擇晴天。先置落白。飾二面。買泥雇人篩好。同沙堆運空屋。立出入簿二本。一存與當會司事。一存總局經理處。臨用當會者。先登明簿上。出泥沙若干。發一小票。總局照票發付。登簿。倘徇情移借。公議倍罰。

一 發灰先一日。用的當小工二人發好。臨期和泥與沙入灰內。將三項拌勻。篩好。如所葬二棺。大小工要六人。三棺再添一人。每人約發工食錢八十文。若多至八九棺。必須十二人動手。方得。

堅固

一是會年來辦事乏人如秤灰督工記載出入等事必得精明善辦者爲之經理庶無差悞倘在會君子能出力幫辦尤見氣誼一每年所葬棺墳若不刊刻信單分送無以見實力奉行之迹若必某人某氏詳細開列恐傷仁人孝子倘在會君子欲觀其詳者至值會司事處底冊上核閱可也

保墓良規

附義塚條約

卷八之三

墳墓者宗祖胄殖所棲托。祖宗安則子孫亦安。氣相感也。惟人事靡常。變端百出。孤墳三尺。誰保百年。不有代爲護持者。九原能無怨恫耶。述保墓良規。

今夫祖宗之賴有子孫者。養生送死之外。惟此春秋祭掃。保守墳墓爲重耳。無如人之貧富不同。丁之多寡不一。或有門衰祚薄。餽口四方。不能照應墳墓者。或有年遠乏嗣。無人祭掃墳墓者。遂使祖宗墳墓。使爲鄰右侵佔。繼爲奸仙盜賣。青塚易處。白骨何存。李戴張冠。年年變幻。以移塚作生涯。以盜墳爲恒事。雖有王法。亦難禁止。推之本骸得氣。遺體受蔭之理。無怪向之子孫。稍能體弱者。至此而變而赤貧矣。向之子孫。僅有子遺者。至此而變爲斬盡矣。向之子孫。卜地塋親。思所以安先靈而綿世澤者。至此而竟爲烏

卷八
有矣。誰非子孫。誰無墳墓。使已之祖宗而爲他人發掘。爲子孫者安乎不安。言念及此。實堪憫惻。近訪得蘇郡常昭兩邑。擬善堂一切無主墳墓。及無力照應之墳墓。俱爲確查舊址。繪圖入冊。給賞墳丁。監碑存案。春秋巡查檢點。雖歷年久遠。不至遺廢。誠爲善舉。吾邑同人議欲仿照辦理。謹擬規條分錄於左。

一此局規條專爲保護無主古墓而辦。先將興辦章程呈明兩邑邑尊。並請出示諭總開報。并諭勸捐。頒發刻板。用印紅冊到堂。以便查看確實。隨時登註。凡有堪輿家存心好善者。託其採訪舉報。或同人就其所見所聞。舉報堂中。俱將坐落地址及姓名。有無登明。稽查簿內。堂中司事隨時查看。地主經營何人。焦採果係合例入冊彙齊。刊立碑石。以便逐年稽查。

一合例入冊古墓。將坐落四址丈尺。乃向姓名墳塚幾個。有無樹

木牆。並圖繪地形。以及看管何人。詳細註明堂冊。以備查核。但歷年久遠。豈無形迹更變。須擇附近歷久不變之處。如池澗菴堂。高墩大墳。牌坊古樹等類。在於何方。遠近約有幾丈。以爲標認。並載冊內。以杜墳佃日久移碑。移塚盜賣諸弊。

碑上冊內。將墳逐一編立號數。相同。以便碑冊互相查對。碑上刊刻姓名。四址丈尺號數。恒善堂立字樣。與冊符合。此外另有查考來歷。細底及墳佃等類。俱載入冊。刻印看管聯單。單上註明某號某人之墓。與丈尺四址記認年月。及墳佃姓名。堂中用戳。墳佃畫押。各存一紙。每年歲底。墳佃持單到堂。查核給保護錢七十文。若佃已故。或有子弟承管。到堂倒換聯單。設有牆塚損壞。送官究治。如墳佃已故。無人承管。着總召募。如總推諉。即着該總照管。以杜串通盜賣。

一丈量地步。俱歸營造木尺。堂中立營造丈杆一根。司事稽查。隨帶丈杆。量覆地界。碑式營造長五尺。闊一尺三寸。厚五寸。

一查明姓名者。碑上刻某姓某名之墓。無從查考者。刻無主古墓。如棺骸鱗次。荒塚纍纍者。量清四址丈尺。面前豎一石碑。刻無主荒墳。古塚幾個。亦編號入冊。

一墳塚墳牆俱有者。載明單冊。着佃保護。其無墳牆而僅有墳塚者。保護墳塚。如墳塚坍塌者。隨時酌給工費加高。如無塚而地低陷者。亦給費填滿立塚。

一先賢名人之墓。子孫式微。勢將爲人侵佔者。一體立碑入冊。春秋祭掃。加意保守。以昭尊崇。

一有等墳墓。並非無主。其子孫單寒。或僅存寡居。恐年久遺失。或鄰墓侵佔。自願報堂入冊。准其一體立碑編號。將四址丈尺載

明冊內逐年稽查。如家道尚可。酌捐經費。多寡聽其自便。載入冊後。或有子孫惑於風水。自願遷葬。應先報明堂中註冊。

義塚條約

上海果育堂定

一 誼園義塚四址。均立界石。各分左右兩阡。以別男女。每阡十具。視地之廣狹短長。加立號碣。挨次分行。以便查認。不致紊亂。

一 埋棺一具。用號磚一塊。由一號起至十百千號。依次順埋。該棺和頭正面。日後棺屬報領。以便對號出阡。一棺出阡。司藉撤銷號冊。續後報堂。仍分男女。以原號補埋。庶免空號錯號之虞。

一 塚地四周。各濬深濶大溝。中間起畝。畝間起畦。使前後左右水氣得以疏洩。凡掩埋一具。金井開深三尺半為度。兩旁約距隣號尺許。壅用灰砂。須足踏堅結。然後圓塚。封以草皮。

一 小棺骨箱骨壘。另設餘地收埋。其浮屍路斃。亦另歸一處。

一凡棺到堂報塋必得親屬一人資取的保或邀該舖正甲先期詣局開明住址籍貫姓名年歲司籍登註號冊棺屬自雇扛夫抬送塚所來堂知照司埋二人督率夫頭掩埋如式

一每棺一具本堂自用石灰二百觔拌入砂土掩埋工錢大棺制錢一百二十文小板棺用石灰一百觔掩埋工錢六十文骨箱骨槨每具制錢三十文悉由本局開銷若該屬自願添用石灰以及供設祭品香楮等情悉由棺屬自備

一每歲清明及中元節本堂濟度義塚乏祀孤魂虔修經懺一永日捐助冥錠往塚所焚化如有棺屬不時祭掃毋許地隣諸色人等需索錢文倘有阻撓干咎未便

一塚旁備有餘屋以作丙舍凡棺槨尚須覆漆者暫置屋內但以十日爲期過期即塋不能久停

果育堂董事

江承桂 賈履上

顧錫祺

張文照等具

稟為添置義塚環求立案事。切上邑向有同仁堂舊設義塚。經辦掩埋。歷有年所。茲因匪擾。蘇太各郡縣避地者紛紛來滬。兵燹之餘。死亡甚眾。既難歸骨故鄉。又乏安厝善地。經蘇州府紳士

汪錫珪 張世培

潘嘉穗等

彙商措辦三邑誼園以敦桑梓。

職等并念此

外各邑同託。幟幟情難歧視。就西門外契買二十七保二圖讀字圩則田十三畝五分八厘八毫。兼置常昭江震崑新太鎮各邑義塚。統名蘇太誼園。又經契買二十七保二區讀字圩則田二十畝四分。收埋城廂內外乏力營葬以及無主棺柩。俾免暴露而安旅魂。但叔建伊始。恐多掣肘。為此環求

大老爺恩施。出示曉諭。並乞飭將該田可否列入官字號。免其納糧。勒石以垂永遠。則善政綿延。戴德無既。上稟

咸豐十一年六月

劉憲批

爾等契買二十七保二圖讚字圩則田三十三畝九分
八厘八毫分別作爲常昭江震崑新太鎮各邑誼園果
育堂義塚樂善可嘉候出示曉諭仍著照例繪造圖冊
出具切結專案呈候勘詳請

題豁糧抄粘附

收埋路斃浮屍章程

卷八之四

收埋善政也。自有遇事生波之棍徒，動輒挾人命圖賴，而善政中遂有害焉。非大爲之防，則善路阻，而平民之受害不堪問矣。述收埋路斃浮屍章程。

計抄詳定規條

一、各圖地保遇有路斃浮屍赴堂知照。本堂仍派司事細心查看，分別填單報驗。殮埋倘地保匿不報堂，稟報查究。

一、驗屍各費已奉 前撫憲刪除。應行官爲捐給。毋庸由堂給發。所有屍場應用物件及書差忤作各項人役飯食，共錢二千文。路遠需船者，後又議添書差各役坐船六隻，捐給水腳及緯夫工食油燭共錢六千文。由縣捐給，不累地主。永爲定例，不許再向地主保隣需索。

一查看水陸屍身頭面有刀截繩勒手足被縛及跌磕被毆傷痕或有顏色發變之處用手按捺堅硬青紅色似係傷痕者又居民門首河干空地墳旁野厠自縊自盡服瀉服毒竅有流血者以上各屍如無屬出認遵照定章由堂填具聯單報縣官爲指費驗殮棺交地保收管聽官詳辦不傳地主地隣訛供滋累如有差忤地棍勒索滋擾許堂董卽行稟究

一查看屍身頭面並無刀截繩勒捆縛等項傷痕皮肉雖有發變之處用手按捺柔軟非係堅硬及肚腹低陷面色痿黃係無傷病故查無親屬出認卽遵

憲飭捐棺殮埋毋庸報縣相驗仍將年貌服色遺物登簿按月彙報府縣示召屍屬認領以上各屍俱聽堂董看明無傷遵諭捐棺埋葬倘有地匪棍徒差忤人等攔驗勒報藉端滋擾者許

堂董地保指名稟究。

一水陸斃屍有乞食碗鉢簋棒者。仍照詳定章程。由丐頭看明具結。向堂領棺殮埋。按月彙報。毋庸報官相驗。

一凡遇斃屍。查有屍屬出認者。應否報驗。聽親屬自主。與堂董無涉。

一地保堂董看明實在無傷無屬。由縣驗明。指棺殮埋之後。倘有地棍奸民冒屬圖詐。或係的屬藉此圖訛。捏稱有傷。赴官呈控。及奉訊明捏控。棍等以誤認一言了事。而堂董已遭拖累。現飭各屬如遇有呈控。先着具稟之人指明亡者姓名年貌服色住址。於何月日因何事與何人爭毆。何處致命重傷。出具如虛願甘反坐切結。呈縣照結訛辦。或稱生前另有別故致死。亦着指出証據查辦。俱與見屍捐殮之堂董無涉。不准並傳滋擾。如無

實據不願具結者立案不行。詳請開驗。虛誣者照例治罪。

一棲流局收養病斃。查明無故無傷。抬至中途病故。向係堂董報驗與局無涉。今無傷斃屍俱免報驗。所有棲流局收養病斃中途亡故者。已經局董驗無別故。卽聽該局捐棺殮埋。待屬認領。毋庸再由善堂報驗。

報驗聯單存

正堂爲填單報驗事照得各善堂承辦水陸路斃浮屍及在荒墳野厠等處自縊自盡無屬出認者遵照 憲定章程堂董督保看明屍身並無傷痕亦無別故者由堂捐棺殮埋義塚插標記認毋庸報驗仍立簿按月報縣召屬認領如係因傷身死應行緝凶及自縊自盡應行召屬認領者填此聯單報縣驗殮分別辦理棺交地保收管與報驗之堂董地主地隣無涉概不傳訊其屍場應搭棚廠及船隻水脚飯食等項費用官爲捐給不准差役人等藉端妄傳需索如違許堂董指名稟究遵辦在案今據

圖地保 報於 地方見有無名 屍一名

督保查看應行報驗當卽給與捐牌遵照現定章程官爲捐費填單報

外合填根票存查

根

奉憲給

得一金

卷八

二

同治

年

月

日

刻填報

發給

報驗聯單第

號

正堂爲給單填報事照得一切水陸路斃浮屍由堂董督保查看如有傷痕顯著屍變可疑並荒墳野厠等處自縊自盡身死無屬出認者遵照 憲定章程由堂填單報驗其屍場應搭棚廠及應用物件船隻水脚飯食等項費用官爲捐給永爲定例第恐差役地保阻撓需索合行備給用印聯單發堂填報爲此單給該堂董事即便遵照嗣後遇有路斃有傷浮屍及在荒墳野厠自縊自盡無屬出認者卽於此單內填明屍身年貌服色赴縣呈報以憑詣驗所有屍身上衣帽鞋襪隨屍棺殮字札銀錢物件儲庫

發報驗聯

棺交地保收管聽候分別查辦與報驗之堂董地主地隣無涉概不傳訊致滋波累如差役人等藉端妄傳滋擾許堂董指名稟究其有經堂董督保看明實在無傷者即由堂捐棺殮埋義塚插標記認按月彙報召屬認領毋庸報驗至應驗各屍係在陸路即於原處候驗不准私移他所其河內浮屍如在居民屋後河干即另在附近空處搭蓋棚廠候官先至屍所看明將屍移至廠前撈起相驗毋許擾及居民房舍致干重究均毋玩違須至聯單者

今據

都

圖地保

報於

地方有無名

屍名約年

單

得一金

卷八

四

同治

年

月

日

刻具報

堂司董

第

號

嚴禁地保差件人等籍屍詐擾碑文

南翔振德堂成案

江蘇直隸太倉州嘉定縣正堂吳

爲

嚴禁地保差件籍屍詐擾以襄善舉而杜民累事嘉慶十七年四月二十二日奉

署本州正堂陶 札奉

按察使司巴 憲行內開照得蘇郡許關地當孔道往來焚獨或因病路斃或失足致溺自應報官驗殮而差件人等藉作生涯地主隣佑致累靡窮甚至擇懦而噬移拴於殷實地界慾壑未填則故作危言恐嚇慫恿本官輾轉傳人帶城覆訊民何以堪前經紳士韓是升等設立一善公堂凡遇倒斃浮屍憑保報堂隨時填載縣發聯單驗殮掩埋其臨塲書作差役飯食船價由堂捐貼後又添設棲流所收養道路顛跛垂斃之人此皆紳士好義善舉乃差

件人等未能飽慾遇有生前磕擦微傷混報因此致斃希圖嫁禍
又有路斃丐屍驗殮之後藉傳堂董地隣赴縣取結混行滋擾致
使地隣胆慄堂董寒心夫路斃浮屍旣難知其來歷其如何受傷
又從何得悉地方有司未加明察紛紛傳訊徒開索詐之風重重
取結益增無辜之累寔堪痛恨茲據紳士韓是升等呈請勒石永
禁前來因思省會法地靈棍尙敢肆行無忌其餘外屬州縣更難
保其必無除飭蘇州府勒石永禁外札飭諭禁等因到縣奉此合
行勒石永禁爲此仰闔邑軍民及坊保差件書役人等知悉嗣後
凡有路斃浮屍坊保先將該屍昇放義塚等空隙處所卽赴地方
官衙門具報聽候詣驗殮埋地保書役差件人等毋許藉屍生發
訛詐小民混行滋擾倘敢仍蹈前轍一經訪聞或被告發立拿嚴
加治罪官則定以縱役殃民嚴行叅究決不寬貸各宜凜遵毋違

須碑

嘉慶十七年八月

日札

又諭知

江蘇太倉直隸州正堂張

爲

遵札諭知事蒙

署按察使司湯 憲札內開照得各屬城廂市鎮五方雜處往來
焚獨或因病倒斃于路或失足溺斃于河均屬常有地主報驗差
件人等藉屍詐擾傳訊滋累以致居民地保畏累不敢報官屍遭
停暴遺棄朽殘殊堪憫惻歷經各前司通飭各州縣諭令各善堂
局端司查察遇有江河溺斃浮屍以及荒墳野厠道旁等地自縊
自盡無屬出認者隨時由堂捐備棺費填具縣印聯單報驗殮埋
插標記認由縣招屬認領驗有傷痕棺交地保收管聽官詳得不

收埋路斃浮屍

許擅傳地主地隣訊供以杜差忤藉擾勒索之漸如係乞丐病斃經丐頭查無別故丐頭卽與屍屬無異赴堂領棺殮埋毋庸報驗。歷經各前司按年給以護照遵守在案各堂奉行以來已有實效。乃近聞不法差忤每多藉端需索不惟混傳地隣人等到案同訊并且將堂董牽涉在內更有各屬設立棲流所代理寺院久停無主棺柩及收養老病之人其間遇有在所身故并停棺代理義塚者若輩串同地棍假冒屍親遇事生風稍不遂慾輒心懷忿恨設計陷害或赴局以危言恐嚇或藉案而株連質訊使本官不嚴加查察鮮有不爲其朦蔽而累及無辜殊不知地方堂局乃紳士捐資建成拯生瘞死最爲善舉豈容差忤人等視爲利藪如此阻撓滋事合亟通飭查禁等因到州蒙此合亟諭知爲此諭仰該堂局董事人等知悉嗣後凡有救生江船于江河撈獲浮屍及陸路倒

斃之人。均查照向定章程。分別收埋報驗。差作人等不得混傳地
隣。土工船戶報信人等。伺訊更不得牽涉堂董在內。藉端阻撓。其
棲流所置買義地代理無主棺柩。及收養焚獨老疾之人。設有病
故。亦不許奸徒藉稱屍屬。後裔藉屍訛索。此諭之後。該差役人等
如再不遵章程。混行株累。許該局董事赴

臬憲指名稟究。必當盡法嚴懲。決不寬貸。至于堂局之費。本由各
地方紳士自捐自辦。其每年支銷之數。與夫堂董遇事更替。均仍
應聽其自行查辦。毋庸官爲經理。以免書役藉造冊爲名。多方勒
索。用昭體恤。而從善舉。毋得視爲具文。切切特諭。

道光二年九月十九日諭振德堂照刊

嚴禁脚夫阻撓示

照得收埋暴露代葬棺木。前據董事等稟設振德善堂。捐資辦理。

設立土工擡埋等情。詳奉 各大憲通飭遵辦在案。茲屆冬令。恐該脚夫等不悉此係該堂好善義舉。仍或藉分地界把持阻撓。合行曉諭嚴禁。爲此示仰閩邑脚夫人等知悉。嗣後如有本家赴堂報葬。及代葬暴露棺柩。該堂著令土工擡埋者。凡爾脚夫毋許把持爭阻。倘敢故違。定提嚴究。枷責不貸。各宜凜遵。毋違特示。

屍場經費章程

卷八之五

民間波累之事至人命極矣。傷未必真。而一經報驗。地匪得以逞奸。胥役視爲利藪。里鄰科派。擾害滋多。情極變生。往往事中生事。得賢明當道。嚴定規約。永禁需索。而小民受福無窮矣。述屍場經費章程。

上海縣劉詳定屍場經費稿

上海縣爲詳請立案事。竊查城鄉各處報驗命案。每有不肖胥役。藉向地主屍親索詐驗費。最爲惡習。卑職自咸豐八年十月間奉飭抵任。凡有呈報人命應行相驗之案。無論路斃浮屍。以及自盡並殺傷身死等案。惟恐各役仍蹈前轍。應需一切船轎夫馬及刑件各役飯費等項費用。先由卑職捐廉給發。不准在外需索分毫。並飭捐牌曉示。俾衆咸知。以免詐騙。茲據卑職縣同仁輔元堂董事

經緯曹樹珊江承桂王承榮王慶榮葉介壽費培鎮沈大本郭長
祚江永清張佳梅賈履上沈譽來徐士榮張益廷梅益奎蕭縉周
志源等稟稱。蒙捐屍場費用。禁止索詐錢文。現雖各遵示約。第恐
後難照行。查得奉賢縣除路斃浮屍無傷者由堂看明棺驗報縣
立案外。其路斃有傷應行報驗者。如在附近處所。由堂捐給屍場
廠費。暨軍轎雜役各項飯食錢五千文。若路遠用船除本官坐船
自行捐備外。隨從書役另給舟盤錢五千三十里以外再加錢二
千。此外一切鬪毆殺傷。以及自盡各項命案。無分程途遠近。統由
堂內給發大錢二十千文。概由原差承領分給。以杜需索情弊。每
年刊八徵信錄內。藉備稽考。立有定章。今上海亦設有同仁輔元
堂辦理各項善事。其路斃有傷浮屍及荒墳野厠縊死等案。應行
報驗者。堂內本有章程。應需屍場廠費及軍轎書役各項飯食雜

費附近地方由堂給錢四千八百文。如路遠需船。本官坐船亦自捐備。隨從書役另給舟錢一千七百五十文。仍可照舊辦理。此外一切鬪毆殺傷身死以及自盡各項命案。情愿仿照奉邑條規。亦俱由堂給費。惟上邑用項較繁。應行畧爲加增。現擬無分遠近。每案由堂捐錢二十八千文。應請署內頒給諭單。發交原差到堂具領。開發各項堂內卽用刊板聯單照填。案由註明發訖字樣呈案備查。不准於定數之外。再有加增名目。統於年終彙刊徵信錄內。以期永遠遵行。實爲善舉。闔邑幸甚。爲此檢同奉邑徵信錄。稟乞查核通詳立案。以便勒石永遵等情。據此。取覆屍場驗費。久奉。

各憲嚴行申禁。本不准書差地甲人等稍有需索。擾累鄉民。第每藉以飯食舟盤之費。從中勒詐。以飽私囊。其弊有不可勝言者。現

自卑職遇案捐廉給發以後。即據該堂董等以錢由官捐恐難久行。愿照奉賢定章。凡有報驗命案。應須各項雜用。已由該董事等議定錢數。刊刷聯單。概行由堂給發。不准再向地主屍親鄰佑人等需索分文。亦不准於定數之外。再有加增名色。仍將嚴禁勒索情弊。遇案飭役揭牌示衆。如此明定章程。內外皆可稽察。需索之弊。自可永絕。且於民間既不派累。而於官署又免捐廉。亦不致日後再有更張。自可永爲成例。久遠遵行。除由卑縣先行出示曉諭。並飭董刊刷聯單備用外。理合具文通詳。仰祈憲臺鑒核立案。並請俯賜批示。以便勒石永遵。實爲公便。

上海縣定屍場經費示

同知銜調補松江府上海縣正堂劉

爲

出示諭禁事。照得報驗命案。應需屍場棚席廠費及夫馬船隻並

各書役飯食等項一應雜用。自咸豐八年十月間。本縣蒞任後。無論水陸路斃。以及自盡謀故。其毆鬪殺等案。報官相驗。應需雜費。皆係本縣捐廉給發。不准吏役人等在外需索分毫。並遇案揭牌曉示在案。茲據同仁輔元堂董事經緯等。以費由官捐。恐難為繼。請照奉賢縣辦理章程。無論報驗何項命案。應需屍場棚席廠費。及夫馬船隻。並各書役飯食等項。一應雜用。概由堂內給發備用。既免官捐。而於屍親地保鄰佑人等。亦免再被索擾等情。據即通詳。

各憲立案。並飭刊碑勒石。永禁需索。以杜擾累。誠恐各鄉尚未周知。或有奸徒。仍以驗費詐騙。勒派大干法紀。合行出示諭禁。為此示仰闔邑軍民人等知悉。嗣後圖內遇有水陸路斃。以及各項自盡。謀故。其毆鬪殺等案。報官相驗。一切需用。概係同仁輔元堂內

捐備按照定章。逐項逐款發交原差分給備用。毋庸屍親犯屬地
主保鄰人等再行出費。亦不准胥役等於堂領之外。再有圖內需
索分毫。通詳立石。永杜擾累。倘有刁詐之徒。仍敢藉端勒派。許被
詐人指名控

縣定卽立提到案。從重盡法懲辦。地甲人等徇隱不首。亦當嚴究。
決不稍寬。其各凜遵。毋違特示。

捐牌式

正堂示

胥役隨從相驗 向有需索惡習
業經董事議明 費用由堂給發
現已勒石永禁 毋許再蹈前轍
倘仍藉端索詐 究辦定依嚴律

存根

縣

上海縣正堂 為捐給驗費事今據

保

圖

保正 鋪甲

稟報

身死一案查照詳定章程

飭令同仁輔元堂照章發給隨從書差人等飯食筆墨紙張搭蓋棚廠等項一切雜用無論路途遠近每捐發制錢貳拾捌千貳百捌拾文合畱票根存查

咸豐 年 月

日給

第

號

上海縣正堂 為捐給驗費事照得本城同仁輔元堂收埋路斃

浮屍由堂發給雜費錢文業經詳明有案仍令照舊辦理外嗣後遇有謀故鬪殺自盡等項一切命案現據該紳董等稟經本縣通詳立案勒石無論道路遠近每起由堂捐發制錢貳拾捌千貳百

尋一錄

屍場經費

4

正堂諭單

捌拾文交承辦頭役到堂領發以資書差飯食筆墨等費以杜擾
累而安閭閻茲據

保

圖

保正
舖甲

稟據

身死一案本縣定於

日親赴屍場相驗

諭到該董事立即遵照發給該承辦頭役制錢貳拾捌千貳百捌
拾文令即按欸散給隨從書役飯食紙筆搭蓋屍場棚廠等項應
用倘該書役人等有藉端需索擾累屍屬鄰里一經訪聞或由堂
董稟報或被告發定即照例嚴辦不貸特諭

咸豐

年

月

日諭同仁輔元堂

屍場

聯單存查

第

號

同仁輔元堂今遵

縣諭於 年

月

日發給

保圖

保正舖甲

稟報

身死一案驗費錢貳拾捌千貳百捌拾文合畱

單根備查

咸豐 年

月

日第

號

同仁輔元堂為遵諭捐給驗費事今蒙

憲諭遵照詳定章程發過

保圖

保正舖甲

稟報

身死一案搭蓋棚廠書役飯食筆墨紙張一切

雜用照數發訖呈請

正堂大老爺查核備案施行

手一

元傷經費

上

經費聯單

金

計開

刑房七百文
原差二千四百文
禁班三百五十文
屍格二百八十文
茶快二百四十文
舖司二百二十四文
軍什八百文

招房七百文
押驗總頭七百文
傳話七百文
值日四名五百六十文
軍轎二百八十文
清道二百二十四文
轎班五百二十文

代書二百八十文
紅班七百文
件作一千文
門房一百四十文
衣箱馬杭一百四十文
金瓜二百二十四文
樣板二百二十四文

外加

硃墨筆六十文
芸香蒼朮一百四十文
小夫兩名三百八十文
粗紙三百四十文
以上又計錢三千五百十四文

手巾五十文
燒酒一千二百文
吹手三名四百二十文
擡夫二名二百四十文
論遠近共錢十四千文

紅布七十文
土作四名五百六十文
炮手一名二百八十文

每次小統計錢貳拾捌千貳百捌拾文
以上統計錢貳拾捌千貳百捌拾文

咸豐九年十一月

日示

附錫金捐設遞解船隻諭禁擾累憲示

爲出示曉諭事。據恒善堂經董秦臻趙彭淵王言鑄趙榮稟稱。切查錫金地方。從前每逢遞解人犯。卽由船埠封船當差。各行家因載貨之船被封。客商裹足不前。生意清減。受累不堪。曾經稟准自行捐資僱船四隻。以脩梭織往來。遞解人犯。不准船埠藉遞解之名。自封船隻。此項捐資及僱船等事。俱歸恒善堂經管承辦。多年無不稱便。兵燹之後。尙未復辦。茲恒善堂業已稟准復設。而各行家紛紛來訴。自願仍照舊章。集資僱船四隻。常川伺候。以備遞解人犯之用。求請循舊捐設。諭飭船埠不准藉差擾累。庶幾遞解不致誤公。商賈各安生業。并求出示曉諭。俾得周知等情。到縣據此。除諭飭船埠頭遵照外。合行出示曉諭。爲此諭仰地保一切居民人等知悉。自示之後。爾等務各遵照。嗣後該船埠倘再藉遞解之

名封船擾累許卽稟送來

縣以憑究辦決不姑寬其各凜遵毋違特示

又呈

恒善堂經董爲呈明遞解舊章續請給示諭禁事竊錫金遞解船隻向由各行捐錢經恒善堂辦理僱船四號往返蘇常如不敷用仍由埠頭添僱在船行攬載之罔棚船輪流支值一概不准封堤已于三月十六日爲始由船戶黃洪等出具認結承辦在案自辦之後該船戶有事則應差無事則聽候半月以來並未遲悞乃埠頭因無從索費串同批差屢屢需索遞解船戶所欲不遂便肆毆打動以船不敷用爲詞飭令堂中添僱殊不知遞解爲埠頭應辦之差該行等怕伊藉差訛詐故有此舉如不敷用應仍由埠頭添僱與敝堂無涉此係數十年舊章遵循無異而該埠頭非但要堂

添僱並所載犯人及批差等飯食一切均要令船戶賠墊如此妄作妄爲公事如何承辦爲此呈明舊章伏乞給示諭禁以除惡習而全要公實爲德便再查秋審人犯向由各班船辦差貼費不在遞解之律合並聲明上稟

五年四月日呈

批 查遞解人犯船隻乃係該船埠等循分應辦之事即使並無善堂之船亦應妥爲辦理不得稍滋擾累昨經本縣訪聞該船埠批差等有任意刁難船戶之事卽經飭提嚴懲在案據稟前情候再出示嚴禁設有不敷仍由該船埠請給印封協同船行輪僱圈篷船應用其餘各行門前裝貨船隻一概不准藉端滋擾如有前情或無印封平空封捉等事希卽隨時指請提究是爲至要

得一金

夕

+

附嚴禁自盡圖賴憲示

江蘇臬司部院丁會爲嚴禁自盡圖賴以重民命事。照得自盡人命。律無抵法。而小民愚戇。每因細故。動輒輕生。其親屬聽人王唆。無不砌詞混控。牽涉多人。意在求財。兼圖洩忿。經年累月。蔓引株連。被告深受其害。夫父子兄弟夫婦。皆人道之大經。乃死而因以爲利。是雖覩然人面。實則禽獸不如。尤人心風俗之憂也。本部院旣以通飭各屬。隨事整頓。力挽頽波。凡自盡人命之案。均限一箇月審結。倘有聳令自盡。誣告詐害等情。卽嚴究主使棍徒。一并從重治罪。此後爾等卽或自拚一死。總不能貽害別人。其親屬雖欲逞刁。一經審出實情。不過自取罪戾。亦無人肯與賄和。是不但死者枉送性命。不值一錢。卽生者因此又犯刑章。更屬無益有損。本欲害人。適以自害。徒爲讐人所快服。何利之可圖。何忿之能洩哉。合行愷

切示禁爲此示仰闔屬軍民耆老婦女人等知悉爾等須知身命爲重既死不可復生公論難誣千虛焉逃一實訟詞羅織伎倆今日不能復行嗣後務各自愛其身毋得逞忿輕生希圖詐害其親屬亦不許聽唆誣告枉費壽張所有律例罪名逐條開示於後

一子孫將祖父母父母屍身圖賴人者杖一百徒三年期親尊長杖八十徒二年妻將夫屍圖功總遞減一等告官者以誣告反坐杖一百徒三年因而詐取財物者計贓准竊盜論搶去財物者准搶奪論

一詞狀祇許實告實證若絡續投詞牽連婦女及原狀內無名之人一概不准仍從治罪

一赴各衙門告言人罪一經批准卽令原告投審若無故兩月不到案卽將被告證佐俱行釋放所告之事不與審理專拏原告

治以誣告之罪

一控告人命如有誣告情弊照律治罪不得聽其攔息或有誤聽人言情急而妄告於未經驗屍之先盡吐實情自願認罪遞詞求息者果無賄和等情照不應重律杖八十如有主唆仍將教唆之人照律治罪

同治七年五月二十九日

卷之八

八

八

施棺代賒條約

卷八之六

送死爲人生一大事。至死無以爲殮。可傷孰甚焉。好善之士。預製義材。以備緩急。盛德事也。而又恐有顧惜體面之人。羞領義材。因設爲代賒之舉。所以體恤人情者至矣。述施棺代賒規條。

上海果育堂勸募推廣施棺捐啟

我邑施棺創自同仁。賒棺創自輔元。意至良也。法至善也。惟恐經費不支。查察難周。以地界爲限。固屬不得已之苦心。而在界限以外者。未免向隅之歎。往往四鄉有病斃。離城畧遠。欲謀一板棺而不可得。甚至有用蓆捲者。殊可慨已。他若寒門舊族。例應賒給之家。一旦病死。六尺之孤。無託一棺之木。何來。卽或親若友。湊墊若干錢。而稽之賒棺界限。則已越境矣。愛莫能助。同人憐之。且有地例相符。而家本赤貧。一時不能湊足。先交之錢。而欲賒不得者。尤

爲可憫於是相爲籌議經同仁輔元稟請

道憲諭飭果育堂添設施棺公局等捐辦理與同仁輔元相助爲

理其全善舉敢不仰體

憲仁以期永遠勿替惟是經費不充恐有竭蹶難支之慮茲擬每
出一棺以十文爲一願爲特奉勸

貴官紳士慨發仁心宏施鼎力自一願以至十百願冀聚沙以成
塔俾集腋以成裘行見科甲代興財丁並旺可爲
德門操左券矣謹勸

咸豐八年八月

日果育堂司事公啟

條約

一施賒棺分爲兩號其一爲賒棺前和高一尺九寸後和高一尺
七寸明堂口一尺七寸中一尺六寸底濶一尺九寸前和厚三

寸。後和厚二寸。長六尺八寸。和頭雕花貼金外面揩油。其一爲施棺前和高一尺八寸。後和高一尺六寸。明堂口一尺七寸。底潤一尺九寸。前和厚一寸八分。後和厚一寸六分。和頭雕花貼金外面揩油。前和暗刊千字文號。並刊乾坤二卦。男用乾卦。女用坤卦。以示區別。而備稽查。至餘棺和頭應書姓氏。由喪主自行出資刊刻。不願刻者聽。

一餘棺爲保全寒門舊族顏面起見。故重以選料。定以稽查。不能徇情濫給。必須家世清白。行止無虧。以及貞節婦女。方准賒付。計棺本錢七千六百文。其錢立票存堂。聽其隨時自繳。並不上門收取。如用機當交現錢一百四十文。凡年在七十以上者。不論施賒。俱給正號。

一路鑿浮屍向由圖保小甲赴同仁輔元堂具報領棺收殮。各

憲衙門檔案具在。應仍循舊例歸於同仁輔元堂經理。倘圖保小甲不導向章。隱匿實情。向本堂朦領。察出。卽惟該圖保小甲是問。

一施棺賒棺。無論遠近。俱由本堂路口脚夫扛擡。立有定例。賒棺四百文。施棺二百八十文。由喪主交堂轉給。不得另索上櫬酒資等項。如該喪主倩親友自扛者聽。

一賒棺拾年九月起。木價昂貴。添設統號。今定議正號棺本錢拾二千文。副號棺本錢捌千文。統號本錢六千文。

附南翔振德堂施棺條約

一是肩甫經創舉。善願如雲。因此備棺稍從寬厚。并內用紙搪外。加黑黝。至施出之際。每具另給石灰三斗。草紙百張。以助殯殮。施棺合成。卽須搪黝。待其乾燥而後。應給每遇施出之後。卽當

陸續添辦務使常存廿具以便隨時給發

一在局司事十人。拈定各輪一月。凡遇求施者到堂。無論風雨寒暑。卽同來人親詣其所查訪明確。然後回堂給發。倘有事故無暇。卽於同儕中轉託代勞。以期歷久不懈。

一捐輸願銀。除總捐銀兩隨時登冊外。其十文願錢。遇有施出一號。卽按冊徧收一次。除支給備信雜項應用外。所餘錢文數滿五十千。卽以存貯在堂。司總處生息。庶使子母兼權。可冀日漸充裕。一切出入細數。每年刊印徵信錄分閱。

一集會之法。每遇施出一號。遍收十文願一次。惟新正店舖尙未開張。及歲暮第宅各有正務。茲酌以正月二十日起。登號收錢。十二月二十日停止不收。此三十日內到堂求施者。照例應給。槩不列號。或以五十文或百文爲一願。因地因時可也。



21101000187897

卷一

卷一

三

一備棺施濟原爲鰥寡孤獨平素赤貧哀告無門者而設如其親屬勉力可支意存省費僥倖求施者槩不准給代爲保領者徇情混報察出議罰充公

一向來流丐病斃該圖地保丐頭以蓆草包裹掩埋今堂中添備薄板丐棺倘遇乞丐病斃許該圖地保丐頭到堂求施本堂給發一具仍聽其舊塚掩埋

教孝條約

錢塘姚廷傑原本

卷九之

一 日全天性以樂其生

人謂天下唯孝至難。予謂天下唯孝至易。何以云然。天下事。有我不能本不知。而學能學知。則難。若孝。則天性所素具。良知良能。孩提之童。所同也。夫豈不易。天下事。有與我疎者。而欲我親之。卑於我者。而欲我尊之。無恩德於我者。而欲我酬之以恩德。則難。若父母。則本親而親之。本尊而尊之。本有恩德。而恩德之。有何難。天下事。有我竭我之力。我盡我之心。而人曰。是彼之所難為也。不足稱也。則欲人鼓舞而興起為難。若孝。則我竭力盡心。而天下之人。皆敬之。仰之。愛之。慕之。感激而稱歎之日。是不可及也。於是鄉黨效之。朝廷徵之。自盡於己。而食報於人。其鼓舞興起。抑何易也。而況乎天性之間。本有不求人知。而切切焉。唯自盡之為慊者乎。然

則人之不孝。因自失其本心耳。豈嘗有生而不孝者。如果能自全其固有之天性。而實盡其孝。則父母自有生人之樂。而無憾鬱之傷矣。故人謂天下唯孝至難。予謂天下唯孝至易也。

一曰和兄弟以慰其心

兄弟之間。多因財帛爭競。而致傷殘。或緣妯娌不睦。而生忿怒。兄弟不和。親懷滋感。君子當以物利爲輕。以人倫爲重。尤不宜偏聽枕蓆之鄙言。而傷手足之至性。友恭各盡。怡然藹然。父母顧之。喜可知也。若閭牆有變。定傷庭幃之心。是不友卽不孝矣。或不幸父母見背。益當互相愛敬。以慰親於九原。乃世有見兄弟之富貴而忌。見兄弟之貧困而喜者。有各立門戶。伺其隙而訐發者。有各立黨羽。乘其危而攻擊者。有寧曲護其奴隸。而賈怨於同胞者。以他人爲密友。視兄弟如寇讐。布散流言。操戈同室。嗟乎。父母之心。能

無恫乎。故盡孝者必當和兄弟。

一曰訓妻子以解其憂

夫婦相愛。人之常情。乃世有不孝者。當其未娶。猶稍具人心。一旦成婚。遂致昏迷。溺愛妻之言。金石也。親之言。草芥也。其視妻也。錦繡珠玉之足珍也。其視親也。豺狼虎豹之足畏也。其視妻也。天帝菩薩之足敬也。其視親也。奴隸犬馬之足賤也。妻所愛。卽愛之。妻所憎。卽憎之。妻以爲樂者。急思所以曲全其樂。妻以爲憂者。急思所以曲解其憂。不獨不惜己之身軀。而唯求妻之快意。兼借父母之身軀。而欲博妻之歡心。其或妻與父母不合。則必是妻而非父。母卽妻顯露其非。而明悖於禮。猶必信妻爲無心之過。而怨親之過入其罪焉。堂上之千言。不如枕邊之一訴。嗟乎。人雖下愚。旣以身殉妻。而併以父母殉妻。是何心哉。於是父母憂鬱而不顧。父母

忿怒而不顧父母疾病而亦不顧設其妻有一於是則疾首蹙額
徬徨無措矣嗟嗟衾枕之愛其奪人天性之愛何若是其易易而
慘酷竟至於斯乎試思身從何來由懷胎乳哺以迄長大父母鞠
育教訓之恩數髮難盡在父母爲子娶媳無非爲上接宗傳下延
支派兼之待孝養於暮年畱悲思於身後耳若爲子媳者唯自圖
私暱不顧倫常是狼虎其心而蛇蝎其性也今執不孝者而與語
曰汝夫婦之愛汝子也甚矣汝冀其成立而愛之耶抑不冀其成
立而愛之耶汝望其爲孝子而愛之耶抑不望其爲孝子而愛之
耶如望其成立望其爲孝子而愛之而汝子異日設大不孝汝之
心能無恨乎故凡人知我今日之愛子如是卽知父母昔日之愛
我亦如是知我今日懼子異日之不孝卽知父母昔日懼我今日
之不孝以情揆情天良未有不發見者夫父母恩並天地然予以

爲天地逸而父母勞。天地泛而父母切。其恩德尤爲過之。更有孀母青年守節。皓首全貞。撫遺孤而歷盡艱辛。受千磨而矢無他志。止期子得長成。使彼可娛老景。子如不孝。益切痛心。吾願天下之爲子媳者。夫勸其婦。婦勸其夫。互相勉勵。以全孝道。而其責尤重於男子。蓋婦女未嘗讀書。所爲暴戾矜躁。鄙吝窒滯之氣。或一日而數見。唯男子因機訓誨。使知大體。有正氣以消磨其戾。有至誠以感動其心。雖遇悍婦。亦當漸歸於孝矣。予故曰。孝當以訓妻子爲急。

一曰慎交遊。以免其慮。

交遊者。所以收麗澤之益。而在防比匪之傷。與善人居。則子與子言孝。弟與弟言悌。有善相勸。有過相規。與惡人居。則敗檢踰閑。蔑備喪節之事。同爲矣。故朋友者。所以講習倫常也。近世嚴悍正

人樂交邪佞類聚成羣無非博奕飲酒迷戀烟花或作爲無益事務侈靡耗其財帛敗其身家父母訓之而不從責之而不改以致暮景蕭條含慙莫釋且與匪類往來每罹不測之禍是不孝之由多因擇交不慎也予故曰欲盡孝思當慎交友

一日動婉容以得其歡

爲人子者豈惟功名富貴之氣不可加諸其親卽道德文章之槩亦難形之於己蓋父母之前宜孺慕是卽赤子之心也朱子註色難曰孝子有深愛者必有和氣有和氣者必有愉色有愉色者必有婉容事親之際惟色爲難也今人愁容怒容德色傲色狂態鄙態頑狀蠢狀唐突抵觸各以其時紛形於父母之側而一見其妻妾子女轉瞬之間如撥雲霧而覩青天不覺其和而自和不覺其愉而自愉不覺其婉而自婉噫嘻異哉此豈賦性之惡其咎在

天與抑習俗之溺人心日喪也。夫父母受之。非不傷之。但暗忍而容之耳。傷之者何。情之難堪者受之他人。且不甘焉。矧其子也。忍之而容之者何。益彼既已生之。亦事之莫可如何者矣。於是或顧影而興嗟。或臨風而灑淚。憂懷莫解。病即隨之。嗟乎。人未生子。則子之心日切。子既生矣。抑又長矣。百年歲月無多。而以有限之精神。耗於無窮之鬱抑。劬勞既竭。之於前。愁苦又續。之於後。是生子適足以爲累也。吁。

一曰善奉養以安其身

人子之身。皆父母之遺體。豈財利爲囊中之私物。若徒惜費而甘旨有違。使親顏顛顛。賴於心忍乎。故不特自奉豐而奉親儉。爲不孝。卽自奉儉而奉親亦儉。均不孝也。富貴者宜躬親侍奉。不可專委臧獲。貧賤者亦宜竭力供職。豈容膜不相關。然天下富貴者少。而

不甚富貴者多。試思桑榆晚景，光陰幾何？若必俟富貴而後豐焉，恐老親不及待矣。雖菽水亦可承歡，然中心事多抱憾。世人獨此一節，每多飾詞，不曰吾家貧乏，卽云孝養有期。及至樹欲靜而風不寧，子欲養而親不在，良心雖動，悔之晚矣。終天之恨，寧自釋乎？音容既邈，墓有宿草，杯酒盞羹，僅存故事。一滴何曾到九泉？此言良可味也。何世人不以得養父母爲幸，而反以爲苦？財利則望其日增，膳親則惟思漸減，半出己意，半聽妻言。聲音顏色之間，有似不厭而厭，似不怒而怒，似不怨而怨者，其親實所難堪也。在父母有不屑與子媳較者，其心曰：孝不可強也。吾老人寧以口腹之故，鑣璫然如乞食於東郭乎？有不敢與子媳較者，其心曰：吾老人龍鍾朽物矣，較之而彼勉從焉，意且含慙；較之而彼不從焉，又增其慙。寧無較鳴呼人子，使父母不屑與較，已入禽獸中矣。至不敢與

較豈非禽獸不若者哉。尤有不孝者。或與兄弟分養。竟以加一餐。爲貪婪多一刻。爲適限。有嘉穀焉。有珍味焉。已食之。妻食之。子食之。而獨父母不得食。更有已寧不食。盡使妻子食之。而父母不得食。甚至已食之。妻與子食之。而其餘者。寧獻於妻之父母。而父母不得食。甚至已食之。妻與子食之。而猶有餘者。寧邀其狎朋昵友食之。而父母竟不得食。嗟乎。嗟乎。人心喪滅盡矣。或疑予言之已甚。而不知其爲予之所目擊。而心傷。旁觀而髮指者也。予豈寓謗於規哉。

一曰勤服勞以適其體

凡人少壯。未有不勞而能成業者。老則倦勤。人老乏嗣。而勞焉。路人且憐之矣。若父母既生有子。而猶令其勞。其與無子也等。爲人子者。必先逸其心。而後可逸其體。事無巨細。預爲經營。而布置焉。

使吾親無所用其心而併不及用其力。問一事而一事已成。問數事而數事悉備。卽父母好爲蚤起。好爲遲眠。無非月夕花朝。陶情詩酒而已。乃不孝之徒。祇圖己逸。罔惜親勞。終日嬉遊。置家事於不理。務爲宴樂。問生業而茫然。曠人子之常職。貽老親之深憂。夏則衣葛。瀟洒園林。冬則披裘。擁爐香閣。而使其親餐風宿露。跋涉山川。是可忍耶。人養雞豕。待其肥。猶可烹。若是子。則不父其父。而奴其父。奴其父。而子猶不若雞豕之足供口腹也。則亦何貴乎生之而養之也。嗟乎。予嘗見世德之家。有老僕焉。不以僕視之也。口爾吾父之舊人也。爾勿以冗食白嫌。而同諸僕之役。役爾其安食而終爾餘年。嗟乎。父之僕。猶推父之恩。而體恤之。生我之父。而使其勞勩不安。不得如德門之老僕焉。則大可怪矣。

一日審寒煖以防其疾

父治外籌畫艱辛。母治內。生育繁苦。年日老而血氣憊。血氣憊而身軀弱。身軀弱而疾病多。疾病多而藥餌需焉。然予謂與其有病而藥餌。不若未病而藥餌。與其用藥餌以治病之發。又不若慎寒暑以杜病之源。古之孝子。視無形。聽無聲。若夫寒燠猶爲易察。爲人子者。知親老矣。老則性易執而思易迷。其於寒燠之節飲食之宜。老人僅可自主。一二子若媳。宜提攜之。珍惜之。察其情形而裒益之。以待赤子者。待老人則老人安。若徒任之而不經意。鮮有不疎虞者矣。故審寒燠在審病。審藥之先焉。

一日存人心以酬其德

世有獨傳之子。恃愛而故挾制其父母。有怯弱之子。倚病而偏磨折其父母。在親之溺愛者。未有不愛其愚。而其子益百計以難之。嗟乎。殘忍已甚。人心安在哉。盡思父母止汝一子。汝又何曾有幾

父母耶。父母既以獨子爲憐，豈人子反不以雙親爲念，抑思父母憂汝之病，汝何獨不顧父母之病耶？投桃尚須報李，豈受報反！

一日受偏憎以隱其過

憎而曰偏，似屬父母之過。雖然，宜反諸躬焉。君子於橫逆之來，猶三自反。况親爲生我者哉？竭其力者，益竭其力；盡其心者，益盡其心。不疑憎之曰偏，祇悔孝之未至。親之心必有幡然者矣。仍或未能，又當自安於命焉。夫天何私之有？天無私而人何以有壽夭之不一？窮通之不等耶？豈天亦爲偏愛偏憎耶？故父母之愛我，憎我皆由於我之命，而非關父母之偏。猶夫人之受眷祐者，當思答天之貺；人之遭譴罰者，當思回天之怒。如是則無不平之鳴矣。若人見憎於父母，其心卽生怨懟。夫父母憎子而子卽怨之，是子之

有心己極不肖。而父母之憎。乃先見之明。其憎不爲偏矣。且怨與
憎相倚角。已同梟獍之殘。又何暇問親憎之偏與否也。尤足異者。
每見憎於父母。不特怨之於心。且遍訴於人焉。怨之於心。心已當
誅。訴之於人。罪尤不赦。爲父母者。不逐之於鄉黨之外。不懲之以
三尺之法。猶是溺愛之餘也。僅僅憎之。亦已寬矣。君子知之於父
母之偏憎也。順以受之而已矣。順以受之者。不第冀其親之悟也。
亦恐彰其過。而其親懷慚也。夫孝子猶恐其親之懷慚而不孝者。
怨之訴之。欲得他人盡斥其父母之過。而後快焉。且有倚妻家之
勢力。而與父母樹敵焉。嗟乎。人獸之分。相去抑何遠哉。

一曰用幾諫以冀其悟

父母之待子也。不當見其過。父母之待人也。當微審其過。何也。令
名不可失也。怨尤不可招也。親尙有無心之失。尙有執性之愆。知

而不言使親之名有玷親之身有傷子心其能安乎故幾諫者朱子所云下氣怡色柔聲以諫也然或省悟之遲亦有善全之法親之加怒於人不稱其罪子從而慰之焉或取於人者不應多而多之與人者不應少而少之子從而增之減之焉有力不能自主者曲爲善言以喻之焉是豈厚其所薄而以此示恩哉蓋恐人有害吾父母之心吾彌縫其所不逮人必轉而思之慮害其親以傷其子因念其子而釋其親故孝子之所以輸誠乎人者非爲人也仍爲其父母也用荆棘爲藩籬資干城於敵國仁人孝子之用心無所不極斯爲不可及與

一日慎殯殮以保其膚

殯殮大事疎忽者謂之不孝吝費者亦謂之不孝然卽孝者其時踴躍哀號荒迷不知所措宜托戚友之老成練達者代爲主持焉

其措辦諸物。宜托誠實之人專司焉。庶幾實得其益。總之孝親多病。切須早爲留心。不致臨期倉卒。棺木衣衾。俱當從厚。而制度尤宜精詳。雖云稱家之有無。然佛事可以不作。虛文可以盡捐。省其無益之費。而川於有益之事。所全不已多乎。若徒飾外觀。反將大事草率。罪莫大焉。至於力之優爲者。益當纖毫無憾。而後爲孝。凡人於父母生辰。四十而後有五十五。五十而後有六十七。十猶可前。而後豐。若此事則一生惟一日也。嗟乎。此事而不盡心竭力。尙待何事。此時而不盡心竭力。尙待何時。稍有失焉。悔無及矣。慎之慎之。

一日急營葬以安其靈

停柩不葬。非貧乏無貲。卽因惑於堪輿。希圖福地。遂有滯至數十年者。又有歷年久遠。子孫互相推諉。遂至不得葬者。久而不葬。自

有暴露之慘。夫爲子者身稍飢寒。百計求覓衣食。而使其親之骸骨暴露。雪壓雨漂。漠然不顧。抑何殘忍至此也。卽饒裕之家。人厝淺土。豈無水火不測之患。每見荒郊曠野。遍地橫棺。月暗風淒。燐火四起。路上行人。尙欲斷魂。親遺骨肉。竟置不問。豈人也哉。卽世人亦有勤勤覓地者。推其心多自望其身家之富貴。子孫之繁衍。而徒以親尸爲邀福之具。若不信形家之說。則益將怠緩。不知所止矣。又豈知急營墓者。原所以安其靈耶。然予更有恨焉。嘗見貧窘無藉之徒。伐蔭木而求售他家。發祖塋而轉授別姓。此其人誅之猶不足以盡其辜。斷難一日容於堯舜之世者也。凡鄉黨設有此事宜。協力共鋤孽類。鳴官置之重典。以爲不孝之戒。儆一人而衆人懼。所全實多。所關甚大。此誠足以廣孝思於無已也。予尤望主持名教之君子。爲斯民厲風化焉。

一日全節義以顯其名

爲子者奮志讀書功名赫奕使父母享朝廷之榮封受鄉里之欽仰固足爲孝然能爲忠臣而使吾親爲忠臣之父母能爲豪傑而使吾親爲豪傑之父母等而上之能爲聖賢而使吾親爲聖賢之父母流芳奕禩垂不朽之大名血食千秋享俎豆於勿替豈非孝之至大而子道之極隆者哉卽或自守愚拙者謹飭存心雖無顯揚亦鮮玷辱乃有不孝之徒寡廉鮮恥敗壞名節或身受重戮或顯被惡名人皆曰此其父母不德也卽稍爲之寬者亦必曰是無義方之訓也且有取怨於人而使其親受言者更有不忠不義而禍及於親者嗟乎身作身受在己自不足惜父母何辜亦受非常之辱焉其罪上通於天矣夫有德之士族黨友朋且沐其光而被其惠若上孽類不能報父母之德而重傷父母之名泉臺有靈能

卷一

九

不切齒天道昭然豈無輕赦爲人子者當以爲戒焉

義門族約

卷九之二

宗族一本之親。支分派別。勢必日疎日渙。不有以約之。恐人類不齊。是非錯出。必將有作奸犯科。玷辱祖先者。良規可法。宜采學而行也。輯族約

義門裘氏先世族約

唐鏡軒主曾訂義門裘氏

予家本會稽之雲門。一十九世同居。蒙

朝廷恩寵。勅旌義門。篤古軼今。世所罕有。凡我子孫。當守祖宗之家訓。存心以忠厚為本。處家以仁讓為先。此治家之要。守身之符也。其鹽此毋忽。

一孝為百行之原。為人不孝。雖有掀天事業。蓋世奇能。總不齒於名教。且問自己本心如何。過得乳哺懷胎。撫攜教育。父母之心。豈不刻刻想念。其成人立業。代者防饑。而匪莪伊蒿。亦可羞也。

人無不愛其子。則知父母之愛我。猶夫我之愛其子。人無不期其子之孝。則知父母之期孝於我。猶夫我之期孝於其子。設子有不孝。未嘗不瞋之。疾之。則知父母之瞋疾於我者。未嘗乏也。且人惟以孝存心。則自然不得罪於鄉黨。自然不得罪於尊長。自然不得罪於名教。兢兢業業。彬彬雅雅。保世亢宗。承先裕後。基於此矣。

人受中以生。與天地並列爲三才。得萬物之最靈。切不可將己身輕看。故人以立品爲重。奉身如圭璧。不可渝也。一言失口。受悔終身。一事失足。有污名教。故八身行一敗。則終身挽濯垢莫滌矣。我子孫雖士農異趨。工賈異業。而立身修行。總只一般。貧富窮通。此聽之於天者也。

人有四大。受之父母。須知父母以前。自祖歷宗。縣縣延延。以至

於今非積累之所致亦何幸而有此故人生在世惟一點仁心乃是生生不息之源譬諸果而有桃仁杏仁保真涵素而生機露程子亦云人心如穀種此便是發生之源故德厚而流自光儻本心漸滅天良錮絕此自斲其生趣而期葉大枝繁難矣難矣。

一傳曰弟子入則孝出則弟凡子弟見宗族鄉黨須必恭必敬卽稱呼一節兄弟人等止應稱行稱名若稱號稱字乃朋友間事理義門宗範不願聞此也况宗族稱行則尊卑易曉不得不論一父母愛子之心固無不公而偏愛之私亦不能必無丈夫每惜多男而婦女恆憐少子此偏愛之所自來也然父母之所以愛之亦必有故父母之所以不愛亦必有故其偏之之心正其公之之心也爲子者但當自悔其所以不見愛於父母者何故許

思彼之得被愛於父母者又何故。平心自想。可以得父母之心矣。若果父母溺情不明。爲之子者。更能曲體父母之心。以將其愛。尤爲能子。故曰。天下無不是底父母。若兄弟原毛裏貉。親。鬪。牆生變。多起於妯娌乖爭。男子偏聽。各袒其室。遂致同氣參商。昔浦江鄭義門同居長久。惟曰。不聽婦人言。斯真處家庭者之藥石。

一 士農工賈各有專業。然後仰事俯育。有所賴。惟游惰之輩。農不成農。士不成士。工賈不成工賈。每思鮮衣美食。呼盧淫酣。浪蕩終日。全不想祖宗締造艱難。將刻苦所遺之成業。輕輕顛覆。況家非素封者。亦習爲儇巧。假作斯文。反以服勞農畝。揮汗日午者爲可恥。志大而言夸。行僻而心僞。迨至資身無策。饑寒交迫。乃作奸犯科。靡所不爲。寡廉鮮恥。恬不知非。猶倖倖然自以爲。

得計詩云貧不足恥。惟貧而無行爲可恥。及身搜法網。僇及妻孥。噬臍何及乎。莫若早加猛省。勤四體。營生理。各業其業。各事其事。與其仰面求人。何如反求諸己。

一。好訟爭能。原非仁厚之風。乃近來以此相尙。小事角口。卽駕詞告官。及一事獲勝。公門一出。使高視闊步。逢人自張。獨不思嚴鯨公庭囚首乞憐。是何等形狀。胥差窘辱。搖尾告哀。是何等卑賤。天下可羞可辱之事。孰有甚於此者乎。乃詡詡然自以爲得志。吾不知其肺腸何如也。况彼此角氣。兵連禍結。蔓害無休。破家殞命。悉基於此。遡厥所由。皆小不忍所致。何如情遣理恕。相安無事之天爲愈乎。凡我族人。戒之哉。戒之哉。

附錄 先君子竹逸公家約二則

一。族人當論情。不當論理也。凡同族中伯叔弟兄子姪。皆我祖

宗一氣分下來底。骨肉之愛。異於他人。假使小有齟齬。必與爭理之曲直。卽我直彼曲。一生計較心。我已得一大半不是了。惟自爲排解曰。彼特一時不思耳。久之自然明白了。彼特聽外人言語耳。久之自然悔悟了。事事省察。責己而不責人。大事化小事。小事化無事。由勉幾安心地。不患不厚福澤。不患不增。

一族人宜通有無也。無論有餘之家。宜時時敬奉尊長。撫卹孤寡。扶植單寒。周給貧乏。卽力謀升斗。終歲勤劬。亦宜分餉口之資。爲陸族計。蓋隨時隨地。皆可濟人之急。一勺之波。不容愈於西江之水乎。且同族往來。家常便飯。加意殷勤。雖桀驁不馴者。亦可以。和氣化之。杯勺言歡。或亦睦族之一助也。

宗祠條規

原本陳榕門相國訓俗遺規

卷九之三

宏謀按此篇與王孟箕講宗約同意而條約更周備自家庭鄉黨以至涉世應務之道均列於宗規以此見人生一舉足而不可忘祖宗之訓愛親者不敢惡於人敬親者不敢慢於人親親長長而天下平願有宗祠者三復此規也

一鄉約當遵孝順父母尊敬長上和睦鄉里教訓子孫各安生理。毋作非爲這六句包盡做人的道理。凡爲忠臣爲孝子爲順孫爲聖世良民皆由此出無論聖愚皆曉得此文義只是不肯著實遵行故自陷於過惡祖宗在上豈忍使子孫輩如此今於宗祠內做鄉約儀節每朔日族長督率子弟齊赴聽講各宜恭敬體認共成美俗

一祠墓當展祠乃祖宗神靈所依墓乃祖宗體魄所藏子孫思祖

宗不可見。見所依所藏之處。卽如見祖宗時而祠祭。時而墓祭。必加敬謹。凡棟宇有壞。則葺之。罅漏則補之。垣砌碑石有損。則重整之。蓬棘則剪之。樹木什器。則愛惜之。或被人侵害。盜竄盜葬。則同心合力。復之。患無忽小。視無逾時。若使緩延。所費愈大。此事死如事生。事亡如事存之道。族人所宜首講者。

一 族類當辨。類族辨物。聖人不廢。世以門第相高。間有非族認爲族者。或同姓而雜居一里。或自外邑移居本村。或繼同姓子爲嗣。其類匪一。然姓雖同而祠不同。入墓不同。祭是非難淆。疑似當辨。儻稱謂亦從叔姪兄弟。後將若之何。故譜內必嚴爲之防。蓋神不歆非類。處已處人之道。當如是也。

一 明分當正。同族兄弟。叔姪名分。彼此稱呼。自有定序。近世風俗。澆漓。或狎於褻昵。或狃於阿比。皆非禮也。拜揖必恭。言語必遜。

坐次必依先後。不論近族遠族。俱照叔姪序列。情既親洽。心更相安。又有尊庶母爲嫡。躋妾爲妻者。大乖綱常。反蒙詬笑。又女子已嫁而歸。輒居客位。是何禮數。吉水羅念菴先生宅。于歸寧之女。仍依世次。別設一席。可法也。若同族義男。亦必有約束。不得凌犯疎房長上。有失族誼。且寓防微杜漸之意。

一宗族和睦。書曰以親九族。睦族聖王且爾。况凡衆人乎。未俗或以富貴驕。或以智力抗。或以頑潑欺凌。雖能爭勝一時。已皆自作罪孽。嘗謂睦族之要。有三曰尊尊。曰孝老。曰賢賢。名分屬尊行者。尊也。則恭順退遜。不敢觸犯。分屬雖卑而齒邁衆老也。則扶持保護。事以高年之禮。有德行族彥。賢也。賢者乃本宗棟幹。則親炙之景仰之。每事效法。忘分忘年。以敬之。此之謂三要。又有四務。曰矜幼弱。曰恤孤寡。曰周窘急。曰解忿競。幼者稚年弱。

者鮮勢人所易欺則矜之一有矜憫之心自隨處爲之效力矣。鰥寡孤獨王政所先况乎同族得於耳聞目擊則恤之貧者恤以善言富者恤以財穀衣食窘急生計無聊則周之量已量彼可爲則爲不必望其報不必使人知吾盡吾心焉人有忿則爭競得一人勸之氣遂平遇一人助之氣愈激然當局面迷者多矣居間解之族人之責也此之謂四務引伸觸類爲義田義倉爲義學爲義塚教養同族使生死無失所皆豪傑所當爲者善乎陶淵明之言曰同源分流人易世疎慨焉寤嘆念茲厥初范文正公之言曰宗族於吾固有親疎自祖宗眎之則均是子孫固無親疎此先賢格言也人能以祖宗之念爲念自知宗族之當睦矣。

一譜牒當重。譜牒所載皆宗族祖父名諱孝子順孫目可得睹口

不可得言收藏貴密。保守貴久。每歲清明祭祖時。宜各帶所編發字號原本。到宗祠會看。一編祭畢。仍各帶回收藏。如有鼠侵油污磨壞字跡者。族長同族衆。卽在祖宗前量加懲誡。另擇賢能子孫收管。登名於簿。以便稽查。或有不肖輩鬻譜賣宗。或謄寫原本。瞞衆覓利。致使以贗混真。紊亂支派者。不惟得罪族人。抑且得罪祖宗。衆共黜之。不許入祠。仍會衆呈官追譜治罪。一閨門當肅。男正位乎外。女正位乎內。君子正家。其閨門未有不嚴肅者。縱使家道貧富不齊。如饁耕採桑操井臼之顛勢所不免。而清白家風自在。或有不幸寡居。則丹心鐵石。白首冰霜。亦以三從四德。姆訓夙嫻。養之者素也。若徇利妄娶。門閥不稱。家教無聞。又或賦性不良。凶悍妒忌。傲僻長舌。私溺子女。皆爲家之索罪。坐其夫。若本婦委果冥頑。化誨不改。夫亦無如之何者。

祠中據本夫告詞詢訪的確當祖宗前合衆給以除名帖或屏之外氏之家亦少有所警矣。要之教婦在初來擇婦必世德顏氏家訓曰娶必欲不若吾家者。蓋言娶貧女有益非謂遷就族類娶卑陋之女以貽禍也。至於近時惡俗人家婦女有相聚二三十人結社講經不分曉夜者有跋涉數千里外望南海走東岱祈福者有朔望入祠燒香者有春節看春燈節看燈者有縱容女婦往來搬弄是非者。閑家之道一切嚴禁庶無他患。

一蒙養當豫閑門之內。古人有胎教又有能言之教。父兄又有小學之教。大學之教是以子弟易於成材。今俗教子弟者何如上者教之作文取科第功名止矣。功名之上道德未教也。次者教之雜字東牋以便商賈書計。下者教之狀詞活套以爲他日刁猾之地。是雖教之實害之矣。族中各父兄須知子弟之當教又

須知教法之當正。養正之當豫。七歲便入鄉塾。學字學書。隨其資質漸長。有知識。便擇端慤師友。將正經書史。嚴加訓迪。務使變化氣質。陶鎔德性。他日若做秀才。做官。因為良士。為廉吏。就是為農為工為商。亦不失為醇謹君子。

一 嫻里當厚。嫻者族之親。里者族之鄰。遠則情義相關。近則出門相見。宇宙茫茫。幸而聚集。亦是良緣。兒童蒙時。或多同館。或共遊嬉。比之路人。迥別。凡事皆當從厚。通有無。惜患難。不論會否相與。俱以誠心和氣遇之。即使彼曾待我薄。我不可以薄待久之。且感而化矣。若恃強凌弱。倚眾暴寡。靠富欺貧。捏故佔人田地風水。侵人山林疆界。放債違例。過三分取息。此皆薄惡凶習。天道好還。尤宜急戒。毋自害兒孫也。

一 職業當勤。士農工商。業雖不同。皆是本職。勤則職業脩。惰則職

業隳修則父母妻子仰事俯育有賴隳則資身無策不免姍笑於姍里然所謂勤者非徒盡力實要盡道如士者則須先德行次文藝切勿因讀書識字舞弄文法顛倒是非造歌謠匿名帖舉監生員不得出入公門有玷行止仕宦不得以賄敗官貽辱祖宗農者不得竊田水縱牲畜作踐欺賴田租工者不可作淫巧售敝偽器物商者不得執袴冶遊酒色浪費亦不得越閭民之外爲僧道爲宵隸爲優戲爲椎埋屠宰若賭博一事近來相習成風凡傾家蕩產招禍連累無不由此犯者宜會族衆送官懲治不則罪坐房長

一賦役當供賦稅力役皆國家法度所係若拖欠錢糧躲避差徭便是不良百姓連累里長煩惱官府身家被虧玷辱父母又准不得事仍要賦役完官是何算計故勤業之人將一年本等差

糧先要辦納明白

一爭訟當止。太平百姓完賦役無爭訟。便是天堂世界。蓋訟事有害無益。要盤纏要奔走。若造機關。又墮心術。且無論官府廉明。何如到城市。便被欺家撮弄。到衙門。便受胥皂呵叱。何候幾朝夕。方得見官。理直猶可。理曲到底吃虧。受笞杖。受罪罰。甚至破家亡身。辱親冤冤相報。害及子孫。總爲一念客氣。始不可不慎。經曰。君子以作事謀始。始能忍終。無禍。卽有萬不得已。或關係祖宗父母兄弟妻子情事。私下處不得。沒奈何。問官只宜從直。告訴官府。善察情。更易明白。切莫架橋捏怪。致問招回。又要早知回頭。不得終訟。聖人於訟卦曰。惕終吉。終凶。此是錦囊妙策。須是自作主張。不可聽訟師棍黨教唆。財被人得。禍自己當省之。省之。

一節儉當崇老氏三寶儉居一焉。人生福分各有限制。若飲食衣服日用起居一一樸嗇。皆有餘不盡之享。以違造化優遊天年。可以養福。奢靡敗度。儉約鮮過。可以養德。多費多取。至於多取不免奴顏婢膝。委曲狗人。費少取少。隨分隨足。浩然自得。可以養氣。且以儉示後。子孫可法。有益於家。以儉率人。敝俗可挽。有益於國。世顧莫之能行何哉。其敝在於好門面一念。如爭訟好贏的門面。則鬻產借債。討人情鑽刺。不顧利害。吉凶禮節。好富厚的門面。則賣田嫁女。厚賂聘媳。鋪張發引。開厨設供。倡優雜遝。擊鮮散帛。亂用綾紗。又加招請貴賓。宴新婿。與搬戲。許愿預修。祈福力實不支。設法應用。不知挖肉補瘡。所損日甚。此皆惡俗。可憫可悲。噫。士者民之倡。賢智者庸衆之倡。責有所屬。吾日望之。

治家規範

于清端公原本

卷九之四

傳曰君子不出家而成教於國。則是家有教也。正惟一家有教。一國觀感相習成風。而仁讓興焉矣。故居今日而欲陋習不變。當自士大夫之家倡之。爲作家訓以示後人云。

一孝爲百行之原。父母生兒。能有幾箇身顯榮親的。就是力田買易肩挑負販者。皆可隨分以養親。但要挹父母時時刻刻放在心裏。時時刻刻頂在頭上。讀書明理者。以養志爲先。愚夫俗子亦勉力養其口體。依依膝下。始終孺慕。第一不可聽妻子之言。如有不孝族人公罰。

一弟兄形雖有二。邇源於父母之身。究竟還是一箇人。若弟兄仇敵。只爲看做兩箇。所以參商。我今立訓。同爨者宜一室和氣。若是分居。亦要彼此聯屬。爲兄者當愛。爲弟者當敬。患難相恤。貧

富相顧不肖相勸勿聽妻子之言而傷手足之情如有不遵者朝廷法律具在莫貽後悔

一族中之人皆吾祖宗一脈譬如樹之有餘畢竟落葉歸根彼族中老幼奈何其不睦乎今人見族中之富貴者羨爲榮耀見族中之貧寒者多生厭惡此種心腸豈可以對祖宗我今立訓凡係族人不分枝派遠近不論人品貴賤俱照長幼執禮倘敢高下異視照不睦條議罰

一士農工商各執一業子弟十二三歲時賢愚已定賢者做向上事愚者亦別令其執一藝庶不致閒曠其身到了長成還可以贍養妻子若一姑息或聽其恭棄鮮不貽後日之悔也

一族人不知讀書之樂僥倖博一青衫自以爲萬事皆足至於科第一節皆諉之於闔郡風水不知發過先達盡係讀書之人豈

風水之說。獨不應于我輩乎。願我家子弟。破除積習。做童生。下一番苦功。望進學。做秀才。下一番苦功。望中舉。即使數命不偶。艱於遇合。道理明透。亦不被人目爲不通。

一四民之首曰士。原期讀書明道。較愚人迥出一頭。故稱之曰秀才。豈知一做秀才。惹禍招災。總從一念之放肆起。我願子弟小心敬畏。雖進學與平人無異。埋頭讀書。設有非禮之來。當以理遣。如果有干身家。始許理論。切勿呼朋引類。做出非爲的事來。那時悔之晚矣。

一士子幸而上達身。雖貴顯。居家切要勤儉。不可奢靡。待人務宜謙卑。不可驕傲。

一有田之家。率其佃僕。及時耕種。及時耘耨。甯先時。毋後時。仍不時親身董率。勿自家懶惰。委之家人。

一種田不離田頭深耕易耨是其本分勒得一分多得一分之利
仍要積聚糞灰地肥則苗盛於農暇之時就想到來歲耕耘之
時有當備用之物乘閒置辦雖遇豐年所穫縱多亦不可浪費
少留儲蓄以備凶荒田有隙地必種瓜菜之類畜養猪雞以補
不足

一朝廷錢糧依期封納不可拖延爲里中頑民

一生意之人或開店或行商俱要早起晚睡不可偷安語云不將
辛苦意難取世間財

一居家要儉當念錢財非易衣服飲食惟期適口充身不可浪費
吾永甯地土磽瘠而天時又亢澇靡定少有所蓄庶可以備荒
年

一馭僕婢體恤勞苦軫念飢寒不可近狎亦不宜疏遠臨之以莊

馭之以禮。至要至要。貴顯之後。鄉黨之間。禁其放肆。則又甯嚴毋寬也。

一結親。惟取門當戶對。不可攀高。亦不可就下。司馬溫公曰。嫁女。勝吾家娶婦。不若吾家二語。切記切記。女夫兒婦俱要一一訪實。如儀容惡疾之類。慎之于始。不可以一言之合。輒將兒女輕許。至於聘財妝奩。但當量其家計大小。不可過費。恐傷元氣。一喪葬。俱按文公家禮。行父母年至六十。則衣衾棺木之類。俱當及時置辦。

一祭祀。祖先或時祭。或忌日。牲醴湯飯紙錢。量力設備。男婦依序行禮。不可疏畧。

夫婦之間。當思一敬字。梁鴻孟光之舉案齊眉。千古稱爲美談。敬而已矣。如今夫妻反目不和。只爲太狎太狎。則不敬不敬。則

變生莫測矣。是故居室之間。當如賓客。自然則子之化以起門內之和。以生。至於彼此罵詈辱及其身。則又祖宗之罪人也。豈足語於人道乎。倘有小家女。不敬祖先。不尊丈夫。敢用污言詈夫。并辱宗祖者。以不孝律出之。

一凡年至四十無子。方許置妾。嫡妻不得妬忌。如不遵此訓。照七出條出之。其夫染得縱妾凌妻犯者。合族公罰。

一貴顯之家有故交寒士在座。覺得另有一番韻致。若有骨鯁之士。文學之人在座。則愈顯其休容之度矣。子弟貴顯者。切莫疎慢士類。

一人家生兒子。自然是聰明者佳。但聰明人每多刻薄。則暗中虧折了許多福分。常見尖酸之人。終於落薄庸庸之人。反享厚福。一係聰明發洩已盡。一係天機渾含不露。所以受用各有不同。

我勸聰明子弟以寬厚宅心庶可邀和平之福

一子弟將成人之時性情易擾不許結交淫朋浪友如與不端之人往來爲父兄者急早禁絕以防其漸

一子弟年幼早晚不時稽查不許遠離膝下卽從師在學亦必訪察功課倘有曠業之日則恨究踪跡大加振刷勿事姑息

一子弟居室早則十八歲遲則二十歲切不可再早恐元氣未壯致成虛怯

一子弟家居飲食動作俱教以規矩事上接下俱教以禮數勿致放蕩恐久久便成狂妄

一子弟出外必稟命於父兄反必面婦女外出必稟命於公姑反必面不許擅自出入

一人家子女到五六歲時男則從師穎悟者望其上進愚魯者束

其身心不致將來有挑達之虞。從小姑息長大廢棄。皆爲父者貽之也。孔子曰：愛之能勿勞乎？女孩兒卽教其紡績。長則教其鍼黹。仍約束其驕傲之性。婦主中饋。爲母者亦須教導。務要早起晚睡。不可令其懶惰。頭足脩飾。不可令其蠟塌。語言謹慎。不可令其縱肆。行止端莊。不可令其輕浮。若縱而不教。一到夫家。不成材料。不執婦道。牽惹辱罰。皆爲母者貽之也。子女所關匪細。爲父母者慎之。

一 閨門要嚴肅。雖係中表至戚。務要男女有別。遠嫌別疑。不可同席而食。同坐而語。宅中分別內外。晝夜之間。女不出。男不入。女子有事夜行。以燭。男子年交十六。早晚非奉呼喚。不許擅入內宅。

一 婦女不許入寺觀燒香拜會。惟在家念佛持素不禁。

一婦女惟正事出外用金珠服飾在家則家常服飾不得喬妝豔服

一婦女不幸而夫早歿應該守節爲是其或青春年少不能終節者不妨善言儘伊父母令其改適以免意外之譖

一致富由勤人盡知之我謂公道二字乃致富之要訣常見世人欺慢愚人巧詐取財或戕秤升斗出入各別也有賺錢起家的究竟巧裏來拙裏去明裏來暗裏去蓋由此心一欺必千天譴終成無益何如任天由命永保福基故我謂公道二字其致富在勤字之上

一富貴是命裏帶來的自不必說然亦非錢汁鎔成的天道惡盈若無德以迓之恐轉而消折矣

一錢財盈豐千倉萬箱不過屬你管轄不可看作萬年不拔之基

若遇好事不做遇貧難不施不過一守財虜耳或者博施濟衆上天鑒之必永享富厚也

一居心不可刻薄天地長養萬物只是一箇仁仁則并包無外今人當處處以仁存心所見所行所言自無暴戾之習純是一團藹然和氣福慧油然而生爲子孫不知存了多少地步自家那裏覺得

一立身貴高高非高傲之高只是不可把自家的身子卑了同流合污是也須要看得自己身子重自然非禮不爲視一班苟賤趨奉者如坐泥塗我之身豈不擡高幾十層乎

一入貴立志志非大言不慚之謂也乃念念向上一等做去譬如我志在富則當勤儉以致之所趨者在那一等自然所得者卽在那一等所謂有志者事竟成也

一莫謂神明當敬也。敬神明不如敬心。莫謂此心可欺也。欺此心卽是欺天。心存正直。天知神敬。心存欺詐。鬼禍災生。從古欺心做壞人者。曾有幾箇到頭。

一世間當行與不當行者。善惡兩途。天之福人與禍人者。亦善惡兩途。勿謂些小之善不足紀。善念一生。天必降之福。勿謂些小之惡無足畏。惡念一生。天必降之災。二者不分大小。只在人舉念間耳。太上感應篇註得分明。

一不可結怨于人人之最難忘者。感恩積恨二端。施恩于人。尙有忘者。積恨于人。則透入骨髓。未有不思報者。所以吾人處世當存一寬大之念。不獨馭事留其有餘。就是言語之間。也不可過銳。我出于一時之無心。而人竟積爲終身之怨。階矣。

一凡事不可做盡。人力不逮于我。我不可窮人之力。人勢不及于

我我不可使盡其勢。卽言語之間不妨讓人一句。畧得便宜。抽身便轉。討了許多受用。

一人終身體認一箇忍字。小不忍則亂大謀。忍得一分受用一分。父子不忍則乖天倫。兄弟不忍則成吳越。夫妻不忍則魚水反目。朋友不忍則氣誼參商。居家不忍則乖氣致戾。世情不忍則變起仇敵。甚而一言不合。戈矛頓起。人命反掌。悔焉莫及。不忍之害大矣。可不慎諸。

以上四十二條皆我親身閱歷。件件有著。凡我後人勿謂其迂遠而忽之也。

附朱子家訓計

黎明即起。洒掃庭除。要內外整潔。黎明天將明之候也。庭除即庭
一。日之計在於寅。蓋清早起身。可以幹辦許多事務。大凡人家早
起。洒掃清潔者。即是興家之兆。若懶惰貪眠。日高未起。即是衰氣
治家者所。既昏便息。關鎖門戶。必親自檢點。歇息也。時晚則宜休
息。所以養神。門戶必親自檢點。防一粥一飯。當思來處不易。艱
非親歷者不知。農夫千辛萬苦。所種成我半絲半縷。恒念物力維
艱。一匹綢聚萬蠶性命而成。即半絲半縷。宜未雨而綢繆。乘未雨
早。綢繆言凡事。母臨渴而掘井。臨早時方謀掘井。求自奉必須儉
約。一身服用。只須不寒不餓罷了。宴客切勿畱連。畱連筵宴不特
客如上等。決不肯為。器具質而潔。瓦缶勝金玉。器用什物。但取
飲食之人也。夫何嫌。器具質而潔。瓦缶勝金玉。器用什物。但取
瓦器亦好。何飲食約而精。園蔬愈珍羞。飲食但取儉約。精潔。入
必金相玉質。飲食約而精。園蔬愈珍羞。飲食但取儉約。精潔。入
何分。別講究食品者。勿營華屋。屋取庇身。但求堅。勿謀良田。百年
適為。飲食之人而已。勿營華屋。屋取庇身。但求堅。勿謀良田。百年

田地轉三村三姑六婆實淫盜之媒三姑道姑卦姑尼姑也六婆如穩婆媒婆虔婆頭粉面媚
此等人事奉承巧言哄騙婢美妾嬌非閨房之福妓行爲詩禮
若許人門必爲淫盜之媒此等人事奉承巧言哄騙
之家宜無此習有童僕勿用俊俏俊俏美麗也童但僕使令妻妾
之豈聞房之幸耶童僕勿用俊俏
切忌豔粧殊治容誨淫豔粧者式樣妖嬈祖宗雖遠祭祀不可不誠
祖宗人之本也人不可忘子孫雖愚經書不可不讀讀書足以破
本則祭祀安可不盡誠心居身務期質樸若過於華美便成優伶模
者不可以子孫資質愚居身務期質樸若過於華美便成優伶模
魯而棄之弗教誨也宋寶禹鈞以義方教五子但登科第俗所
樣教子要有義方宋寶禹鈞以義方教五子但登科第俗所
意外之財錢財各有定分意外財必苦爭取莫飲過量之酒
酒宜隨量苦過量強飲則誤與肩挑貿易勿佔便宜便宜吃虧之
事惹禍敗家致病皆在其中與肩挑貿易勿佔便宜便宜吃虧之
擔之太小小本經紀趁錢能中幾何也想養活見貧苦親鄰須加憐
家口若再佔他便宜良心喪盡矣何忍何忍見貧苦親鄰須加憐
恤貧官循環誰能自家作主親鄰貧苦刻薄成家理無久享忠厚
恤境過適然量力扶助所以敦古誼也刻薄成家理無久享
方能長久若刻薄者必倫常乖舛立見消亡乘外如作逆父母見
無好子孫必離常保

朱子家訓

欲欺凌逼迫 勿貪口腹而恣殺生靈 口腹之欲無窮殺生之孽甚
定干天怒 尊障再三打算殊算不來況殺生時跳躍叫號血肉淋漓垂辟自是
悔誤必多 友亦勸化不薄到臨死時比比皆是悔從前之誤遲矣晚矣
悔自甘家園終廢 人家須勤做起若一味懶惰狎昵惡少久必
受其累 交友須交好人若惡少則任意胡行動多屈志老成急則
可相倚 以爲法 卽有急難老成人必能爲我排解可倚靠也輕聽
發言安知非人之譖 當忍耐三思 人往往虛詞架飾無理變爲
有理者多矣 所以要忍耐三思 庶不誤事 因事相爭焉知非我之
不是 須平心一想 不是以致各不相下 若彼此能平心想想必然
良心發現 知自家儘施惠無念 忍非望報也何必記念 受恩莫忘
多差處 愧恨無地矣 報答若受而 凡事當畱餘地 日後走動若早
受人之恩 須思所以報答 若受而 凡事當畱餘地 日後走動若早
忘之 是謂忘恩 負義何以爲人 凡事當畱餘地 日後走動若早
估盡以後 便得意不宜再往 再得意事難以爲例 人有喜慶不可生
無以容身矣 得意不宜再往 再得意事難以爲例 人有喜慶不可生

妬忌心人有喜慶當代為慶幸妬忌者非人有禍患不可生欣幸
心人當禍患來纏身受者何等苦惱有仁心者必力為解救
欲人見不是真善為善而起見非真人心為善矣惡恐人知便是大惡
司馬溫公言生平無一事不可對人言者此心何等光明見色而
起淫心報在妻女故我見淫人婦人不淫我妻女必受其報況萬惡
淫為首功名祿壽都要滅匿怨而用暗箭禍延子孫於防備豈知
你暗箭傷他大却以顯禍家門和順即養殮不繼亦有餘歡
傷你并連你子孫亦受傷耶家門和順即養殮不繼亦有餘歡
家和萬事興又云家門和睦值千金故人家能和睦順即貧至朝夕
不給亦自歡然况和氣致祥家門和順自享太平之福食毛踐土
之必國課早完即囊橐無餘可稱至樂
與也國課早完即囊橐無餘可稱至樂
以報効萬一而猶遲延拖欠煩長吏催科是忘恩誣上守分安命
自貽伊戚也故國課早完即使囊橐乏一文可謂至樂也
守本分不向分外貪求順時聽天凡事順時而行聽乎天命為人
安天命不肯妄為妄取順時聽天凡事順時而行聽乎天命為人
若此庶乎近焉庶幾近道也為人能如君子人也

朱子家訓

朱子家訓

九

詞則布帛菽粟理則玉律金科家訓中第一至文也教子弟者務須令幼年熟讀并宜書作掛幅懸諸中堂使家人日誦一遍庶於身心有益萬金良藥勿以淺近而忽之○近世無識庸人動多以惡爲能讀此文有一句以惡爲能處否萬事莫如爲善樂百花怎比讀書香處世讓人一步臨事吃虧三分有味乎言哉

事親規約

孫念劬原輯

孟子曰事孰爲大事親爲大親恩罔極卽事之之心亦罔極人子。在生一日何日非事親之日。生事葬祭一有缺憾卽不堪爲子。其可忽不加意乎。述事親規約。

事生

人子之道莫重於事生。百年有限之親一去不同之日。得盡一時心卽免一時悔也。惟是易辦者無窮之物難辦者有恒之心。真心所切啜菽飲水可以盡親歡。賣薪負粟可以酬吾志。歐陽公曰祭而豐不如養之薄也。痛哉斯言。爲人子者可忤然典矣一服勞父母呼唯而不諾手執業則投之食在口則吐之走而不趨。凡受父母之命必籍記而佩之時省而速行之事畢則反命。

一奉養三牲五鼎菽水菜根皆養也。惟應及時為可責耳。然必須有賢內助焉。未有婦不賢而能養親者也。人欲養親必先教婦。貧賤之家子養親富貴之家親養子。親養子則終身不知子道矣。悲夫。

一穀食凡事父母異食。古云老少異糧。况親乎。黍稷稻粱皆欲精鑿。麥欲頭羅。菽欲純而新。

肉食魚去鯁雞鴨去骨。調諸腥以薑醋。肥膩以酒。斷脯橫理斷魚順理。

一水飲水欲甘欲澄欲潔。污水食之易發病酒欲醇欲陳。無宿壺無再熱。

糖欲澄垢。糖中砂垢最多醯欲澄根。茗去初末。

一果實無蠹無損。戒先時後時。先時味歉後時味敗。無多進異味。

非習嘗者勿進。凡西瓜梨藕桃杏之類皆為生冷能壞脾胃

一視膳日四問食。食間所欲適溫涼令熱之宜。候生熟清濁之節。嘗鹹淡辛酸之味。視草毛蠅蟻之物。

一器用。父母一切所用之物。如筆墨紙硯。書籍卷軸。及杯盞壺榼。傘屐之類。安放宜有常處。恐一時取用不及。致生煩惱也。諸爲食具。漑滌欲潔。碗碟杯盞。欲精緻可愛。以得父母之歡。

一衣服。五十非帛不煖。禦寒之具。較春夏諸衣尤爲緊要。然須以輕煖爲佳。凡衾褥須置二副。一厚一薄。以適寒煖之宜。卽冠巾襪履亦須有二。以備更換。

侍容。待父母之側。無戚容。無怨容。無惰容。無莊容。無思容。無昏忽之容。無不足之容。無高聲。無叱咤之聲。無直言。無費解說之言。無犯諱之言。

一啟告。樂事快言。憂事徐言。怒事笑言。悲事疑言。駭異之事平言。

恐懼之事。可以不聞者。勿言。

- 一從命人子事親。畢力盡志。凡有所命。皆從之。無強以拂其意。
- 二悅心氣血調於歡喜。疾病生於惱怒。壽親之道。無他一悅字盡之矣。時花新果。異物奇觀。好書名畫。有得必獻。可助一樂。
- 一出入必行之路。地坳則覆之。地凸則平之。地滑則沙之。升高下下。則扶掖之。遠行則子弟從之。夜歸則操炬以迎之。
- 一同人親有所愛樂之人。趨治具。無厭色。父母所最愛者。子女之子女也。父母欲施之衣食。則食之衣之。無怨言。無後語。
- 一僕御親之近侍。以柔順勤謹者爲之。否則易之。必得人而後已。
- 一告面禮爲人子者。出必告。反必面。所游必有常。所習必有業。人子出入而不稟命于父母。則意中無父母。目中亦無父母矣。犯尊犯齒之端。皆由於此。子弟所宜切戒。孝經曰。居則致其敬。

一、敬志甘旨日給。是謂能養。而尤以善承親意為主。不然飲食供奉之閒。親心時有戚戚焉。其養又安足道也。曾子曰。孝子之養老也。樂其心。不違其志。樂其耳目。安其寢處。以其飲食忠養之。孝經云。養則致其樂。

一、諫過。親有錯履無遽言。無盡言。無當人而言。乘時乘機。設言以悟之。親有激怒。從其怒以緩之。怒平順言以醒之。失禮於人者。爲遜謝之。

一、救難。或居官坐罪。或遠出遭殃。或因干涉累身。或以兵火受險。皆難也。此在他人。尚當救護。親有難而不救。則禽獸不若矣。人子不幸遭此。毋畏禍。毋過激。必以全親爲上策。

一、祈壽。父母俱存。天倫樂事。然去日苦多。來日苦少。既可喜。亦可懼。孝子所以有祈年之願也。愛親者。果有減己益親之真情。至

誠感神鮮有不應

司馬溫公居家雜儀曰。兒子事父母。婦事舅姑。天欲明。咸起盥漱。櫛總具冠帶。味爽適父母舅姑之所。省問夜來安否。父母舅姑起。子供藥物。婦具晨羞。供具畢。乃退。各從其事。將食。婦請所欲供之。尊長食畢。乃退。既夜。父母舅姑將寢。則安置而退。居閒無事。則侍於父母舅姑之所。侍立必恭。執事必謹。應對言語。必下氣怡聲。出入起居。必謹扶衛之。不致涕唾喧呼於父母之側。父母不命之坐。不敢坐。不命之退。不敢退。

侍疾

夫病生死關頭也。善調攝之。則幾死可生。不善則可生反死。禮凡父母舅姑有疾。子婦不離側。色不滿容。不戲笑。不宴遊。卽有災夭迫切之事。皆不暇及。專以延醫合藥調攝爲務。疾已復初。

學宮灑掃職規條

卷十之一

小學之教首先灑掃。聖學工夫要於主敬。卽灑掃以明敬。所以習小學者在是。卽所以尊聖學者亦在此。黃冠緇流侍奉香火。猶且晨夕展敬。士子讀聖賢書。所學何事。此職也。固士子分內事。人人所當共赴者也。集灑掃職。

杭郡紳士公呈稿 紳士梁同書葉藩潘庭筠謝廷燮沈颺沈學厚許乃大汪家禧計萬年楊日禮邵志鉅孫邦治汪鴻禧許宗瀚等爲謹據成規。請時展學宮。以勤灑掃事。竊以大成萬世之師。郡學四方之表。維歲久或防夫傾侈。幸 憲忱加意于修除。絲竹誰聞。旁無壞壁。軒楹可仰。勢異頽山。數仞牆高。雙觚闕煥然。守成匪易。漸圯可虞。樹韓勅之碑。時爲永壽。上史晨之奏。年紀建寧。星甫一終。材寧速朽而已。功煩塗色。葺費俸錢。蓋時

和無別風淮雨之災而地大多雀角鼠牙之患窗馳野馬壁絡垂蛛不有蠲除曷昭肅敬以定制歲頒營修之費校官時效灑掃之勤然一甃一磚動需官帑則屢請者煩兩楹兩廡專責師儒則獨承者瘁前淮南阮綏堂太史倡議一鄉徧諏同志謂并陳爲弟子服勞之分以展謁佐公家規學之虔聚章縫輩日進一錢至朔望期畢來三舍試凡席如戶曹孔訢除草萊命男子張伯又于肅拜階除之後立周觀屋宇之規蟻孔之漏亟爲補苴蠲澁之汚卽事粉飾若營藉數夫成難刻日則必陳于長吏非給以私財積小可大出家穀者力終拘順情斯安歛民財者功不久規爲誠當良法可稽茲當土木告成遂爾觀摩意切但事本涉公斷難憑臆案闕守文之吏謀同越俎之迂且學宮地重闌入禁嚴第草傭工操鋸匠作時遑享丁之候往于令卑

之誅。凡茲鎖鑰。職有專司。同書等既主善爲型。敢瀝情上訴。伏願憲臺大人。飭下學官之長。俾伸慕義之私。庭草胥芟。生意不存。荒穢游塵盡滌。升堂共仰光明。勤塗蕘之功。有基勿壞。拭丹青之染。歷久無渝。同書等雖效誠黌序之間。實戴德庭階之下。至或宇將傾者。一木難支。瓦旣毀者。千棧莫補。仍準前人成例。尙期官匠加修。非敢後也。惟慚力與心違。似望歲焉。竊願工隨請至。明知微塵無補。泰山之大。亦如獻曝。聊抒野老之忱。齋宿上陳仰祇。鴻鑒謹呈。浙江巡撫部院憲臺大人施行。

嘉慶七年九月十八日呈卽日

浙江巡撫部院阮 批據呈灑掃規條。甚屬妥協。此事淮安及江南各府縣多有行之者。但以會立名。雖沿淮陰舊例。究有未當。查灑掃之法。莫詳于管子弟子職。是弟子之職也。非會也。今改

爲灑掃職名目其辦事之地宜在學中擇屋一間用杉木素板高八寸寬數尺每計一塊書捐收姓名及支存四柱清數釘於壁間以便人人共見仍須另存紙帳司事者收貯仰布政司將此事宜轉飭遵照辦理并行該學知照可也規條并發

洗祭器諭

浙江巡撫部院阮諭杭州府教授知悉現在春祭屆期所有聖廟內祭樂二器及各殿宇傳同灑掃職董事洗刷整理務須潔淨以昭誠敬以後永以爲例並將此抄諭董事毋違特諭

嘉慶八年正月二十六日諭學師

規條

一是職創于淮南阮緩堂太史人醵一錢以給用復取其贏餘購田號一錢莊事詳條約及置田本末蓋數約則力易繼事

專則功可久。因師其意而參酌之。期于法良不廢而已。

一是職創始諸人。每司總各集十友。每友歲納錢三百六十文。公舉董事四人。司事四人。司總六十人。司總按季收錢。彙交董事處。以備支取。如有贏餘。置產生息。歲終彙議。今三學董事公舉邵志鉅。孫邦治。汪鴻禧。許宗瀚。又公舉高田觀。張萬年。爲府仁二庠司事。趙埭。汪中熙。爲錢庠司事。一每月朔望前一日。司事率傭力人及書斗。自

大成殿。

東西兩廡。

崇聖祠暨

文昌閣。鄉賢名宦祠。芟草滌塵。其有磚瓦錯亂。墻垣剝落者。隨見整修。及朔望

長官展謁後董事諸君子以次行禮禮畢復周視墻宇尙有傾侈集同人酌議修葺支用之數詳載簿籍以憑核計費繁公請長官修葺一切出入用帳董事邵志銳汪鴻禧許宗瀚收存。

一春秋仲丁先一日董事赴郡學率工人書斗洗滌祭器以昭誠潔仁錢二庠司事司總遵行。

一每歲八月二十七日。

至聖先師誕辰謹集同人于辰刻郡庠展謁核帳後董事司事分詣仁錢二邑庠展禮。

一季首朔日辰刻鄉先達率同人赴郡學叩謁餘月董事與司事司總職共事仁錢二庠專責司事司總展謁正月改期上元日。


一是職原所以妥

先聖先賢之神。至學師公署及明倫堂齋房學外捐修公派等事。概不旁及。不得倡議。卹支卽數十年後。或遇重修學宮經費。自有官帑。此係同人累銖積寸。亦不充公。

一學中舊例。每月有書斗值事。今另擇書斗司。

大成殿及各祠管鑰。其啟閉專責值事者。無事謹關。有事預啓。每名按月酌給。卹庠書斗獎勵銀三錢。仁錢二。庠書斗獎勵銀二錢。至灑掃莪草工人。隨時傭給。

一郡庠灑掃職。始于嘉慶七年十月朔日。仁錢二。邑庠灑掃職。始于八年十月朔日。



書院規條

卷十之二

國家崇儒重道。學宮之外。復立書院。誠盛典也。顧近世書院林立。問師之所為教。士之所肄業者。果何如也。講學明道之謂何。能無望古遙集耶。述書院規條。

朱子白鹿洞學規

父子有親

君臣有義

夫婦有別

長幼有序

朋友有信

右五教之目。堯舜使契為司徒。敬敷五教。卽此是也。學者學此而已。而其所以學之之序。亦有五焉。其別如左。

博學之

審問之

慎思之

明辨之

篤行之

右爲學之序。學問思辨四者。所以窮理也。若夫篤行之事。則自修身以至於處事接物。亦各有要。其別如左。

言忠信。行篤敬。

懲忿窒慾。遷善改過。

右修身之要

正其誼不謀其利 明其道不計其功

右處事之要

己所不欲勿施於人 行有不得反求諸己

右接物之要

熹竊觀古者聖賢所以教人爲學之意。莫非使之講明義理。以修其身。然後推以及人。非徒欲其務記覽爲詞章。以釣聲名。取利祿而已也。今之爲學者。則既反是矣。然聖賢所以教人之法。具存於經。有志之士。固當熟讀深思。而問辨之。苟知其理之當然。而責其身。以必然。則夫規矩禁防之具。豈待他人設之。而後有所持循哉。近世於學有規。其待學者爲已淺矣。而其爲法。又未必古人之意也。故今不復以施於此堂。而特取凡聖賢所以

教人爲學之大端。條例如右。而揭之牕間。諸君其相與講明。遵守而責之於身焉。則夫思慮云爲之際。其所以戒謹而恐懼者。必有嚴於彼者矣。其有不然。而或出於此言之所棄。則彼所爲規者。必將取之。固不得而畧也。諸君其亦念之哉。

高汝白先生洞學十戒

一曰立志卑下

謂以聖賢之事不可爲。舍其良心。甘自暴棄。只以工文詞博記誦爲能者。

二曰存心欺妄

謂不知爲己之學。好爲大言。互相標榜。粉飾容貌。專務虛名者。

三曰侮慢聖賢

謂如小衣人。文廟及各祠間坐嬉笑。及將聖賢正論。信口作

戲語不置。愉觀書之類。

四曰凌忽師友

謂如相見不敬。退則詆毀。責善不從。規過則怒之類。

五曰羣聚嬉戲

凡初至接見之後。雖同會。亦必有節。非同會者。尤不可數見。若羣聚遨遊。設酒劇會。戲言戲動。不惟妨廢學業。抑且蕩害性情。

六曰獨居安肆

謂如日高不起。白晝打眠。脫巾裸體。生立偏跛之類。

七曰作無益之事

謂如博奕之類。至於書文。雖學者事。然非今日所急。亦宜戒之。

八曰觀無益之書

謂如老莊仙佛之書。及諸家小說。各詩文集。無關於聖道者。

九曰好爭

凡朋友同處當知久敬之道。通財之義。若以小忿小利輒傷氣與塗人無異矣。

十曰無恒

夫恒者聖人之道。小藝無恒且不能成。況學乎。在院生儒非有急務不宜數數回家。及言動課程俱常有常。毋得朝更夕變。一作一輟。

呂新吾先生社學要畧曰。學者立身行檢爲重。一戒說謊。二戒口。三戒村語。婦言。四戒愛人財物。五戒講人長短。六戒看人婦女。七戒交結邪人。八戒衣服華美。九戒捏寫是非。十戒性氣高。犯者必懲。

胡文敬公續白鹿洞學規 明徐千胡

正趨向以立其志

周子曰聖希天賢希聖士希賢伊尹顏淵大賢也伊尹恥其君不爲堯舜一夫不得其所若撻於市顏淵不遷怒不貳過志伊尹之所志學顏淵之所學過則聖及則賢不及則亦不失於令名。

程子曰天下第一等事不可讓與別人做言學便以道爲志言人便以聖人爲志程子自十五六遂厭科舉之學慨然有求道之志。

朱子曰爲學須思所以超凡入聖如昨日爲鄉人今日便要爲聖人須竦拔後方始有進今日克念卽可爲聖明日罔念卽爲狂矣張子曰學者當以立志爲先不爲異端惑不爲文采眩不爲功

利泊庶可以言讀書。

愚謂今之學者才氣高者則馳騁於空無冒濫之域明敏者類以該博爲尚利名爲心又其下者不過發於諛句浮詞以媚世取容而已未嘗知有聖賢之學也夫聖賢之學得之於己可以成善治美風俗興教化三代可復也或者以爲聖人之道高遠難至非後學之所敢及殊不知有生之類其性不同但聖人不爲物欲所昏耳今學者誠能存養省察使本心常明物欲不行則天性自全聖人可學而至矣聖人豈隱其易者反使人由於艱難阻絕之域哉。

主誠敬以存其心

程子曰。今人心誠不定。視心如寇讐而不可制。不是事。累心乃是心累事。居處恭。執事敬。與人忠。此是徹上徹下語。聖人元

無二心。只說出門如見大賓。使民如承大祭。觀其氣象。便須心廣體胖。容周旋自然。中禮惟慎。獨便是守之之法。呂與叔患思慮之多。不能驅除。程子曰。此正如破屋禦寇。東面人來。未逐得西面一人。又至矣。左右前後驅逐不暇。四面空疏。盜故易入。無緣作得主。蓋中有主。則外患自不能入矣。朱子曰。持其志。則氣自清明。學者當提醒此心。使如日之方升。則羣邪自息。心纔主一。便覺意思卓然精明。人一時間外面整肅。便一時離一時放寬了。便皆怠也。妄誕欺詐爲不誠。怠惰放肆爲不敬。愚謂今之學者。但盡己之心。毋使有一毫虛妄。齋莊嚴肅。毋使有一毫惰弛。則所謂真實無妄。主一無適者。自可至矣。由是以窮理修身齊家治國。亦何所不可哉。程子謂聰明睿知皆由此。

出信不欺我矣

博窮事理以盡致知之方

程子曰。自一身之中。以至萬事萬物之理。理會得多。自然有覺處。

朱子曰。盈天地間皆物也。以其至切而近者言之。則心之爲物。實主於身。其體則有仁義禮智之性。其用則有別意羞惡恭敬是非之情。渾然在中。隨感而應。各有攸主。而不可亂也。次而及於身之所具。則有口鼻耳目四肢之用。又次而及於身之所接。則有君臣父子夫婦長幼朋友之常。是皆必有當然之則。而自不容己。所謂理也。外而至於人。則人之理不異於己也。極其大則天地之運。古今之變。不能外也。盡於小則一塵之微。一息之頃。不能遺也。其致知之方。或考之事爲之著。或察之念慮之微。

或求之文字之中。或索之講論之際。使於身心性情之德。人倫日用之常。以至於天地鬼神之變。禽獸草木之宜。自其一物之中。莫不見其所當然。而不容己。與其所以然而不可易。必其表裏精粗。無不盡其類。以通之。至於一旦豁然。而貫通焉。則於天下之物。皆有以究其義理精微之所極。而吾聰明睿知。亦皆有以究其心之本體。無不盡矣。

審察幾微。以爲應事之要。

周子曰。誠無爲幾。善惡。

朱子曰。欲動未動之間。便有善惡。學者用心理會。則幾微之間。善者便是天理。惡者便是人欲。纔覺如此。便存其善。去其惡。可也。

愚謂人生日用之間。起居動息。以至設施措置。不能不與物接。

故不能無事。然所以爲事之理固已具於性分之內也。若厭其煩擾欲絕而去之。則陷於佛老之空寂。若不察其理之所當然。以機變爲足以應事。則流於儀秦商鞅智謀之末。爲小人之歸矣。故必事物初接。本心萌動之際。謹察精辨。孰爲天理。孰爲人欲。使善惡是非公私義利判然於前。然後從其善而去其惡。如此既久。則義理益精。自無過不及之差矣。

克治力行以盡成己之道

伊川問謝顯道相別。半年做得甚工夫。謝曰。只去個矜字。

朱子曰。窮理以致其知。反躬以踐其實。此間講說時少。踐履時多。事事都要人自去理會。

愚聞人之有生。便有所爲人之理。是皆天之所賦。非人力之所爲。孟子所謂踐形是也。今所以不能如聖人之從容中道者。

是氣質有偏。物欲有蔽。故必克治其氣質之偏。物欲之蔽。然後可以盡此身之理。以成乎己也。苟或知而不行。則前所窮之理。無所安頓。徒費講學之功。無以爲己有。豈不重可惜哉。

推己及物以廣成物之功

余聞朱子曰。天之明命。有生之所同得。非我之得私也。是以君子之心。廓然大公。其視天下無一物非吾心所當愛。無一事非吾職所當爲。雖勢在匹夫之賤。所以堯舜其君。堯舜其民者。未嘗不在吾之分內也。竊謂學者須要有如此心。智則規模廣大。私吝之心自消。推而行之。豈有一民不發其澤。一物不得其所哉。儒者之學。必至於參天地。贊化育。然後爲功用之全也。

胡文敬公續自鹿洞學規。簡括詳明。舉聖學如示諸掌。士子遵而守之。如走官道。舉步平坦。一切歧趨邪徑。不得以混之。

真學。者。行。程。愿。也。廣。布。庠。塾。庶。士。子。皆。知。有。正。路。云。
聞。之。倪。畚。香。先。生。曰。公。絕。意。仕。進。其。學。以。敬。爲。本。以。主。忠。信。
爲。要。簞。瓢。陋。巷。處。之。泰。然。著。有。居。業。錄。然。則。有。志。於。學。者。其。
亦。可。以。知。所。從。事。矣。

金

九

義學章程

錢塘陳文述原本

卷十之三

玉不琢不成器。人不學不知義。學之於人所係大矣。而貧家子弟無力從師。欲求讀一日之書而不可得。致令目不識丁。終身夢夢。大義不明。或致作奸犯科而不悟。非司風教者之恥耶。述義學章程。

設義學說

今之論治者。動言人心不古。上習不端。似天地之生人有古今之異。而不知皆失教之所致。雖教而教法不善之所致也。拙議主專教貧賤之子弟。先讀所刊初學讀本七種。再讀

聖諭廣訓七種。皆醇正之善書。善書所言皆儒書之理。儒書散而善書聚。儒書深而善書淺。中人以下正取其淺近明顯。易於領會。卽塾師教幼童亦易於講解也。一幼童明白書理可以化一家之

父兄并可以化同居之鄰里。今通都大邑。動以擬建書院爲美譚。愚謂書院教已成之俊秀。不如義學教未成之童蒙。此日之童蒙。不必爲將來之俊秀。亦必爲將來之丁壯。聚什伯千萬。不知書理之人。與聚什伯千萬能知書理之人。其風俗之良楮。必有辨矣。士習不端。亦由於此。種書理未經涉獵。留意也。惟民生厚。具有天良。身列膠庠。必知廉恥。向之不端。染於習耳。非其本性之不善也。觸目警心。向風慕義。未有不翻然改悔者。故爲治必當設義學。義學所讀之書。宜如章程之所議。庶推暨廣而收效速也。

州縣捐設義學議

禮言玉不琢不成器。人不學不知道。言盡人之宜學也。而易言蒙以養正。爲聖功所基。誠以人受天地之中以生。各具五常之性。童蒙習染未深。誠能導其好善惡惡之端。而充其事。視從兄之量。庶

異日之希賢希聖不難則幼學之宜亟也。世家大族類知設塾延師教其子弟。中人之產力難延師者亦莫不勉力以附於有力之家。則凡爲子弟宜無不破詩書之澤矣。然而貧富不齊力能延師者一不及一。能附學者亦十不過二三。此外則悠悠忽忽以生以長或習藝以資生或傭工以餬口有終身未讀書不識一字者。彼豈獨無知識哉。限於境耳。夫終身未讀書不識一字已可憫矣。因不讀書不識字而遂不識書中之理。合什伯千萬不識理之人而羣萃州處。此亦大可慮也。則義學之設烏可緩也。

國朝雍正癸丑尹文端公總督雲貴陳文恭公爲方伯。四年中勦建興復及勸捐設立之義學至六百五十餘處。纂義學彙記一書。兩公各爲之序。尹序所謂內以養其聰明於未雕未琢之天外以固其根本於相友相助之地。陳序所謂天下少不學之人無不學

之地。此所以化行俗美而人才日出也。某昔在江蘇。所至舉行。開居以後。猶與二三同志。設於吳門。今閱三十餘年。筮仕重來皖中。循省初志。竊以天下者。一鄉一邑之積也。令長之力。僅能行之一鄉一邑。則且就一鄉一邑中。倡捐一二塾。以爲好義士民之倡。酌擬條目。請於上官鑒核行之。方今各省

大憲賢者在位。咸以化導人心。培養元氣爲事。監司郡守及州縣諸君。亦咸有化民成俗之盛心。於鄙人所議。或當採芻蕘而不遺。葑菲也。教化行而後人心正。人心正而後風俗醇。氓之蚩蚩。自幼習聞孝弟忠信禮義廉恥之訓。其長也。或不至卽非僻而捍文網也。庶不虛生。

堯舜之世也。至於事舉業而取科第。亦當以幼學爲始。基章程中所讀之書。校之俗師相沿舊章。似較有益。世德之家。明哲之士。體

味斯意。培根濬源。異日成就。必更醇備。家之肥。
國之福也。是則尤某之所厚望也。錢唐陳文述謹誌。

塾中條例

一塾中生徒。先令習灑掃應對進退之節。一切衣服冠履飲食言
語。悉遵朱子童蒙須知。不率教者。卽行戒飭。

一每日早晨入塾。卽向先師位前叩禮。放學時一揖而退。在家
間安侍寢坐立行動一切儀節。須時加訓迪。俾知恪守。

一塾中先脩小學七種。一三字經。一感應篇。一陰騭文。一覺世經。
一文昌孝經。一朱和廬家訓。一呂子小兒語。此七種皆醇正訓
戒善書。可先令生徒熟讀之。畢後方令讀四子書。每讀一種。卽
爲明白講解。切不可以其童蒙而忽之。

一日記故事。最爲啓蒙善本。務須每日講說一二條。使之覆講。近

時又有學堂日記學堂講語等書。皆孝子悌弟善惡果報故事。均宜日與講解。俾知終身佩服。

一董事每於朔望日到塾稽查功課。各生所讀所講。按名攷其生熟勤惰。如書不戾誦講解差錯者。將本生名下記過一次。如二次不改。分別責處。如有能熟誦能講說。早夜勤劬舉止端重者。臨時的獎花紅以示優異。

一生徒在塾。應先生訓教。出塾應父兄管束。不得以塾外瑣事瀆其。或該父兄攪越功課。被責護短。及生徒年長好鬥好賭欺凌幼穉。屢戒不改。又或無故不到。屢次告假者。卽行斥退。

一先生功課之外。凡筆墨及瑣屑事。概不應酬。以節勞煩。至司董人等。非有塾中公事。不得在塾久坐。致令曠功。

一淫書小說。不許入目。倘家有其書。務今取出燒燬淨盡。庶免貽害。

附朱子論定程董二先生學則

凡學於此者必嚴朔望之儀

其日昧爽值日一人主擊板始擊咸起盥漱總櫛衣冠再擊皆著深衣或涼衫升堂師長率弟子詣

先聖像前再拜焚香訖又再拜退師長西南嚮立諸生之長者率以次東北嚮再拜師長立而扶之長者一人前致辭訖又再拜師長入於室諸生以次環立再拜退各就案今擬諸生拜師開學及放學行四拜

禮諸生相對行二拜禮其朔望則行二拜禮諸生相對一揖

謹晨昏之令

常日擊板如前再擊諸生升堂序立俟師長出戶立定皆揖次分兩序相揖而退至夜將寢擊板會揖如朝禮會講會食會茶亦擊板如前朝揖會講以深衣或涼衫餘以道服稍子今擬師長出戶

卷一

卷一

率諸生詣先師前焚香行二拜禮退入講堂然後諸生向先生一揖次分兩序相揖

居必恭

居有常處。坐以齒。凡坐必直身正體。毋箕踞傾倚交脛搖足。寢必後長者。既寢勿言。當晝勿寢。

步立必正

行必徐。立必拱。必後長者。毋背所尊。毋踐闕。毋踐。

視聽必端

毋淫視。毋傾聽。

言語必謹

致詳審。重然諾。肅聲氣。毋輕。毋誕。毋戲謔。直諱。毋論及鄉里人物長短。及市井鄙俚無益之談。

容貌必莊

匹

必端嚴凝重。毋輕易放肆。毋粗豪狠傲。毋輕有喜怒。

衣冠必整

毋爲詭異華靡。毋致垢敝簡率。雖燕處不得裸袒露頂。雖盛暑不得輒去鞋襪。

飲食必節

毋求飽。毋貪味。食必以時。毋恥惡食。非節假及尊命不得飲酒。飲不過三爵。勿至醉。

出入必省

非尊長呼喚。師長使令。及已有急幹。不得輒出學門。出必告。反必面。出不易方。入不踰期。

讀書必專一

必正心肅容。記遍數。遍數已定。而未成誦。必須成誦。遍數未足。

雖已成誦。必滿遍數。一書已熟。方讀一書。毋務泛觀。毋務強記。非聖賢之書。勿讀。無益之文。勿觀。

寫字必楷敬

勿草勿敬傾

凡案必整齊

位置有倫。簡帙不亂。書篋衣笥。必謹扃鑰。

堂室必潔淨

逐日值日。再擊板如前。以水灑堂上。良久以帚掃去塵埃。以巾拂拭几案。其餘悉令齋僕掃拭之。別有污穢。悉令掃除。不拘早晚。

相呼必以齒

年長倍者以丈。十年長者以兄。年相若以字。勿以爾汝書問稱。

謂亦如之

接見必有定

凡客請見師長坐定值日擊板諸生如其服升堂序揖立侍師長命之退則退若客於諸生中有欲自相見者則見師長畢就其位見之非其類者勿與親狎

修業有餘功遊藝以適性

彈琴習射投壺各有儀矩非時勿弄博奕鄙事不宜親學使人莊以恕而必專所聽

擇謹愿勤力者莊以臨之恕以待之有小過者呵之甚則白於師長懲之不悛則稟師長遣之不許直行已意苟口從事於斯而不敢忽則入德之方庶乎其近之矣

道不遠人理不外事故古人之教者自其能食能言而所以訓

導整齊之者莫不有法而况家塾黨庠術序之間乎彼學者所以入孝出弟行謹言信羣居終日德進業修而暴慢放肆之氣不設於身體者由此故也鄧陽程端蒙與其友生輩錄其為此書將以教其鄉人子弟而作新之蓋有古人小學之道意矣余以爲凡爲庠序之師者能以是而率其徒則所謂成人有德小子有造者將復見於今日矣於以助成后王降德之意豈不美哉
淳熙十四年丁未十一月甲子新安朱熹書

江陰恤孤義塾憲示

道光二年

江陰縣正堂金爲勸建恤孤義塾以維風化而儲賢才事據紳士鄭經等稟稱地方義學之設所以培紮寒微玉成善類經前憲陳出示勸建纂入縣志嗣以移署淮南監學輟而未作現經他邑風行者有成效急宜籌勸創建義塾竊念寒微之苦莫甚於

孤兒成立之望莫切於節母婦人以夫爲天節婦以子爲命凡學一技必當識字苦節望其子讀書顯揚次之謀生爲急但其指頭所人度日已艱脩脯待謀攻書不易聽鄰童誦讀似箭攢心任孤露嬉游如鍼刺背卽或吞饑忍凍累寸積銖幸有修脯可供又苦衣裳無措迨至破帽遮頭短衣蔽膝謂此熒熒可期入塾矣乃所天旣隕事必求人傳說稍遲門徒已滿屢年癡想終至蹉跎薄命孤兒眞堪痛哭此節婦望其子讀書之切而其子不獲讀書之苦誠有目不忍睹口不忍言者且敬節恤孤周其衣食固在所當先而惟特設義塾則不獨恤其身并恤其心不獨恤其一生并恤其先世後世誠使延師善教之時卽在周恤飢寒之後俾孤與孤處類相憐憐相識識相奮則賢達出其中科名出其中文人藝士出其中卽不然苟得一技謀生熟知禮義激發天良節母賴以終身

孤子不入非僻其成就非不可必得之事則興舉豈迂闊可緩之
圖籲懇諭董爰議章程以期有利無弊久遠遵行一面出示勸捐
興辦等情到縣據此查義學本屬善舉而於窮嫠苦節之子尤當
憫恤該紳等計及於此殊見實心求善深堪嘉尙除諭董爰議章
程具辦外合行出示勸諭爲此示仰閭邑紳富士民人等知悉務
宜踴躍輸捐共勸善舉庶得經費充足俾窮兒孤子不致失學是
則造福無量矣本縣實深厚望焉切切特示

恤孤義塾對聯

江右陳延恩撰

枵腹忍須臾過午漫呼兒餓
地下有人思結草
愁顏勤勸解入門先問娘安
年來此舉抵培松
汝母喫盡萬苦千辛頻年忍凍耐飢活兒命強留世上

諸孤快須用心努力他日建坊旌節報娘恩全在書中
缺憾補天安定同時此一席不在治事說經以下
孤寒生路考亭如睹廣萬間應列鵞湖鹿洞之旁

粵東啟蒙義塾規條

卷十之四

械鬥大惡俗也。小嫌細故。動輒紛爭。一鬪之頃。殺人盈野。有心人。無不思有以挽之。而苦無善法。義塾者。洵化民成俗。息爭弭讎之上策也。述粵東啟蒙義塾規條。

粵東創建啟蒙義塾學引

今天風俗至極敝之時。非得有心人力圖挽救。則敝俗之日甚一日者。其流極將更不可問。而挽之於已成之後。終不如挽之於未萌之先。風俗之敝。至鬪鬪鬥毆一端。可謂無以復加矣。或微嫌細故。即啟爭端。意氣憑凌。兩不相下。輒至聚眾對壘。伊刀鬥毆。一鬪之頃。殺人盈野。固已慘不忍言矣。況乎官案株連。屢費更鉅。有家資累萬。而轉眼傾盡者。有爭訟不勝。抑鬱殞命者。有牽涉波累。革功名繫狴犴者。甚至有以祭田千百頃。賄賂買免者。種種貽害。

書不勝書。事後悔生。惜乎已晚。局外者咸笑其愚。局中者執迷不悟。推原其故。總由讀書者少。氣質用事者多。父兄之教不先。子弟之率不謹。其所由來久矣。此桂林相國所以隨處倡興義學。以爲治化之源也。粵東義聞素著。敵愾之餘。人人思奮。而門毆一端。久成習俗。尙難遽化。有心人無不痛心疾首。欲有以挽之。惟挽之之方。不有以清其源。必不能遏其流。義學者息爭化鬥之先着也。何則。蒙以養正。聖功也。家養之不講。少成若性。長大斷難驟變。惟孤寒子弟無力從師。自幼嬉遊。習成獷悍。以強爲勝。雖有循良子弟。不久亦與俱化。則義學之設。非此日挽回敝俗之切務哉。茲擬啟蒙義學規條一冊。本桂林相國遺規。稍加變通。附以訓蒙詩歌彙成一帙。付梓廣佈。以爲鄉閭矜式。吾粵多好義士。凡有善舉。無不踴躍急公。一揮而集。惟茲義學。尤爲化俗導蒙急務。吾知有心人。

無不共願玉成也。況今年欽奉


上諭有深明大義有勇知方山化導之神亦係天性之厚等語。

天語煌煌所以嘉美粵民者亦已至極無加矣。比我粵民宜無不人人感泣自宜率其子弟互相教育俾童年習知禮讓慷慨捐助略省浮靡之費作爲有用之資各就鄉隅創設義學於以化羣蒙而成善俗庶不負

天子綸褒遠民之至意爲

國家養人材卽爲地方消戾氣。俾千百年來極敝惡俗轉移一旦其造福於吾粵者豈有涯哉。是爲引。

道光己酉嶺南吳氏書於長松草堂



粵東議設啟蒙義學規則

建塾之初。首先經費。我粵人多好義。每遇一切公事。皆踴躍輸捐。義學一事。尤爲轉移風化極大善舉。宜無不人人樂助。故有力之家。固當慷慨助捐。以爲之倡。卽中下之戶。亦當勉力協助。其種福田。或捐銀錢。或捐田產。或捐房租。或出心力。互相勸捐。庶幾集腋成裘。勤襄善舉。其銀錢存項。則或存當舖生息。或置產收租。均可以垂永久。

一我粵各鄉多有香火廟。其中或有經費充足。每年出息。少至數百金。多至數千金。向來皆爲父老鄉人宴饗之用。餘則留作爭訟之需。夫訟則終凶。以正經公項而耗費於意氣之私。留之者其機兆已屬不祥。實爲可笑。竊意父老鄉人。如果明白大義。斷不至貪口腹而興訟。總由相沿成習。一時難於驟變。但得本

境賢明公正紳董力持公議開導同人酌分廟中經費十分之五興建義學吾知善有同心樂從者必眾况義學既設子弟皆知以禮讓相先爭訟之風自然頓息靡費既少此項正可留爲義學之用如經費果裕則各種善事皆可推廣興辦倘有心懷私見多方疑難阻撓善舉者背理喪德惟神是殛

一設塾地方隨地酌度城廂經費易集創建固所不難且各善堂中添附亦屬甚便鄉間籌費不易倘先建塾以土木之功耗費正項恐財力已竭而開塾經費反致不足宜先就地方公所或鄉約或耆觀或廟宇打掃空屋幾間附設幾學以公濟公實爲兩便或每族公祠中族長族正公議酌分蒸嘗餘項或合族另捐擇族中貧寒子弟就公祠中開設義學尤爲敬宗恤族厚誼族之賢明者定當樂於成就也

一我粵廣州係屬省垣。地廣人稠。建塾地方。城內則新城舊城。須各門分設。城外則東南西北關。必擇適中之地。分設幾處。其餘各外府州縣城鄉。各視地方情形。廣設義學。總在各處有心人。隨地酌奪。

一各鄉設塾。如西樵沙灣兩龍小欖等鄉。煙戶萬計。其中無力讀書者。正復不少。設塾必分各約。方能周恤貧寒。其餘中鄉宜各設一塾。小鄉則或合三四處。共設一塾。但鄉間集費殊難。不能與省垣比較。雖有二三殷富。賢愚不等。其賢者自能竭力助捐。其愚者多半守慳囊。視財如命。不特不肯輸捐。反致暗生謗議。大碍義舉。然有志者事竟成。如各鄉得同志數人。竭誠興辦。能成就。創議之初。即宜標貼長紅於鄉約門首。或社學之前。衆公議。照外省義塾。勸捐者。按其畝數抽分。若上既

安貧保富又可積德累功。卽慳吝者當亦自知醒悟樂助其成。庶幾經費充足善舉不愁中止。

一各鎮碼頭設塾。如佛山陳村江門西南等處。係貿易通衢。五方雜處教化尤不可緩。倘有好義之士。首肯克己解囊慷慨捐提。力勸各行接貨捐厘助成義舉。栽培一方孤寒子弟。實惠及人。比尋常善事功德尤勝百倍。一切營運自獲吉祥。此明去暗來之定理也。

一捐資贊成義學。多係實心好義之人。塾中例應供奉長生祿位。其捐數最多者居中座。次者居左。又次者居右。并書明捐數勒碑其中。以垂久遠。每逢開學。解館暨各州主生。長總理衣冠率各學生詣長生位前焚香升跪。藉以報答造就之恩。

一義塾旣設。必公舉一殷實公止之人爲之總理。執掌經費存項。

總賬更擇一老成練達者爲之司事。主管塾中一切事宜。登記出入每月一結。總理必親自會同各紳士過目。其勸捐集議。則凡屬同心均宜襄辦。酌定務要平情熟議。以期共濟。切勿各懷意見。致滋異議。每歲臘月。總理暨司事將一年出入總賬用黃紙一一書明。會同本地紳衿耆老。衣冠詣本境香火廟書疏一紙。片會議者各各署名畫押。并出入總賬拜焚。神前爐內同明心跡。以示徵信。

義學爲轉移風化培植人心而設。則延請塾師尤宜慎重。師道立則善人多。所係正非淺鮮。倘徇荐者情面。不知慎擇。濫送聘書。既誤公事。又誤人家子弟。此中造孽不小。必擇人品端方。學問通徹。不嗜煙賭。而又不作輟不憚煩。勤於講解者。方足以當此任。每塾視學生之多寡。酌請塾師幾位。分童教授。既請之後。

自宜致敬盡禮。不可忽慢。斷不可容情在先。貽誤在後。致有無實也。

一入塾子弟。自七八歲以上。十四五歲以下。俱准報名。先儘孤子。以示敬節恤嫠之意。次及赤貧。每塾子弟以十一二人爲率。極多不得過十六人。至生徒在塾。規矩洒掃。應對威儀。禮節在塾。師教導有方。自能一一就範。茲不多贅。

一供膳宜隨地裁酌。經費稍裕。則生徒自可在塾留膳。每日兩餐。宜從儉約。每月給食猪肉三次。略潤腸胃。如不願吃者。照數折錢。如有欲將猪肉懷歸奉其父母者。亦見孝思。聽其自便。至塾師暨司事同餐。菜餚亦不妨從儉。如經費未足。生徒固不能留膳。卽塾師司事亦不妨包膳。聽各人自便。

一入塾生徒。皆係貧寒之家。衣衫鞋帽。多恐不周。襤褸情形。亦堪

憫惻如經費稍充。宜每人爲置衣衫鞋帽一套。以示鼓舞。

一塾師每日辰至申歸。各童亦辰集中散。每月只可解館三日。做古人休沐之例。此外必應在館。其功課勤惰。塾師設簿登記。如生徒中有勤於誦讀。循規蹈矩者。另爲記名標出。逢節總理察看。酌賞紙筆果點等物。以示優異。

一入塾生徒。倘有違逆父母。兄弟相爭。及出口罵詈。與人鬪鬥者。必從重朴責。并宜罰跪一日。以儆將來。又或坐立歪斜。動輒嬉笑。交頭講話。衣履不整。戲弄頑耍。對北及日月神聖師長前唾溺。及裸露仰臥。不淨手翻書。種種失儀。大乖學規。必宜管束痛戒。至於擒拍蝴蝶。蠅蠅。諸蟲。踐踏蟲蟻。愛折花枝。亦違天地好生之心。有傷元氣。并恐自幼習慣。長大時。熾其殺心。宜早爲訓飭。勿蹈惡習。若夫見字必抬。見粒必惜。尤爲本分事。有開一生

祿壽自宜時時誦告

一省垣正月間近縣年幼子弟爲傭工之計皆集於長壽巷前名曰任年。又俗稱偷家財此等風氣他處所無。如果實係貧寒子弟爲勢所迫亦出於不得已。乃竟有家非亦貧亦來此中者。錢能有幾何而忍害其子一生大事殊爲愚拙。故凡親戚隣里須互相勸諭。苟非迫於餬口宜勸其人塾讀書以求明白道理。稍長時一切經營技藝皆可謀生。卽寫一家信看一契票亦可不必求人。何可使有用之材早墮人卑汙之地。令其終身夢夢也。如能於正月間公請有品學之人就長壽巷前宣講。

聖諭

化導愚蒙。俾知王法天理。格其非心。更爲善舉。
一義塾之設。專爲貧戶童蒙。若徧讀經書。非但力有不能。實亦迫不及待。宜將明白顯淺之書。先爲訓讀。並屬塾師隨口講解。先

讀新刻續神童詩

次及續千家詩

感應篇

陰騭文

文

昌孝經節本

覺世經

朱子治家格言

讀畢後方讀四子書

每逢二六九午後塾師宜將學堂日記講解一二條諸生環立拱聽俾童而習之先入爲主終身佩服自有實效所以然者以此塾祇爲貧寒子弟略知爲人道理而設故所定章程未遑謀及舉業如有穎異之資應卽另行提出格外栽培

一門毆之風由於讀書者少若自幼責令讀書使略知大義則耳濡目染之餘自足以化其暴戾之心而柔其兇橫之氣并得賢塾師勤勤講解使知顯有王法隱有天理則長大時凡遇爭端必能自甘退讓并肯力爲排解矣潛移默化貴在童年義學興而吾粵千百年來紛爭敝俗不難消化於無形造福何可限量

右悉採桂林州國書局藏義塾條例刊印加參酌草成是

編其中倘有未合之處

高明重爲裁定儘可隨地變

通因時制宜以期斟酌盡善

聖吾粵近時多溺女之風。訂一邑中每年溺死必以數千計。此風關係人命。大傷天和。有心人無不欲有以救之。而苦無善法。若得多興。啟蒙義學。則童年習聞。救嬰戒溺。善惡果報。可并其家人婦子而感化之。則惡俗可以漸回。而生命之保全者無量矣。事關人命。言之惻然。願有心人并起圖之。

啟蒙義塾總理司事年節告神明心疏

道光某年

干支某月

干支

朔越幾日廣東省某府某縣某境啟

蒙義塾總理

某人

司事

某人

等齋沐叩首

尊神之前。易俗移風。首先立教。秉公仗義。尤斥欺心。惟

神體

上帝心贊

天子治。彰善癉惡。洞幽燭微。境內設立啟蒙義塾。賴眾紳耆率善

士捐輸。塾師諄誨。司事協力同心。茲屆年終報銷。開明進出清

賬。懸掛本塾門首。謹照錄一通。陳求

神鑒。如有分釐侵蝕。罰及己身。禍延子孫。庶幾眾信奉行。永垂善

舉。謹告。

義塾既設。全憑塾師能善於教導。則一塾生徒均受其益。教成多
少好人。倘奉行故事。懶於講說。則一塾生徒均爲所誤。在師固造
孽無窮。卽在董理司事諸公。不知擇師而教。徇情濫請。以致善事
有名無實。誤人子弟。造孽亦恐不少。是故延師一事。最宜審慎。倘
不善教導。卽應辭却。另請至爲師者。旣應其聘。尤當勤勤懇懇。多
方開導。總以教子弟學做人爲第一義。至門毆一端。尤爲設塾
本旨。更宜明白講諭。曉諭王法。卒以報應。使童年月染耳濡。長大
時自知戒懼。塾師之造大福者。在此。卽董理司事之造大福者。亦
在此。可不勉哉。

變通小學義塾章程

卷十之五

義塾培植貧寒子弟。爲功甚大。而人皆畏難自阻者。以日久費鉅。難以爲繼也。顧時日可久。亦可暫。經費可大。亦可小。得簡便法。而義塾在在可立。閭閻無不教之子弟。卽鄉曲無埋沒之材。王化之行。其在此乎。述小學義塾章程。

小學義塾啟

古者黨有庠。州有序。曉嫻任卹之化成。而閭閻無不教之子弟。所由治化蒸蒸。臻乎上理也。後世此道日荒。不免視教化爲緩務。而孤寒子弟。遂至終身夢夢。而莫之教。卽有好行其德者。爲義學之舉。又大抵設在都會。其山僻村野。或數十里。或數百里。不及一見原其故。實以經費甚繁。動需千百。是以有心無力之士。往往畏難中止。立法詳備。則繼起爲難。亦勢之無可如何者。坐使聖賢義味。

不獲使孤寒子弟略與共嘗。良可慨也。玉不琢不成器。人不學不知義。聚千百萬不教之民。相聚相處。非世教之大可憂者乎。士爲國民之首。讀聖賢書。均有先知先覺之責。乃貿貿然與庸衆同其芻豢。坐視世教之敝。而曾不少爲措意。將天地生材之意。謂何亦甚。負朝廷崇儒養士之恩矣。夫法可變通。曷弗舍難而赴易。事求簡便。何妨避重而就輕。若必以經費難籌。而遂付之不問。將窮鄉編戶。千百年竟無義學之興。世風何自挽。人心何自正。耶。今於先輩遺稿中。得一至簡至易之法。名曰小學義塾。無論城市鄉村。處處可行。人人可辦。時時可舉。久久可通。功祇爭一月兩月之間。效可收千人萬人之衆。權宜方便。廣大圓通。節寒士之束脩。亦可溥小雅菁莪之化。出匹夫之口舌。已無殊。適人木鐸之巡。當亦有心者所樂於從事也。此啟。

訓蒙記事

予嘗詢一鄉人曾讀書否。其人曰曾入塾五年。問以塾師曾訓汝做人道理否。曰未也。不過日讀四書一首。寫字數行耳。又問開蒙時先讀何書。曾讀孝經小學。弟子職否。曾講說日記故事二十四孝否。曰未也。啟蒙時先讀神童詩。千家詩。以後卽讀學庸論孟。至於孝經等書。目且未見。又問能明學庸論孟道理否。其人笑曰。當時先生初未嘗爲我講解。我何能明白。迄今句讀已大半忘却。何論道理耶。予曰。然則子入塾五年。竟全未得讀書之益耶。曰誠然。然我在塾五年。固未得益。却得益於兩夕之深談。令人沒齒不能忘。是則我之恩師也。予詢其所以。則曰。我出塾數年後。頑鈍猶有童心。偶往姊丈家。有事信宿下榻書齋。伴西席陳先生。先生國老成人。善教誨。爲我談古今孝子悌弟及善惡果報事。教我如何事。

父母如何待兄弟如何治家如何處世以及立身擇友之道而統貫以兩字曰天理反覆詳明語甚懇切我偶有一言近理處先生極口贊歎以爲可教我始恍然如夢初醒覺前此所作事都不可對人愧汗無地次夕又授我小書一本係先生所手抄中多詩詞語極粗淺大約言孝弟忠信等事並略爲講解命我讀我卽歡喜領受歸而日夕讀之未爲至寶自是乃恍然於爲人之道有如是其不可苟者深悔從前之肆無忌憚而猶幸今之所遇爲未晚也予曰然則子讀書五年曾不若兩夕之講解耶曰是固然也設不遇陳先生我今日正不知作何等耳予用是慨然曰甚矣苟得其教無物不成苟失其教無物不敗有是哉蒙養之初其關於教者之善不啻有如是哉竊念近世塾師限於積習開蒙卽訓學庸於古者小學之教已漠不過問其上者高視濶步聰明自負卽有

淺近詩歌足資童蒙啟發者又多不屑教讀其庸庸者則又墨守成例。千字百家神童千家詩之外。不敢稍改舊章。說到講解。則又以爲童蒙何足與於此。試問啟蒙一道。豈徒識字而已乎。但知識字而不知爲人之道。則識字適足以濟其爲惡之具耳。嗚呼。蒙須發也不與講解。蒙何自發。彼貧家子弟終身成敗。多係此二三年中。必待二三年後。始與講解。彼早已無力罷讀。改業他從。不及預教矣。塾師不教。更有何人與教。無怪乎終身偃偃。全不知所以爲人之道。雖讀而一如未讀也。或曰。爲人之道。聖賢經傳。至詳且備。何又他求。予應之曰。讀書而能明經書之理者。百人中不得一人。大抵一二年三五年。卽罷業。四書多不能竟讀。且聖言幽遠。卽與講解亦驟難明白。此呂叔簡先生所以有小兒語之作。程子所以思別欲作詩以教童子也。茲冊簡便義學。卽宗此意。但以教導做

人學習小學規矩而四子書姑緩待。非求速成實欲使貧家子弟略聞聖訓。且以節經費便舉行耳。地方有心人能隨處設法實爲近今切務。否則有力好善之士專請老成善教之師。就四方周流行教。於以啟迪鄉愚誠近日人心風化一大幸也。草茅私議敢與高明證之。附註予又問鄉人子所遇陳先生近日光景若何。鄉人皆聰明過人。長與次均已入泮。邑中某紳間先生名。厚禮請去。教子於今大約已六十餘歲矣。予於此益嘆天之報施真不爽也。陳先生於所遇少年能不懈勞。善言相勗。則其平日勉中之所教可知。以善教人。天卽以佳子弟報之。予又卜其子孫之昌大正未艾也。人亦何不學陳先生耶。

簡便義塾說

或曰學須日久漸摩。茲以兩月爲期。毋乃爲時太蹙。此言誠是。然此固爲經費難籌。不得已而思其次也。如經費能裕。則一年二年何妨延久。否則與其待經費之充。數百年不能興舉義學。何如因

陋就簡。且以二月爲期。爲隨時可行也。鄉約一日半日之講說。尙足以感動人心。况以二月之久耳濡目染。豈不能感化二三者。貧家子弟無力讀書。求一二日入塾習禮。且不可得。以入塾二月者較之不遠勝耶。鄉塾教法不善。讀書二三年。初未嘗爲之講解一二。茲則兩月中。專以講解教導做人爲主。則一二月之爲功。不遠勝於讀書二三年者耶。願有心世教君子。卽此簡便易行之法。先爲籌辦。萬勿過求體面。使人人畏難不行。道謀不成。適以阻善。時不我待。切勿坐失善緣也。

古者冠禮曰。棄爾幼志。順爾成德。此是做人一大轉關。今無此一關。則幼長之交。更無人爲之警策。僧家受戒。以四十九日爲期。所以教習僧規。使知防範。有根器者。從此便能一起直入。故開堂放戒。爲僧家大道場。今此義學。亦卽此意。願受戒者。多在壯年習氣。

已深。驟難變化。故受成而能守成者。十人中難得一二人。今此教法。先在發蒙。譬如農田。下種卽有良苗。枝葉漸繁。彼莠稗自難容入。先入者爲之主。良不誣也。否則必待其長而始教。市井浮薄之行。鄉里頑梗之風。盈耳充腹。熏習者無一善狀。直不啻良田早種。莠稗枝葉繁盛。其勢已張。雖有良苗。無從下種。非田之有美惡。實布種之早失其次也。教子弟者。萬勿以童蒙不足與講說而坐失可教之時也。

是舉經費。每二月以十餘千文爲率。地方好善者。可捐則捐之。族中公項。可開銷則開銷之。否則或有欲陰行善事。或糾數人集成經費。公請一老成善教之師。周流各鄉。各圖以次興舉。能得地方好善之士。隨地照辦。漸推漸廣。其有益於人心風化者。當必不少。今人誰不思培植子弟。願培植貴得其要。古人云。半積陰功。半讀

書欲積陰功。須力興此舉。近世有力之家。不惜金帛。聘請名師。期教成其子弟。而子弟終未見其日有進益者。非必師不善教。實爲父兄者。不知積德以培植之也。夫種瓜得瓜。種豆得豆。欲教成自家子弟。宜以教成他人子弟爲之引。教他人子弟。如尋常義學。不知教成其爲善人。仍無實濟。惟此舉則費小功夫。見效最速。在有力之家。每歲多用一聘師之費。亦屬無多。而在鄉則可分設五處義塾。可教數百孤寒子弟。此外聽講之人。互相傳勸。又可感動千萬人。陰德之積。孰有大於此者。教成他人子弟。卽教成自己子弟。天道無差報。施不爽。况教成人家千百子弟。而自家子弟反不能向上發達者。吾未之見也。而且地方既有此感化。不肖者亦聞風知愧。孰敢有牽引吾家子弟誤入邪徑者。良心到底人人皆有。我有教澤及人。則吾家或一旦有事。更可得意外護持之力。必無有

暗中挑弄傾害圖謀等事。爲他人計。卽爲子孫計。爲身家計。一舉而數利存焉。且卽不必論報施之理。而蚩蚩愚民。因失教而陷入下流。亦仁人君子所惻然不忍坐視者。則此舉何可一日緩耶。天下善舉。大都畏難中止。爲一事動須數十百金。自然人人開口說難。是舉則至簡至便。隨地可成。能得邑中賢父母。賢廣文及賢總士。垂情風化。會同商辦。或先出示勸諭。各圖分董辦理。可合城鄉遠近一時並舉。不及一二年風氣定能立變。從此觀感奮興。漸推漸廣。上以輔

聖天子維新之化。下以啟諸蒙士向善之機。師道立則善人多。洵天下蒼生之福也。世有主持風教大君子。能登高提唱者乎。雖爲執鞭所忻慕焉。

規條

是舉因近時義學奉行故事且費鉅難行而起蓋學者所以學做人之道也。與君一席話勝讀十年書。讀書而不知做人之道。雖讀十年何益於已。故是舉專以教學做人為主。與義學舊行規例迥別。近時義學大率踵事增華。過求體面。但以功名之成否爲實效。初不以教學做人爲事。殊不知功名之成否自有天定。苟其人應有功名。卽無義學亦必有委曲成之者。况教成功名而不能教成其做人。則其人將以功名爲護符。適足爲造罪害人之具。則教成功名未足爲功德也明矣。苟能教成其做人。則終身卽無功名。而其祖宗感之。子孫賴之。一身榮之。其爲德已不小。得天下多一好人。卽爲天下少一惡人。况一人爲善。更可感化數十百人。善氣彌綸。無有限量。則教之者造福亦何可

限量。且使卽不能爲善人。而因吾之教。而少作幾件惡事。少害幾個平人。亦是義學明效。則教學做人。何可一日緩耶。義塾旣專以學做人爲主。則一切訓蒙舊章。斷宜加一番整飭。爰本古者八歲入小學之意爲宗。務於兩月中。將立身處世之要切實開導。並須嫻習子弟規矩。庶蒙童先入爲主。長大有所法守。特列規條如左。

一立義學向來必多集經費。誠以延師必數年。訓徒必數載。費用有增無減。事則經久。故倡始爲難。茲則事事多從簡便。訓徒以兩月爲率。生徒約以二十人爲率。或一師周流各鄉。或每鄉隨時興舉。每舉經費不過十餘千名。爲簡便小學義塾。向來一塾之費。可分作五塾。向來訓數十人之費。可分訓數百人。而究其實效。則向來八塾數年不見心地開明者。此則二月後卽可了。

然於爲人之道事半功倍識者自能立見。

是舉隨地可行。宜擇地方公所三數間中供聖位牌。并擇二三

老成人料理董事。公請一老成有品能講說者爲之師。更宜請

方字習句讀此筆供膳每日每人約六七十文。丁卽可北廟束脩

酌送二月畢事約費十數千爲率。一切虛文都從減省。

塾中設立冊簿一本。登記生徒姓名功課。及平時功過。先期凡

貧家子弟力不能從師者。悉令入塾讀書。其有曾經入塾。或現

從他師。而父母願令入塾習儀者。亦聽。但須約定。既入塾後。此

二月中。乃一生成敗所關。須聽先生教責。不得姑息。亦不准告

假。有過亦不得代爲遮護。庶內外交督相與有成。

一開塾第一日。聖位前宜遵行釋菜禮。卽可教習拜獻之儀。塾師

及董事各肅衣冠拈香。以次行三跪九叩首禮。生徒旁立肅觀。

獻茶一。酒飯各三。獻畢。然後令各生徒行禮。不能行三跪九叩。即用四拜禮。亦可。地方士民有願與習禮者。亦衣冠行禮。禮畢。茶叙片刻。各相揖而退。

一 每日入塾。卽向聖前焚香叩拜。揖禮先生。先生問生徒中。或有家不順父母及祖父母。以及兄弟姊妹爭論有無打人罵人。及頑戲狂奔。輕傷物命。不惜字穀爭論吃物等事否。必令互相覺發。無相容隱。有則責令速改。不改卽與朴責。或罰跪香一炷。必自願改過求寬。而後已。如有循規蹈矩。不犯諸過者。另立賞格加獎。如菓點等類

一 塾中功課。未識字者。先識方字一二百。卽授小學詩。新刻續神童詩。爲人道理。都已說到。尤妙在句句明白。如續千家詩。及孝經弟子職。小兒語。各種如存餘力。皆可按讀。其每日講說。則以學堂日記。學堂講。務須儘兩月內訓畢。一二本細與講說。一面懇切訓誨。語爲最。

教以身體力行。照所讀之書做人。方不差誤。午後把筆學寫格
言。仿本百字。每傍晚必講說做人道理二三則。使之互相覆講。
一每日天明卽起。必先在父母前揖。奠酒。掃家庭內外。然後入塾。
無父母者。必向祖位前拜稟。酒掃一例。到塾時。先於聖前先生
前謁禮。然後輪流灑掃。整几拂案。讀書聽訓。須靜寂無譁。不得
多言喧鬧。坐立尤須端正。切戒歪斜。每歸用膳。總須爲父母捧
粥飯各一次。晚歸必向父母兄長伯叔姑嬭前作揖。叫應。無父
母者。亦令其向家堂祖先位前作揖告歸。如墳墓不遠。朔望必
到墳墓揖禮告稟。如有不遵此訓。卽罰令跪香一炷。父母亦不
准代爲討情。每早起時。必須叫應各尊長兄弟。路中或遇尊長。必拱手叫應。肅立。尊長至。雖坐必起立。
一每旬另以三。八日會講。許本圖父老子弟相率偕來。以次向聖
位前叩頭。向先生前作揖。然後肅靜坐旁聽講。不得一語喧譁。

宣講尤須明白顯豁。不宜參入文字話頭。如家常說話一般。能參以眼前果報。尤爲易入。對症發藥。雖以機趣動以天良。感化最爲神速。

一子弟入塾。例必具贄見之儀。須囑每人攜家中所有殘棄字紙。并婦女夾鞋。樣書簿一本。并路途所拾棄字。作贄見之禮。此外老幼願來聽講者。及必須每人自帶零棄字紙。作聽講之贄。不特可使知師道之尊。并可使地方老幼男婦共知惜字之道。一每月必宣講節約一次。定期月朔。卽於社廟寬廣公所。董士耆老等率同地方人衆。環立敬聽。主講者登檯宣講。須引古證今。多方鼓舞。凜之以天地神明。惕之以王法清議。庶幾激勵奮發。必有挽回補救之妙。

是舉一月後可訓畢。續神童詩。卽可講畢。學堂日記。子弟漸能

明白已勝於讀書四五年。而曾未一月。請解者能至二月所習禮文必彬彬可觀。子弟將所讀書。攜歸吟誦。乃公將所聞語互相傳說。可使一方老幼男婦無一人不聞善言。並行。卽無一人不在教育之中。一塾二月之功。可以化數千人。其開鄉約而感化者。又數千人。從此推而至一鄉。而一邑。以及他州各府。均得有心人一例舉行。將小學鄉約一時並舉。人心自然可正。風俗自然還醅。教化之功於斯爲大。天下不難平也。士子居一鄉。則利及一鄉。正宜於此等處源頭上用意。庶不虛生於世。否則閉戶自娛。絕不問戶外事。品則高矣。不過一自了漢耳。世間多少閑花草。無補生民。亦自慚。每一再誦之。輒怦怦心動。願與普天下有心人急起圖之。

附餘論

一此舉首在擇師。師道立則善人多。此言良非虛語。故得其師。則一人可教化千百人。不得其師。則車載斗量無有是處。向來義學之所以有名無實者。大都由於爲師者不得其人。非請託卽情面稍一容情。將市井庸劣者亦雜入其間。彼不過爲糊口而來。何嘗以培植子弟爲己任。師道旣雜。則不範不模。子弟將何所觀法。公事之所以終歸廢弛者。職此故耳。若擇師能得其人。自不致虛應故事。以兩月爲期。在地方同人白當提起精神。舍己從公。鄭重襄辦。每三年一舉。可使孤寒子弟無一人不受教化之益。區區兩月工夫。所費有限。有志者當無不樂於從事也。一。是舉由官長出示。勸諭各圖鄉董一體興辦。如該圖力能集費。本地有師可請。固妙。如本地實無力興舉。則城中紳富好善之家。宜公請數師。分圖周流開塾。或本圖集資不敷。可用酌補之。

法其每塾辦理事宜冊簿事畢後卽送歸城中善堂又每開一塾必須堂董中一人親到塾中考其功課加以鼓勵能公請學官到塾分別獎勸更妙。賢父母於政治之暇以時至鄉召父老子弟溫言曉諭尤爲化民妙法最足以

得民心

一是舉名小學義塾大旨在本朱子小學之意復古小學之教并願凡當世經業各館師互相倡和以期共輔世教要知習俗移人賢者不免向特以世風習慣積重難返卽有志復古小學非持物議滋多卽其父母亦不願故開蒙卽訓學庸稍欲改易舊章卽羣相訝怪其實弟子人則孝一章明明說行有餘力則以學文此書誰人不讀此理誰人不明古者八歲入小學十五始入大學今呼七八歲童蒙而訓之以大人之學一步登天自問亦應失笑今既有人不避迂腐從流俗沉痾之中大聲疾呼勸

復小學則凡在有心之士正可乘勢而起隨處疑此意提唱務須於子弟入塾開蒙第一年專做小學工夫專訓小學各種書本講說啟蒙日記故事以期先入為主以端蒙養之基此意先儒已多有言之者其四子書總須在第二三年訓讀蓋功名遲速自有一定必不爲此一歲小學之功遂致耽誤爾中舉人中進士時候也讀書人無不願功名顯達無不願子孫昌熾亦無不知積陰德以求者教成人家子弟做個善人其爲陰德孰大於此青瑣坐老轉眼白頭爲問生平教過多少生徒果成就了多少好人切勿惜此一歲小學之功狃其故習隨俗浮沉而自失積德機會也若以爲七八歲童蒙講亦不明恐教化必先去其蔽近世之傷風敗俗足爲教化仇敵者莫如淫書唱本及淫邪雜劇男女彈唱等事夫教育者致無費苦心不惜

財力冀得挽回一二而數卷淫書數齣邪劇數回彈唱足以敗
之而有餘是故不燬淫書不禁淫戲則雖有千百明師隨方教
戒其勢總不相敵風俗之壞伊於胡底言念及此更堪痛恨是
故義塾既興必須先將此數端與地方同人嚴行議禁淫書唱
本則隨見隨燬淫戲彈唱則永遠不許演唱如此則教化之敵
既除教化之效自見鄉間又有淫歌小木流毒更廣見者急宜
勸燬並禁子弟不准抄寫永不許學習此
等腔調既喪廉恥又損福壽慎之戒之第一要務切勿緩圖

近世惡俗莫甚於淹溺嬰女凶狠械鬥人命所關最足以傷天
和而釀災厥有此兩月化導自然漸知改悔他如宰牛粘鳥竭
澤藥魚拋鮮捕蛙羅雀種種殺生害命之俗皆可漸次勸化勉
其改業俾人人皆有好生之心不忍於害物者自然不忍於害
人所以培一方之元氣者正無限量

一近世民間彫弊大抵由於奢侈游蕩故教化以勸儉治生爲要務如婚男嫁女宴會游觀飲食衣服務須敦崇節儉以留餘地有力者率先倡導俾人人各勤其業不致安於游惰早完國課同爲安分良民地方自成仁里

古者官師教養人各盡職故世風不致大壞今人日趨浮薄以庸謹奉文爲稱職卽有一二賢父師講求人心風俗便羣相訝怪以爲迂濶豈知古聖賢行事原不肯隨俗浮沉苟能益我國家何必避人譏笑此舉豈今酌古事屬可行可以正人心可以厚風俗可以廣庠序之教可以救刑政之窮孟子所謂出入相友守望相助疾病相扶持者其風不難再見自此而人人親其親長其長仁風洽太和翔所以佐國家億萬年太平有道之長者其在是乎其在是乎竊願與當代有心人協力籌之

近世迎神賽會演戲宴飲每不惜錢財此舉乃風教攸
關急宜仿辦官紳能登高唱導崇崇者自樂於從事也

跋後

予偶在吳門見小伶演劇。觀其步武周旋。雍容揖讓。應絃合節。宛
如成人。問其年。則長者不過十二三。幼者或十歲左右。不等。問習
此幾何年矣。則曰百日黃也。予訝其名。曰。稱中有百日成熟者。名
百日黃。今若輩教習百日。卽登場試演。故以爲名。吳中清音戲班。
諸小伶大率如此。問何以能然。曰。教之者嚴而有範也。予於是乃
益歎人之無不可教。在童年更易爲力也。夫人而至流爲優。大抵
皆軍門寒戶頑戇無賴子弟耳。乃百日之教。卽能登場演唱。應對
進退。宛如成人。區區庸言庸行。順而導之。又非強其所難。豈必多
需時日。明鄉愚之夫。教也久矣。手胼足胝。謀生不暇。豈有餘力讀
書。卽讀書矣。又多爲庸師所誤。不知約束教導。勉力一二年。卽罷

業做人之道茫乎無知。反學成種種刁頑浮滑。一切惡習。非徒無益。而又害之。蚩蚩之氓。縱有天良。早已汨沒。最堪憫惻。出塾後。又無地方。老成人講說善言善行。時爲化導。此世風所以日漓。人心所以日薄也。僕鄉曲陋儒。竊不自量。嘗有志小學之教。自惟力綿才短。欲興義塾。則屈指邑城大鎮。不過寥寥數處。每處所教生徒。不過十數人。尙屬勉強支持。何論鄉僻。茲忽得此小學義塾之說。雖不著作者姓氏。而立法簡便。規矩詳明。於古者小學之教。不啻大聲疾呼。期於力挽一塾之功。化周數里。兩月之教。範定終身。所費甚小。見效甚大。費小則隨地可辦。效大則盡人樂從。私心竊喜。以爲化民成俗之要端。在於是。幸逢我皇上勵精圖治。振興理學。是舉爲下學始基。易簡而天下之理得。或亦教化之一助也。急爲增酌校訂。付諸剞劂。以便流傳。倘得

當代大人先生再加裁定。廣爲分佈。俾薄海內外偏隅下邑一體
遵行。使普天下孤寒子弟失教鄉愚無一人不被陶成。將唐虞三
代之治不難再見於今日也。則以是爲太平之左券可也。梁溪晦
齋學人謹跋於尊小學齋。

行

記

卷十

附各塾師文昌會立願疏式

切念

某等

幸託儒門

幼承師訓

耳提面命

感培植於當年

茹苦食

貧藉束脩爲活計

廼或荒功曠課

半生之孤負良多

或弄月吟風

實地之功脩轉懈

積諸過咎攸期名列于

桂宮無限悚惶

每恐

災臨於芸館

况逢

規運尤切憂危

念教學之弗誠

致生徒之多誤

明知蒙童求我

終身之成敗攸關

無如習俗移人

小學之功夫未

講讀聖賢書所學何事

况多不堪自問之端

立天地間奚以對人

尤切追悔無從之懼

始悟名場踴躍尤有由

招尙虞晚景頽唐禍

將難追青氈坐老朱衣

何日黥頭白屋窮愁黃榜伊誰居首思懺

罪必先補過非立功曷克回天

受敢同矢寸忱供伸微願

憐貧戶

讀書之苦入塾不過數年

憫鄉人賦性之愚講解尤宜及早訓不

先乎孝悌何能培厥根基

學不切於身心奚自端其蒙養

自今砥

各願勤修。期迴劫海之淵。皆種硯田之福。吐我蓮花之舌。敢辭
午夜。勤勞。開伊茅塞之心。不負丁年。佔畢。言能醒世。雖淺近亦何
傷。念可對神。卽迂拘而奚害。爲天地彌一分缺憾。卽於國家培
一息太和。但期激發天良。已足導迎善氣。庶幾是邦子弟。都成玉
琢金相。吾黨人文。從此鵬搏鵲起。或有分非講席。職異師儒。苟存
化俗之心。亦植斯文之果。爲此擇于月之某日。約集同人。恭就
宮齋沐。焚香恭叩。

文昌梓潼元化帝君慈座下。拜禮。玉局心懺。倡舉惜字紙燬淫
書善會叩首。案前共堅誓願。自今以後。各願盡心教學。實力奉
行。斷不以初學童蒙。不與講教。庶憑晚蓋。冀贖前愆。如渝此盟。惟
神是究。伏乞 恩賜鑒格。謹疏。

蒙館條約

卷上之六

易曰蒙以養正聖功也。夫發蒙童年始事耳。而係之曰聖功。則知先入者爲主。少成若性。關係正非淺鮮。是在於蒙館師之善爲造福矣。述蒙館條約

訓蒙條約

子弟讀書務要讀得極熟。於生書則限定課程。於溫書則嚴於背誦。一字不許差落。切勿貪行數之多。

子弟八九歲稍有知覺。卽宜開講小學。雖每日自有講書正課。然宜檢出一二條。與他講究。或感應篇陰陽文。覺世經。日記故事。果報等書亦好。然須覆請。

子弟極幼者。每晚亦講家訓格言。隨其質之高下。卽一二行。或兩三句亦好。總以還講爲要。

凡書史中淫穢之事。切勿向後輩談及。詩詞中香豔之句。亦勿選與生徒讀。

精選古今名人勸孝詩。多則五六十首。少則二三十首。初講字面。繼讀意義。使之朝吟夕誦。或亦可觸發其天良。近刻有續千家詩可讀。

早起必洗手。然後開卷。學徒出恭後。亦必命洗手。然後開卷。家塾中須常懸聖像。俾學徒朝夕拈香致拜。或懸天地君親師五大字。早晚作揖亦可。

爲人師者。切忌誤人子弟。無功食祿。天譴所必加。且訓徒以德行為先。文藝次之。有文而無行。雖得功名。仍於處世保身治家之道。一無可取。是亦誤人子弟也。試思之。

沈潛高明子弟之質不同也。而總宜先教以敬父母。敬伯叔。敬兄

長能遵此者。其在家塾中。自彬彬有禮。不至或慢其師。

教徒更宜加意者。寡婦之子。單傳之子。及乃父本不識字。而勉力讀書之子。

子弟讀書。有初則艱於上口。後則漸有會心者。切勿因讀質稍鈍。棄之而不畱心。

教徒須如教子一般。每日自問。教子能盡心。教徒亦能盡心否。庶乎不欺。

每年須將到館日期。逐日記賬。總之多坐幾日。方是體貼人情。

處館者。固宜不涉世務矣。然自身亦須保養。不可使之多病。益多病。則或作或輟。到館之日必少。卽欲盡職。亦焉能盡職。

塾師偶然解館。屬在東翁。有將子弟之書。抽出幾處。命他背誦。而子弟竟不能背誦者。原其故。由每日專貪行數之多。而其實出

於強記也。強記之書三四日猶可。數日後卽背不出。一二月後。竟差落異常矣。故與其於未讀者務使之多。孰若於已讀者務使之熟。

寄膳生徒爲師者更宜經心。蓋子弟在家內有父母。外有兄長。俱得加意管束。而至於附出。則種種託之先生。一出一入。學徒之成敗係焉。豈可不刻刻防閑。

教徒又宜相體裁衣。在其家爲功名計者。固宜多讀經書。或有二年五年。卽要經營家務。及學。店業者。則宜每日多限字課。臨帖鈔書之外。或教之信札。或教之帖式。或教之算法。及雜字簿。惟謹守家規。與嫻習禮貌。則士農工商無二理也。

爾汝之稱。豈可施諸尊長。而粗心者。往往失檢。學徒初識字時。卽以此爲戒。

續神童詩

梁溪寄雲山人編

天子重英豪	詩書教爾曹	萬般皆下品	爲善最爲高
第一當知孝	原爲百善先	誰人無父母	各自想當年
十月懷胎苦	三年乳哺勤	待兒身長大	費盡萬般心
想到親恩大	終身報不完	欲知生我德	試把養兒看
精血爲兒盡	親年不再還	滿頭飄白髮	紅日已西山
烏有反哺義	羊伸跪乳情	人如忘父母	不及畜生身
奉養無多日	錢財勿較量	雙親同活佛	何必遠燒香
打罵低頭順	糟糠背面吞	但求親適意	喫苦也甘心
莫說萬千差	爺娘總不差	你身誰養你	禽獸不如麼
父母同天地	人人各問心	倘將親忤逆	頭上聽雷聲
兄弟休推托	專心服事勤	譬如單養我	推托又何人

隨父皆爲母

何分晚與親

皇天終有眼

不負孝心人

孝子人人敬

天心最喜歡

一生災晦免

到處得平安

人子原當孝

還須新婦同

一門都孝順

家道自興隆

媳婦孝公婆

神明衛護多

丈夫宜教訓

最好一家和

兄弟最相親

原同一本生

兄應愛其弟

弟必敬其兄

骨肉見天真

錢財勿討論

同胞看親而

切戒勿傷情

式好親兄弟

休將兩耳偏

至親能有幾

少聽枕邊言

同氣連枝重

休將姊妹輕

倘令情義薄

何以對雙親

伯叔須當敬

同堂誼最親

居家尊長上

相待貴殷勤

祖三雖然遠

逢時祭必誠

求安須入土

墳墓早留心

夫婦期偕老

平居貴在和

一家相忍耐

得福自然多

家有賢妻子

夫男少禍殃

水真能剋火

自有好名揚

宗族宜和睦	鄉鄰要讓推	絲毫存刻薄	怨氣一齊來
婚嫁宜從儉	休將物力傷	明人暗中笑	何必大排場
娶婦求賢惠	何須論嫁裝	目留餘地步	日後過時光
酒肉非朋友	宜防入下流	時親方正士	好樣自家求
若到爲官日	須知報國恩	倘令貪與酷	枉讀聖賢文
一入公門裏	當權正好修	好開方便路	陰德子孫留
男女陰陽判	宜求廉恥全	男須名是重	女以節爲先
戒爾休貪色	貪來病莫支	自家有妻女	還報悔嫌遲
淫亂奸邪事	原非人所爲	守身如白玉	一點勿輕虧
暗地勿虧心	須防鑒察神	念頭方動處	天已早知聞
積德終昌盛	欺心越困窮	還金兼邵色	第一大陰功
戒爾勿貪財	貪財便有災	此中原有數	何必苦求來

財物眼前花	來時且慢誇	細將天理想	勿使念頭差
酒醉最傷人	糊塗誤正經	況多成痼病	貽患到雙親
閒氣莫相爭	徒然害自身	善人天保佑	何必鬧紛紛
鬪氣真愚拙	甘將性命輕	忘身忘父母	不孝罪無倫
口角細微事	何妨讓幾分	從來大災難	多爲小紛爭
官法苦難熬	相爭手勿交	倘然傷性命	誰肯代監牢
小怨狂爭鬥	旁人切勿幫	須知人命重	惹出大災殃
莫說他人短	人人愛己名	枉將陰陽損	況有是非生
田產休爭奪	空將情義傷	區區身外物	誰保百年長
爭訟宜和息	官私切勿成	有錢行好事	樂得享太平
結訟最爲愚	家財蕩盡無	可憐忙碌碌	贏得也全輸
唆訟心腸壞	明明是小人	暗中還取利	壁上看輸贏

天道最公平 便宜勿佔人 天寬并地濶 何弗讓三分
謊話說連篇 難瞞頭上天 倘令人看破 不值半文錢
度量須寬大 將心好比心 量寬終有福 何必學寬人
君子總虛心 輕狂是小人 回頭不認錯 甘與小人鄰
財勢難長靠 欺人勿太狂 請看爲惡者 那個好收場
一字千金值 存心莫放刁 有才須善用 勿使筆如刀
誰保常無事 平居勿笑人 自家還照顧 看爾後來形
花鼓攤簧戲 人生切莫看 忘廉并喪恥 受害萬千般
淫戲休宜點 何人不動情 害人防自害 妻女敗名聲
莫入賭錢場 甘投陷馬坑 終身從此誤 家業必消亡
火化燒棺事 兒孫太毒心 請君細心想 天理可該應
溺女最堪傷 心腸似虎狼 結冤終有報 災難一身當

一樣皆人命	何分女與男	母妻多是女	何以兩般看
善事諸般好	無如救命先	救人千百命	功德大無邊
萬物總貪生	須存惻隱心	放生堪積德	祿壽好培根
滋味勿多貪	生靈害百般	乍過三寸舌	誰更辨鹹酸
禽鳥莫輕傷	輕傷痛斷腸	殺生多減壽	利害細思量
牛犬與田蛙	功勞百倍加	一門能戒食	瘟疫免全家
惜字一千千	應增壽一年	功名終有分	更得子孫賢
儉樸最爲良	奢華不久長	粗衣與淡飯	也好過時光
靡費真無益	十分體面裝	省來行善事	保爾子孫昌
急難人人有	傷心可奈何	此時爲解救	陰德積多多
欲望後人賢	無如積善先	臨終空手去	難帶一文錢
生意經營客	錢財總在天	留心能積德	明去暗中添

技藝隨人學	營生到處尋	一生勤與儉	免得去求人
步擔肩挑子	全家性命存	得錢能有幾	何忍與他爭
更勸上頭人	休將婢僕輕	一般皮與肉	也是父娘生
強取人財物	良心壞十分	銀錢雖到手	面目不留存
何苦學冤人	謀財是黑心	青天來霹靂	財去命難存
負義忘恩者	原來不是人	試從清夜裡	細細想前情
搬是搬非者	冤家結最深	終須招惡報	拔去舌頭根
凡事隨天斷	何須太認真	不妨安我分	做個喫虧人
少小須勤學	安心進學堂	書聲宜響亮	字畫必端方
言語須和氣	衣冠貴肅齊	好將人品立	方可步雲梯
年少書生輩	淫書不可看	暗中多斲喪	白璧恐難完
過失須當改	人生幾十秋	死生原大事	急速早回頭

字紙棄灰堆 災殃卽刻來 好將勤拾洗 免難更消災
五穀休拋棄 須知活命根 時時能檢點 功德自非輕
天地須知敬 清晨一炷香 虧心多少事 每日細思量
同享太平福 人須學善良 倘爲邪教誤 何以對君王
王法宜知畏 奸刁勿逞兇 欺人心地壞 頭上有天公
其把皇恩報 銀漕須早完 倘然久拖欠 四季不平安
作惡行兇者 便宜總佔先 一朝災難到 床上悔從前
第一傷人物 無如鴉片煙 此中關劫數 明者避爲先
詩句神童續 良言值萬金 善人終究好 天理弗虧人
右詩句句明白顯淺初學讀之可以培養性情開豁心地較之
坊本舊刻神童詩似爲存益願賢明父師其鑒之

收燬淫書局章程

卷十一之一

孟子之言正人心也以息邪說放淫辭爲要。當孟子時邪說淫辭尙未有如今日之甚也。而孟子生平全力之所致已端在於是。則今日淫辭邪說有百倍於戰國時者。宜若何整頓也。述收燬淫書局章程

錢竹汀先生禁燬淫小說議

古有儒釋道三教自明以來又多一教曰小說。小說演義之書未嘗自以爲教也。而士大夫農工商賈無不習聞之。以至兒童婦女不識字者亦皆聞而如見之。是其教較之儒釋道而更廣也。釋道猶勸人以善。小說專導人以惡。姦邪淫盜之事。儒釋道書所不忍斥言者。彼必盡相窮形。津津樂道以殺人爲好漢。以漁色爲風流。喪心病狂無所忌憚。子弟之逸居無教者多矣。又有此等書以誘

之曷怪其近於禽獸耶。世人習而不察，輒怪刑獄之日繁，盜賊之巨熾，豈知小說之中，於人心風俗者，已非一朝一夕之故也。有覺世牖民之責者，亟宜焚而棄之，勿使流播。內自京邑，外達州郡，查察坊市，有刷印鬻售者，科以違制之罪。行之數十年，必有弭盜省刑之效。或訾吾言爲迂遠闊事情，是目睫之見也。

張纘孫先生戒作淫詞說

今世文家之禍，百怪俱興，往往倡淫穢之詞，撰就小說，以爲風流佳話，使觀者魂搖色蕩，毀性易心。其意不過網取蠅頭耳。在有識者，固知爲海市蜃樓，寓言幻影。其如天下高明特達者少，隨俗波靡者多。彼見當時文人才士，已儼然筆之爲書，昭布天下，則閨房醜行，未嘗不爲文人才士之所許。平日天良一綫，或猶畏鬼畏人，至此則公然心雄膽潑矣。若夫幼兒童女，血氣未定，見此等詞說，

必至鑿破混沌。拋舍性命。小則滅身。大則滅家。桑間濮上之約。鑽穴踰牆之行。往往因此而成。開少年之情。實敗正士之清規。以至貞女喪貞。節婦失節。所關不小。至於女子識字。粗通字義。所曉者。惟此而已。若有年大而未嫁者。初婚而遠離者。寡居而無奈者。閱之。必受其害。由雅而俗。由淺而深。構覓頻仍。循環賃閱。初則亂其心志。繼則蕩其神魂。而淫事成矣。雖世家大族。而受此害者。亦不少。嗚呼。誰實使然耶。我輩既已含齒戴髮。更復身列士林。不思遏之禁之。何忍驅迫齊民。盡入禽獸一路哉。禍天下而害人心。莫此爲甚已。倘謂四壁相如。不妨長門賣賦。則何不取古今來忠孝節義之事。編爲稗官野史。未嘗不可逞才。未嘗不可射利。何苦必欲爲此。况矢口定是佳人才子。密約偷期。絕不新奇。頗爲活套。而况綺語爲殃。虛言折福。不特誤人。兼亦自誤。我甚爲作者危之。惜之。

故不憚與天下其戒爲淫詞并好觀淫書喜談淫事者

收藏小說四害

一玷品行 覽此等書必非正人佳士南海一縣令好觀肉蒲團

手鈔小本日玩之不意亂入詳冊上司怒其無行參革而死好

應然此特其出醜者耳士子愛看此等書者必非正士自愛者當勿慕才子之名自外名教也

二敗閨門 凡好藏淫書好唱彈詞諸家婦女率多醜聲其秉性

幽貞者或以療疾死下此不忍言矣可勝痛哉

三害子弟 藏此書者子弟必然偷看其佳者以此早知覺早破

身或以疾死卽轉而自悔而元氣一散斷不能成大器世間儘

有佳子弟秀出一時迄無成就山渾金璞玉早年玷缺皆乃父

巾箱中密藏物所害也若中下者必好此破家矣金陵一名家

子過目成誦年十三博通經史一日偷看西廂曲本忘食廢寢

七日夜而元陽一走。醫家云心腎絕矣。乃死。

四多惡疾。好此種書。必多妖。必多忌疾。杭州朱司馬。人極豐偉。年甫五十。即乞歸。謂家人曰。我幼時喜小說。風痰入腎。不久矣。未幾死。看淫書之害如此。嗚呼。真可爲痛哭者也。再詳十法。普告同人。說本桂宮梯

焚燬淫書十法

第一法 奉勸館閣名公。諫垣侍史。疏陳其害。請

申明禁於天下。永遠杜絕。著爲令。此斬草除根法也。淫書陷溺人心。

大傷風化。顯與王法相違。以致每年添出無數姦情命案。毒流

天下。著此等書。售此等書。蓄此等書者。當服上刑。絕此等書。禁

此等書。焚此等書者。必受上賞。

得世代簪纓。承天官富貴報

第二法 奉勸各直省守土官長。下車伊始。即嚴行禁止。翻刻淫

書者必究。禁人家母許收藏淫板。禁畫師母許描畫春宮。禁奸徒母許售賣春藥。禁書賈母許發兌淫書。禁匪流母許製造淫具。禁鈔胥勿傳播春方。編造淫籍。禁彈唱家勿唱淫詞。有不遵者。酌置典刑。無稍姑貸。得生集百福及死列仙班報。王清修鎮輒有匪人於通衢狹巷。遍貼招紙。煽惑男女。服之者無不傷胎。兼且害母。且奸民持此私奔。苟合。愈長淫風。能禁止者。一可救嬰兒之命。一可杜邪淫之心。功莫大焉。伏願地方官長。經過所屬街巷等處。一切書肆。淫書小說。及春方媚藥。牆壁招貼。賣心認真。迅即飛飭。役役根究。著落懲其店主。夥犯。嚴其卷帙。方藥責令收業。再行密訪。有私行貨賣者。科以重罪。必一一盡削其書火板。而後已。務望使天下少賣一人。少賣一日。此直居官第一快心事。亦真居官第一陰德事。更有奸民製造淫具。或角或鉛。醜名不一。較之殺人厥罪惟均。不可不嚴為懲禁。

第三法

奉勸膠庠吉士。不談閨閫。不製艷詞。嚴戒生徒。母許收

藏淫書。凡筆墨有傷風化者。必投諸火。朋友有犯戒者。務須苦

口良言。婉轉勸止。

命當顯榮者。得慶流子孫報。命當寒賤者。得平步青雲報。

第四法 奉勸富家大族。廣收淫籍。隨買隨焚。有鉅力者。盡劈其

版。力稍遜者。多燬其書。每一舉步。一出外時。必買收而焚化焉。日積月累。功德無涯。倘貧窘親友。不幸業此。務須出貲勸其改業。買其所藏之書。盡付丙丁。凡一切彈唱小說。不許進門。得子孫發

達福壽綿長報

第五法 奉勸寒素人家。無力買燒淫書及板。亦當手鈔燒燬淫

書果報。各處分送。倘無暇鈔寫。儘可逢人勸戒。以口代書。隨緣

指點。功亦不小。得衣食充裕功名顯著報

第六法 奉勸刻書店鋪。定議行規。凡遇淫穢冊籍。槩不受鐫。有

私刻者。公同議罰。如此則淫書不絕。而自絕陰功。浩大更不待

言。得子孫聰慧昌大門閭報

第七法 奉勸各省書坊。槩不發兌淫書。免使天下識字之人。同

得一銀

趨孽海同上

第八法

奉勸畫家不畫春宮免使天下不識文字之人共沈孽

海同上

世間孽未有甚於作淫畫者無論識字不識字之人一染心醉
神馳同驢入禽獸之域吾見擅此技者人人斬後蓋其畫幅
傳不知或感多少子弟壞者由其朝夕見聞無非淫狀即有貞潔
妻其女其姐鮮不淫亂者由其朝夕見聞無非淫狀即有貞潔
之性亦化而為邪且其人必早死蓋其執筆摹擬刻刻淫心搖
蕩真精淫散精滑陽脫等症相繼而作也嗚呼慘矣夫百工技
藝何事不可為而乃為此山水人物何物不可畫而
乃畫此台惡皮愈精而孽愈重孽愈重而報愈酷耳

第九法

奉勸醫家不傳春方力闢其謬免使淫徒矯揉造作枉

送性命

得世世不生怪病及孫曾科甲報。近見錦囊等醫書
附載春方最為害事願醫者勿傳與人并削去書中此

一條

第十法

奉勸賓僚宴會勿點淫戲免使少年士女蕩心失魂變

生倉猝且免暗中斷喪癆瘵天亡庶其躋仁壽之域

得清白傳家康強無

報病

以上十法法法皆通遵而行之便是天堂捷徑而種種福報皆在其中矣。逆而反之便是地獄冤緣而種種禍報皆在其中矣。謂予不信請觀文帝天戒錄應惕然省矣。

石琢堂殿撰爲諸生時以扶持名教爲己任。家置一化紙庫。名曰孽海。凡見淫詞艷說壞人心術及一切得罪名教書悉買收納其中燒之。勸友人其襄購買未幾狀元及第享高壽。

蘇郡設局收燬淫書公啟

蓋聞孔門論政首惡鄭聲。聖正心先息邪說。洵以風俗攸關。卽爲人心所賴也。乃近者俚詞艷曲。競樂播之管絃。雪案螢窗。輒喜藏諸篋笥。寓目偶然觸目也。知因噎當頭。操心稍不驚心。難免泥途失足。無如沿傳既久。渾忘辱我身心。漁利尤多。不計污人耳目。

得一金

卷二

青年秀士。潛深贈芍之思。紅粉名姝。暗作停針之想。只爲風月白。賞幻出美談。烏知清白無端。流爲禍水。莫若收之及早。庶留未壞之人心。特恐焚或後時。盡汨本然之天性。是用設局而廣聯衆志。燬板而務事銷除。其矢好善之誠。咸躋維新之路。無徒快目。但願陰功自積。何傷才子佳人。亟發婆心。試看榜樣當前。爭說狀元。宰相矧茲時。清化美俗。厚風涵巷。祝衢謳自昔。歌傳擊壤。家弦戶誦。重聆調叶薰琴。凡我士民。安能不爭自濯磨。惕勵上勸。聖治庶幾以副崇正黜邪之至意也哉。

憲示

江蘇按察使司按察使裕。爲嚴禁淫書淫畫以正風俗事。照得淫詞小說。壞人心術。是以例載。造作刻印者。杖一百。流三千里。市賣租賃者。杖一百。徒三年。買看者。杖一百。仍不准借端出首。詎

詐各等語淫畫亦應比照問擬定例何等森嚴庶民應知畏懼
本署司載陳臬事重蒞是邦首以移風易俗爲要務乃自到任
以來訪聞蘇城坊肆每將各種淫書翻刻市賣並與外來書賈
私行兌換銷售及鈔傳出貨希圖射利炫人心目褻及閨房長
惡導淫莫此爲甚至淫畫顯導邪淫較淫書爲尤甚蓋淫書尙
須粗知字義始得閱看淫畫則無論男女老少一目了然乃蘇
郡如閭門桃花塢及虎邱山門內等處耳目昭著之地公然懸
挂售賣并可對客揮毫甚至盒底鏡背無不繪畫實屬寡廉鮮
恥若不嚴行禁止何以端風化而正人心合亟出示嚴禁爲此
示仰各書鋪書賈及刻字鋪畫鋪古董鋪人等知悉爾等既有
本業卽當各保身家經此次示諭之後凡一應淫詞小說永遠
不許刊刻販賣出貨及與外來書賈私相兌換銷售淫畫亦不

准繪畫作賣現在吳縣學宮設有公局收買爾等舊存淫書板本及淫畫冊卷概行送局銷燬仍給價值并免究問如敢不遵及外來書賈攜帶淫書在蘇逗遛一經訪聞或被告發定卽委員嚴拏照例治罪倘有不法之徒勾通不肖差役以搜查淫書淫畫爲名索詐滋擾許爾等稟明地方官懲以藉端出首詛詐之罪本署司耳目最近法令必行久已共聞其見爾等均係有本營生且曾讀書識字非鄉愚市僧可比切宜懷利自愛慎勿視爲具文以身試法後悔無及也其各稟遵毋違特示

道光十八年五月

日示

蘇州府正堂汪爲永禁淫畫以端風俗事案奉 臬憲頒示札開
訪問蘇郡坊肆每將淫書淫畫銷售射利炫人心目褻及閨房
長惡導淫莫此爲甚至淫畫類導邪淫較淫書爲尤烈淫書必

粗知文義者方能通曉。畫則無論婦監一目了然。乃如闔門桃花塢及虎邱山門內等處。耳目昭著之地。懸掛售賣。并可對客揮毫。甚至盒底鏡背。無不繪畫。實屬寡廉鮮恥。示諭永遠不許售賣。舊存送局給價銷燬。免其究問。如敢不遵。一經訪問。嚴拿治罪等因。並經本府先據三縣學諸生稟請飭禁。當經發示懸掛嚴禁。各在案。茲復據諸生等以該處不肖之徒。仍復繪畫春宮。公然懸掛求飭。查明按鋪給示。并刊碑虎邱山門永禁等情。前來查。描繪淫畫。售賣顯導邪淫。壞人心術。節經飭禁。各鋪戶應知畏法。乃仍敢繪賣。藐違禁令。實屬目無法紀。本卽立拿懲辦。姑念鋪戶非一良莠不齊。未必人人皆賣。若將各書鋪概行拿究。殊恐累及無辜。現飭委員密訪查拿外。合再剴切嚴禁。爲此示仰各畫鋪人等知悉。爾等本業營生。自當安分守法。恪遵

禁令。此次諭禁之後。毋許描繪淫畫。及裝成鏡匣。造作售賣。并招商運販。射利倘敢。愍不畏法。復蹈前轍。一經訪拿。或被指告。定卽立拿究懲。決不寬貸。如有舊存春畫。速繳局中。給價銷燬。不許再有藏匿。本府耳目最近。言出法隨。該鋪戶務各愛惜身家。勿得以身試法。致貽後悔。其各稟遵。毋違。特示。

兼署江南按察使司按察使蘇松太道周爲稟求諭禁事。據吳縣候廩生陳龍甲等稟稱。竊淫書壞人心術。久干例禁。生等赴試金陵。見書鋪中各種淫書。業經出價購取。板本銷燬。並請江寧府沈出示刊碑嚴禁。茲復以蘇地各書肆。及賃書鋪中淫書。亦復不少。種種名目不一。穢褻異常。射利者輾轉流傳。壞人心術。莫此爲甚。爰集同志。公議設局在吳縣學惜字局內。備價收買各種淫書。如藏有板片書本者。檢送局內。照刻印鈔工紙料。

酌量給價隨時在惜字局內。公同督燬。業經議有章程。集資辦理。惟恐各書鋪中。或有藏匿不售。或更居奇擡價。或以經銷燬再行翻刻傳鈔。並外來書估。到蘇帶有各種新舊淫書。源源流布。則隨收隨出。伊於何底。至出售淫書。尤屬顯導邪淫。應請一併嚴禁。爲此稟求出示曉諭等情。到司據此。查坊肆藏賣淫詞淫畫。久干例禁。豈容射利之徒。公然流布。貽害風俗。自應嚴行示禁。以端風化。除經批示外。合亟出示諭禁。爲此示仰各書坊肆。並有一等專貨淫詞小說書鋪。及外來書估。蘇城內外書鋪。古董鋪人等。知悉。始或不諳例禁。誤行藏板刷印。或販得舊本轉賣。既經明示諭禁。現在該生等設局收燬。卽著盡數交出。既給價值。仍免究問。倘敢匿不交出。或昂價居奇。甚或抗違再行翻刻傳鈔。希圖射利。及外來書估。攜帶各種新舊淫書。轉相交

易並虎邱山門內桃花塢等處畫鋪并城內古董鋪仍敢出售淫畫則是明知違禁以身試法一經覺察定行照例懲究決不寬貸各宜凜遵特示

各書坊公禁淫書議單條約

立同議單

書業堂 文淵堂

桐石山房 師德堂

西山堂之記 掃葉山房

等奉

臬憲周出示禁燬淫書板本茲於十月十二日邀集同行在

邑廟公議規條開列於左

一議得凡有應禁淫書板本各坊自行檢出赴局呈繳照議領價如有藏匿不繳者察出議罰任局弔銷

一議得外省書友來蘇兌換者先將摺單交崇德書院司月查明如有應禁書籍卽行交局銷燬祇付紙價倘匿不呈繳及各坊私相授受者俱照原價以一罰十半歸崇德書院充公一半繳

局充公仍將原書繳局銷燬或外省書友不遵局議請局發封
任憑局辦

一議得外間倘有將應禁書籍板片問坊售賣者即時繳局照議
領價

一議得公局於十月二十一起在吳縣學收買銷燬各坊務將
所有應禁書籍板片在五日内盡數送局收價倘過期不繳卽
以藏匿論

一議得所有應禁書籍或在未禁以前業經付刊未完者先於五
日内赴局呈明俟板到日卽行送局銷燬照議領價

一議得自禁之後倘有私行翻刻察出從重議罰仍將板片繳局
銷燬概不領價

一議得書板大小新舊不同今公同議定大新板每塊一百文大

舊板每塊七十文片頭新板每塊八十文片新板每塊六十文
舊板每塊五十文攤頭小片每塊二十文唱本板每塊三十文
書本照批價洋銀對扣倘有模糊不全者照數減半抄本每十
頁五文每頁以四百字爲準

道光十七年十月

日立公同議單

書業堂

掃葉山房

西山堂

興賢堂

文淵堂

桐石山房

文林堂

三味堂

步月樓

書坊甚多不及備載

計共書坊六十五號各當同齊集城隍廟拈香立誓各書
花押一焚神前一呈臬憲各執一紙存照

計燬淫書目單

本局奉 憲設立收燬淫書堂經收得一百餘種并板片二十

餘種照估給價燬訖惟各坊舖中所藏淫書板本尙多已奉

臬憲挨戶給示曉諭自應趕緊繳局以免日後覺察致干未便茲
特將收過各種書目開後如藏有此等板本者務勸盡數交出
此外名目尙多未能備載望各自行檢點一併送局幸勿遺漏
自誤此白

昭陽趣史

桃花影

七美圖

碧玉塔

玉妃媚史

梧桐影

八美圖

即百美圖

碧玉獅

呼春裨史

鴛鴦影

杏花天

攝生總要

風流豔史

隔簾花影

桃花艷

檮杌間評

妖狐媚史

如意君傳

載花船

反唐

春燈迷史

三妙傳

鬧花叢

文武元

濃情快史

姣紅傳

燈草和尚

鳳點頭

隋陽艷史

循環報

痴婆子

尋夢牀即醒世

巫山艷史

貪歡報

補園

醉春風

海底撈針

繡榻野史

紅樓夢

即歡喜

怡情陣

國色天香

禪真逸史

續紅樓夢

倭袍

拍案驚奇

禪真後史

後紅樓夢

摘錦倭袍

十二樓

幻情逸史

補紅樓夢

兩交歡

無稽調語

株林野史

紅樓圓夢

一片情

雙珠鳳

浪史

紅樓復夢

同枕眠

摘錦雙珠鳳

夢約姻緣

綺樓重夢

同拜月

綠牡丹

巫夢緣

金瓶梅

皮布袋

芙蓉洞即玉蟾蜍

金石緣

唱金瓶梅

才而釵

乾坤套

燈月緣

續金瓶梅

蜃樓志

錦繡衣

一夕緣

艷異編

錦上花

有解元吳文彥者

一夕話

五美緣

日月環

溫柔珠玉

解人頤

萬惡緣

紫金環

八段錦

非講元門者

笑林廣記

雲雨緣

天豹圖

奇圓圖

豈有此理

夢月緣

天寶圖

清風閣

更豈有此理

邪觀緣

前七國志

非四友傳

蒲蘆岸

小說各種

板

聆痴符

增補紅樓

石點頭

宜春香質

桃花艷史

紅樓補夢

今古奇觀

抽

子不語

集

水滸

絲絲黨

七義圖

何文秀

新出改正

西廂

三笑姻緣

花燈樂

野叟曝言

其他小說之足以誨淫誨盜者一概嚴禁收燬

不
一
金

卷
二

上

勸收燬小本淫詞唱片啟

從來愚蒙之性。從善爲難。淫穢之詞。移人最捷。有如淫詞小說。傷風敗俗。例禁久嚴。往年蘇郡紳士。曾稟奉大憲出示。設局收買。將各書店。淫書板片。一律繳燬。勒碑永禁。使數百年風俗。人心大害。一旦掃除。快事也。亦盛事也。但恐奸商射利。此散彼聚。輾轉販售。妖醜仍熾。非得有心人。手相提倡。照案續辦。頻頻收燬。則毒種必難永斷。尤可惡者。近時又有一種山歌小唱。攤賣時調。多係男女苟合之事。有識者不值一笑。而輾轉刊板。各處風行。價值無多。貨賣最易。幾於家有是書。少年子弟。畧識數字。卽能唱說。鄉間男女。雜處狂蕩之徒。卽藉此爲勾引之具。甚至閨門秀媛。亦樂聞之。廉恥盡喪。而其害乃不可問矣。此而不爲加意禁絕之。恐愈傳愈遠。禍及海內。是聖賢千言萬語。十人中和。不及領畧一二者。反不如此。

等粗淫小書。知之者幾十有八九也。噫嘻。何物狂夫。編此穢語。災梨禍棗。徧布人間。誰司風教。而顧令此等妖淫毒種。戶誦家紉。遠出於聖經賢傳之上。爲吾教之仇敵。能無痛心疾首。其爲髮指耶。惟願四方善友。吾黨同人。廣推德迫之心。共展廻瀾之手。收一書則杜一書之害。禁一邑卽挽一邑之風。更得賢父母登高而呼。嚴禁刊刻。弔板銷燬。立碑永禁。不許發賣。庶致搜羅淨盡。永絕根株。其所以培風化而正人心者。非淺鮮也。願與同志共勉之。

各種小木淫藝攤頭唱片名目單

新滿江紅

倭袍唐詩

門依欄杆

王文賞月

王文賞月

堂名攤頭

姑嫂開心

姑蘇攤頭

四季相思

公偷媳婦

情女望郎

五更十送

送花樓會

小板指

十八摸

鬧五更

湘江浪

十弗攀

哈哈調

楊柳青

小郎兒

姨娘嘆

九連環

長生歌

男風化

女風化

雌趕雄

武鮮化

綉荷包

紅繡鞋

十不許

白洋洋

新碼頭

買草茵

暗偷情

琴挑

偷詩

蕩河船前本

蕩河船山歌

蕩河船叫船

蕩河船賣布

蕩河船小板梢

落菴哈哈調

十二月花名

搭腳娘姨攤頭

唱說拔蘭花

來富唱山歌

男女哭沉香

情女哭沉香

綉花綢算命

好一朶鮮花

王大娘補缸

文必正樓會

趙聖關山歌全傳

王小姐賣胭脂

小尼姑下山

文必正送花

三戲白牡丹

以上各種不許沿街擺賣此外名目尙多不能備載望各

自行檢點有語涉淫褻者。一併送局焚燬。自禁之後。如再敢沿街擺賣。及將已燬之板重刻。私自印賣等弊。一經察出。立即送官重辦。治以應得之罪。勿謂言之不早也。

刪改淫書小說議

竊世教當極弊之時。非得有仔肩世道之人出而整頓之。則流極將不可問。孔子之刪定筆削。孟子之息邪說放淫辭。聖賢救世之心。昭然若揭。自此以後。去聖漸遠。文人學士。家自爲說。標新領異。百喙爭鳴。固已畸重畸輕。醜疵互見矣。乃迄於今。則高文典冊。秘閣塵封。小說演義。家紘戶誦。甚至淫辭艷曲。災及棗梨。海內風行。流毒無盡。功令雖有嚴禁之條。而奉行者。多以爲具文。坐視其蕩惑人心。敗壞世教。而曾不少爲整頓。可慨也。先儒惟陸清獻公有國策去毒一書。尙有刪定遺意。此外更不少概見。近時始有石汾山人。勸燬淫書錄。痛言淫書之害。大聲疾呼。洵足發聵振聵。江蘇紳士。遂有禁燬淫書之舉。計費萬餘金。各書坊均取具永禁切結。誠盛典也。惟收燬淫書。搜羅必難徧及。況利之所在。旋燬旋刻。望

洋驚歎。徒喚奈何。向嘗於無可如何之中。擬一釜底抽薪之法。欲羅列各種風行小說。除水滸金瓶梅百數十種。業已全數禁燬外。其餘苟非通部應禁。間有可取者。儘可用刪改之法。擬就其中之不可爲訓者。悉爲改定。引歸於正。抽換板片。仍可通行。所有添改之處。則必多引造作淫詞。及喜看淫書一切果報。使天下後世撰述小說者。皆知殷鑒。不致放言無忌。如用藥然大黃巴豆一經泡製。卽堪治病。抽換淫書一法。洵足以濟燬禁之窮。標著作之準。宜約集同人。籌款設局。彙集各種小說。或續或增。或刪或改。仍其面目。易其肺肝。使千百年來習傳誦膾炙人口諸書。一旦汰其蕪穢。益以新奇。更如治盜然。引邪而歸正。卽化莠而爲良。蕩瑕滌垢之餘。卽訓俗型方之選。此世道人心千秋大局。固非尋常操選家區區小補者比也。孟子曰。經正則庶民興。斯無邪慝矣。開心世教。

力挽狂瀾。當必有應運而興者。安得與之匹臂入林也哉。

古今來著述家無慮數千百萬。而傳者不及萬中之一。轉不如各種演義小說。唱本歌詞。輾轉翻刻。風行海內。人人心中有其故實。此等書大可就其中用意增刪。汰其不可爲訓者。而換其足資懲勸者。於意義則衡等點金。於本書則功同完璧。刊板之費無幾。而於世教實大有裨益。想有心人當相視莫逆。默爲印可也。

得一錄

卷十二

五

翼化堂章程

卷十一之二

教化者。聖王治天下之大經。而人心風俗之所視爲同背也。乃近世偏有與教化爲大敵者。莫如淫戲。及花鼓攤簧。不有以整頓其間。恐人心風俗之交。更有不堪問者。擬翼化堂章程。

儒先論今樂

張橫渠先生曰。鄭衛之音。悲哀。令入意思流連。又生惰怠之氣。從而致驕淫之心。雖珍玩奇貨。其始感人也。亦不如是之切。故聖人必放鄭聲。亦是聖人經歷過。但聖人不爲物所移耳。孝經曰。移風易俗。莫善於樂。有以夫。

王陽明先生曰。古樂不作久矣。今之戲子。尙與古樂意思相近。今若要民俗反樸還醇。取今之戲子。將妖淫詞調俱去了。只取忠臣孝子故事。使愚俗百姓人人易曉。無意中感激他良知起來。卻於

風化有益

陶石梁曰。今之院本。卽古之樂章也。每演戲時。見有孝子悌弟忠臣義士。激烈悲苦。流離患難。雖婦人牧豎。往往涕泗橫流。不能自已。此其動人最懇切。最神速。較之老生擁鼻。比講經義。老衲登上座說法。功效百倍。至於渡蟻還帶等劇。更能使人知因果報應。秋毫不爽。殺盜淫妄。不覺自化。而好善樂生之念。油然而生矣。此則雖戲而有益者也。近時所撰院本。多是男女私媒之事。深可痛恨。而世人喜爲搬演。聚父子兄弟。并韓其婦女而觀之。見其淫謔褻穢。備極醜態。恬不知愧。曾不思男女之慾。如水浸灌。卽口事防閑。猶恐有賣倫犯義之事。而況乎宣淫以導之。試思此時觀者。其心皆作何狀。不特少年不檢之人。情意飛蕩。卽生平禮義自持者。到此亦不覺津津有動。稍不自制。便入禽獸之門。可不深戒哉。

邱嘉穗訂音律文云。今之演劇。卽古樂之遺也。今之調曲。卽古詩之遺也。然古之詩樂。粹然一出於正。而今之劇場詞曲。皆流於淫僻。而不可訓。蓋不獨中聲之亡。以至如此。抑亦劇場詞曲中所譜之事。悉屬增悲長欲之具。而人無所視。以爲法戒故也。自漢以來。儒者頌欲復古詩樂。而徒較其音節於聲律字句之末。至使議論紛紛。而未有以決。而古樂古聲。卒不可復。卽幸而復之。而不以其事見之。舞蹈則亦使斯人無所觀感。興起如爰居之聽鐘鼓而卻走耳。竊謂居今之世。而欲追求古樂之聲。以復於先王之舊。勢必不能。何如倣古樂詩遺意。召集名儒。取今之所謂劇場詞曲者。一較而訂之。其淫豔而傷風教。與其善之不足。以爲法。惡之不足。以爲戒者。概從禁絕。而其所編撰成曲。頒行天下者。必皆古今忠孝節義。可歌可泣。可法可傳之事。至其器與聲。亦不妨從今之優。

伶稍取其明白正大抑揚有節者可也。安。在。今。之。樂。不。猶。古。之。樂。也。如曰演劇不足以當古樂。詞曲不足以當古詩。而欲離而二之。以聽其自止自行於天下。則古之詩樂既不可以卒復。而劇場詞曲之流於今者。將日入於鄭衛之淫靡。而未知其所止。雅與俗兩失之矣。草莽私憂。願與司風教者商之。

李文貞公奏定樂章劄子有云。孝經曰。移風易俗。莫善於樂。故樂無分於朝野也。後世雖有議及樂章者。典之有司。不過施之宗廟朝會而已。而教坊詞曲。儒者每鄙其淫褻荒唐不之道。孟子曰。今之樂猶古之樂也。古之田夫歌曲。卽如今之優伶所演也。故皆足有所感發興諷。云云。臣兒時見所演凡忠臣孝子貞女義士。雖宿儒端士靡不沾襟。惟近時所唱。則皆流爲淫靡荒亂而俗樂亦亡。宋時太常雅樂及教坊俗樂。皆以有司領之。猶存古意。尙取今之

坊曲。酬其荒淫。悖。但存其忠孝節義之事。具底木則采之。史。傳志說其姓名與事。不全無徵者。以演唱化導。未必非轉移風俗。鼓吹休明之一助也。

李文貞公榕村語錄有云。某看禮樂亦不是難事。如今把禮斟酌。令至易簡。人不難行。自然樂從。樂便把如今的戲整頓起來。就是樂。孟子斷得直截。今之樂。猶古之樂。人多在律管上講究。即使得了虞舜的律管。作起韶樂。亦不必一時便鳳儀。歌舞安上治民。莫善於禮。移風易俗。莫善於樂。若只郊廟中作樂。就是雲門咸池韶。護大武。亦只天地鬼神間之如何。天下風俗。就會移易。自然是人入見聞。纔能移風易俗。如今人看戲。到那忠孝苦難時。使涕泗交流。移風易俗。可見不難。○朝廟之樂。實能歌詠祖宗功德。字字確實。明創業之艱難。道君臣之一德。憫將士之憔悴。咨黎庶之勤劬。

便好。然古之作樂者。非徒以朝廟爲重也。移風易俗。全以用之鄉黨。用之閭巷者爲要。蓋朝廷郊廟之樂。臣民得與聞者有幾。惟家家戶戶皆得見之。方能興感。○至於詞。漢卽用樂府。唐卽用詩。宋以後卽用詩餘曲子。無不可者。編纂皆要設一局。禮局。樂局。天文局。書算局。講求在這裏。便有舉而用之之時。○各省大吏多以優伶爲性命。無怪其然。卽吾輩之幾本書也。不爾。政事之暇。如何度日。古人暇時。便有琴瑟歌舞。先王知道人身心必有所寄。因其勢而利導之。以歸於正。樣樣都動得手。故有用。不是全靠讀書。如今禮樂久廢。只得守幾本書。檢束身心。開廣知識。若移而之他。則放僻邪侈。不可言已。古時必有民間之樂部。武豈士庶可用。詩雅肄三。亦不可用於燕閒。使徒九廟明堂之間。作韶護而天下卽風移俗易。悲無此事。○如今卽將古書中忠孝廉節之事。製爲詞曲去。

其聲容之無情理者。今人歌舞之。便足以移易風俗。感動人心。不妨從粗處做起。○連日因燕藍總兵演戲。做到入情時。未有不感動者。以此見得樂之效速。若就元人百種中。選其忠孝節義有事實者。改其義理不通處。每事四齣。此外誨諭導欲者。禁之亦粗。足以感人心而成風俗矣。

竊嘗謂是非者。天下之定理。是非存而人心於以不死。自水滸戲文出。而是非顛倒。定理亡矣。夫英雄好漢。義士美名也。以之加於盜賊。顛倒孰甚焉。卽如神州會一齣。其主將陳元。擺列插。擡招集義勇。其意固欲團練一方。殺盡梁山。人益爲國滅賊者。豈非真英雄。真好漢耶。顧竟至爲逆賊所敗。敗矣。而看戲諸人。或尙能爲之惋惜。爲之不平。是非尙未盡泯。人心猶然不死也。乃徧察今日看戲之人。則異口同聲。無一人不笑陳元之敗。

結而快。梁山之得勝者。嗚呼。人心死矣。無怪乎結黨爭雄者。效尤日甚。舉凡貪財亡命之徒。均以水滸落草爲通逃藪。也有世道之責者。可不急爲之加意也哉。○又見秦叔寶三擋一鬪末。有程咬金勸叔寶數語云。兄弟還做甚麼官。不如隨我到瓦岡山上。做强盜的好。試思此數語。雖一時憤激之詞。竊恐觀場萬衆。不盡有識。必有聞之而動心起念者矣。尙可令其再播梨園流毒無盡耶。

演戲敬神說 遼安洪子泉先生著

演戲敬神爲世俗之通例。旣曰戲敬於何有。旣曰神。戲豈欲問。然則演戲敬神之說。其果有耶。無耶。而吾曰有之。有之於神。不厭人演戲之深心。育之於人。不忘敬神之至意。此其說可得而言矣。今夫神之爲靈昭昭也。神不能與人言。而有可代神立言者。莫如戲。

文所演忠孝節義等事。蓋能一朝一夕移風易俗。勸得千萬人。心向善。宜其神聽和平。而有許愿而來者。無不各如其願而去也。此神不厭人演戲之深心有明証也。若夫黠演淫戲。令人醜狀注目。妖態攢心。此稍知自守而具天良者。皆欲惡此而逃。望望然去之。豈有聰明正直之謂神而耳。忍聞目忍睹者乎。戲弄神明。敬心何在。將一部勸世文。改作一幅活春宮。引誘良家子弟。目見耳聞。性蕩情搖。因此傷風敗俗。賣倫犯義。其害有不可勝言者。皆由黠此淫戲而階之爲厲也。所謂不忘敬神之至意。竟安在哉。夫梨園演曲以昭

盛世之元音。必謂戲爲無益。原屬不通之論。抑思善者可以感發善心。惡者可以懲剝逸志。三百篇之遺意。因如是也。不忘此意。是爲得之也。夫豈有敬神而反以褻神者。豈有勸世而反以惑人者。

豈有祈福而反以求禍者誠如是也則所謂非徒無益而又害之者也余甚爲之不解而作此說以爲世之敬神而演戲者勸

翼化堂條約

一梨園演劇例所不禁。而淫戲害俗。則流毒實甚。特近世習俗移人。每逢觀劇。往往喜點風流淫戲。以相取樂。不知淫戲一演。戲臺下有數千百老少男女環觀羣聽。其中之煽動迷惑者。何可勝數。故欲爲地方挽回惡俗者。宜以禁演淫戲爲第一要務。

一地方迎神賽會。各業議規。必多演戲。原屬人情。特旣一經開演。花費多少錢糧。耽誤多少工夫。閱動多少男婦。而不於此中多點勸善戲文。以資感化。反任其扮演淫戲。以惑我齊民。是何異買鳩毒以自戕其子弟耶。噫。

一各處城鄉廟宇。多有戲樓。廟壁上必須立碑。永禁點演淫戲。樓上不便立碑。或砌石入壁。或懸木榜。寫明奉憲示禁字樣。並書明如演唱一齣。定議扣除戲錢一千文。不准徇情寬貸。恃強不

遵者稟官究責

一西廂記玉簪記紅樓夢等戲。近人每以爲才子佳人風流韻事。與淫戲有別。不知調情博趣。是何意態。跡其眉來眼去之狀。已足使少年人蕩魂失魄。暗動春心。是誨淫之最甚者。至如滾樓來唱。爬灰賣橄欖賣胭脂等戲。則人人皆知爲淫褻。稍知自愛者。必起去而不欲觀。卽點戲人亦知其爲害俗而不敢點。則風流韻事之害人入骨者。當首先示禁矣。

一水滸一書。矯枉過正。原爲童貫蔡京等作當頭棒喝。然此輩人而欲借戲文以敬之。則恐見而知戒者百無一二。而見而學樣者十有五六。卽如祝家庄蔡家庄等處地方。皆屬團練義民。欲集衆起義。剿除盜藪。以伸天討者。卒之均爲若輩所敗。而觀戲者反籍籍稱宋江等神勇。且並不聞爲祝蔡等庄一聲惋惜。噫。

世道至此。綱淪法斁。而當事者皆相視漠然。千百年來無人過問。爲可嘆也。

一漢唐故事中各有稱兵劫君等劇。人主偶信讒言。屈殺臣下。動輒招集草寇。圍困皇城。倒戈內向。必欲逼脅其君。戮其仇怨之人。以洩其忿者。此等戲文。以之演於宮闈進獻之地。藉以誣人主。亦無不可。草野間演之。則君威替而亂端從此起矣。又戕官戮吏。如劫監劫法場諸劇。皆亂民不逞之徒。目無法紀者之所爲。乃竟敢堂堂扮演。啟小人藐法之端。開奸佞謀逆之漸。雖觀之者無不人人稱快。而近世奸民肆志動輒拜盟結黨。恃衆滋事。其原多由於此。履霜集霰。發端甚微。而其禍直流於悖亂司風教者。何不一爲圖度耶。

一元人百種傳奇。有傳有不傳。其傳者大都列入綴白裘。惜所選

者大都沿於積習。不免瑕瑜參半。且多切於朝廟官紳一派。其可爲閭巷小民說法勸戒者。寥寥無幾。徒有妙方藥不對病。非徒無益而又害之。則綴白裘之急。宜刪定。誠日前要務矣。盜皇坟乃大逆無道之事。偷雞乃下愚不肖之極。而出於水滸中所稱英雄好漢。無怪于學英雄好漢者多。而偷雞盜坟者之接踪於世也。戲文中積習爲常。大率如此。一爲道破。能無忤然。奸臣逆子。舊劇中往往形容太過。出於情理之外。世卽有奸臣逆子。而觀至此。則反以自寬。謂此輩罪惡本來太過。我固不甚好。然比他尙勝過十倍。是雖欲儆世而無可儆之人。又何異自詡奇方而無恰好對症之人。服千百劑亦無效也。一鄉則一盜諸戲。最係地方風化。宜約集耆老圖董立議永禁。一鄉則責成鄉董一族。則責成族長。均須於廟宇公處。或祠堂善堂立

議永禁如某族人有點演淫穢者祠中究責以不孝論不改者立加斥逐

一打店殺僧世人每樂點演噫黑店殺人而食世上必無此兇惡之輩乃亦稱爲梁山好漢而所殺之僧又係欲滅梁山而伸大義者乃亦竟爲此輩所害害矣而殺人者旣逃王法又遁冥誅天理何在此事尙可爲訓耶

一打魚殺家以小忿而殺及全家血濺鴛鴦樓等劇皆足使觀者稱快然兵主人固有可殺之罪而其合家中數十餘口何罪諸如此類皆作者欲圖快人意信筆寫去未及究其流弊耳觀法紀而熾殺心更適足開武夫濫殺之風破壞王法端在於此

得一金

三

7

永禁淫戲目單

凡其他新戲之近於調情密約者一槩永禁不准點演

晉陽宮	打花鼓	翠華宮	賣胭脂	打連山	別妻	服藥
關王廟	葡萄架	翠屏山	困龍船	捉垃圾	思春	倭袍
蕩河船	賣甲魚	前後誘	拾玉鐲	打櫻桃	思凡	下山
打麵缸	鬧花燈	唱山歌	賣橄欖	賣青炭	借茶	三笑
賣草團	紅樓夢	把斗關	財星照	端午門	遊殿	送柬
請宴	琴心	跳牆著棋	佳期	拷紅	長亭	齋飯
吃醋	挑簾裁衣	偷詩	三戲白牡丹	交賬	送禮	滾樓
月下琵琶	琴挑	追舟	私訂	定情	跌毬	奇箭
嫖院	梳粧擲戟	脩脚	捉姦	爬灰	搖會	戲鳳
墜鞭入院	亭會	秋江	弔孝	背娃	吞舟	醉妃
種情受叶	勸嫖	達旦	上坎	賣餅	踏月	窺醉
種情受叶	勸嫖	達旦	上坎	賣餅	踏月	窺醉

右誨淫各種戲文如敢點演立將班頭送官究責或罰扣戲錢三千文以儆將來

以上各種風流淫戲誨淫最甚而近世人情沿于習俗每喜點演試思少年子弟情竇初開一經寓目魂銷魄奪因之墮入狹邪漸成癆瘵究其流毒所極甚至貞女喪貞節婦失節桑濮成風廉耻喪盡推原禍始此實厲階上憲禁示蓋以此也乾隆時揚州一商人衛某喜點淫戲後妻女多外交著醜聲衛某知之怒罵其妻女妻女反唇笑道你平日喜點風流戲取樂我輩不過謹遵台命學他好樣耳何怒之有衛某氣極得癡病死妻女更無所忌如牆花路柳焉此前鑒也今人各有妻女孰不欲妻女守清貞全名節各有子弟孰不欲子弟務正路享大年而乃喜點此種戲文煽惑人心害人無量試回顧家中子弟妻女嗚呼噫嘻天理循環恐將有不可問者矣

禁止演淫盜諸戲諭

丙申四月奉
山教事錄

爲諭止演淫盜諸戲。以正人心。以消亂萌事。蓋聞聖王治人性情。必以禮樂。禮教起於微眇。而樂之感人尤深。優戲亦樂類也。演忠孝節義之事。則愚夫愚婦亦感激奮興。或歎息泣下。是有司教化之所不及施者。優戲能動之也。雖謂勝於古樂可也。演天治褒狎之狀。則靜女良士亦蕩魂搖魄。不能自主。私奔苟合之醜。往往繇此而成。是有司刑禁之所力爲防者。優戲能敗之也。是甚於鄭聲之亂雅也。且演戲以樂神也。神聰明正直。豈視邪色聽淫聲也者。非直不視不聽而已。必致反于神怒。凡水旱癘疫之不時祈禱之無應。安知非淫戲瀆神之所致哉。或者謂有元黃之正色。不廢紅紫。有松柏之貞姿。不廢桃柳。凡忠孝節義與六男女之悲歡離合。須相雜而成文。豈其事涉風流。在所必絕。然如折柳一曲。夫婦依

依戀別能增人伉儷之重。僕婢相窺不及於亂。此所謂發乎情止乎禮義者也。何不可娛心意悅耳目而乃必跳牆廟會賣胭脂備諸穢態乎。古者淫聲凶聲有禁而當今功令水滸一書亦在禁限。蓋觀水滸者主戕官篡囚輒以爲快。不知上下有定分乃天經地義。父雖不慈子不可忤官雖失德民不可犯。宋江等三十六人橫行天下一夕盡爲張叔夜所殺。載在正史。凡爲不軌者可以鑒戒。今登場演水滸。但見盜賊之縱橫得志而不見盜賊之駢首受戮。豈不長凶悍之氣而開賊殺之機乎。案優伶爲本學所統管。凡有點淫盜諸戲者。仰班頭卽請更換。爾士民亦宜慎擇之以助本學正人心消亂萌而迓神貺是所厚望。

奉勸勿點淫戲單俗說

廟宇演戲本以敬神。及至點戲。把个敬字全忘了。每每好點姪

請教你想想這淫戲。神聖喜看不喜看。是敬神呢。是慢

神。臺下人看了有益呢。有損。就是你點淫戲的。適或到人家撞見。父子師生。聚在桌上看春宮。豈非大奇文。然亦天下必無之事也。何獨父子師生。同在戲館裏看臺上演的活春宮。就恬不知怪了。你想想看。廟宇神聖生日。多有擺供的。適或有人陳設一本春冊。與人看。豈非大奇文。然亦天下必無之事也。何獨戲臺上對了神聖。演活春冊。就不礙了。你且想想看。嗚呼。你不知不覺。提筆在朝板背上。輕輕一點。這一點墨。不知點汙了世間多少清白。可爲傷心痛哭也。謹懇仁人君子。凡逢執筆點戲。務點忠孝節義等戲。慎勿再點淫戲。藝瀆神明。而斷送人家子弟也。戒之望之。

堂名款待華筵近人亦喜點攤黃更關廉耻更爲十惡大罪

京江誠意堂戒演淫戲說

甲午年本郡

嶽廟戲臺樓屋一進。突於十一月廿一日焚燬。

淨盡人咸駭然。覺神廟不應如是。及推原其故。乃前一日鞋店

演戲酬神。會點挑簾裁衣賣胭脂等淫戲。故廿一日晚。即有此

異核。並無入只貯戲箱數隻。竟不識火所自來。且臺後木香亭地

至切近。而花簾絲毫無損。惟獨燬斯臺。足見淫褻之上干神怒。

也要知在廟朝。神惟宜演忠孝節義諸戲。庶昭激勸。若好演淫

邪圖悅耳目。則年少狡童觀之意。蕩無知婦女見之情。移喪節失

身。皆由於此。抑思見人好淫。尚宜勸阻。今乃告之以淫事。悅之以

淫辭。惑之以淫態。若惟恐人不好淫。而必欲誨之以淫者。有是理

乎。即稍知禮義人。尚目不忍視。豈可干瀆神明。嗣後邑人酬願

務貴虔誠。切勿祈神而反褻神。不能修福而反以造孽也。事

關風俗人心。願樂善君子敬體神意。廣爲勸諭。幸甚。

道光十五年嘉平月

教化兩大敵論

從來天下之治亂係乎人心。人心由乎教化。教化一日不行。則人心一日不轉。教化者。聖王馭世之微權。實人心風俗轉移向背之機。不可一日或廢者也。顧欲興教化而不先去其與教化爲敵者。則教化必不能施。譬之治病。苟邪氣未除。則補劑必不能受。此理勢之所必然者也。我

朝崇儒重道。正學昌明。學宮之外。書院義塾鄉約賓興久著爲令。凡所以訓誡小民者。固已無所不至。又復表揚善類。采訪頻仍。凡屬孝子悌弟貞女節婦至行可嘉者。例得褒旌。歲費帑金數十萬。建坊立祠。聿昭盛典。俾人人知所觀感。凡若此者。皆所以振聵覺聾。宏宣教化也。維風俗正。人心於是乎在。猗歟休哉。固宜薄海內外。悉主悉臣。而無敢踰越者矣。孰知近世竟有壞法亂紀。敢與教化

爲大敵。可爲痛哭流涕。長太息者。厥有兩端。一曰淫書。一曰淫戲。夫聖人之立言垂訓也。何一非導人於正。而淫書之作。則惟恐人之弗入於邪。先輩錢竹汀先生云。古有三教。今則三教之外。又添一教。曰淫詞小說。佛道猶勸人以善。而小說專導人爲惡。少年子弟情竇初開。一經寓目。魂銷魄奪。因此而蕩檢踰閑。喪身亡家者。比比皆是。是賢父師訓。迺十年不及淫書一覽之變化。爲尤速也。是聖賢千言萬語。引之而不足者。淫書一二部。敗之而有餘也。此固教化之大敵。可爲痛哭流涕。長太息者。其一也。俗語云。風流淫戲。做一齣。十個寡婦。九改節。又有云。鄉約講說一百回。不及看淫戲一檯。蓋淫戲一演。四方圍動。男女環觀。妖態淫聲。最易煽惑。遂致青年子弟。璇閣姬姜。牽惹情魔。難完白璧。是國家歲旌節孝千百人。不及淫戲數回之觀感。爲尤捷也。是千百正

人。君。子。扶。之。而。不。足。者。一。二。賤。優。狎。客。敗。之。而。有。餘。也。此。尤。教。化。之。大。敵。可。爲。痛。哭。流。涕。長。太。息。者。又。其。一。也。是。二。端。者。一。則。登。諸。梨。棗。毒。固。中。於。藝。林。一。則。著。爲。聲。容。害。且。及。於。帷。薄。在。作。之。者。固。屬。喪。心。病。狂。在。刊。布。點。演。者。尤。屬。寡。廉。鮮。恥。吾。不。意。尼。山。刪。定。之。後。文。字。之。禍。樂。章。之。壞。其。流。極。一。至。於。斯。也。吾。不。意。我。

朝。崇。儒。重。道。正。學。昌。明。而。尚。有。此。縱。橫。放。誕。敗。常。亂。俗。者。蔓。延。肆。毒。至。於。此。極。也。嗚。呼。此。夏。廷。之。洪。水。也。此。成。周。之。猛。獸。也。此。人。心。之。蠱。毒。政。治。之。孟。賊。也。此。聖。道。之。荆。榛。師。儒。之。仇。寇。也。吾。輩。含。生。負。性。忝。列。彝。倫。孰。非。沐。浴。聖。化。以。有。今。日。者。謂。宜。心。傷。髮。指。切。齒。同。仇。不。與。其。戴。天。日。可。也。謂。宜。聲。罪。致。討。掃。蕩。廓。清。不。使。稍。留。餘。孽。可。也。讀。聖。賢。書。所。學。何。事。所。志。者。又。何。事。何。干。百。年。來。擁。皋。比。爲。多。士。師。者。後。先。林。立。乃。熟。視。之。若。無。視。一。任。其。賜。張。簧。鼓。惑。我。齊。

民而會不少爲措意也何普天之下矜碩學號聖人徒者一堂濟
濟乃心惡之而卒置之一任其揚鑣暨熾凌蔑先民而曾不一爲
過問也豈以爲小醜無足介意吾但固其藩籬彼將不戰自退
耶豈以爲耀德無取觀兵吾但自舞其干羽彼將不日來格耶噫
其然也其不然也昔夫子之與顏子論爲邦也曰放鄭聲孟子之
言正人心也曰息邪說放淫辭當是時天下之弊政弊俗當革當
除者亦多矣乃一則曰放鄭聲一則曰息邪說放淫辭如治病然
邪未除總不敢言補從可知古聖賢救世之方挈領提綱急其所
急其所重者蓋可想見矣且春秋時之鄭聲不過以其近於柔靡
易以惑人斷未有如今日之甚也戰國時之淫辭邪說亦不過以
其言之誕妄恐遂流蕩亦未有如今日之甚也而孔孟已大聲疾
呼排斥不遺餘力非以其負隅之勢已成顯然與吾道抗有不可

不鼓全力以除之者。則今日淫戲之宜禁。邪說淫辭之宜燬。非爲治者第一要務耶。雖然。淫書淫戲之宜燬。宜禁。固矣。而世固有聰明自負之徒。逞其才辨。顛倒是非。轉若談笑處之。以爲無損盛德者。是大敵之外。不啻又有張其燄而助之攻者。爲可慨也。習俗移人。賢者不免。末流橫決。砥柱伊誰。非有當代名世大君子出。爲之登高而呼。力排眾議。恐邪氛日熾。愈出愈奇。浸浸乎且有倒戈內向。爲吾道憂者。更不知伊於胡底也。一肩世道。隻手狂瀾。噫。微斯人。吾誰與歸。

從古禮法爲名教之大防。自淫書淫戲出。而禮法壞。大防決矣。顧或者謂智者見智。仁者見仁。過眼空花。何須膠柱噫。此上等人。見地豈可槩諸中材以下耶。天下上智少。而中材多。庸耳俗目。識見易淆。受其毒者。何啻恒河沙數。此司風教者所宜痛心。

切齒誓欲滅此朝食者杞憂竊抱蒿目徒殷有能垂念及此作
登高之呼爲名教干城者乎山人雖老猶能執鞭從事也晦齋自記
淫書本干例禁自宜官爲嚴禁立予銷燬惟官府如傳舍恐旋
作旋輟日久懈弛仍復滋蔓必須札飭各邑善堂義學鄉約紳
董就善堂中另籌一欸設局收燬隨見隨收隨地察辦永爲定
例其淫戲則亦由各善堂知照各鄉董各就社廟一體立碑永
禁永遠不許點演如違罰扣戲錢若干各字樣紳董中有人
不少必有能相率興起爲地方主持風化者干鈞一髮隻手狂
瀾跋予望之

禁止花鼓串客戲議

近日民間惡俗其最足以導淫傷化者莫如花鼓淫戲。

吳俗名難黃楚中名

對戲南波名串客班口西各三脚班

所演者類皆鑽穴踰牆之事言詞粗穢煽動

尤多。夫床第之言不踰閨中葦之言醜不可道一自當場演出萬

眾齊觀淫態淫聲蕩魂攝魄當此而能漠然不動等諸過眼雲煙

者有幾人乎少年情竇初開操持未定鑿開混沌一決難防從此

斷喪真元沉酣慾海背其父母狎及奴婢病從此生身從此殞爲

害已不可問矣况鄉間耳目逼近高樓演唱男婦紛來習以爲常

恬不爲怪演者盡情摩繪無非密約幽期觀者注目流連暗動癡

情幻想遂至寡婦失節閨女喪貞桑濮成風變端百出流毒更何

忍言哉。俗語云。攤簧小戲演十齣。十個寡婦九改節。向特以爲甚

言之耳。乃今觀於某鄉因演攤簧數日兩月內屈指其地寡婦改

醮者十四人多係守節有年。一旦改志者。更有守節十餘年。孤子
年已近冠。素矢不嫁。而忽焉不安其室。托媒改醮者。聞其子泣諫。
適其子憤恨欲首告倡首者。因地方多人勸阻而止。然此特言其
害之顯而易見。近而可徵者耳。更有因此而湯檢踰閭。淫奔苟合。
因想成病。因奸致殺。暗中蓋此戲俚俗不堪。最易學習。地方男婦
受害者。更何可限量耶。耳濡目染。皆能摹倣聲容。互相傳習。一人唱出。台巷皆聞。兄弟姊
妹。初無顧忌。狂蕩者。又往往藉此爲勾引之媒。卽有穩重貞姬。幽
閑淑女。欲其保全名節也難矣。至此則未看淫戲之婦女。吁。其可
畏也。夫我朝尊崇貞節。凡青年矢志白首不渝者。例得褒旌。或
建坊或立祠。所以鼓勵廉耻。激揚風化者。無微不至。以故人人感
奮。奇節苦行。遠過前朝。而窮鄉僻壤。偏有此等狂妄之徒。日以謔
淫爲事。惑我齊民。是國家歲旌節孝千百人。不敵花鼓淫戲數
回之感化爲尤速爲可痛也。抑又聞之。演此戲者。多爲聚賭窩匪。

之計。以故淫戲一開。賭風日甚。盜賊潛生。案牘繁多。株連無已。近世民間惡俗之可爲痛哭流涕長太息者。孰有過於此者哉。陽明先生傳習錄深言淫戲之弊。可見此事爲風俗大害。先儒固早慮及此。自來賢明官長。每嚴申諭禁。而其風終不可絕者。非盡由於地方官之奉行不力也。地方官以民爲子。未有不坐視者。蓋若輩串通胥吏。奉票下鄉。得錢卽縱。蒙混稟覆。互相隱瞞。官長清查。差房中飽。比比然也。吏胥之有心肝而實力奉行者。正不可多得。卽有賢邑宰留心風化。加意嚴緝。立竿到案。亦不過聊示薄懲。斥逐出境耳。夫斥逐出境。固可冀絕跡於此方。而面目依然。勢必仍流毒於異地。蓋彼旣習爲此業。勢難驟改。此散彼聚。出沒無常。更得地方棍徒包庇其間。其根遂不可拔矣。又況奉行上命。勤惰不同。禁令稍寬。卽爲若輩潛踪之藪。良有司實心斥逐。卒不免以鄰國爲壑。卽查拿到案。當官

發賣而安分軍民每多不屑其願買者仍多若輩化身名爲領賣。實則取贖。若輩聲氣廣通甘言媚詞官長爲所蒙蔽以爲自此從良可不至再蹈前轍矣。然而一出監禁仍習故業。未受挫折祇耗所此亦勢之無如何者也。然則其風竟不可止乎。竊嘗再四籌之。此輩皆無知愚蒙誤於幼習含羞餬口既難別事營生法重情輕更難置以極典欲圖本原之拔必求善處之方。宜由上憲嚴申禁令曉諭各屬嚴禁勿得以此等淫戲教習婦女並責其就地教習蠶桑以務本業。並於省會中設一禁錮教習局。嚴絕內外。如外例而變公舉老成方正者數人主其事。院內備紡織具。律民間老婦數人任其教習。凡遇演唱花鼓婦女除擎到先行懲責外。隨即解入省垣收入此局教養一二年。日給兩粥一飯。使老婦督其蠶桑蠶桑事畢。即教習木棉紡織。月課其功。半年後即可取其課利。

八公仍不啻自食其力。如不願學習。或懶於操作者。卽減其粥飯。
 察出嚴俾知改悔。至一二年後。業已學成。心已灰敗。方許其出而。
 責之。如有再犯。定行嚴辦。不貸。辦雖難。然急於辦者。上鈞若擯。
 從良。如有再犯。定行嚴辦。不貸。辦雖難。然急於辦者。上鈞若擯。
 策婦則登臺演。唱。終日誦誦。釀成多少。桑其男者。拏到卽照例重。
 濶風氣。其爲害尤酷。故懲辦尤宜急也。其男者。拏到卽照例重。
 治刺面爲記。吏胥私放。察出嚴行斥革。至包庇攤錢之輩。照地棍。
 例重治。尤不稍寬。如有狗庇屬員。不能實力查拏者。一體查究。嚴。
 灘黃婦。女。地方官。每以法重情輕。恐防造孽。又卑詞乞憐。故多不。
 忍。加以結刑。今此辦理。乃革其舊習。名爲禁鋼。實引以正路。有功。
 無過。勤加查檢也。如是則已犯者。自可改圖。未犯者。皆聞風知戒。
 不。妨。勤。加。查。檢。也。如是則已犯者。自可改圖。未犯者。皆聞風知戒。
 庶幾風俗。可以還醇。人心。可以復古。初不必用嚴刑酷法。而挽回。
 者。蓋不少矣。收禁。一灘黃婦。可免數千百人之害。若此。事一舉。使。
 大。未。有。過。千。百。人。之。命。蓋。以。其。一。人。足。以。害。千。百。人。之。命。若。收。禁。一。灘。黃。婦。
 婦。則。可。活。千。百。人。之。命。蓋。以。其。一。人。足。以。害。千。百。人。之。命。若。收。禁。一。灘。黃。婦。
 自。全。活。也。此。拔。本。塞。源。之。道。上。可。以。輔。國。家。旌。揚。貞。節。之。典。而。峻。
 者。多。也。此。拔。本。塞。源。之。道。上。可。以。輔。國。家。旌。揚。貞。節。之。典。而。峻。

其大防。下可以杜閭閻淫靡之俗。而安其本業。而治化有不蒸蒸。日上者哉。世不乏有心人。能奏請。諭允。嚴申禁令。通飭各省。并禁戲班。不得搬演淫戲。茶坊中不得招留彈唱。攤簧男婦。近來茶坊中。又有彈唱一流。男女對白。所唱者。多閨房體事。竟與灘簧無異。又於以杜淫根。而示正軌。此國家之福。而亦天下蒼生之福也。願與扶世立教。大君子其圖之。
通省業此者。多不過數百人。即禁至一年後。即可自食其力。則籌費更屬無難。有志君子。幸早籌之。
又郡縣幅員甚廣。耳目難周。務請

上憲飭地方官。勸諭城鄉父老。設立禁約。違者議罰。以本地人除本地弊。既不許無賴子弟。歛錢演唱。復何慮差役包庇得賄容留。法簡易從地近易察。心齊可久。罰嚴難犯。所謂官禁不如私禁者。此也。實心勸諭。是在良有司。開其先耳。

勸禁演串客淫戲俚言串客

淫戲本不可演。而串客淫戲更不可演。蓋大班王戲多淫戲。少陳
戲。書既勿點淫戲。班內斷勿敢自做。若串客之花鼓淫戲。則全是
調。諷可憎之淫戲。並無一齣正戲。且都係游手好閑不習上流之
子弟。平日毫無廉耻。專喜淫蕩。把一種小本唱片買來。你唱我和。
及至上臺。一花面。一旦脚。扮做男女。備極醜態。裝盡油腔。而其白
口油子。又都是土話。使婦女小兒們聽了。句句記得。做的既揚揚
得意。唱的自戀戀不舍。所以大班演戲。婦女看的還少。若打聽得
某處有串客做。則約妯娌。會姊妹。帶兒女。邀鄰舍。成羣結隊。你拉
我扯。都去看到。做一日。看一日。做一夜。看一夜。全然不厭。做串客
的。見了年輕婦女越多。他裝做淫相。越醜。越頡。使婦女們當下眼花
撩亂。慾火焚燒。已有按捺不住之勢。再加以輕薄子弟。游蕩淫棍。

從旁百般戲謔。無所不至。此刻在婦人恐怕當場出醜。隱忍不敢聲張。在男子私喜暗地無知。猖狂任其戲弄。况情慾旣動。胸中便無把握。其或素愛名節女子。雖不至失身于人。而情魔纏繞。難免因想成病。因病喪命之患。若是沒廉耻婦女。淫念一起。奸情百出。往往看此戲後。有私期偷會的。有密約拐逃的。有不顧貴賤。主僕通奸的。有丈夫久出不歸。勾引狂童入室的。有孀婦空房難守。招攬光棍當家的。種種傷風敗俗之事。都從看串客起因。自有串客淫戲。直使人人走入禽獸一路。想到此處。令人不勝髮指。這樣區類。倘不速爲禁止。其流毒豈有窮盡。奉勸各處紳士鄉耆公稟縣尊。請示嚴行禁止。并懇賢父母官。飭差到處查察。見地方上有演串客淫戲者。立將爲首之人及行頭主。一并扭送到縣。重責不貸。庶幾匪類永絕。淫風自清。請高明者細心想之。

禁串客淫戲告示

孟都

爲出示嚴禁事。據紳士陳掌文等呈請。竊照演戲酬神。例所不禁。惟串戲一項。本係游閑無恥之徒。專習淫褻詞調。扮演男女私情。當街搭檯。備極醜態。以致男女聚觀。乘機誘惑。敗壞風化。莫此爲甚。前于咸豐年間。迭經各紳士呈請示禁。蒙前道府二憲并縣主會銜出示。並嚴查懲究在案。自此城鄉各處。咸知畏惕。不敢演唱。無如逆擾以後。城中尙知斂迹。四鄉恃以路途廣遠。查察難周。仍然故態復萌。敢聚衆串演。而且奸徒藉此圖利。開場賭博。愚民無知。被其局騙。種種弊端。不堪指屈。因思鄉各有塾。塾必有士。村各有族。族必有長。如果各鄉各村。該宗房長與讀書明理之士。督同地保。互相查禁。豈容奸徒聚衆開場。任意串演。爲此亟亟公叩恩准。會銜出示申禁。飭差查拿究辦。並傳各圖地保。到堂嚴諭。飭令

各具甘結。以端風化而靖地方等情。據此查演唱串客最爲風俗人心之害。經前道府縣會銜示禁在案。茲據該紳士等呈請申明禁令。合亟查案會銜示禁。爲此示仰城鄉內外軍民人等知悉。自示之後。爾等務各安分守業。毋再罔顧廉恥。演唱串客。倘敢肆行無忌。一經訪聞。或被指控。立將該圖地保。并行頭主。及爲首斂錢。在場串戲之人。嚴拿究辦。一面追取箱籠衣物樂器等件入官。并令各鄉村宗房長與紳士等。督同地保隨時隨地互爲查禁。訪察得寔。立即指名報告。該地方查禁不嚴。無論該地保有無賄隱情弊。一并從重懲治。決不寬貸。各宜凜遵。毋違特示。

公稟秘邑尊呈稿

爲政令方新。敢萌故智。稟叩籤提究禁事。竊甯波城鄉。往往置辦服箱扮演串客。寔爲賭博起見。俗所謂廟會場。其所做戲劇。只有

一丑一。非勾誘通姦。卽私奔苟合。醜態萬狀。淫曲千般。閨動就地男婦人等。挨肩擦背。混雜其間。從此淫風流行。言難勝述。前經呈明道府縣各憲。歷奉出示嚴禁。并于一畝之內。責成地保一族之中。責成宗長。如能首先通報者。立予賞給。各在案。茲當

仁憲榮任。政令方新。詎有東鄉四都六畝之李沈兩姓。胆于本月初九日。定得混號新友癩頭所置之三星堂串客班。并有四都地方族長邵和俊。開設賭場。圖勾賭脚。胆於本月十二日。定得屠甯沛所置之得勝堂串客班。分頭扮演。故智復萌。地保邵太順。俞觀成。極力理阻。肆無忌憚。來城通報。始得驚知。似此淫劇誘人。大壞風化。在串演者。廉恥道喪。無足爲奇。而觀看者。惡習移人。伊于胡

此崇叩 云云

付議規

蓋聞百事以姦爲最醜。萬惡以淫爲最先。吾甯串客一項。而演男
女姦淫醜態萬狀。旣無情節可觀。又無果報可據。不想無知之輩。
藉此爲歡。非徹夜狂歌。卽連天扮演。遂致男人敗度。女子懷春。或
成童情竇初開。頓萌色慾。或寡婦貞操頗固。忽改初心。敗俗傷風。
莫如此甚。寡廉鮮恥。無以復加。現奉道府縣三憲會銜各處申禁。
誠恐村庄鄉野未及周知。爰于一畝之內。責成地保。一族之中。責
成宗長。務須明白開導。自相警戒。倘畝內怙惡地棍。恃霸不從。卽
由該地保密稟憲署。族內不肖子孫。執迷不悟。卽由該宗長密稟
憲轅。庶幾各畏王法。自保門楣。則串客不絕而自絕。風氣不古而
自古矣。此啟。
賞格附後。另貼告條
奉道府各憲嚴禁串客事。嗣後再有違禁肆做者。有人訪聞確寔。
准其赴甯邑廟體仁局通報。司事查明。賞給大錢五千文。

上海道通飭示禁淫戲頒發永禁碑式

蘇松太兵備道應 爲通飭示禁事。照得搬演雜劇。律內止許粧扮孝子順孫。義夫節婦。勸人爲善之事。近來戲班所演之戲。非特不能勸人爲善。且多演唱各種淫戲。竭盡醜態。導人爲惡。其情最堪痛恨。然使演戲之家。終不點演。則亦無能感人。乃有一種浮蕩之徒。往往喜點淫戲。自命風流。不慮觀之者。目炫心迷。蕩魂失魄。甚至害及己家閨閣子弟。誠不知其是何居心。且鄉間演戲。皆爲酬神邀福起見。試思聰明正直之爲神。顧可演淫戲以褻瀆之耶。至花鼓淫戲。本干例禁。班內男女混雜。向後苟且曖昧之防。一切情事。何堪聞問。演之者皆圖誘人聚賭。尤爲風俗人心之害。去年業經通飭嚴禁。茲本道訪聞此風仍未盡絕。各處多有演唱。自應一體嚴加示禁。以正人心。而端風俗。除刊刻告示外。合行札發通

飭札到該某即便遵照將發來告示轉發各屬代爲標判。遍貼曉諭。并於常年淫戲最多之處。立禁碑。俾衆觸目驚心。以垂久遠。其鄉間演唱花鼓淫戲。開設賭場之人。應如何懲辦。以靖地方。其尋常戲班演唱淫戲。應如何勸諭紳士隨時隨地開導禁止。以挽頽風。均卽由縣各就地方情形酌議具覆。總期事歸實際。毋得徒托空言。是爲至要。切切特札。

同治六年十一月

日札

惜字會條程

卷十二之一

人生斯世。父生之而師教之。師者所以成我。而舍字則無以爲教。故不敬字者。其罪同於背師。人莫不有師。卽無人不當敬字。飲水思源。禮隆報本。烏可輕褻耶。輯惜字會條程。

彭南昀先生惜字說

惜字建會。貲費不多。貧富皆可行之。稍有力者。尤在僱人廣收。每夕焚化。灰用蒲包裝好。送之于江。予目見行此法。不倦而得大魁者。與予而三矣。然所惜亦有限。計每年焚灰。總未滿二千斤。豈能徧及一省一邑耶。魏莊渠先生云。大丈夫欲致君澤民。可以廟食百世者。不爲相則莫如爲令。與守予深味其言。卽如惜字之法。作福甚大。守令行之亦甚易。凡發告示。先存號簿。着地保用木牌。或蘆竹簾裱掛。逢幾月按簿弔銷。不致風雨溷落之狼藉。并禁貼一

切招紙在星卜學術果精。鋪家貨物果正。何待招之。使天下
淫藥尤敗風俗。以及靴鞋窰戶。傘扇茶食蠶繭燭心之類。皆
諭一概禁止。尤在嚴拿造還魂紙之人。不妨懲以重法。封其屋
毀責一警百。予見禾城典鋪二夥。合賣積年賬簿爲還魂紙。計直
百二十千。未幾兩人之子俱夭。遂以乏嗣能絕其弊。豈不大妙。更
須杜賣淫書務要劈其板。盡焚其書。無使藏匿留遺。真一舉而積
無量之福也。學士陳恂之父莅江西景德鎮。不許碗底描字。子孫
科第不絕。可見官卑則澤及一方。位高則澤及一省。若力能奏請
諭允。永遠著爲令典。則澤及天下後世。功德不可勝言矣。居官不
于此等處作現成福。而又得萬民之感戴。如入寶山空手回。甚是
可惜。又爲幕爲吏。本官不知竭力勸之使行。真不費錢功德。凡與
官幕吏相識者。一以吾法化導之。亦人人可作之福也。

惜字會分別緩急說

近世惜字會所在多有。具見善有同心。法良意美。顧所定條規。多僱工人挑擔廣收。按斤給價。工人利於多收。斤兩僅向店鋪書館字簍中收取。躉字。而於灰堆遺紙。牆壁招條。零星散棄者。往往熟視無覩。此名收字紙。非拾字紙也。并非敬惜字紙也。夫所貴乎敬惜字紙者。正在於灰堆牆壁污穢不堪之地。細心檢拾。使聖賢遺蹟。不致混入泥沙。庶足以昭誠敬耳。字紙而在灰堆牆壁。一經風雨轉眼。化爲烏有。甚至人畜踐踏。穢溺交加。鄉人扒去。雜入糞窖。此何如情。何如景耶。而謂可稍緩頃刻耶。譬之濟貧。一則甌罍未罄。尚可支持。一則爨火久虛。難延旦夕。此其情勢孰緩孰急。救援之法。孰後孰先。不待智者而決也。簍中躉字。已累不虞復散。猶貧人之瓶罍未罄。尚可支持者也。灰堆牆壁零字。不拾。即將淪沒。猶

貧人之爨火久虛。難延旦夕者也。舉惜字會而不於此權其輕重。豈得謂之敬惜字紙也哉。是故舉惜字會者。挑膽廣收。固不可廢。而拾遺揭壁尤所當先。惟計斤兩則功課易稽。拾零星則功夫難察。不得其人。恐多曠誤。必須另擇老成勤篤之人。專任其事。日攜一袋。徧處搜尋。分別淨穢。以便洗焚。察其勤惰。以定賞罰。如此方可謂之拾字也。如此方可謂之敬惜字紙也。區區鄙見。事關至要。願與惜字會諸君共酌之。以收穢塗中字紙。一可當廢。故留心收拾。功德亦加十倍。急莫急於此也。

惜字爲積善中大功課。功名之得失。子孫之賢愚。祿壽之增減。多由於此。乃世人於惜字會亦知關切。而道旁遺字。往往熟視無覩。一若有褻身分者。噫。士子讀聖人書。便當飲水知源。見字一如見聖字。紙而在灰堆牆腳。是聖蹟將溺於糞穢也。於此而不怍怍。心動者。豈人情乎。昔趙恭毅公未發時。隨身攜一袋。見遺字卽拾歸洗焚。子熊詔亦然。

常郡修舉惜字拾遺會啟

惜字會宜以拾遺爲重以其拋棄泥沙不數日便不可收拾也若現

成字紙可以接季收取

夫畫始鴻荒。究形聲之變化。文同天下。啟治教之昌明。故惜比兼金。護持宜力。而用同粒米。狼戾可虞。欲無落溷之嗟。庶效披沙之揀。此惜字院所以向有拾遺之舉也。然而善緣誰嗣。盛舉久停。焦爇間之桐質。罕遇中郎。埋獄底之龍文。難尋雷煥。護少紗籠。壁上的飄零不少。沾同絮點。泥中之滅沒何堪。忘制作之本原。貽鬼神之惻怨。今各友共議捐資。重爲議會。頃筐以暨。不終日而已盈。夾袋所收。無零星之偶棄。浴之香水。免受塵汚。付之鴻爐。長歸淨境。下界搜奇。不藉六丁之神怪。名山訪秘。益瞻二酉之尊嚴。意本前人。幸典型之未遠。功資同輩。期經費之共籌。福有默資。仁無多讓。今將議定規條列左。

一興事之始。議募捐爲創製器物修理惜字爐諸費。

一事期垂久。議零捐按月收取。倘有總捐巨項者。另存生息。

一通城內外分四路。設拾遺人四名。承值每路按日分段。限某日

到某段。每旬除給假一二日外。可歷一周。

一拾遺人每名日給工食錢五十文。所得招紙零星字紙。每斤另

給錢七文。竹木灰漆綢布字跡與紙同例。磁瓦字跡每十字給

錢一支。殘書每斤錢五文。粗紙賤錢二文。懶惰者追還器具。另

召換充。藉端偷販者送官究治。

一拾遺人按日周流。風雨無阻。倘因故耽擱。自覓妥人暫時替代。

如有弊端。惟本人是問。

一發貼告示滿三月。收揭其餘一切招貼。滿二月。收揭字跡剝落

者。不論。倘混貼坑厠不潔之所。以及淫邪藥帖等紙。隨貼隨揭。

一字紙潮濕俟晒乾方准交秤倘污穢不淨另爲收聚用水漂洗仍另貯送局焚化

一竹木灰漆綱布字跡與紙同例茲瓦字跡每十餘字給錢一文殘書每斤錢五文粗紙賬簿錢二文

一兼拾遺穀另設小布袋貯歸不必送局另加獎勵

一兼收買之法廣置字籠分送各家令拾遺人於拾字暇時收取字紙送局照例稱斤給價庶字可廣收杜匪人偷販之弊而拾遺人亦不得專貪收字妨誤拾遺正課按此條須酌蓋局中另有拾遺專收每斤四文不宜夾雜

一兼捐焚之法各典各店殘紙廢簿堆積如山易開匪人偷販之端倘盡須收買經費難敷允使各發善念捐送院中立時焚化一分按四城地段各舉同志董察拾遺功課逐日字紙卽于當處

投董呈繳給條赴局照驗以徵勤惰以區賞罰

一字紙潮濕及夾帶泥沙香灰希圖欺冒多擔斤兩者于應領價

值內罰去一半充公

一設字簍針線簿千公所散給逐期登賬若携歸私送者不准于

會內開銷

針線簿原刻各花樣竊意可附刻逆媳地薄圖及前

妙法此三圖可不寫字一看便知又拔舌圖逆媳變牛圖亦妙

一殘書間有篇帙稍完聽人領回誦讀者每大木繳錢三五次可善書

訂送人

一會中事宜準依成例或因時制宜不無增損各友虛中合議擇

其盡善者行之其有一二人私見不得冒昧竟行

一收買字紙除本局拾遺人外凡有字紙到局不拘遠近多一例

收買原例以每月十一日為收買正期在會各董務宜到局監

督檢攝焚化。無得托故不到。

又另設拯穢會。凡城中垃圾。收灶灰。每有鄉民買去。城北沿河一帶。為積灰基地。主收地塲錢。其中字紙及米粒布號零雜遺棄者不少。局中公議令收灰人細心檢出。交地主。着地主五日一繳到局。量給價錢。此舉極善。蓋必如此。而惜字之法。乃詳且備也。也有心人幸留意焉。惜字須于此等處留意。常郡此局新設至周詳。審密煞費苦心。最可取法。各州縣皆宜倡舉。

拾字用器說式附

鐵鉗 紙帖恒在高牆。仰揭頗艱。用鉗期手腕靈便。無不及之虞。然宜輕而不宜重。欲以便運掉也。鉗長一尺六七寸。重十兩許。式類燭剪。而口則似鑷。相關須緊。頂上尖銳有鋒。又可富鏟。高平匠人能為之。小鐵鉗專拾街縫遺穀。小鐵鉗式如燭鑷。

鐵鏟

紙帖陳朽難揭者宜輕輕鏟下。勿動牆土。致雜入泥灰。並

緊承以小篋箕。勿使零星散落穢壤。反增褻瀆。鏟長四寸。柄

居其半。口廣三寸。略如馬蹄刀式。

如有紙帖門板上者。另用角片。即以漆匠○或鉄鏟外套以皮。敲口略寬。以不傷門板。角

片。即以漆匠○

或鉄鏟外套以皮。敲口略寬。以不傷門板。角之角匙爲之。根處扎緊。便可用。篋箕極爲輕便。

篋籬

籬以盛字。勿過大。即過隘。巷仄徑亦可隨身攜往。蓋字紙

之。由于檢拾者。縱窮日之力。亦不能多。即此已足收貯。倘身

帶巨器。重滯不便。且生彼貪多滿載之心。必挨門搜索。現存

字紙。置正課於不問矣。籬深一尺許。大亦如之。上有提絆

周圍及底蓋。皆用篋細編夾以油紙。以防遇雨浸濕。

篋箕

說見鐵鏟。

箕長不盈尺。口廣八寸。箕唇不用篋扎。以便

緊貼壁上。字迹不自隕落下。

竹筒

紙帖乾粘難揭。用筒蓄水。以棕帚蘸刷潮透。揭取。筒長

一尺五六寸許用極大毛竹截成上貫以繩便于攜帶

棕帚

說見竹筒 長一尺四五寸竹柄編棕爲帚廣狹視筒口

以便容納

或用笊帚
酒水亦可

布袋

字迹從穢處得首勿和入籬內貯袋收歸漂洗晒乾另焚

袋用小布一尺三四寸縫之

小布袋專貯遺穀

約四寸長
三寸闊

絮襖

冬日給之拾字不避寒暑禦之不可無具也用新棉一

斤有餘照襖式彈成上漫棉紗以布緣其領口襟邊所謂著

肉絮也

草帽

夏日給之

簪帽

以禦雨雨中字迹易至漂沒而亦以彼雨濕透轉易收揭

故惟大雨宜避至霧淞小雨中最高緊要工夫

釘鞋

說見簪帽

尋一錄

卷一 雜字

去歲重舉惜字拾遺會。匪歲規模。特立四方。頗來問其式法。會中所立規條。業已刊布。然其各式未詳其說。視之未如指掌之瞭。猶不足請正于海內諸君子也。爰就應用各物。稍綴數言于下。

附惜字五法

常郡有惜字勸戒錄一書。板藏清秘閣。最爲詳備。此亦其中摘出者。

一日滌穢。昔西冷袁上珍夢械見王天君責以焚燒穢字之罪。設有不潔字紙。須用清水滌去泥穢。再換水入香末少許。逐一洗過。收置竹筐。曝乾另燒。冬日恐易結凍。宜用爐火烘乾。焚後將灰別貯。勿與淨灰攪和。滌字之水。以極細羅篩。瀝取泥滓。恐其中尚有纖悉刺字。亦必揀出。一概烘燥。不得隨便傾潑。聽其流入穢處也。近水口者。卽將瀝過之水。挑送大河。離水稍遠者。勢難挑送。亦當傾向淨處。如此慎重。方爲實心奉行。

二日貯灰 昔槎溪朱寧約勤于學字。焚灰輒棄散不加珍惜。至罰減壽算。夫五福以壽爲先。不惜字灰。罪罰且當如是。可不悚然警惕乎。曩時嘗與友人面試。取潔白紙張于背風處。焚化既成灰矣。驗之字跡宛然。不過比前縮小耳。又如疏文符籙。每至焚後方有靈應。可見字雖燒滅。鬼神視之依然字也。況十斤字紙燒灰不上一斤。是少許之灰。實有無數之字。務宜敬謹存貯。策送江流。不得隨便拋撒。致干罪戾。

三日建爐 字爐宜製造淨院祠宇。爲上書館。次之四周繚以短垣。使與外方間隔。垣之側設木門。常時扇閉之。焚字則啟。爐底墊磚一層。令字灰不沾泥土。爐口用鉄門一扇。化字時將門拽開。俟字入點火。引着數處。卽將門關上。其紙自爐兩旁氣孔不。必過大。只要透得烟出。又須稍爲曲折。縱有風吹隙。亦不能揚。

灰倘居家不能建爐者。焚時宜用鎮江燒酒壘壘口覆以瓦。灰不飛。火不熄。焚處宜在淨室。不宜露天。恐熱灰見風易爲吹散。若併無淨室。必須露天。又當俟無風天氣方可焚化。

四日出灰。灰既多。須將灰內或有未燼之字紙。揀出與後來字紙一總再燒。其餘淨灰須用清水緩緩向爐內澆濕。用長柄鐵釘。壓卽在爐內拌勻。如此則灰不揚起。爐外用大匾一個。將寶納在匾中。用木勺將灰取出。盛于寶內。築堅。其匾內之灰屑。掃歸爐內。或收入寶內。寶用雙皮紙雙層封口。

五日送灰。灰寶爲數已多。宜用船載送江心。或送海中。將近江海之時。必將水緩緩注飽。灰寶及至中流。推入。立卽沉沒。庶免弊端。送灰之人。或托帶。或專請。須用親信可靠者。方免賣灰賣寶等弊。

張邑翼曰。惜字加名曰敬。蓋必以心能珍重爲真惜也。王沂公父爲夫子嘉子。以其能香湯洗燒。近年西冷袁上珍。夢械見王天君責以焚燒穢字之罪。非以其惜而不知敬乎。

近年惜字會之舉。莫詳於常郡。而科甲亦稱極盛。蓋善氣所感。

也。各店字號皆改用花樣。並請憲示。如煙店煙包紙。此日用民買去往往隨手拋棄穢厠陽溝滿目皆是甚至有用

以拭大便者心慘目更不忍言。地方官所當嚴禁也。香鋪線

香紙。拋棄極多藥包。茶葉。肥皂。百字隨洗滌無一存傘鞋店。及各雜貨

店。止許用花樣。不許用字。各惜字局紳董公議嚴禁。如有不遵。

卽時議罰。惜無形之字。誠善舉也。不費錢功德有心者幸勉之

蘇州府正堂李示

曉諭事。據紳士吳仁榮王汝玉包汝霖黃壽鳳等稟請飭禁沿街一應招貼。并各衙門告示。請用木板或牆壁。張糊張掛。以惜

字紙并求給發手諭刻印通行等情到府。本府查士讀儒書。固宜敬惜下之農工商賈。亦有子孫。無不望其顯榮仕進者。烏得將聖賢遺跡。任意輕褻。棄諸穢地。除據稟先發硃諭。限令地保。啟揭外。合行列款申禁。爲此示仰鋪戶士民人等。知悉爾等各照後開規條。逐一遵奉。實有厚望焉。毋違特示。

計開

一各衙門示交向俱用木板或簾片裱糊懸掛。不得浮貼牆上。以致隨處墮落。

一各店鋪及命相星卜之類。招紙多粘於溝渠園厠之處。貨物果正。藝術果精。何待招徠。嗣後概不許遍貼招紙。其醫生住址。尋人招貼。及善堂催葬傳單。不在此例。

一售賣種子壯陽墮胎各種淫邪丹藥招貼。及茶館說書唱書戲

法像聲雜耍包搖大會各色招紙。並江湖方技之流託名報恩揚名等單。俱經飭禁。嗣後再有粘貼。一經察出。著落地保交出。本人照例嚴辦。

一破布頭店。城內齊門街。護龍街。城外山塘街。馬鋪橋等處。皆布頭店聚集之所。專收碗船鏹擔。及偽惜字擔。殘書舊簿。字紙。由糧船夾帶至山東直隸等處。又有客販到蘇。販運各省。造作回殘紙張。或作花炮等項。疊奉撫憲道憲前府及本陞府各出示嚴禁。嗣後如再不遵諭禁。仍敢屯積銷售者。定卽按戶嚴提。從重懲治。

一拾荒擔內。檢拾紙片。不論有字無字。俱賣與紙作坊。偽惜字擔。擔上假掛文昌宮魁星閣惜字會牌子。凡收回字紙。逐類檢出。舊書賬簿。賣與破布頭店。白料飛花。賣與回殘作。桑皮紙賣與

腳盤漆匠店假洋扇店破文章賣與賃小說店裱夾裏黃筒紙賣與匠作打紙筋僅剩零碎紅雜色紙不能回殘者賣與惜字會焚化否則竟供炊爨之用經前府示禁并傳諭各會真字紙擔如遇偽擔卽時扭送各地方官懲治在案嗣後如再有以偽亂真者仍前辦理

一紙作坊廣收殘書賬簿字紙堆貯缸中用水泡爛用足踐踏作爲還魂紙蘇郡北寺後沙河蕩退居里承天寺前桃花塢雙塔寺前四擺渡各處皆有作坊其始但收紙店書坊切下紙腳浸爛回造其後并收偽惜字擔上白料有字紙名曰飛花一併回造入缸時必加人溺及穢濁之物字蹟乃化自後各紙作坊不許收買字紙飛花等造作還魂紙一經查出定將器具銷燬房屋入官充賞

一齊門外錢萬里橋。紙行家將黃筒紙七都紙原來紙捆邊上印記錄去。重印此地印記其錄下字屑每年有一千餘擔之多。各紙行棧房管事俱賣與匠作打紙筋。從前紙行曾會議刊碑建爐焚化。現今廢弛已久。究屬何故。着各紙行迅加整頓。仍舊焚化。毋任散棄。

一店鋪包貨紙張。印記招牌字號最易穢污者。莫如香粉肥皂。一經用盡。鮮不棄擲。如零賣糕點茶葉。建煙水煙潮煙杭煙之類。亦必加印牌號。往往代作粗紙。陷於廁內。嗣後各鋪戶包貨紙張。概不許印用字號招牌。各自改鐫花樣圖記。蓋印紙包以誌辨別。至紙店香蠟店所賣粗細紙如兩橫蓋有字號者。務先剪去字跡。再行發賣。

一槽坊醬園茶館浴室以及各色行鋪。每書大字於牆。日久粉蘇。

墮落溝渠更有牆角恐人小便或寫粉字或貼紙條尤屬污穢嗣後牆上不許寫字亦不准粘貼字條各行鋪一概懸掛木牌以免字跡剝落多遭污穢臨河無街道者不在此例卽街頭遺棄殘缺磁器之有字跡者亦應隨手檢起送入河心

一鞋幫內每有店號字跡圖記穿用之人腳底踐踏尤爲不安嗣後各鞋鋪務將號碼等類俱印于小方布上或印于小皮紙上粘貼鞋幫之內賣時隨手揭去放入字簍

一刻字店刷印書文字帖每將字跡模糊無用者或以之擦手抹桌或以之裹物糊窗嗣後各等宜一體敬惜

一門首聯貼及報條等項遇有剝落或須更換如用刀帚刮洗務將殘碎字跡檢入字簍切勿隨手棄擲

一紙簍所值無多字局散給難周嗣後各鋪戶居民一家各置一

簣留爲已用。十家公設一簣懸于門首。使行路之人。遇有字紙。即可檢入。收字紙者。亦便沿戶廣收。

以上各條。地保只准傳諭。不准訛索。如查有訛索情弊。從重治罪。道光二十年三月示也。

趙恭毅公巾裔爲秀才。欲舉惜字會。每月朔望。攝敝衣冠。向各家門首揖禮。人感其誠。踴躍從事。公後爲巡撫。子熊詔大魁天下。至今科第不絕。皆公之遺澤也。

卷二

卷二

上

惜字拯急會廣勸法

惜字曷爲曰拯急也。蓋言乎其勢之不可稍緩也。夫人當安常處順。太平無事。何等閒適。一遇有急。或溺於水。或焚於火。此其待救之情。若何迫切。人非甚不仁。未有不狂奔盡氣。急往救援者也。字紙而藏。字簍。猶人之安常處順也。一遇遺棄道途。混入垃圾。甚至雜入糞穢。猶人之溺於水。焚於火也。種種踐踏。目不忍見。士大夫性多好潔。每不肯從此等處。加意撿拾。而工人挑担者。又以其齷齪。且不成斤兩。亦不暇拾。以故零星字紙。一入穢途。大都爲鄉民扒取。垃圾者。雜入穢中。并爲糞壅。興言及此。可勝痛念。欲遍拾則勢恐難周。責工人則事有難托。輾轉思維。竊得一簡要勤行之法。惟有心者。采擇焉。

子嘗路遇鄉民扒垃圾者。必檢其糞担。往往有字紙。雜入其中。

鄉人有知有不知。稍爲勸諭。類多感動。又一日。至若輩屯聚堆積之所。見有垃圾數十堆。偶爲尋視。卽得字紙十餘張。大都污穢不堪。乃卽擇其中之年幼者。囑其翻倒扒轉。許以酒錢。其人卽爲力扒。連扒數堆。卽得字紙百餘張。大爲驚惻。遂卽於是晚候其人齊集時。爲之反覆開導。勸其留心惜字。予並爲現身說法。以爲我亦生長農家。幼年亦與諸兄同業。不過勤於惜字。得有今日。其人率皆點首。講畢。卽與作揖致敬。每人給麵籌一枝。以資鼓舞。約七十餘人。俱欣然應允而去。所費不過千餘文。而可以勸化數十人。其爲權巧真無可比。並此法極可推廣。願四方君子。各處集同志。共仿行之。蓋勸化後。鄉人歸去。必傳作一時佳話。一傳十。十傳百。父教子。兄教弟。感化尤當倍速。足開無窮勸惜法門。

花樣代字說

原夫書契者先聖藉以紀事。人一日無字。卽一日昏蒙。可拋棄而不惜乎。吾常惜字章程。前人可謂竭其誠敬矣。雖然猶有未盡焉。卽如各店舖中。皆於紙上刊刻字號圖記。或包裹貨物。或封貼瓶甕。一入販夫監子之手。用以揩拭污穢者。有之。用以引火包物者。有之。甚至拋棄泥塗。飄落溝廁。字紙之狼藉。可勝計哉。爰造花樣數則。聽各舖揀擇。如欲用紅旗報捷。卽以紅旗爲記。而代字樣焉。客有見而難之者。曰。子以花樣代字。法固然矣。盡審其便與否。而爲經營者一熟籌乎。予曰。唯唯。客請盡言。予詳晰之。客曰。花樣止五六十則。若此處用海棠爲記。彼處亦用海棠爲記。得毋慮其雷同。難以分別乎。予曰。花樣不比字樣。字樣一字止。此數筆。不能增減。花樣雖一。而枝葉之疎密。不同。花朵之向背。各異。卽畫人物亦

然則一花樣雖用至十餘處。自可暗自分別。况花樣甚多。更可自出心裁。其變化豈有窮盡。是花樣勝於字樣。故近日有以和合及劉海等樣爲記者。則花樣之便於通用可知也。客曰。花樣自已縱能分別。恐買主無由認識。主顧或從此減少。經營者能不受累乎。予曰。不然。各舖俱有招牌懸掛。買主必先信其貨之真正。方肯進店。况輿論至公。耳目甚近。豈區區於包裹紙上刊刻字號。遂能招之使來乎。則買者必不憑其紙上之空談。以決去取可知也。客曰。近者已矣。遠省商販。必以店號爲憑。今改花樣。將何以使四遠馳名者。生理仍歸茂盛乎。予曰。客慮至此。可謂詳且盡矣。然不有發票爲憑乎。包紙及瓶甕上。卽不用字。其發票上自可詳載店號居處也。况四遠馳名者。每多冒其店號。他省豈不洞悉其弊而必恃此以取信乎。卽使以此爲信。發票豈反不足憑乎。且用花樣卽可。

兼刻於發票上。以爲暗號對核。如是遠客亦必將辨其花樣以爲憑矣。既積功德。又免假冒。其生意不更茂盛乎。予於六七年前。見香舖及烟舖。其包紙俱用字號。近日皆改用花樣。貿易未見其有不便。而生理未嘗不茂盛也。豈香舖及烟舖可用花樣。而他舖獨不可倣用乎。客休矣。其毋以此爲慮。客又曰。花樣信可用矣。其如世之憚於更改何。予曰。此誠非予之所能知也。雖然。字紙人人所宜敬惜。各舖於包貨紙上。本可不用字號。其必欲用者。不過恃此爲記認耳。今既有花樣可代。刊換一版。所費無幾。積德甚大。亦何憚而不爲哉。唯願樂善君子。已用花樣者。切勿更用字樣。尚用字樣者。皆卽改用花樣。久久無浪費之字紙。於以銷戾氣而致休祥。豈不美哉。敢竭愚誠。以資採擇。繪圖於左。幸各施行時。


咸豐伍年歲在乙卯季夏之月樹德齋散花主人謹跋於雨粟軒

紅旗報捷



某某號

四海昇平



某某號

上二圖係招牌上樣式。如欲用此二樣。卽照此彩畫懸掛。或刻於發票上。寫明以紅旗爲記。或海棠爲記。俱可詳哉店號。及開張何處等語。以便對核。至於包裹紙上。及封貼於瓶罐者。止準用中心花樣。不可用字。其方圓大小。臨時斟酌。因花樣煩多。不克盡繪。畫此二則。以用餘可類推。

用花樣編號法

予見各變蛋舖。每以千字文編號。貼於甕上。後日多落泥塗。茲造花樣四十八號。并聯作四字句。甕上既可按花編號。簿上卽可按名登錄。更可類推。其花樣卽知第幾號。假如梅字係第一號。上刻於甕上。卽書梅字第一號。又如松字第十五號。係甕上刻於甕上。卽書松字第十五號。此法他舖亦可仿用。況此下花樣卽不用編號。亦可採取刻於帽領各物。以爲記別。

花樣計六十一則

紅旗報捷以紅旗為記
龍馬負圖以龍馬為記
葵心向日以葵花為記
一品當朝以天官為記
玉堂富貴以牡丹為記
太師少師以御子為記
金錢滿樹以錢樹為記
玉樹蟠桃以仙桃為記
泥金報捷以金書為記
黃甲傳臚以蘆花為記
樹開百子以石榴為記

四海昇平以海棠為記
三陽開泰以羊為記
丹鳳朝陽以鳳凰為記
平昇三級以鹿為記
祿馬同居以鹿馬為記
一團和氣以和合為記
瑞草靈芝以芝草為記
鴛鴦比翼以鴛鴦為記
獨占鰲頭以金鰲為記
驊騮開道以馬為記
鶴獻蟠桃以仙鶴為記

呈祥獻瑞以吉祥為記
五福來朝以五福為記
封侯掛印以金印為記
進寶招財以金盆為記
杏林春宴以杏花為記
雙龍戲珠以雙龍為記
仙童獻寶以寶為記
棣萼連輝以棣花為記
三元及第以香椽為記
魚躍龍門以金魚為記
芙蓉接棒以芙蓉為記

金玉連環
為記玉環

和合如意
為記和合

竹報平安
為記緣竹

十全富貴
為記古錢

日進斗金
為記金斗

吉祥如意
為記如意

松栢同春
為記松栢

橋中仙著
為記拱橋

天下文明
為記孔雀

鸞飛鳳舞
為記鸞鳳

着手成春
為記佛手

雙魚吉慶
為記雙魚

五子奪魁
為記金魁

軍書寶劍
為記寶劍

指日高陞
為記連陞

羣芳領袖
為記梅花

偃武修文
為記桃牛

普天同慶
為記銅磬

金鳴焚香
為記金爐

鹿鹿順利
為記雙鹿

四季發財
為記月季

漁翁得利
為記漁翁

桂子蘭孫
為記蘭桂


麒麟送子
為記麒麟

王者之馨
為記蘭花

昇平有象
為記金象

鶴壽松齡
為記松鶴


梅 蘭 竹 菊 瓜 蝶 珠 榴




柳 橋 蓮 塔 葵 扇 松 毬




琴
棋
書
畫
雞
犬
羊
牛




龍
虎
獅
象
蝠
鹿
蜂
猴



蒜 盤 鉢 銚 月 戟 魚 鈎




筆 鏡 荔 柿 錢 日 銀 樓



以畧畫花樣便於倣用其大小生發聽人隨意畫刻印用可也

乾 元 亨 利 貞 大號 雙放 三號



上五字以此五花樣代之

帽上欲用大號等字以此花樣代之

一傘舖勿於傘上印刻字號

一桐油舖勿將字樣封貼簍上

一女工勿以書夾絨線願好善者刷花樣夾簿送換以上俱宜用花樣

右開載宜用花樣處詳矣而更有字與花樣俱可不用者再

列於左

一典舖既不用廢賬舊簿包封手飾并將木牌小票留下宜永遠勿更。

一茶食舖除糕上印字外切勿於包紙上刻店號成說字樣

一估衣局於衣裳賣出時即將衣上店號價碼紙條付簍

一印衣店勿於帳銜手巾上印詩句

一筆店扇店勿於筆扇上鏤字

一錢莊勿用字包裹銀洋

一官私窰戶勿於瓶罇盤碗磚瓦上寫詩句年號福壽字樣

一紙坊切勿用字紙入槽造還魂紙

一枕衣套袋孩褲兜肚切勿挑線作長命富貴等字父兄宜禁

一洋烟舖切勿於包紙上刻古文詩篇

一醫士務自携小枕勿將書籍墊手

一醫卜星相及公門書役勿將招貼告示粘貼湫隘厠牆溺所

一施送一切善書不宜刻印單張務裝訂成本

一紙店作坊已遵示不刻大小經幡心經仙佛板樣切勿更改并

勿於錢袋元寶上刻冥資等字

僧道設壇宜用布榜更願人家勿使書寫字榜以免焚化飄落
所拜經懺方有功德僧道一體遵照至所送符紙文牒於化灰
時宜各自備功德瓶收回焚化在內并勿有字幡布售賣染色

以作別用更願送幡者書字於紙粘貼幡上以便後日可以揭
去

雙惜會小引

今夫字紙五穀之當惜。無人不知也。而惜之之法。未能曲盡者。蓋由不知推及本源而急所先務也。何則。天地生成。必資教養。字者教之源。穀者養之源。卽生成之本。父以生我。非穀無以爲養。師以成我。非字無以爲教。故字與穀其功等於父師。反是以觀。則不敬字穀者。其罪卽等於逆父師。逆父師者。爲天律所不容。雷霆之殛所由來也。夫飲水思源。享其利者。必厚其報。吾人日受教養之恩。而日擊字穀之拋零。不免熟視之若無視。刑報本迫源之義。何謂耶。近世惜字會。擔收字。隻存壘。而道路飄零。未能偏拾。惜穀會。祈禳禮懺。而街衢狼籍。未必留心。甚非所以崇本源。急先務也。茲擬約集同人。舉辦雙惜善會。多僱無告窮黎。日給工食。分長辦理。惜字則專以收拾道路飄零爲主。惜穀則專以打掃街衢。

狼籍爲主。晚歸察課呈繳。神前字紙則分別淨穢。洗滌晒焚。米穀則積見斗升。布施貧苦。如此方可謂之曲盡敬惜之道也。如此方可謂之真能惜字。真能惜穀也。所望四方善友。各發願心。協力助捐。玉成此舉。庶幾涓埃共效。同酬教養之殊恩。福慧雙脩。永食兒孫之厚報。是爲引。

惜穀會條程

卷十二之二

世人但知舉惜字會而不知舉惜穀會。蓋思字與穀並重而棄穀更多於棄字。人之生。父母生之而非穀則父母亦無以爲生。故棄五穀者罪同逆親。雷霆之震所由來也。擬惜穀會條程。

勸行惜穀會啓

竊惟天生五穀所以養人。人情一口不可食則饑。飲水知源。禮崇報本。故狼籍則上千天怒。敬惜則默感天和。千天怒則天降災。感天和則天錫福。粒米必惜。富之源。古人不我欺也。無如近世人民。狼籍過甚。拋零墮落。觸目驚心。甚至傾棄穢溝。遺人糞廁。習慣自然。忽不加察。積諸罪過。易免天災。水火饑荒所由來也。夫撮米入坑。必遭雷震。此婦豎所共知者。况糞棄多多。則天之震怒又何如也。近世士林。往往遵行惜字會。洵爲善舉。惟字與穀並重而棄穀

更多於棄字人人得穀而生宜人人咸知敬愛則惜穀會之舉更何可稍緩也竊思春祈秋報爲農政大典後世奉行不善遂成具文迄於今祈者不知所以爲祈報者亦非所以爲報所持狹而所欲奢久爲淳于所竊笑若以惜穀會爲祈報堂堂禮制洵可推行報本格天胥在乎是普望同志之士各就地方率諸農民倡議集會一年兩舉卽藉以行春祈秋報之禮以期召天和而消災劫庶幾年豐人壽共樂昇平想有心人關懷粒食必樂於從事也謹啓

無錫縣憲吳金匱縣憲錢告示

爲諄勸惜穀以隆祈報以免天災事照得五穀爲養命之源爲上天所最重故狼籍不敬者往往干天之怒立降災殃雷電之警所在多有古人云粒米必惜富之源也惜穀之家其子孫必多富厚歷有明驗查雍正五年欽奉

上諭朕生平愛惜米穀每食之時雖粒米不肯拋棄若恣情縱欲暴殄天物則必上下

天怒水旱災祲之事皆所不免等因欽此

天語煌煌至今傳誦無如近世民間狼籍過甚拋零墮落觸目驚心甚至遺入糞廁傾棄穢溝日久月深忽不加察積諸罪過難免天災水火凶荒所由來也夫嚴米入坑必遭雷震此婦豎所共知者况棄棄多多安得不釀成災禍耶自古春祈秋報禮有明文迄於今祈者不知所以爲祈報者亦非所以爲報循名核實古意何存本二縣忝爲民牧願與爾民敦崇報本以求

天眷以迓康年况際此時勢艱危尤應惜福修善以弭災禍近時士林往往遵行惜字會洵爲善舉惟字與穀並重而棄穀更多於棄字允宜仿照惜字會之例勸行惜穀善會一年兩舉卽藉以行

春祈秋報之禮如能實力奉行惜福眞爲無量除本二縣齋心默禱每逢朔望邑廟拈香爲爾民祈福禳災並將惜穀章程按圖分發由董勸行外合行抄粘條約出示曉諭爲此示仰閭閻軍民人等知悉爾等須知食乃民天分應敬惜自此以後凡有遺棄米穀各宜父詔兄勉率同合家大小婦子檢點廚竈內外務使格外收拾淨盡各修陰德至各米行典棧以及車坊藥坊碓坊各店舖作場尤宜同業公議如何設法定章不致忽棄或另僱貧老男婦專司打掃米穀務使齊心敬惜以期格天心而消災劫庶幾年豐人壽共享昇平毋得仍前狼籍自取罪戾凜之愼之切切特示

惜穀善會俗說

這箇善會名曰惜穀爲啥緣故要惜穀呢只爲五穀是天地所生的養命之寶我們家家戶戶男男女女都靠了他活命應該十分

敬重況且一到荒年一升半合尙且難借吃盡多少苦楚幾乎餓死大約皆輕賤五穀罪孽所以天降災殃若再不知敬惜五穀恐怕荒年又在目前了你們想想看倘有把一撮穀糟蹋入坑必遭天雷打死可見得穀是上天最看重的古人說得好若要惜福米裏揀穀飯中穀吃了不又說道增福添祿路上掃穀上取成田最多一日可掃十數善有善報一定不差的所以奉勸世上善男信女各各發心敬惜各鄉村多舉惜穀會集保甲長都可首年兩次如惜字會例各家焚香齋戒帶了穀簍齊集一堂可祈求田財茂盛人口平安竭小百姓一點誠心求田祖神三分默佑奉勸大衆卽速奉行公修公德婆修婆德真是極大好事雍正時奉上諭勸行惜穀大典煌煌百姓至今傳誦若能終身惜穀自然上天保佑免災發福了此不費錢好事有福人樂得做做

惜穀會條約

一此會不拘城郭士庶都可舉行不拘一村一鄉三百二百家總可集會或仿照惜字會同善會舊例每年兩舉或三四舉各攜分來會素麵一叙焚香祀神藉以祈年祈穀報謝先農田祖以禮亦可以代鄉飲酒惟集會之初必舉定老成會首數人約同按戶勸說用神道設教之法俾人人立願惜穀建醮奏表求免一方災厄尤昭鄭重建醮立願可合數千戶公辦每戶須給一立願惜穀平安甘疏能兼立願惜字尤妙此舉惜穀並不費錢只須勸大小各戶均向竈神前立願自此以後各家竈前置一甕瓶或川竹簍將所惜之穀并入其中通計每年積有若干舉會之日帶到公所稱見斤兩登簿具疏告神或願充公作為濟急扶危積穀脩荒之用更為無量功德其貧戶力不能充公仍欲攜歸自食者亦聽自便不必相強

一立願惜穀條目一願稻草上有穀摘洗一願飯米中有穀揀淨
一願糞糠中有穀搗淨一願每年掃取岸頭麥穀幾斗幾升
願每年淘洗坑穀二次一願地上狼籍糕餅屑粒隨見隨拾一
願少用麵糊漿衣并願見字必拾字紙灰不敢棄地一願永不
用書簿夾鞋樣并願常說好話勸人并願戒食某某等物放生
某某等物另有刻成灶疏可以遵行

一夏秋稻麥登場田岸零星遺落穀粒極多會中同人必須發願
忙裡偷閒各戶掃取一斗或五升或照田畝段落各自掃淨以
免雨後踐入泥中或另僱貧老丐童四出打掃即以掃取之穀
散給孤寡功德更倍

一稻麥秀實之際沿路一帶稻麥穗頭每多倒壓路上常爲行路
往來踐踏垂成遭蹋尤爲造孽會中人急宜早爲議禁約集圩

長告知各庄各佃一概用草繩押挾或用木橈推轉以免傷
殘如此盡心保護則天心自然喜悅可保田財茂盛倘懶惰不
拉恐造孽召災鄰田亦被帶累宜公同議罰

惜穀莫多於稻草會中人宜公議約同各戶務必於打麥打稻
之後隨即另僱數人將稻草把拆散用竹片重加掃打名爲敲
柴以期揀摘淨盡打下之穀以之抵銷僱工工食尙有餘多不
費一錢可積大德願其勉之如有懶惰不照辦者亦議罰

一各典舖棧房各米行陸陳行乾麵行以及礱坊車坊碓坊麵坊
槽坊粉坊糕餅茶食店各作場各大字號各庄房各衙署各善
局以及人口繁多之戶最易狼籍造孽宜仿惜穀養老之法另
僱貧老男婦一二專司收拾遺粒打掃內外以免拋零一年所
費工食有限既惜福又養老一舉而兩善備焉洵可仿行種德

如各行中有好善之士。出爲倡首。集議細商惜粒惜穀之法。立規定約一體遵行。尤爲無量功德。

一鄉約久成具文。若舉行惜穀善會。一年兩次。每次必有數百人會集。一日間聚而不散。可卽於此日赴會宣講。俾數百人環坐靜聽。事畢乃散。最爲一舉兩得。如此則行惜穀會。不鄉約張本已隱寓其中。相輔而行。挽人心以回天怒。誠目前要務也。

一保甲易致疎懈。若舉惜穀會。則每鄉每里必有十數好善之人。作爲會首會長。按戶列名。互相聯屬。可卽於其中默寓編查之法。設立議約。凡會內之人。毋許爲邪說所惑。如有窩藏匪類之家。以及爲非作歹之人。卽責成會首嚴查斥逐。以免株連。則行惜穀會而保甲已隱寓其中。化暴爲良。權宜通變。因勢利導。當亦高明所許也。

接近時鄉里小民有佛會香會之舉爲儒者所不道然苟有心化導何妨從俗從宜自古春祈秋報典禮昭垂後世率以具文了事宜其荒歉頻仍民生凋弊也愚意以惜穀會爲祈年報本卻及格天妙用并予舉行之日宣講鄉約多方勸善納約自歸善與人同未必不爲大雅所見許借竺乾之法化警晚近之人心金粟如來拈花欲笑大千一粟証果非難彼法中權巧方便卽吾道中誠敬工夫也幸有心人隨處倡行爲地方造福是所切禱

惜穀會議約

立惜穀議約。吾里某鄉某村衆姓人等。竊思五穀爲養命之源。實關四
民生計。理宜放惜。無如近世人情。往往忽畧。不免任意狼籍。以致
天災屢降。荒歉頻仍。爲此我等公議。約同合村各戶。謹集惜穀善
會。合計若干戶。轉相傳勸。約各家大小男女。務必各加敬惜。議定
一年兩舉。就社廟焚香具疏告神。卽以行春祈秋報之禮。與會之
日。另請一老成明理之士。登壇宣講勸善各條。兼行鄉約之典。會
中人務須坐定靜聽。以期同歸於善。并將所惜之穀。充公作善。如
有一毫私弊。火焚雷殛。日後每年永爲定例。不得始勤終怠。爰立
公同議約。永遠存照。

一議公同捐資買備惜穀簍幾百隻。按戶分送。舉會之日。各帶此
簍入會。記數登簿。公議作何項好事。隨時求錢爲定。積穀備荒最好

一議凡遇打稻之後務必率同合家大小男女做柴掠稻將稻麥柴上遺剩穀粒用竹片細細掠下不使一粒留存如有不依合村議罰

一議每逢收麥收稻之先須各條粗布擔兜捆磨時先用鋪地兜住稻麥穗頭縛好挑起自免狼籍有不備者議罰

一議合村各戶每年必淘坑二次淘起坑底或錢或穀或焚香告神如有不淘察出議罰惟入坑必吃燒酒以蒜塞鼻以免坑毒

一議合村婦女倘再用有字書本賬簿夾鞋樣花線者察出議罰錢百文凡遇宰牛打狗粘鳥捕蛙之人不許入境

右議之後同人務必一心遵守不可忽畧以期消災集福

年 月 日立惜穀議約某鄉某人

填寫格式

照式填寫每願一條下親寫一十字押不能立願者空去不押戒食放生填寫某物聽其自願可也

神前立願一生惜穀信人某某姓某某名氏行年幾歲某月某日建生押

又願每年掃取岸頭麥粒幾斗又願每年淘洗坑底穀二次押

押并願戒一生敬惜有字紙押并願一生戒食牛犬田蛙等物押

并願勸人勿墮胎婦女并願一生常說好話押謹為

報謝

天恩祈求年茂豐登合宅平安或保病延壽求事今於幾年惜得

幾斤押

立願惜穀有求必應

一凡禳瘟禳火解厄消愆解冤釋結官司陰譴必立此願

一凡為親求壽為子求名及自己求財求子必立此願

一凡重病保泰怪異求禳風波險厄難產祈安必立此願

惜穀免災會平安單

立願合家敬惜五穀稻草上有穀摘淨飯米中有穀揀淨
地下竈前有米穀掃淨每年掃取岸頭狼籍幾斗每年淘
洗坑穀二次以及飯粒麵漿荳麥黍稷隨見隨惜不敢輕
棄又願敬惜字紙眼兒必拾永不川書本賬簿夾鞋樣花
線自願一生常說好話每遇初一十五及祖先父母生日
並聖賢仙佛誕辰合家持齋謹為報謝

天恩祈求年歲豐登川明茂盛消災延壽事

茲於某某年統計惜得稻麥穀粒幾斗幾升

年 月

日惜穀會集給信女某某名
信女某某名 門 氏

推廣惜穀各條款

敬惜五穀。分所當爲。功過似無庸細記。凡見遺落。拾則爲功。拾之卽過。久久行之。不求福而福自臻矣。

一勸倉場盈千累萬。勢難盡善。然宜申禁隸役。隨處留心。毋得任其狼戾。能用木棚鋪地。每晚起棚掃之。造福真爲無量。

一勸官衙食指浩繁。最易褻慢。宜申飭廚下長班。毋得輕棄米穀。能另僱一老成人。專司揀摘收拾。更爲極大功德。

一勸家主訓閭門人。令其珍惜。司廚宜奉主命。加意小心。粥飯

後洗錢水。用籃漚去。團團米粒。然後傾之河內。席面遺粒。囑令婢僕拾置。掇鍋再行揩洗。飯籬篋要緊細。否則小粒遺落。

暑天隔宿之飯。最易變味。淘晒卽可再食。在家隨時隨地。留心不能殫載。

一勸宦家富室多有餘剩粥飯奴婢棄之泥溝急宜檢點可濟貧
丐或捨近鄰不許雜入泔腳

一勸糕餅圓糰等物婦女之職做時囑其粉毋飛散席粉有嘉節
節粉有節慎

一勸飼豬及鵝鴨等物切勿投以飯食

一勸人粥飯後白粲尙盈碗內卽便投箸習慣使然見者苦勸并

問別省風俗每飯必留餘剩名日子孫飯此種陋習有識者宜

剴切勸諭設法禁止子孫須積德留餘乃偏留
乾粒作孽飯可發一笑

一勸窗紗及燈盞絹幅竟以糯米作漿糊之嗣戒用

一勸信札紙包等件隨意卽將飯粒彌封亦宜戒之

一勸有租米家上落拋散常使婢僕多則掃之少則拾之

一勸米舖曰坊壩坊米棧最易造福之地墮落隨掃隨見隨拾地

下必用木棚鋪之每日起掃勿使踏碎能僱工專司尤妙

一勸磨坊麵行設法不使粉末飛颺滿地。最妖苟颺開各處。頻將濕布揩之。絞入河內。能使各麵坊祀神會議立願。永遵尤妙。

一勸鞋店閒有將米作糊。裱襪布造罪極大。務祈痛改。懺悔否。則積人招殃。若能易用山芋粉。或白芨粉。永不用漿糊。此則各自存心。各人修福矣。

一勸惡佃奸商米中用水。後來煮飯如糟。入倉後發熱。霉爛。試思穀米落地。尙遭雷擊。存心如此。天必降災。後悔莫及。此亦可。

一勸送鬼飯。喫亦何妨。拋覆街路。遭人踏爛。愚婦見識。急宜禁絕。

一勸糠內留糲。豬食之亦不化。宜戒。

一勸於穢處見米穀。卽拾起洗淨食之。功德十倍。

一勸坑底必有穀粒。每年必淘坑二次。揀出淘洗。其功最大。

一勸漿漿衣褲。作孽最大。可易以山芋粉。或白芨粉。能不用更妙。

一勸衙口每置便桶。捐稻柴。捐米穀。過此失落在內。及鄉村收成時亦多遺落坑內。傾棄時。囑人揀出。亦須議約

一勸各處馬頭鬧熱地方。每見肩負麻袋。漏米滿地。於人衆中拾掃俱難。易以箒筯挑之。似稍盡善。然必官爲經理。庶無阻礙。

一勸粉搏人物。小兒玩耍。必致擲棄。禁之勿買。

一勸生麵筋。係小麥渣滓所成。打爛可代皮膠粘縫。竟有用於便桶上者。匠工不知。見者勸之。此須議禁

一勸刻字上稿。每用飯粒。近有用白芨粉糊者。甚爲得法。同行公議。造福不小。

一勸煮飯湯下麵湯。不可漿洗衣褲。亦須議約

一勸飲酒淋瀝覆溢。或暗傾肴饌中。

一勸將粥飯及糕餌等物。與無知小兒。任其自食。必至狼藉。甚而

在尿糞之中。爲父母者須痛戒。

一勸染作絨絲花心。插帶戒婦女勿用。

一勸草紙上穀。用時亦宜留心檢去。

一勸夏布織成匹後。不可再塗厚漿。因用時須將漿粉漂淨。未免流入溝渠。聞木瀆橫涇兩鎮。出布甚多。作踐麥粉不少。宜議禁

惜穀會紀驗

陽美王福康爲母病重。發願力行惜穀善會。買惜穀竹簍千具。廣送母病立愈。

陽湖張士正爲幼兒出痘內陷。危甚。醫家束手。遂立願勸行惜穀會。兒痘卽發漿。數日而愈。

如臯林元法年逾四十無子。禱於大士。願舉行惜穀善會。並印惜穀書一千部。廣送。越一年卽生一子。早年入泮。

桐鄉張端士三十外尙困小試見惜穀會書而善之遂立願持籌勸募信奉者甚衆明年卽入泮。

宜興顧某家鉅富性刻薄恒以重利盤剝貧民一日以病重許願持千金往普陀齋僧厨下有老婢携毛穀三斗隨船同往蓋其終年柴上所摘米中所揀之穀積而所得者也至普陀則方丈僧辭千金而獨出門迎厨下婦謂此三斗穀勝於千金親爲課佛令衆僧受福顧某慚忿歸家中已焚於火未幾潦倒而死厨下婦則子孫力田成富室有人泮者婦至九十念佛坐化。

宋王黼家與寺鄰其家溝中每日流出白飯甚多寺主僧命拾取洗淨晒乾日久積成一箱後金兵圍城黼一家乏食僧卽用前飯蒸熟送食黼歎其美僧曰此卽相公家所棄餘粒也因惶愧不已黼尋以他事伏誅。

康熙四年。松江西門外袁太葵家端午剖魚。因以魚腸拌飯喂貓。貓食未盡。次日作臭。家童張某拋之牆外。往登廁。乃見魚腸飯粒。誤投廁中。歸告大葵。初七日命掃除。訖是夕大葵夢元壇謂曰。汝不敬五穀。上帝怒。明日雷將擊汝。太葵辨是家童張某所爲。神曰。罪坐家長。太葵懇苦求赦。云。此事某寔不知。且米粒已經收拾。神曰。如此罪尙可解。但雷部已發。必經汝家。然無害矣。次日雷雨。雷繞屋竟日。至暮乃散。

江右富家某。不敬五穀。每飯畢。碗中必留數粒。名子孫飯。凡所剩飯菜。任意傾潑。泔水。終病劇。作豬鳴而死。子孫作丐。

錢處士嘗見一人。謂曰。爾天罰將及。可急告謝。其人曰。某生平無過。但昨日飲食不如意。棄於溝中。錢曰。是也可急取食之。乃以水沃去其穢。俄雷電大震。錢曰。急并穢食之。雷電果息。

又青邑人家雷火滿室莫測其故詢知後宅臨河晨有糞船泊焉適小兒倚檻食糕糕墮船中而船去已遠急追及之與以金出其糞雷乃已

又一婦人日滌溺器其夫先爲汲水習以爲常一日夫早出忘汲適有糕粉水在旁取以滌焉是夕雷擊其坑夫婦不知獲免

余鄉既舉惜穀會每會就二三里內以二三百戶爲率集資置辦惜穀蒲包按戶分送每戶每年所惜穀粒或一斗二三斗不等各戶半願充公故每次就寺廟舉會課佛一堂各人立願畫押各帶所惜之穀秤見斤兩每次得穀十數石卽時變價或以濟孤恤寡或以修橋鋪路無不人人踴躍會中人立願者所求必應不能縷述又每逢舉會課佛會集者數百人各人帶米一升香錢二十一文備素飯一餐講說鄉約多方勸善各人靜坐環聽事畢送神乃

散無不歡欣鼓舞而去。近日官箴鄉約。隱者寥寥。蓋未有如此之整齊耐久。家喻戶曉者也。特紀之以爲留心教化者。因勢而利導之一助云。

古人云。粒米必惜。富之源也。吾鄉有張太翁夫婦。勤於惜穀。每日晨起。卽向竈前後。督率家人。細檢柴米。日間時時掃淨。屑不使粒米踐踏。以爲常。旋以經營獲厚利。成鉅富。又有潘姓老翁。日在米鋪持帚掃米。俾縫中有粒米。必以竹篲挑出之。日爲常課。今亦富甲於鄉。子孫滿堂。老翁享大福。

有金

米業同行惜

米行一業最易造孽亦最易積福總在乎各自盡心今奉壇諭云尔等陸陳生意亦屬便民但可惜不肯留心以致狼籍五穀踏碎多多并有連粘鞋底落入糞坑者種種惡孽大干天怒禍不遠矣奈何壇下各各恐懼叩頭從今誓願格外留心時時掃淨不敢忽畧又判尔等既知悔悟吾且代尔上求看尔後效尔等試想遭踢了一把米卽刻要雷打尔等今日狼藉了幾粒明日踏碎了幾粒一年三百六十天算來不知多少上天豈不大怒總是主人不知料理以致行夥懶於打掃其罪難辭今既各知悔悟急速寫具改過發願切結一紙焚化吾方可代尔等上奏否則吾未如何矣我等同緣半多米業除各人具結誓願合家敬惜外爰另擬同業公勸條約如左願同人其勉之

一行中卽速製備木楞鋪地以免踐踏所費有限造福無量

福免災公議

不一金

卷三

一主人夥友凡見狼籍隨見隨掃米中稍穀必重為篩淨

一凡來行裝米麻布袋須留心察看如有破綻即不許裝載一面

先行曉諭各車夫隨時補好以免臨時漏撒

一街道往來必多遺棄米穀須同行公捐經費另僱一二窮老男

婦專司打掃狼籍之事凡街縫石解塗旁溝側須收拾干淨分

隨掃其工食每人日給若干如僱工惜字例如有懶惰不力者

即行更換勤者加賞現在窮苦之人甚多僱令打掃既濟貧又

得福大功德惜福一舉兩得

糞坑多有米穀拋入必須每年淘洗坑底二次功德最大不多年

底必犯火焚○淘坑必多燒酒以蒜

寒鼻再以灰拌○淘坑必多燒酒以蒜

凡人作事必得天心○淘坑必多燒酒以蒜

夫雷打者天之震怒也○淘坑必多燒酒以蒜

雷了一把米上天○淘坑必多燒酒以蒜

喜為人能得天心大喜自然定不遭劫○淘坑必多燒酒以蒜

知願吾黨勉之刊板印送功德無量

首善堂章程

卷十三之一

五刑之屬三千。而罪莫大於不孝。慨自世教衰而風俗敝。子不孝其父母。媳不敬其翁姑者。所在多有。囂凌勃怒之習。實有耳不忍聞。目不忍睹者。不亟爲設法化導。恐戾氣漸摩。釀成巨害。亦有司者之責也。述首善堂章程。

上諭

嘉慶十四年四月十三日抄奉

上諭朕以孝治天下。海隅山陬。迴向風化。又加意旌獎。激勵愚頑。今據湖北巡撫汪疏稱。武生鄧漢珍與妻黃氏毆母舅姑一案。朕思不孝之罪。別無可加。惟有剝皮揚灰。族長不能教誨子弟。當問殺罪。左右鄰舍知情不報。於上杖八十。充發烏嚙木齊。教官不能化善。杖六十。充發府縣不能治民。削職爲民。子孫永不許入考。黃

氏之母不能教誨其女。臉上刺字。流省四門充發。仍將鄧漢珍與妻黃氏發回漢川。對生母剝皮揚灰示衆。鄧漢珍之家掘土三尺。永不許居住。鄧漢珍之母發湖北布政司。每月給米一担。發銀一兩。體恤著湖。北總督將此案勒碑石垂諭。各省州縣衛示知。嗣後倘有不孝。照例治罪。欽此。

常州府武陽二縣憲示

武進縣正堂爲。揭治頑梗。以維風化事。據兩邑紳士等稟稱。切常陽湖縣。郡風俗清醇。固多孝子順孫。而市井愚頑。亦多不率教之子弟。其初由於近年來。烟賭成風。靡費日甚。始則誘騙尊長財物。繼則強行索取。不遂所欲。漸至詬誶。黨陵無所不至。其祖父母及父母。往往惜費畏累。容忍不報。其鄰里親族。究屬旁人。亦遂無敢首告。以致惡胆日熾。橫逆日加。若不早爲懲創。誠恐釀成重案。致費周章。

紳等公同集議有尊長情願首告者聽其自行懲辦其餘倘有前
項兇情令其家親族協同里鄰就近訴知各善堂義學卽由善堂
義學報縣分別輕重懲辦其費亦由善堂墊給庶愚頑知所忌憚
不致相率效尤所有擬辦章程開呈俯賜立案會同給示等情粘
呈擬定章程到縣據此查常郡風俗由來醇樸近來漸染惡習甚
至吸烟賭博誠如紳士等所稟若不嚴行懲創轉恐釀成重案據
呈議定章程俱屬允洽合行開列律文並議定章程出示曉諭以
挽頹風爲此示仰兩邑居民人等知悉自示之後務各痛改前非
力除舊習倘有愚頑子弟仍敢違犯教令喫烟賭博以及誘騙奪
長財物並敢強行索取不遂所欲誣譖毀陵無所不爲此等忤逆
不法律法難容除罪關凌遲斬決重案仍由鄰里申報外其餘如
犯後開各條許該親族開具觸忤罪由協同里鄰報訴各善堂義

學董事報縣以憑立提分別照例究辦決不寬縱如有自願首告者聽其自便各宜凜遵毋違特示

大清律

凡子孫罵祖父母父母及妻妾罵夫之祖父母父母者並絞

凡子孫毆祖父母父母及妻妾毆夫之祖父母父母者皆斬致死
者皆凌遲處死

凡子孫不孝祖父母父母如審有觸忤干犯情節以致忿激輕生
窘迫自盡者卽擬斬決

凡子孫違犯祖父母父母教令及奉養有缺者杖一百

規條

一堂名勸孝實爲風化所關第一須主持得人須於紳士中公舉
公正廉明爲人所推服者二人作董請府縣憲給與諭帖董理

并發用印戒尺一根。許其便宜處責忤逆子孫。更宜請於堂前立耻石一大方。上鐫鎖押忤逆子孫字樣。潤以紅硃。堂外再立二石條。一石鐫敬表孝順子孫六大字。亦潤以紅硃。一石刻責處忤逆子孫六大字。潤以黑墨。以醒衆目。

一城鄉內外。凡有孝子順孫。許該鄉圖保鄰據其實跡。申報本堂義學堂董再行親查。如果係至性敦篤。內行可敬者。卽由堂公具呈稟請於府縣二憲。給匾示獎。匾額既下。卽於月朔置備彩亭。中設硃漆金字牌一扇。上寫匾式。注明奉憲獎勵孝子某某。用四人抬送。鼓吹鳴鑼前導。董事協同司事數人。衣冠親送至孝子之門。另備酒一罈。肉十斤。米三斗。爲其父母壽。仍囑其鄰里親族衣冠迎候。爲孝子上匾。庶民間有所觀感。其孝行過人。終身不懈者。卽爲詳憲咨部。請 帑建坊。送入孝子祠春秋致

祭

一凡父母及祖父母有忤逆子孫。必須自具忤逆情形。協同鄰保帶犯赴堂。以便懲究。堂董盡心訊問。該犯如若情有可原。必當警戒勸諭。倘能嗣後回家承順。不敢再犯。卽勸令伊父母及祖父母帶回。或令其父母親族重加朴責。以示懲創。念其初次免送。

一凡忤逆子孫已犯初次送堂後。到家不數年月。仍然忤逆伊父母及祖父母。仍照具申訴。協同鄰保。各具報單。捆犯到堂。遵法鎖押。恥石示衆。數日。堂董並以所頒戒尺。先行重責。再爲剴切曉諭。其犯或因一時酒醉。冒犯長上。致蹈前轍。嗣後承認永遠戒酒安分承順。除罰跪半日。或朴責示警外。且仍令伊跪求其父母祖父母。能發慈心。堂董亦卽寬恕。其二次送究。或以草繩繫頸。責人

鳴謝通走本處村坊或捕房見而知警

一凡父母及祖父母三次到堂稟送子孫忤逆者其堂董隨即解赴縣憲臺下照例收禁究辦。

一凡忤逆子孫實出情理之外強悍不遵者無論初次二次隨時即行解究。

一凡婦人不孝翁姑罪坐其夫應并令同夫一體究辦。

一祖母親母倘有孀居力難呈首者由公正親族協同保鄰出名報堂。

一倘有弟毆其兄及胞姪毆其伯叔者亦可一体酌辦。

右首善堂規條可附入各善堂義學或節孝祠或各神廟寺院總可由公正董事立規施行不必另行建堂其間勸懲之法及裝塑畫像等事又可與鄉鎮節孝坊祠條規參看酌辦人能孝

得

金

卷三

悌必不敢犯上作亂誠爲整頓風俗之要務也

2

蕢旌節孝坊祠條程

卷十三之二

人生忠孝節義本於至性。發於至情。非爲身後榮名地也。坊祠云乎哉。顧風教久衰。人心日薄。無所觸則不奮。幸有一二孀居守節矢死不渝者。其至性至情之所結。直足以盟金石而泣鬼神。此誠女中之師範。末流之砥柱也。不急表而出之。何以風勵斯人。激揚末俗耶。述節孝坊祠條程。

朱訪貞孝節烈婦女公啓

錫金舊稿

謹啟者。錫金節孝貞烈婦女。凡舉報請。

旌者。奉位人。惠山貞節祠而歷來無力具報。未經表揚。採入邑志記名者甚多。此外城鄉各處并未載入。邑乘者亦正不少。凡我同人。久欲採訪。彙集公爲呈報。以彰苦節。近見武陽兩邑紳士辦有成例。並刊闡幽錄一冊。誠爲首倡善舉。今擬於惠山地方合建一

祠伏望城鄉

諸君子各隨耳目所及。廣爲搜訪。凡自前代迄今實係無力而湮沒者。或據前人傳記。或本族中家乘。或子孫確實可証。或鄰戚間見無訛。務以姓氏里居年歲合例及現有子孫與否開明一單。送至城內崇安寺左恒善堂公爲彙錄。清冊遵例請旌建坊立祠。俾得清節昭彰。幽芳表著。此白。同人公啟。

道光十五年正月 日

采訪貞孝節烈婦女彙冊請旌建立坊祠條例

一城中設總局各鄉鎮另舉賢明公正者。並採訪事造冊彙送。節婦不論正室側室在三十歲以前夫故守節至五十歲或年未五十而身故其守節已及十年。果係孝義兼全。阨窮堪憫者。一體開報。

一未婚貞女。按照節婦例。一體開報。

一貞女過門守節。未符年例而身故者。一體開報。

一孝女因父母未育子孫。終身奉親不嫁者。一體開報。

一烈女聞訃自盡。烈婦夫亡自盡者。一體開報。

一烈婦本係側室。夫亡自盡而正室身故在堂者。一體開報。

一節婦因于受。判者。一體開報。

一節孝貞烈婦女。業經旌表而未建坊者。一體開報。

一凡邑志所載及上年採訪各節孝貞烈婦女。未經註旌者。現

已造具分鎮草冊。由總局分交各鎮董事。查核生卒夫亡年月

日期。氏父氏翁後裔名字。現住鄉鎮村巷。逐一明晰填註。其曾

家。各憲給匾褒獎者。一并填註。至冊內或有將氏夫表字誤

作夫名。又或以一人分作兩人者。即行改註。倘有年例不

亦即明白填註。以憑扣除。

一貞孝節烈婦女年例合符鄉評允協。而上年採訪未及與本年久遠邑志未入者。該嫡屬子孫照依前項開明送交採訪董事。細加查核填註入冊。如無嫡屬子孫。準由親族里鄰開送。倘有年例不符。率行開報者。別經查核確實。或被指駁有據。即行扣除。

一 是舉表彰節烈。合數十百年之久。計數甚多。雖事屬浩繁。不得不趕緊辦理。務於本年冬至節前。收節孝貞烈婦女開報。該鎮董事確加查核。定於歲內彙齊總局截數。

一節婦子孫有不由採訪處填註經報總局者。局董暫與登記。仍由採訪處彙報。

一節婦子孫有無故遲延。至截數後始行續到者。不準開報。

一節婦子孫有本擬專案請旌者聽其具呈詳請不必開報。

一總局董事據各鄉董彙報到局親赴各鄉覆查取其嫡屬及鄰里親族切結採訪董事加結送學牒縣具詳。以上皆縣示中條款發貼各鄉。

附呈式 錫金成案

具呈 等 呈為貞孝節烈。歷久未伸。環顧遵例破格題旌。

事竊惟潛德無不發之光。奇節有必彰之報。筠堅松勁。皇仁特

降勸善之條。玉掩珠韜。聖世尤重闡幽之典。職等伏查禮部則

例內載凡節烈婦女實係阨窮堪憫。或因世遠年湮未據呈報。尙

有府縣志事蹟可憑者。准其子孫補請旌表。以垂不朽。又遭寇

被害之士民婦女等。每縣給銀三十兩。總建一坊。鐫刻姓氏。並於

節孝祠內設位致祭。仰見我朝錫類推仁。顯激闡幽之至意。職等

又查道光七年常州府武進陽湖兩縣江寧府上元江寧兩縣紳

士各將志乘所載及採訪所得未經請旌之貞孝節烈婦女
冊呈報并聲明人數衆多未便分別建坊請照總坊之例給銀三
十兩總建一坊均蒙宮保總督部堂前任蘇撫部院陶會同督二
憲合疏具題奉旨旌表給帑建坊各在案今職等查無錫金
匱縣志并與姓家乘所載貞孝節烈婦女未經請旌者有氏
等一千二百八十九人皆多年湮沒盛典未邀此次又詳加採訪
有無錫氏等人金匱氏等人共計人皆心堅金石操
凜冰霜事節確真鄉閭共見或係子孫服賈務農不知旌揚之
典或該婦女清操勁節不求褒獎之榮或後嗣式微或鄉村僻處
以致歷年久遠苦志未彰等採訪既真不忍聽苦節孤芳終於
泯滅因核其年例皆符者共爲一冊請題旌表爲此備具總
冊還察核牘縣通詳題請旌表給帑總建一坊於惠山節

孝祠前庶數百載未彰之姓氏得邀綽楔之褒揚千萬口共播之芬芳並列貞珉而久遠式昭大節用勵澆風上呈

表揚節孝說

地方當事俱有旌表節孝之例。但幽芳僻處。家世寒微。潛行自修。不肯求表著者多矣。當事何由而旌異乎。然今之表揚。類皆城市素封。搢紳巨族。或公舉之。有人與援引之多力。非其道傍之桃李。下可成蹊。而深谷之芝蘭。不採自萎耶。爲司牧者。宜歲令里耆訪其僻遠孤寒。果有節婦烈女。孝子順孫。懿行卓然者。許開列事實。率其族屬鄉老連名舉報。俟官察實。然後矜耆具呈州縣儒學所具里鄰甘結。申詳各憲。始見仁侯崇勵倫常。闡報幽隱之至意。若必俟請求而後爲之轉達。則所謂深谷芝蘭。又何有采芳之日哉。更有念者。人之妾僕。有嫡配早亡而爲之撫孤成立者。有家長並

沒而爲之守志不移。有老奴輔遺孽而竭力興家有義僕嬰賊鋒而捨身救主。此與程嬰公孫杵臼李善王安諸義俠何異哉。然格於例而不獲邀褒典於朝廷。抑以其卑賤而不敢褻竇聖聽乎。在司牧者爲風獎綱常起見。又不可不給匾以代綽楔之旌也。近有婦因夫亡而以身殉者。有如許字在室。因未娶夫亡而以身殉者。此皆天性剛貞。不以死生故而移其從一之義者也。然考之定例。俱不在旌表之例。豈以毀傷支體自戕其生而失順命之正乎。說者曰。夫死姑存。父死子存。能代夫以養姑。代父以撫子。方爲完節。若夫女子許字未嫁。猶然處女也。而遂以身殉。似於禮有未當。二者皆旌。正恐輕生者多。甚非所以仰體皇仁。矜存生命之至意也。予竊以爲就事以推。世有無姑與子。義難獨存。亦將忍作未亡人乎。卽女子既已許人。名分有定。不幸偶亡。欲往而事姑。則仇

儻未諧。仍蹈自奔之誦。欲依親以老。則雁羔有聘。難爲膝下之孀。計惟有從容就義。以了此一生大事耳。愚以爲婦之夫死。無姑與子。及女子未嫁之夫死。而以身殉者。仍應旌表。以正人倫。而維風化。若謂輕生是戒。固屬深仁。然有臣當患難。或慷慨捐軀。全家殉國。莫不稱舍生取義。褒贈有加。而亦得以輕生置之哉。願當事君子。特疏上請。與貞節同邀盛典。庶千秋閨烈。光昭于天壤矣。

卷三

五

附錫金鄉鎮坊祠擬規

孝子節婦坊祠大都係有力子孫專立其無力子孫勢難營建而節孝公坊公祠又多設於都會無以聳鄉民之耳目是以鄉居僻處往往觀感無由因地制宜隨方倡舉化俗導民誠鄉大夫之先務也述錫金鄉鎮坊祠擬規

一鄉間特建公祠經費頗鉅如力能募建洵為善舉倘以經費為艱不妨就社廟寺觀公所撤屋三楹分作三龍間以板壁中供神佛或大士像或純陽像兩旁則左供孝子位右供節婦位如能另撤三間供位尤庶使燒香男婦一體瞻禮不致冷落能多租屋宇大故規模更好

一公祠門外榜額一書孝子公祠一書貞節公祠中懸匾額注明孝子某某節婦某某並將事實詳載木榜其木主則以時代先後為序旁注里人公立字樣如本地向無孝子即取本邑孝子

之可師可法者數人設主供奉旁設虛位以待後人虛位宜寫明如有子

而盡孝婦而守節者入議請居此位字樣庶見者易為激發查邑志中有名者

一公坊即立於祠宇之外或通衢大道石上鐫孝子節婦姓名使往來者一望而知。

一請主入祠宜糾集同人醵分致祭以妥其神並宜率其子孫並地方老幼整肅衣冠鼓吹前導執香以送每逢春秋二節亦必偕同人拈香設奠以昭敬禮而示觀感。

一孝子節婦中有詔旌者有憲旌者有未旌而僅載邑志者又有邑志亦未載而孝行人人共信者孝子請旌經費頗多無力者多中止不妨一例入祠詔旌者則書於坊憲旌者則書於匾未旌者亦另立一匾書待旌可也如有孝女悌弟亦可附入

一祠既附入寺院則僧道所為亦不妨從俗從宜近時僧道每多

佛會之舉設奠之日不妨許其照例作佛會一次但須於同人中擇一聲音洪亮能談因說果者就是日講說孝子節婦故事庶使人人共曉從俗從宜因勢利導但期於世有益正不必俯視一切也

寺院公所僧道每好更張宜各勒一碑除地方同人力能恢拓另建外僧道永遠不許擅自改易庶免日久廢弛尤宜飭僧道留心看守時時打掃不許作踐致貽褻瀆之罪公議每年給灑掃香火費若干其不能實心照管者另舉安人專管

孝子坊嗣外公立恥石一方上鐫懲罰逆子四字凡地方有罵詈父母棄而不養者公議將其人扭至祠外罰令跪向恥石下以恥之必能改過方准釋放

一孝子節婦墳墓宜各立碑表道鐫明姓氏每年潤以紅漆庶幾

可以永守。

一凡婦人能孝敬翁姑者。亦准另設一龕。供立神位。榜書孝媳祠。

如節婦另立專祠。則宜以孝子孝媳分列左右二龕。

一祠規如可充拓。不妨裝塑孝子孝媳節烈婦神像。供奉使人觀像生敬。觀感尤深。特宜洒灑嚴潔。不得褻玩。

廣勸表彰幽潛說

士君子留心世道。飭躬砥行而外。其最要者莫如激濁揚清一事。蓋國家旌別淑慝之典。與吾人隱惡揚善之事。相爲表裡也。晚近人心日薄。無所觸則不奮。幸有一二能樹立者。不急急爲之表彰。將何以爲斯人勸乎。我朝雅化作人。獎成善類。凡孝子弟。弟貞女節婦。例得褒旌。許建坊祠。所以爲鼓勵廉恥。維持風化計者。無乎不至。但請旌一事。建坊建祠。不無需費。以故窮鄉僻壤。苦

節懿行。卓卓可傳者。往往終於埋沒。一苦於資力不給。一苦於籌辦無人也。普望同志之士。隨處留意。凡遇孝子悌弟貞女。節婦。苟確有可信。必爲竭力表揚。以成其美。其貧而無力者。尤宜糾集同志。劇分捐金。代爲請獎。各就本鄉公建坊祠。庶潛德幽光。不致終於埋沒。觀感之下。當必有人人奮勉者。其所以培風化而維廉恥者。良非淺鮮也。幸同人共勉之。

錫邑募設鄉鎮節孝祠引

人心風俗之澆醇。習而已矣。習聞夫邪僻淫蕩之風。而醇者以澆。習聞夫孝義貞烈之行。而澆者以醇。是以古聖王式閭以彰忠貞。旌門以表孝友。而其時男子勉爲孝子。悌弟。婦人勉爲勁節。清操。記有之。曰吾觀於鄉。而知王道之易易也。吾鄉慧麓建立節婦祠。凡四處其孝友之可風者。則有華孝子。潘順孫。秦雙孝。蔡孝友等。

祠邦人以爲僅足以著聞一邑不足以興起一方。謀於各鄉建立總祠以範人心而維風俗。庶幾男子登其堂而孝於而親敬於而兄信於而朋友式好於而夫婦婦人拜其室而事翁姑能孝事夫主能敬待妾媵有恩撫前子撫養媳有義不幸夫死從一而終不屑改顏以事他人如是而疾疫不除盜賊不息水旱不免年穀不豐者未之有也。且夫民間所祀無論爲天神爲地祇爲人鬼其建祠樹主以報以祈在小民大率爲招弭禍福起見。然禍莫甚於逆子呼盧喝雉而惱其爹娘。蕩婦贈芍採蘭而棄其家室。反是而父子篤兄弟睦夫婦和使一方之中孝友不絕於書貞節不置於口其爲福也大矣。務使鄉間之燒香者還願者祈福者禳禍者在家則以父母翁姑爲活佛出鄉則以義夫節婦爲如來固知勝於九華之進香天竺之禮佛普陀落伽之誦經矣。所願紳耆人等或捐

錢或捐米或就廟宇拓其數楹或就通衢別設一所但足以安作
神靈而爲一方之所瞻仰其有裨於人心風俗也豈淺鮮哉至所
立之主則據該地方之子孫舉報或已旌者或未旌者已旌則爲
立主未旌則爲請旌春秋則請官爲致祭祭之日其子孫肅衣冠
以久而至其鄉之耆碩紳士爲蒞其事必恭敬止亦桑梓之義也
是爲引

行
6
卷三

勸善提綱

卷十三之三

爲人在世不有益於養。卽有益於教。不然卽天地間一蟲物。此陳幾亭先生語也。勸化雖似迂。可廣多少善緣。可彌多少缺陷。總在乎有心者之不憚煩瑣耳。擬勸善提綱。

儒先集說

程子曰。邵康節先生與人言。必依於孝悌忠信。樂道人之善。而未嘗及其惡。所以厚風俗。成人才。先生之功多矣。○教人未見意趣。必不樂從。須令其鼓舞向進。○人心有所蔽。有所通。通者明處也。須從其明處告之。求信則易也。如其蔽也。雖力抵之。如其不省。何必於所不蔽之事。推而及之。則能悟其心矣。

朱子曰。人在鄉曲。處置得事。是教一鄉之人。不至於爭鬥。卽所以仁之也。○吾人幸聞聖賢遺教。安可不推所聞以拯斯人之溺。○

只有講學修身傳扶大教使後生輩知有此道理大家用力庶幾人才風俗他日有以爲濟世安民之助。○君子隨時救世無必待學至聖人然後有爲之理。

陳幾亭先生曰勸世之道無窮過惡亦無窮然而勸以本心使自勸使自過也則誠無窮矣夫。○盜牛之客感彥方而守劍梁上君子感太邱而易行向令不賜布不呼子弟整衣冠但如世俗懲創之未必化也化民者不可不知。幾亭此言問出無數化民之道

陸清獻公曰禍福之於善惡猶影之於形故君子教人未有不兼言禍福

薛文清公曰心誠色溫氣和詞婉必能動人。

回心錄曰人之積德大半在言語間昔之聖賢終日只是講善何嘗對人說一句閒話今人只日說穢瑣卑鄙之言令聞者量位而

覺迷子有訓云。天下事立身砥行之餘。極可暗中修德者。莫如勸化。所以補天地之缺憾者。以此。所以培一身之元氣。而使時時自勵於善。挽一方之風俗。而使人人同歸於善者。亦以此。誠不可不處處留心也。蓋我輩既生而爲人。幸稍有識知。天之待我者。已在優等。苟不思有裨於世。徒做一箇自了漢。悠悠忽忽空過一生。與草木何異。是故有勢位權力者。固可正身率下。大行其道。下此則亦可。憑三寸不爛之舌。七寸未禿之管。隨人隨事。血誠點化。開其覺路。總期於世有益。方不枉費精神。方不虛度時日。世上聰明才士。大抵具有夙根慧業。故得筆端花放。舌底蓮生。非泛泛凡材可比。是。是。人生所最難得而最可幸者。正好用以作種福之具。當格外自愛。庶不致辜負聰明。若自詡風流諱言因果。摛華獵艷。惑溺滋

深在當時或可幸博聲華。竊取虛譽。而人生百年。如白駒過隙。善緣錯過。後悔難追。俗語云。晴乾不肯走。直待雨淋頭。此言最耐人尋味。可爲浮薄下士。下頂門一針。幸諸君珍重。切勿以名士二字。橫梗於胸。視勸善爲迂拘。目鬼神爲誕幻。徒沾沾於名世文章。而自甘墮落也。勉之戒之。

湯西箴人鑑發明云。天下做人的道路。有兩條。一條是好路。向善上去的。一條是不好路。向惡上去的。無奈世人都站在兩來路口。全仗人引導。幸虧我先認得這條善路。好領衆人一齊同去。肯走的。指點他。不肯走的。勸化他。會走的。褒獎他。不會走的。教導他。世上多幾箇善人。就少幾箇惡人。成全世人。做箇善人。免他墮入蛇坑火宅。就少幾箇惡人。是向心。用上修橋補路了。豈不是功德萬倍。即使有人闖入惡路去。譬如醉眼朦朧。一時落在糞坑裡。此

是人一生的醜行。只好替他遮瞞。我若敗露他。不特許人陰私傷我陰騭。且招災惹禍。貽累不小。每見好談人短的。非有奇禍。必有奇窮。最是上天所忌。近世人更多此種習氣。急宜猛省。湯公綸曰。勸人爲善。先要具一片慈悲心。至誠心。布施心。勿退轉心。又要具一副說因緣話。果報的舌頭。不怕羞。不避嫌的面皮。不辭勞苦。不憚奔波的脚跟。十人中也化得一二。人百人中。也化得二三十人。功德無量。蓋人心可上可下。見人說好話。做好事。便漸漸學好。見人說惡話。做惡事。也就漸漸習壞。若有善人多方獎勵。雖不能保他事事向善。也就提起他一點良心。終久不同。陳眉公曰。人生在世。空手來。空手去。一切都是虛假。只有善惡兩字。是實落受用。帶得來。攜得去。

湯岷河曰。隱惡有多少好處。一則培養天和。二則陶鎔德性。三則

蓄聚元氣四則顧人廉耻。五則全人宗祖。六則福人子孫。且使作惡人。猶知顧忌。不敢胡行。若竟敗露。剝破面皮。越發無耻。哀了。凡教人勸善歌云。做好人。說好話。頻將孝弟唇邊掛。家無逆子。惱爹娘。兄弟和愛。勿相罵。這是人間第一功。莫辭辛苦勤宣化。談閨闈。說風流。造盡人間業未休。豈知多少貞淫者。果報彰彰遍九州。憑將一一逢人化。也算陰功第一籌。作小說。造淫書。墮入泥犁業未除。拚將如許精神費。纂集嘉言化魯愚。但看道岸同登日。物我皆春樂有餘。

撫教局章程

卷十三之四

善後恤孤條約有入局後暫養月餘陸續散派新開各店舖行戶俾令習業之法其意甚善惟所派領之店舖行戶則難童中循良習業者固多其頑鈍不受管束逖去爲丐者亦正不少欲終始成全之非就局教督嚴加約束不可也擬撫教局章程

江蘇蘇松太兵備道應飭辦撫教局示

爲出示曉諭事查得上海食難童散處城廂內外暨洋涇浜等處者甚多大都異鄉客籍流落難歸父母俱無茆茆孤露頻年漂泊寒暑交侵往往轉填溝壑若不及早督令習業無論乞食必難久活卽倖而得存而積慣丐乞習成頑劣日益放縱比匪同歸本道職在旬宣關懷教養情形目擊惻怛久深爰特諭設撫教局收養十六歲以下無依難童給以衣食安其眠宿療其疾病閑其出

入量其材質。另雇工匠督令習業。俾晝夜專勤。無許怠惰。限以歲時。習成一藝。俾能自食其力。即可各遂其生。不率教者。立加懲責。庶以仰體我

國家保赤存孤休養生息之至意。以期起廢材而培元氣。其有不合定章。強欲入局。以及無知之徒來局滋擾者。亟應一體諭禁。除本道倡捐。廉俸論董設局妥辦外。合行出示曉諭。爲此示仰軍民人等知悉。爾等如見有城廂內外十六歲以下無依丐童。一律送入陳軍門祠撫教局登號入冊。聽候教習。毋許仍前行乞。如有無知之徒來局滋擾。及不合定章。強欲入局致亂局規者。定卽立提懲儆。以全善舉。切切特示。

同治五年六月初二日示

滬城撫教局規條

局名撫教謂撫養而兼教習也。養爲目前計。教爲終身計。司其事者須出以一片婆心。寬嚴並用。爲之扶持督責。必冀其習成一業。可以自謀。其生而後已。更不可以其頑梗不馴而遂付之不屑教誨之列。緣此輩既流爲丐。則性情脾氣必有可厭可憎之處。甚有不願習業而乘間逃出者。更有貪小便宜攘人衣物者。此時若不法古聖人原情三宥之條。則可棄者多矣。要之年幼無知。原應父師教誨。今此輩父母俱無。無人管束。全賴有心人爲之再生。父母撫之教之。方可各期成立。試思吾輩子弟若被擄不歸。漂流在外。或入丐羣。其性情脾氣。安知其不與此輩一轍耶。願與在局諸友共勉之。

一開局之初。由縣憲諭飭丐頭及各地保將城廂內外所有乞食

難童無父無母者一概拉令入局務必一體送入毋許在外行乞倘或強梗不肯入局卽行押進此後如尙見有此輩沿街乞食惟巧頭地保是問入局之後恐其乘間逃逸非奉差遣不准出局責成管門役嚴查出入毋許懶惰誤事

一難童入局後調養旬日卽督令讀書兩月俾略識數字亦卽可試其資性之高下以便量材教習

一所習之業難易不同巧拙不齊有一年卽成者有須再習一二年者擬於一年之後甄別兩次其業已習成可以自餬其口者卽給以器具小本令其出局謀生其或業尙未精必須再習一二年者則一面傳知各業之願領爲徒者視其習業之工拙局中代立從師筆據或以一年爲期或以二年爲期卽出師起俸緣在局教習已粗有可觀與尋常從師習業之例不同收徒者

到店即可幫同作活，只能以一二年為期，不能再令幫作。

各童習業勤惰不一，須加賞罰，俾知鼓勵。

定僱工匠，須先言定局中給飯食外，或按月給辛工，或借資作本，令其自行轉運銷售，覓利則辛工可以停給。各童器具酌量先辦若干，每人約數百文入局時，須先為酌定其資本約十餘千文，足資轉運一年習成後，即以此為酬勞可也。

一 刻字

此業係斯文雅道，須畧識字者習之。初習半年，教師須另給辛工，半年後師即以刻字計工。局中辛工可以停給，此業亦與刻字同。初習三月，月須給辛工，以後只須借給紙本，設法刷印小書，俾可轉運銷售，則辛工可以停給。

一 印書

一 裁衣

局中各童衣褲鞋帽，均可轉運裁衣。若同諸童自製，須按月定辛工若干。

一 皮匠

此項只須借本多買舊鞋及皮靴，一面脩補，轉售即可獲利。辛工只給二月，即可停支。

一 竹匠

如飯籬管其之類，習之甚易，其師亦止入局二三月，給與辛工，以後只借竹本可也。

一 扇骨

與竹匠同

一 洋鐵

此項亦只須借墊本錢買辦洋鐵谷其做或轉售

一 編蘆

此業最易資本亦輕資質遲鈍者均可學習教師辛工亦以二月為期以後亦只借給資本

一 編蒲

北業亦易與編蘆同

一 剃頭

剃師按月量給辛工即令在局剃洗一面教習一年後大半可成即可帶工否則給担一付便可謀生

此外易習之業尚多總觀各童之資質酌量教習不必拘也

右各業如皮匠洋鐵竹匠扇骨印書編蘆編蒲最易一年之內定可有成如能自餬其口則局中准給與器具資本約三四千文如皮匠剃頭則買担一付約二千文左右竹匠扇骨洋鐵編蘆編蒲則器具所需甚微只須給資本二三千文便可自謀生路惟恐其年幼無才不善經畫日久恐將資本吃盡則必薦令為徒一年一年之後便可起俸作夥委曲成全量材酌奪全在司其事者當作自己子弟看待斯得之矣

勸推廣撫教局公啟

啟者現查滬城城廂內外乞食難童以數百計大都異鄉客籍流落難歸詢其父母或被戕或被擄或病死或凍餓死破巢之下幸存完卵宗祧一綫動關數支所苦者輾轉漂泊衣履不完逢首垢面殆無人狀人皆以其乞兒也而輕之賤之無人肯收亦無人肯薦卽欲薦入店鋪又恐其不受拘管私自逃逸遂致孱焉孤露落魄頻年暑濕風寒摧殘略盡嗚呼誰非人子誰無父母徒以遭逢離亂怙恃交失流爲賤丐可憫孰甚焉此而不爲之撫養不爲之教習無論乞食必難久活卽偶有存畱而積慣行乞習成慵懶自甘暴棄終爲廢材甚非所以仰體我國家子惠元元保赤存孤之至意也茲幸奉 道憲應倡捐廉俸並撥公款飭辦撫教諭令設局收養十六歲以內無依難童給以

衣食安其棲宿僱覓工匠量材教習使之晝夜專勤無許仍前行
乞一年之內已可習成由是薦入店鋪作坊俾能自食其力即可
各遂其生終始成全此爲最善惟是各屬城鄉乞食難童如此類
者何限上洋一局未能廣收所望四方仁人君子憫茲孤露各發
慈心隨地勸捐一律照辦行見一經拂拭咸與維新替月栽培便
堪成立庶幾小子有造同銘教養之殊恩天道無私永食兒孫之
厚報知有心人必樂於推廣也謹啟

上洋撫教局設于城內淘沙場陳忠敏公祠內自同治五年四
月奉 道憲應倡捐飭辦陸續收養十六歲以內無依難童貳
伯伍拾餘名入局之後更衣洗澡先令入塾讀書兩月俾令略
識數字粗習小學規矩然後教習各藝一年內大半成功著有
成效洵可推行照辦也

呂氏鄉約

卷十四之一

國家立法治民。明刑弼教之外。月吉懸書木鐸。徇路皆所以納民於軌物也。後世教化漸衰。民多放逸。有王法所不能及者。有心人關懷風教。爲之立規定制。以濟王法之窮。固都人士之責。亦賢有司之所樂爲提倡也。述呂氏鄉約。

宋藍田呂氏兄弟四人。大中大防大臨大約。皆從伊川橫渠兩先生學。德行道藝萃於一門。爲鄉人所敬信。爰爲立約。以期同歸於善。其約有四。一曰德業相勸。二曰過失相規。三曰禮俗相交。四曰患難相恤。衆推有齒德者一人爲直約正。有學行者二人副之。約中月輪一人爲直月。置三籍。凡願入約者。書於一籍。德業可勸者。書於一籍。過失可規者。書於一籍。直月掌之。月終則以告於約正。而授於其次。

德業相勸

見善必行

聞過必改

能治其身

能治其家

能事父兄

能待妻妾

能教子弟

能御童僕

能事長上

能睦親故

能擇交遊

能守廉介

能廣施惠

能受寄託

能救患難

能導人爲善

能規人過失

能爲人謀事

能爲衆集事

能解鬭爭

能決是非

能興利除害

能居官舉職

至於讀書治田營家濟物畏法令謹租賦好禮樂射御書數之類皆可爲之。非此之類皆爲無益。

右件德業同約之人各自進修。互相勸勉。會集之日。相與推其能者書於籍。以警勵其不能者。

過失相規

犯義之過六
不修之過五

酬博圖訟

訟謂告人罪惡意在害人誣賴爭訟得已不
已者若事干負累及為入侵損而訴之者非

行止踰違

踰禮違法
眾惡皆是

行不恭遜

侮慢齒德者持人短長者恃強
陵人者知過不改聞諫愈甚者

言不忠信

或為人謀事陷人於惡或與人要約
退即背之或妄說事端熒惑眾聽者

造言誣毀

誣人過惡以無為有以
文書及發揚人之私隱
小為大或作嘲咏匿名

營私太甚

與人交易傷於措克專務進取不恤餘事及無故而
好干求假貨受人寄託而有所欺者以上犯義之過

交非其人

所交不限士庶但凶惡及遊惰無行
眾所不齒者不得已而暫往還者非

遊戲怠惰

動作無儀

謂進退太疎野及不恭者不當言而言及當言不言
者衣冠太華飾及全不完整者不衣冠而入街市者

臨事不恪

主事廢忘期會後
時臨事怠惰者

用度不節

修以上不
修之過

右件過失同約之人各自省察互相規戒小則密規之大則

衆戒之不聽。則會集之日。直月告於約正。約正以義理誨諭之。謝過請改。則書於籍以俟。其爭辨不服。與終不能改者。聽其出約。

禮俗相交

尊幼輩行與父同行及長於已二十歲以上曰尊者長於已十歲以下曰幼者
 十歲以下曰幼者以上凡五等
 造請拜揖凡少者幼者於尊者長者歲首冬至書賀勝子報之餘令子皆為燕見尊者受謁不報長者歲首冬至書賀勝子報之餘令子弟以己名勝子代行○凡敵者歲首冬至辭見賀謝相往還○凡見尊者長者門外下馬俟於外次升堂禮見四拜燕見不拜退則主人送於廡下○凡見敵者門外下馬俟於廡下禮見則再拜退則主人
 請就階上馬凡請尊長飲食親往投書既來赴明日親往謝之召請召迎送敵者以書簡明日交使相謝召少者用客目明日客親往謝○凡聚會皆鄉人則坐以齒若有親則別叙若有他客有爵者則坐以爵若特請召或迎勞出餞皆以專召者為上客

則迎送之或五里三里各則會於一處有飲食則就飲食之少者以下俟其既歸又至其家省之

慶弔贈遺

凡同約有古事則慶之有凶事則弔之每家只家長

與所慶弔者不相與同約者俱往其書問亦如之若家長有故或與其家力有不足則為之借助器用及為營幹凡吊禮初喪未易服則率同約深衣往哭之且助其凡百經營之事主人成服則相率素服具酒果食物往奠之及墓又相率致賵俟發引則素服以待送之○凡喪家不可受酒食衣服以待弔客弔客亦不可受

右禮俗相交之事直月主之有期日者為之期日當糾集者督其違慢凡不如約者以告於約正而告之且書於籍

患難相恤

水火

小則遣人救之甚則親往多率人救且弔之

盜賊

近者同力追捕有力者為告之官司其家貧則為之助出募賞

疾病

小則遣人問之甚則為訪醫藥貧則助其養疾之費

死喪

關人則助其幹辦

孤弱

孤遺無依者若能自贍則為之區處稽其出內或問於官

侵欺

或擇人教之及為求婚姻貧者協力濟之無令失所

檢亦

防察約束之無令陷於不義

誣枉

有為方略可以救解則為解之或其家因而失所者眾共

以財

濟之有安貧守分而生計大不足者眾以財

貧乏

濟之或為之假貸置產以歲月償之

右患難相恤之事

凡同約者財物器用車馬人僕皆有無相

假若不急之用及有所妨者則不必借可借而不借及踰期

不還及損壞借物者書於籍鄰里或有緩急雖非同約而聞

知亦當救助或不能救助則為之告於同約而謀之有能如

此者則亦書其善於籍以告鄉人

附慈谿縣鄉約示諭

慈谿縣正堂宋 爲勸行鄉約以安民業以厚風俗事。慈邑向敦
禮教俗厚民安。近有花會廟會擒詐等項。爲害匪淺。本縣到任以
來。業經嚴捕其風頓息。誠恐本原未清。或生萌蘖。爲此勸諭闔邑
紳耆協保。舉行鄉約。謹立條程。以德業相勸。過失相規。禮俗相交。
守望相助。毋習賭博。毋留匪類。毋縱訛詐。毋好爭訟。爲則而益以
嚴禁溺女。勸辦保嬰。以全生命。使之各安本業。各存惻隱。成爲禮
義之鄉。不特本縣之幸。抑亦爾闔邑之福也。倘有抗違等情。許約
長直入面稟。在胥役地保。不准分毫需索。速速遵行。無違特示。

計開條約

一德業相勸。禮義廉耻。人之恆心。士農工商。人之恆業。於此不勉。
必至習于匪類。將見士弄刀筆。農習遊蕩。工商務爲淫巧。人心

風俗不可問矣。凡同約之人。宜以此勸戒。毋使貽害鄉鄰。不可遏抑。

一過失相規。過失之來。人所難免。惟隨時改過。庶爲完人。但當局者昏。旁觀者清。凡同約之人。宜忠告善道。使之痛改前非。不可徇情姑縱。以致陷于罪戾。

一禮俗相交。睦婣任恤。責有難辭。凡在鄉鄰。宜思周急以全分誼。不可吝于資財。視同陌路。至交際往來。宜務儉約。不可崇尚時樣。以致極盛難繼。

一守望相助。鄰里之常。以錢相勸。未免藉端滋擾。凡約內之人。每戶登名簿籍。給籤一支。燈籠一管。卽以耒耜爲器械。倘有不戒。各戶宜聞鑼奔赴。不得躲避。并不得索謝。無故不到者。稟究。如有折傷等情。殷戶宜釀錢調治。

一毋習賭博。賭博二字。卽拐騙之別名。一經賭博。則存心凶險。家業難成。甚至引類聚黨。圖害鄉鄰。如花會廟會等項。舟車畢集。比戶囂然。奸淫竊盜。從此滋生。數年以後。戶口凋殘。風俗頹敗。成何鄉邑。凡同約之人。宜各相勸戒。不可姑縱。如敢抗違稟究。毋留匪類。商旅寄寓。原無足怪。獨有匪類。不工不商。逗畱閒宕。凶險難測。究其因由。害在窩匪之家。倘屋宇寬綽。宜問明來歷。果屬善良。方許居住。如敢抗違稟究。

一毋縱圖詐。良善之人。係一鄉之望。正宜愛養培植。庶幾善人日衆。方成仁里。若誣良欺善。動行圖詐。地方成爲惡藪。不測之禍。從此滋生。凡在約中。宜平心理處。繼以錢相勸。如敢抗違稟究。

一毋好爭訟。橫逆之來。各宜自訟。毋得訟人。况情恕理遣。訟無不

解恣意健訟必致危亡。凡同約之人。須各相勸戒。萬一情不可容。亦須通知同約理處。徑行控告。許約長稟處。

一嚴禁溺女。律載溺殺子女者。照故殺子孫例。杖六十。徒二年。穩婆下手溺死者。絞罪。須知天地好生。最重人命。天生人。殺是謂逆天。逆天者。亡一定之理。本縣久已嚴行示諭。此番並諭鄉約正實力勸導。俾男婦老幼。人人知顯有王法。幽有慘報。庶愚民知所戒懼。於以全生命。而召天和。實爲地方之福。如有冥頑。無知。仍蹈故習者。許鄉正鄰右地保稟控。定當照例治罪。決不姑寬。

一勸辦保嬰。民間溺女有實係貧苦。力不能養者。地方紳士宜首爲倡導。設法集捐。仿照無錫保嬰會章程辦理。許臨產報明局中。准給米一斗。錢二百文。按月給付。以五月爲止。五月之後。如

實萬不能養卽爲代送育嬰堂該董如能實力遵辦挽回惡俗
見有成效者定當給匾優獎

咸豐五年六月 日給

鄉約公據式

立鄉約 都 耆約長 同約

等奉

邑尊勸諭舉行鄉約凡同約之人各宜恪守條程協力奉行互相
勸戒毋得疏忽如有抗違等情公同稟究立此鄉約兩本一本
呈 縣一本存約長此約

咸豐五年 月 日立鄉約約長某某

同約某某等

律一 金

卷一

六

鄉約所攷 采常熟縣志

攷周禮地官司徒掌邦國家之教令。分遣鄉師各掌所治之教。凡四時徵令有常者。以木鐸徇於朝。歲時巡國及野。黨正屬民讀邦法。糾戒之。此後世鄉約之制所由昉也。明高帝製教民榜六條。設州縣鄉約所。月吉有司臨蒞講所。宣諭勸戒。俾民圍觀而竦聽焉。亦猶古讀法巡國之遺意也。

國朝更定彝憲。彰明六禮七教。而爲十有六條。其所以禁民惡。迪民善者。意深矣。越在下邑。奉行之勤。惟賢令長是賴。否則循爲具文。輒舉而輒廢者有之矣。今知縣楊振藻實心教民。正己化俗。力舉講約之政。慮鄉隅遼遠。煌煌

聖謨未及周知。爰擇神宮佛宇。凡六十四處。所定八卦。以定八方。每所各頒鐸書。編列某所某號。懸額以垂永久。俾遐邇相率。翕然從風。

聖世之覺民與賢侯之善俗並有徵焉故詳列之如左

西北乾號鄉約所八

正北坎號鄉約所八

東北艮號鄉約所八

正東震號鄉約所八

東南巽號鄉約所八

正南離號鄉約所八

西南坤號鄉約所八

正西兌號鄉約所八

宣講鄉約新定條規

鄉約爲化導鄉愚起見。當此時勢。尤宜實力奉行。從邑城首先倡率。設鄉約總局。選舉公正經董。捐集經費。專辦化導事宜。以作四鄉表率。務須出以誠敬之心。視爲至要至急大事。不得仍蹈故習。致成具文。

一 鄉約舊制。邑城四門暨各鄉社廟。俱有鄉約所匾額。爲期望會講之所。又有申明亭。有事則地方父老在此判理。地方間直標記善惡人姓名。宣講則責歸約正。及鄉飲賓。今則半歸湮沒。其規久廢。民俗愈漓。現擬漸次興復。邑城四門以及各鄉社廟。公所修復鄉約所匾額。重建申明亭。以復舊制。

一 局中另聘公正誠篤之主事二人。或四人名爲約正。分值四鄉會同各鄉圖董振興鄉約。按圖輪流會講。其赴鄉舟車供應。每日

酌定若干。悉由總局開支。該鄉無須供應絲毫。致滋浮議。或該鄉有好善之士。能自願捐資。貼補總局經費。則聽其便。

一、公局所聘約正。分赴各鄉。首先倡導。各董會同耆老士民。整肅衣冠。齊集公所。靜候聽講。不得推諉。公講畢。卽與該鄉父老董事。就該鄉公舉老成敦品之人。作為鄉約長。平時就各村坊朔望輪流會講。年終則考核該鄉約長所講事宜。庶有倡有和不致一暴十寒。俾時時提醒。人人感動。

一、每鄉須先請學官臨講一次。以便會集紳董。傳呼地保。訪問地方利弊。其盤費亦由局酌定。或邑尊能親自臨鄉一次。尤見隆重。能視斯民如家人父子。召諸父老。訪問民間疾苦。講說善言。登高而呼。其感化更當神速。

一、巨講

聖諭

惟直解最爲明徹。惟恐照本讀去。鄉民尙未能盡解。故必須參以方言。里語。罕譬曲喻。引古証今。反覆開導。方能聳聽。尤須按切地方風俗。對症發藥。惕以王法。動以人情。警以天理。更曉以果報。務使聽者於歡欣鼓舞之中。有感動奮發之意。斯爲得之。

一聘請約正。必須品學兼優。爲衆信服者。由公局紳董延請。由縣給與諭帖。其脩脯則照義塾師例酌量按季致送。每歲正月十五日開講。周流各鄉圖。除農忙及酷暑雨雪不能從事外。通年共計若干日。另用一冊注明某月某日在某鄉某圖某村與鄉董耆老某某等會講立議。以徵功課。年終核對。有能勤於從事。實有成效者。由縣給與匾額。或加送節儀以酬勞苦。或有人浮於額。不妨向神前拈鬮爲定。庶免濫竽。或自揣不耐勞苦。許本人告退。以敦禮讓。

一宣講儀制。隔宿先張掛縣示。宜就寺院寬大之所供設。

萬歲牌。

旁設小檯。排列几案。官紳耆老約正。以次行禮。禮畢。官紳耆老皆席地坐。擊鐘鳴鼓。約正登檯。鑿節止喧。高聲宣講。務宜莊容正體。以肅觀瞻。

一開講時。恐人多龐雜。致聽者混淆。須另舉一二人主張料理。高聲約束。更僱把門使二人。只准放進。不准放出。儻有人語喧譁。致亂講規。卽行喝止。男女則分東西立。不得稍混。有不服者立逐之。庶浮囂可靖。

一約正每到一鄉。先訪問該鄉利弊。與同人議立禁約。次訪地方耆老。悌弟貞女。節婦事實。送總局。以便彙齊請旌。

一宣講過於拘方。則人易生厭。立讀一刻後。可請官紳起而從便。或內堂小坐。然後主講者可從容坐談。每講一則。必舉數人具

治天下。孝可以息紛爭。孝可以挽劫運。故教孝一事。不妨三番重
詞覆旁引曲証。一切善事。都以孝字速其力行。一切不善。都以
孝字動其改悔。源頭立論。易於感動。在宣講者自得之。

一會講頻頻。須每期更換說法。若襲舊說。兩三期卽將生厭。蓋謂
予前次已聞而知之矣。故必須更易地方。更換說法。又須先期
貼出某日講某某幾條。或請某某書篇。講某某故事。某某近事。
欲聽者務須早集。尤須參入新奇動聽報應近事數條。以廣招
徠。

一地方會講善舉。宜隨時勸導。量力施行。而寡婦孤兒。苟有不得
其所。怨鬱之氣。最戾天和。故恤嫠恤孤。尤宜早爲設法。宣講時
留心查問。約有若干。勸有力者酌量周濟。倣高忠憲公同善會
例。庶幾善會或捐一文。願十文。願集少成多。按月送給孤寡各

戶保全清節。扶植單寒。最爲極大陰德。至其他善舉。如養老恤
嬰。掩埋助塋。積穀脩荒。築堤開港。救火扶病。種種有益地方之
事實。足培養生機。潛消劫運。亦宜隨力興舉。使人人知力行善
事。造福更無限量。

一地方惡俗。如不孝不悌。糾衆械鬪。淫書淫畫。淫戲攤簧。欺寡逼
醮。溺女焚棺。窩匪誘賭。殺牛宰犬。粘鳥捕蛙。焚林竭澤。種種創
伐元氣之事。久干天怒。易召天殃。宜嚴立議約。永遠禁革。官禁
不如私禁。不妨立碑。遵行庶風俗可以整齊。奸民知所斂跡。
一善書爲聖教羽翼。公局宜酌擇簡明切要善本。隨力捐資刊刻。
分送各館師勸之以時。講說多條。勸善畫張。分貼各神廟。同善
會向有會講語。當時局中隨即刊板分送。携歸粘壁。可以照式
刻送。庶爲鄉約默助。

一鄉約欲圖久遠必須有一定經費可以開支方可奉行不替各鄉宜另籌公項或集分或輪值每講一次經費數百文作為香燭茶水辛工之用。耆老士民衣冠來集者或脩茶點必先有準備不致臨時無措。如有劇分作會者亦見向善之誠各從其便。

一鄉約局門首署鄉約總局匾額旁用簽貼大字書本局奉憲采訪孝子悌弟貞女節婦事實。另一行書本局奉憲收燬淫書淫畫弔銷板片酌量給價另立一碑奉憲永禁花鼓攤簧演戲並禁誨盜誨淫等戲如違立提嚴辦。過邪扶正允宜實力奉行。一局中設立各種冊簿一冊采訪節孝事畧一冊記地方風俗一冊書各鄉見聞善惡報應近驗一冊記出入細數一冊記講約生赴鄉宣講功課一冊記獎勵善類一冊記懲戒克惡一冊記

示。計。文。書。底。稿。一。冊。登。記。收。捐。一。冊。記。鄉。董。到。局。會。敘。輪。流。日。期。一。冊。記。刻。印。各。種。善。書。散。佈。細。目。庶。有。條。不紊。日。後。可。憑。核。實。

一。年。歲。豐。歉。爲。小。民。第。一。倚。賴。要。事。每。逢。暘。雨。不。時。地。方。官。固。應。循。例。祈。求。卽。紳。董。士。民。亦。宜。一。體。誠。求。斷。屠。齋。戒。早。晚。對。天。拈。香。叩。首。面。刻。單。飛。佈。各。鄉。照。會。鄉。董。以。期。各。發。善。心。庶。誠。心。感。格。轉。歉。爲。豐。如。遇。疫。氣。流。行。火。災。示。兆。以。及。江。潮。泛。溢。皆。可。照。例。祈。求。一。體。商。辦。夫。求。雨。求。晴。之。典。我。

上。猶。且。躬。親。叩。禱。爲。民。請。命。我。等。士。民。事。關。切。己。豈。反。可。漠。然。坐。視。耶。積。至。誠。用。大。德。以。結。天。心。端。在。乎。此。此。鄉。約。局。同。人。所。宜。協。力。襄。贊。者。

一。局。中。每。月。除。朔。望。宣。講。外。或。另。有。同。人。約。集。講。說。勸。善。新。書。中。

前言往行。或講本邑故事。尤爲信而有徵。如錫金。則有梁溪前

鑒錄。

江邑則有江上遺聞及府縣志中忠義事實皆可

或感應篇陰陽文直講圖說。以

及古今稗官野史中之足資勸懲者。均可隨時演講。此則可不

必拘拘宜講儀制。可以環坐而聽。啜茗劇談。

一聘請約正。須論功受祿。其或不能終年從事。每月僅能從事數

日。則議定每節致送束脩若干兩。或約定終年從事。而或不能

如約。則脩儀亦宜自請酌減。蓋此係公事。非可以虛文相視。約

正皆係誠實耿介之人。必不肯無功受祿。致滋局外者以口實。

其去就之間。亦宜本人自存謙退。庶不失約正身分。至各鄉所

舉約長。每月宣講幾日。則該鄉自行承辦。其節儀或送或否。則

聽各鄉自議。

一殺劫之來。多由人世殺生太過所致。此理既無人見信。禍到臨

頭應知自悔好生之念。是以上格。天心故實。隨時須明白。應論
少發生靈。實培元化。劫中要事。切不可以其說近二氏而遂
忽置之。

世間溺女惡俗。最灰天。是殺生中之最大者。各省民間。比比
皆是。計每歲淹溺嬰命。何啻數十萬。積茲怨毒。釀爲妖氛。須知
人命關天。勝造浮圖七級。故所到之處。須留心訪問。有無此等
風氣。必須盡力告勸。一舉可保全無數嬰孩性命。體天地好生
之德。卽以感召天和。造福眞爲無量。

掩骼埋胔。是賑災化疹中一大事。故所到該鄉。一面勸說。一面
與地方同人商議。設法掩埋。查一圖中。暴露若干。卽可協力興
辦。藉以鼓動善機。

一械鬪爭執。鄉愚惡習。動輒釀成人命。總由一時之忿。不肯忍耐。

所致故講約時亦須重言申明

一鄉愚無知動以人命圖賴甚至有聳其老父邁母向人家肆鬧此其心爲何如心充其心是忍死其父母而快我報復之心也卽科以逆倫之罪亦不爲過故講約時亦必先爲道破

一字穀實人世至寶允宜敬惜鄉民多不加意講約時須重言之
一牛爲大牢木非小民所得食暨犬能守夜蛙能捕蝗均屬有功人世講約時均宜勸人早戒

一鄉間少善醫者故凡遇難產或五絕或急痧皆束手無策講約時亦可卽事指點示以急救之法

一與人爲善自有其數如過寒冬則勸人施衣施粥炎夏則勸人施藥施茶遇水火偏災則勸人賑濟遇孤寡或貧病則隨緣勸助總期於人有益庶幾物我皆春

一約正約長雖秉公持正而遇有民間詞訟諸事無容強爲處分正宜善言勸化使之默感潛消因而寢訟息爭固是美事倘或執迷不悟亦只宜聽官長公斷不宜稍有干與若民間詞訟有牽約正約長名曰公局中自可稟請示禁

一鄉約既行後即可就其中兼行保甲責成鄉圖董地保里長竭力遵辦各約正協同查究自有實效向來各州縣示諭重重而奉行者往往不力原其故多由於立法之太煩立言之不切以致人人畏縮茲有極簡極切保甲法隨地無不樂於從事另附規條於後以脩采擇

一每屆年終局中官紳士講生并各鄉約正董事恭請邑廟拈香將功課簿暨出入細數收捐細數各賬焚化神前以昭誠信一局中鄉先達如欲鼓舞後進振頓士風宜每月會講一次約諸

少年士子環集一堂或講學問或講經傳或講經濟總期黜華崇實文行兼修以爲四民準則或聘請四方宿學輪流請赴善易者卽請講易善詩者卽請講詩通理學者卽請講理學善古文者卽請講古文先期貼出本局某日恭請某先生講說某某經書凡我同人偕來會講云云如是則鄉約與講學兼行士習亦與民風均厚矣。

附鄉約會講變通法

人情厭故喜新習久易生怠忽聽古樂則倦而欲卧自古已然何況今日是以近世俗尙如迎神賽會花燈歌舞演戲唱曲一切無益有損之事則趨之若鶩卽如僧家說法羽士談經亦且環集而聽娓娓不倦而於鄉約之舉爲地方風化所關反以爲老生常談偏不肯破半日工夫偕來集會輕薄者以爲迂濶耽逸者不耐厭

煩風俗至此可勝浩嘆然時勢至此舍勸善之外更無別法彼雖呼而不覺而呼者之意愈殷彼雖招之不來而招者之心愈苦病勢難急藥不可離但期有益於人何妨變通從事自古聖人立教從俗從宜不爲己甚王道不外人情因勢乃可利導魯人獵較孔子亦獵較聖人於風俗所尙苟無大害不難降格而就卽於其中默用幹旋補救之法不必斤斤固執致吾道仍多扞格也赤子匍匐將入井皆有慌惕惻隱之心此時救之之法不妨百計千方以求有濟鄉約規條已脩恐有難於通行之處特另附變通法隨時隨地可以酌定惟會心者采擇焉

鄉約舊例期望宣講邑城官長親臨尙多奉行不廢若鄉間勢必不行蓋人情厭常好異無所爲而爲之三五次必將厭倦是故初行之時聽者以千計再亦以百計又再則數十計又其後

則必至人跡希少。幾以爲老生常談。群相掩耳矣。聽者既少。則講者亦必敗興。鄉約之所以歷久多廢者。職是故也。竊意鄉民之所最信者。神佛賽會。往往雲集輻輳。至再至三而不厭。蓋世風所尚。則相率奔趨。雖費盡工夫財力。亦所甘心。原其故。則或以求福。或以禳災。或趨熱鬧。或樂新奇。故令人比戶偕來。樂於從事。又如諸神誕日。各有香會。鄉民醵分赴會。不一而足。要皆忙裡偷閒。篤信不疑。不敢或慢。若乘此時登壇宣講。則環觀羣聽者必多。且神佛當前。善言尤易感動。嘗攷明儒高忠憲公有四季會講之例。不疏不密。最爲可法。今擬仿其意。每圖每年舉行鄉約。以四次爲率。兩次則借徑惜字會。兩次則借徑惜穀會。乘舉會之日。約令通圖老幼男婦咸來聽講。歲以爲例。善會不廢。則鄉約亦可期永遠遵行。不致懈怠。乘機開導。因乎時宜。但

期聽者多多何妨變通從事。借徑而行無不可。引歸正路識者諒之。

一每圖每年舉惜字會二次。先期訂約。該處士民恭詣文昌宮拈香。素麵一敘。具疏告神。立願惜字外。館師則立願盡心教誨。其餘則立願常說好話。各發善心。神前書押。各願轉相勸化。由是而宣講善言。俾人人習聞。互相傳說。則善言幾於充滿鄉曲矣。其各人香資則臨時公議。

一每圖每年舉惜穀會二次。卽藉以行春祈秋報之禮。亦可就此時定講勸善卽事。指點言尤易入。亦爲化俗良法。

一司講者苟留心勸化。則隨時隨地各有機緣。如神誕集場勝會。青苗狼籍歲時伏臘。苟羣相頻聚。皆可就便講說。不必拘拘成格也。

一鄉約中可兼訓子弟法。凡地方孤寒子弟未經入塾者。不知凡幾。若欲設義學以教之。卽設千百處。亦難遍及。莫若就鄉約時。約令來集聽講。半日善言。學習子弟規矩。傍晚各給予點心錢。十四文。歸家各令向父母尊長前叩首。不遵規矩者斥之。敬聽能覆講者。另賞之。與君一席話。勝讀十年書。半日善言。終身有益。所費有限。獲益無窮。勝於終年入義學。而曾不一爲講解者。鄉約所到之處。又可約各塾師會講。各率子弟會集一堂。互相勸勉。以盡心訓誨之道。蓋塾師教訓關係終身成敗。塾師善教。一生可成就子弟數百人。爲益正非淺鮮。故會講之法。急宜推行。

一省垣五方雜處。易成朋黨。易起釁端。此中查訪難周。最難安放。竊意各省有各省會館。各行有各行會館。各歸各帮。尤易彈壓。

宜於會館中擇賢董數人專司勸導每逢月朔日各會館宣講館約凡本帮人一體齊集聽講記名入冊有不到者卽飭查三次不到卽屏斥或資遣回籍如此則以本地之良民化本地之秀民提綱挈領默化潛移必有範我馳驅之妙雖五方雜處亦不足患也

宣講鄉約聚人之法

人情習見習聞歷久必生厭倦宣講鄉約雖爲大典然聽之者兩三次後卽以爲不過爾爾不欲再聽矣且講時闕淡無華卽無以聳鄉人之耳目宜將古今善惡果報圖繪成大幅加以采色則遠近男婦必將奔走借來環觀群聽矣從此卽事指點曲爲說法庶幾耳濡目染必有默化潛移之妙聞有逢期宣講用清道旗擡萬歲牌張黃傘鳴鑼前導以赴講所者并有脩坐橙茶水以招徠聽

行一金
講者亦此意也

附錫金鄉約局規條

無錫縣正堂錢吳示。今將會同紳董議定舉行鄉約章程。開列於左。

一、立總局以統鄉城也。總局現設錫境西北三圖真應道院。因居城中。往來甚便。每逢朔望。本二縣及紳董到局。齊赴鄉約所。

龍牌前行三跪九叩禮。宣講。

聖諭廣訓。席地聽講。士民毋得擁擠喧譁。違者有罰。至一切有益地方興

利除弊公事。宜俟講畢後。在局中秉公會議。

一、城廂分設鄉約。所以便宣講也。城中設崇安寺。東里設延壽司廟。南里設於張王廟。西里設於東平王廟。北里設社公廟。朔望輪流。屆期本二縣及紳董偕赴宣講。勸導至鄉間各圖鄉約所。亦必敬設。

龍牌凡朔望日。鄉約長及圖董。行三跪九叩禮。然後宣講。

一立局必延請紳董以專辦理也。本二縣延請紳董開局。每鄉公舉扇董數人。至各圖董事須扇董察訪。每圖公舉數人報縣。以便襄理本圖事宜。

一局中請公正練達約正六人。常川赴鄉倡導。會同鄉董按圖輪流宣講。該鄉則每上下扇內公舉公正老成鄉約長二人。

一鄉間必按圖扇以分宣講也。錫金二縣分十六區爲十六扇。每扇約二十餘圖。局中約正自備舟車赴鄉協同本圖鄉約長及董事紳耆齊集公所宣講。議定章程除總局約正一年兩次按圖宣講外。每逢朔望定期。朔日某圖望日某圖董事協同該圖紳耆齊集公所宣講開導。

一必輪流赴局以便會議也。每扇一年分兩季到局。豫定各赴局日期。每逢朔日。錫金一扇望日亦然屆期扇董於赴局

前一日約齊本扇各圖董事及城鄉各鄉約長在本扇公所先行會議地方一切除弊興利等事。至期扇董約同圖董四五人及城鄉約長同赴總局。將各圖所議之事報明以便商酌舉行。其一切經費各就本圖集捐量力酌辦。至一年後各圖行有成效。如果輸將踴躍。訟獄衰息。該圖董扇董等定加獎勵以償其辛勤。并爲他圖效法。

一鄉間必親到宣講以示鄭重也。本二縣政務紛繁難於遍及。擬每年春秋兩季會同紳董每扇就大鎮地方親到一次。率同宣講。又請學師各扇輪流親到一次。以通民情以示鼓勵。一經費必須節儉以期永久也。總局約正赴鄉宣講。幾無暇日。故總局須酌送脩金。本扇鄉約長僅在該扇各圖輪挨朔望宣講。其應送節金與否。鄉董自行酌定。於總局無關。至局中約正紳

董下鄉船隻。供應俱由總局開支。各扇無須供應。至扇董圖董及城鄉約長。按季分期到局。局中供給便飯。倘有別故到局者。槩不供應。以杜浮費。庶此舉可以永久。

一鄉間必照例勸懲。以期感化也。凡各圖孝子悌弟貞女節婦。無論存歿。採訪事蹟。造冊報局登記總簿。先由本二縣給匾褒獎。或赴鄉時。式廬展墓。俟彙集總數。當爲具題請。

旨建坊旌表。又地方善舉。如保嬰養老敬節恤孤惜字放生掩埋助葬救火備荒等事。隨時隨地舉行。其中尤爲出力者。亦由縣給匾獎勵。倘圖中有花鼓攤簧及宰牛賭場窩匪等事。不必拘定朔望兩期。圖董當卽會同扇董及城鄉約長。隨時報局。同總局紳董會議查辦。亦隨時稟明其餘訟事。局中概不與聞。一立局必籌經費。以圖永久也。此局爲弭患救災濟急要務。實與

保衛局表裡相輔而行允宜和衷共濟本二縣每年各捐銀一百千文爲倡此係善舉並不勉強書捐各紳董均須酌量勸捐各就親友中同志好善者互相敦勸隨愿捐助庶經費充裕此局可垂永久

一總局必請司事以專責成也局中請司事一人管理局中雜務酌送辛俸其出入銀錢賬目局董分期查核又僱局使一人以便差遣又局中由本二縣撥書差各一名朔望到局聽候

一局中必有總冊記錄以便核實也總局約正各立一冊注明某日在某圖宣講按季繳局通年以二百日爲率至局中司事出入銀錢賬目逐月開明清冊以便年終查核就邑廟祀神報銷以昭大公

以上規條十二則各宜遵照舉行其中因地制宜之處亦可

待一鈞

卷二

準情酌理參以變通總期協力奉行功歸實際庶不負我
國家化民成俗之至意幸甚

咸豐五年七月

日示

憲示

江蘇常州府

無錫金匱

縣正堂加十級紀錄十次

錢吳

爲遵行鄉約以正

人心而厚風化事照得風俗係乎人心人心由於教化人心不正風俗因之敗壞故欲敦風俗先正人心欲正人心先行鄉約恭讀

聖祖仁皇帝訓諭十六條爲萬世生民熟籌深計故鄉約一事實應永遠

宣講實力奉行上年欽奉

上諭通飭各直省州縣興復鄉約一體遵行仰見我

皇上化民成俗之至意茲又奉

本府正堂色 札奉

提督學院奎 札飭各府州縣分諭各善堂紳董妥議章程遵奉

宣講並仿照明儒高忠憲公同善會會講之法分別遵辦以期感

召天和轉移風化各在案况當此天心告警寇患未平正宜上下

虔脩知危知懼。父詔兄勉。相勸爲善。冀以弭天災而消人禍。查

學

宮書院。所以化導士子。鄉約之行。所以化導愚民。而化導之方。端

在士子。念爾蚩愚。無人開導。終身夢夢。遂致觸禁抵網。累及身家。

深堪憐憫。睹茲習俗。情切悚惶。欲振頽風。莫如鄉約。似迂實切。似

緩實迫。消沴氣而召天和。端賴乎此。本二縣自到任以來。夙夜兢

兢。深願與爾士民。恐懼脩省。以迓天庥。除延董設局。妥議章程。分

別舉行外。爲此出示曉諭。城鄉居民人等。知悉。爾等各圖先行趕

緊。公舉老成。圖董並延請品學兼優。堪勝講生之任者。造冊送局。

察訪呈縣。以便隨時給發章程。各就圖內宣講開導。本二縣實爲

爾等贊成。風化弭災。消患起見。所望各發天良。實力奉行。庶幾感

召天和。潛消戾氣。於爾士民有厚望焉。其各凜遵。毋違特示。

咸豐五年五月

日示

保甲章程

卷十四之二

為政首在安良。安良必先除暴。盜賊不弭。良民無從安生。一經發覺。輒轉被害。累及無辜。官長既增失入之愆。閭閻更以株連之懼。此中分別而剔除之。非賢父母之責。而誰責耶。違保甲章程。

常郡實行保甲啟

啟者。保甲之法。弭盜安良。立法最為盡善。咸豐二年。因賊氛逼近。欽遵

諭旨。城鄉一例舉行。而日久懈生。仍復虛應故事。甚且疑為無益。殊不知良莠不分。則良必為莠累。本年屢奉

欽差大臣向及

撫部院吉

來札。稱賊易服改裝。四出勾結。愚民受其煽惑。往往

陷入黨中。卽如上年姜芳槐等。竟至謀爲大逆。伏受重誅。更有可慮者。從逆之人心同梟獍。一經刑訊。肆意妄扳。卽清白安分之人。而素未能其見共聞。卽隣里出結相保。亦屬不能清洗。惟行保甲之法。則平日行爲踪跡。著於簿籍。衆所同知。遇有冤扳誣誣之人。牌甲長卽可持門牌戶籍。具其平日行止據實申明。免提免究。而外來奸究及素行不端之徒。亦斷不能匿跡閭閻。致遭擾害。此皆本局同人目擊近日情形。實有非此不能保全良善。緩靖城郭者。特此剴切勸諭。名爲保人。實以自保。幸勿畏難玩視。一旦飛禍臨身。噬臍莫及。謹白。

一保甲之法。每十家爲一牌。牌設一長。百家爲一甲。甲設一長。牌長甲長須擇剛方正直之人。如十家之中有犯後條聚賭等事者。左右鄰告牌長。牌長轉告甲長。甲長查訪確切。輕者會商。

圖董訓懲其抗違難化者轉白總局送官究辦倘知情徇隱不
告左右鄰及牌長甲長俱議重罰至窩藏奸細本人以通賊論
房屋入官十家連坐。

挨戶填註男婦姓氏年歲執業及僕婢姓名并填左右鄰姓氏
再由牌甲長詳查無訛填於十家牌交董照填總冊送局呈縣
蓋印仍由董事赴局領回分散甲長懸掛各戶門首十家牌懸
於牌長之門戶口冊存縣備查。

一所編之戶如有出外生理者須告牌甲長現赴何方作何生
理填寫總冊牌甲長仍須不時查察觀其往返踪跡如遇形跡
可疑卽行暗記告知圖董查訪轉達鄉董。

一稽查之法紳戶大戶稽查中戶小戶大戶紳戶則互相稽察牌
長每日稽查甲長則五日抽查牌長與甲長十日聚一次甲長

與圖董半月聚一次。圖董與鄉董一月聚一次。遇有懶惰狗隱察出。公同議罰。至客寓寺觀最易藏奸。客寓則設循環簿。着令房主逐日登記。責成甲長。不時查察。寺觀須另擇一人專司查察之事。亦須每日稽查。如有游民立即驅逐。匪徒解官研究。其孤廟無人管理者。概行封鎖。

一大戶每有數宅同居者。同姓以家長為主。祇算一家。異姓則各編名戶。其牌俱掛門首。以便查核。至小村畸零戶口。卽應遵照四併六分舊章辦理。

一鄉間聚賭漁利。引誘愚民。草竊奸究。皆起於此。其甚者唱演攤簧。聚引博徒。外來奸民尤易混跡。最爲可惡。永宜禁止。牌長甲長當隨地嚴查。鄉黨亦須隨時察究。如有抗違不遵。爲城中訪聞者。除送縣重懲外。罰錢充公。

一匪徒從逆包藏禍心一遇摘發則報怨扳仇無所不至一立保甲則甲內稽甲內之人匪類既無所容設有誣枉甲牌長察其名寃令左右十家環保由甲長圖董轉告總局公同具呈保釋庶無瓜蔓株連之害

一盜賊爲民間大害最宜同心守望遇有黑夜劫掠強徒一經風聞卽鳴飢鑼爲號各甲皆出收護如獲盜一名解案公局賞錢五十千或當時不能擒獲乘其退而追尾其後因而追還財物者賞錢三十千或能陰尾賊後得其踪跡卽能破案者賞錢十千如此則各甲齊心不必約束驅策自見人人思奮矣

一偶有警報各村巷各須懸燈一盞各家輪番巡更以脩不虞倘有事端鄰甲坐視不收者公議重罰

以上各條簡便易行並無擾害洵爲除暴安良要法幸有心

金
人隨地照辦

三

雙惜扶顛局規約

卷十四之三

人生困厄之遭曰顛。顛曰顛連。而在窮途流落者爲尤甚。不有以扶之。恐一蹶不振。終身廢棄。良可憫已。顧世路嶮巇。中道失步者比比皆是。實有扶之不勝扶。且扶之不任扶者。於是有妙其扶之術。而一舉兩得者。是可仿行也。擬雙惜扶顛局規約。

扶顛局小引

嗚呼。生人之苦至窮途流落之人亦甚矣。或尋親不遇。歸計難求。或薦引之人。傭工無主。或營生缺本。告貸鮮通。旅況淒涼。擬托沿門之鉢。羞顏澀縮。怕吹入市之簫。俗所謂跌仆曰失路者。此類是也。此其人概名之曰顛顛而不扶。焉用彼相。周在爲相者言之而不獨相也。上洋爲通商大口。五方雜處。流落尤多。失業窮愁比比皆是。蓬首垢面。幾同萍梗之飄。骨立肌銷。類屬翳桑之餓。固多沿

路告哀呼號。永日向隅飲泣。過問無人。突然而中途失步。豈遂甘
墮深坑。苦海將沉。疇不望登彼岸。所苦者飽思一飯。度日維艱。囊
乏半文。思歸徒切。縱使計然有術。藉手無由。卽令毛遂多能。處錐
何地。苟舒冷眼。所需本屬無多。稍動熱腸。培植當復不少。此扶顛
局之設。所以爲此間要務也。茲擬集資設局。以惜字惜米爲首務。
而卽以窮途流落之輩入局。充工日給工食錢百文。每日止付五
十文。俾資食用。一月之後。應付工錢一千五百文。兩月卽可得三
千文。欲圖里者。盤川有着。欲經營者。小本裕如。且小試兩月。勤惰
可知。卽代作曹邱。亦可無慮。如此更班迭換。可以源源吸引。纔經
提挈。卽獲超升。大法力佛手垂援。真功德慈航普度。分西江之勺
水。洵鮒重甦。挹南國之微薰。凍蠅立起。權宜方便。一舉而兩善兼
該。爰曲成全。雙惜卽孤。瑩活路當亦有心人所樂於贊助也。謹啟。

規條

一局。或某地公捐善願。卽擇窮途流落之人。辦理惜字惜粒事宜。司事督率工人分段收拾。零星棄字。狼籍米粒。日付飯食錢。每名五十文。如能實力承辦。則每日准存工錢五十文。滿月卽存一千五百文。兩月得錢三千文。卽可作路費或資本。不致終爲流丐。旣惜字粒。又濟窮途。一舉兩得。洵稱剗舉。倘剗缸蟻蛄。有惜字以拾取。牆角灰堆零星拋棄爲要。每日早起分派收拾。或有污穢另行收存。以花椒湯洗淨。晒乾焚化。以昭誠敬。惜米以打掃各碼頭。各街路零星狼籍爲要。一人領同數人各持箕帚。分頭拾取。滿歸淘洗。晒乾收存。每日所收字粒。各人若干。晚歸時司事必領同神前焚香叩首呈繳。見數如或怠惰。惟神是究。俾知戒勉。有能格外勤力者。

另加優獎

一城廂內外鋪戶棧家。每日遺剩飯食。往往任意拋棄。實爲造孽。擬另遣工人挑擔收取。如僧家盞飯例。俾免狼籍。收歸入局。晒乾收存。作爲冬月煮粥濟貧之用。

推廣扶顛局條目

雙惜會作扶顛局。洵爲一舉兩得。惟恐來者衆多。雙惜事宜。不能多用工人。又不忍不代爲設法。俾各有謀生之路。因附推廣各條於後。

一代作薦主。帮作小工。以應得工錢存積兩月。如包飯者。除每日給付飯錢外。餘錢亦代爲存積。俟滿兩月給還。

一開作坊收留失業之人。擇其事之易爲而可以流通者。如白坊、龔坊、做蒲鞋、做紙錠、打繩、絞繩、收買亂傳、收買草藥料、耕種牧

牛等類皆人人所能爲。但得代爲設法。代爲轉運。自然各有生計。不致終於廢棄矣。

一大戶。大典棧。大行店。大作坊。大作塲。狼籍米粒飯糝最多。宜另

僱失業窮老。專司打掃收拾。惜米惜字事宜。所澆稻草每日摘淨所吃飯米每日

陳淨。在主人多養一吃閒飯人。一年所費無幾。而代爲惜無窮之福。既濟貧。又惜福。一舉兩善。洵爲極大陰功。局中人衆即可代

爲分薦。作惜穀工人。善有同心。定多感動。

一各柴行及窪塲所有稻麥草。其中穀粒必多。局中人可分派各

行戶。代爲揀淨。柴上遺穀。或攤出拍打。將所收穀粒收回。充公

行善。另給工食。核所得穀粒。以抵工食。所貼無多。此須稟明官

長。以便分派。否則善勸各行。各修各德。必有信從者。

一以工代賑事甚多。如打掃街道垃圾。修補道路缺陷。剪除碍道

荆棘掩埋荒野。暴露添設古廟。靈籤派司香火。興修渡船。俾撐
駕餬口。均屬一舉兩得。隨地可行。惟在有心人。曲爲設法耳。
每見窮丐乞食。必有所挾以動人者。方能有求必應。如能念經
能宣卷。能說好話。或掛閣王軸。或說偈言。或唱因果。則到處有
人施錢給飯。竊意凡遇此輩。各爲教習熟練。如經卷木魚。閣王
軸等類。所費無幾。而丐者得此行乞。自可不愁凍餓。權巧方便。
惟有心人不憚煩瑣。代爲圖之。亦最下扶顛之一法也。
失業孤癯。倘有患病。無人照料。往往不起。須另爲設法扶持。給
以醫藥。俾能就痊。或勸其於病中立大誓願。自願一生敬惜字
紙。五穀。卽爲代求神廟仙方。病愈之後。令其專惜字米。以完夙
願。當必格外加勤。不敢怠誤。或生平有無忤逆邪淫。煙賭諸習。
尤須令其痛心立誓。方有生路。則養也而教在其中矣。

借資作本說

營生無本則束手坐困
借給些些便堪養活

現在失業窮民比比皆是。若輩有耳目手足。皆能肩挑貿易。營生餬口所苦者。乏本耳。而其本又不在多也。所少者三千二千耳。有三千二千文。便可自餬其口。并可贍養其家。而借貸無人。束手坐困。久之漸流為丐。運耶命耶。亦人事有未至也。茲擬倡一借本營生局。或獨力承當。或集眾公辦。許附近失業窮民。覓保來局。借錢若干。少則數百多不過三千。每借錢一百。繳利半文。惟須每日將本錢或存貨呈繳。取信以察。誠僞人不論。異鄉土著。但有保人。即准借給。此中可扶植多少窮民。雖取利而不失。為方便者。惟有心人早圖之。湖北李某家小康。嘗以錢數百千出借。其借法只准借肩挑貿易之人。但有人作保。即借之。錢不得過二千。每借錢一千。每日繳大錢十一文。或十日繳錢一百文。以百日為繳清。或每

日繳大錢十文以百二十日爲止亦可惟不准稍欠如實在虧本或病不能作活者另出期票而緩其利一時因借謀生者甚衆久之得利甚厚有忌之者以重利盤剝告於官官拘李至李屈於法而無詞未幾署外大譁詢之則有數百人各肩扁擔呼冤官大訝問故則皆曰我等窮人步擔肩挑爲活欲借小本作營生無人肯借若非李先生借錢我等何以養家餬口每日出利我等自願今反以害李先生我等何安有罪我等請同當之毋令李先生獨受苦也官得其情立即開釋而斥訐告者衆人始散後李公家財頗發而扁擔之名由是傳爲佳話云

官長約 石天基原本

卷十五之一

論行善是人人分內事。原無那個該行善。那個不該行善的說話。也沒有那個善是人所能行的。那個善是人所不能行的說話。只是有一等善事。凡人力量萬萬做不來的。惟有做官的。輕輕就做來了。且是凡人行善一善止。成一善。只有做官的人。做一件善事。便勝如凡人百件善事。千件善事。萬件善事。更有一件勝人萬萬件的善事。以此做官的人。更當急急行善。更與凡人不同。爲甚說做官的行一件善事。便勝人百件。千件。萬件。萬萬件。比如做州縣官的。便是一州縣民命所關。他若行善。那一州縣百姓都受他的福了。州縣既受他的福。那天怎不報他以福。做府官的。便是一府民命所關。他若行善。那一府的百姓都受他的福了。一府既受他的福。那天怎不報他以福。到了做司道的。做總督巡撫的。便

是一省民命所關其善愈廣其福愈大。直到了做科道九卿六部。以至於宰輔中堂。做這樣大官的。便是天下民命所關。他行一善事。盡天下都受他的福了。這豈不是一件事勝凡人百件千件萬件萬萬件的麼。且這樣大官。要行善事。再沒有行不去的。即間有疑難的事。若打起精神來。照依世上人做生意要賺銀子的心事。一樣千方百計。定要到手。如此做法。那裡有行不得的。以此做官的人。行善最易。一善抵人百千萬善。獲福又最多。所以說那做官的。更當急急行善也。但是做官的。也須知他的就裏。比如那做科道部院的奉行。朝廷善政。卻不能與百姓相親。還要那有司官實實去行。百姓方受。朝廷之福。所以做有司官的。尤望他急急行善。若有司官不肯實實奉行。便是那科道題請六部奏准。朝廷行下來的善政。也都歸於空言了。所以有司官尤當急急行善。

方爲不負。朝廷不愧民之父母。但是做有司官的。也有難處。也要知他的甘苦。尋常民間小小冤枉事。有司官申得小小便利事。有司官行得。若是要與大利除大害。必須督撫代爲題請。若是有司官申詳上去。督撫不替他題請。縱有好司道官。好有司官要行好事。也不能勾完全圓滿。至於六部九卿奉行。朝廷的善政。必是先行督撫。督撫後行。所屬看來六部九卿要行好事。也須督撫替他實實去行。若做督撫的不實心督率所屬官吏著實去行。縱是科道部院要行。也是不能勾完全圓滿。所以做督撫大官的。上可以通得朝廷的呼吸。下可以雪得民間的疾苦。要與大利無有不與。要除大害無有不除的。真是行一件善事。直抵得凡人百千萬件。以至於萬萬件的。做這樣大官的。豈可當面錯過。我今設一譬喻。譬如人入海取寶的。其中珍珠瑪瑙。琥珀種種色色。

任人所取。獨是有一顆徑寸的明珠。養在驪龍領下。有一枝七尺的珊瑚。長在海底石上。若要取這兩件寶貝。卻不是凡人福分。可以妄想得。必須造下大船。製下鉄網。又有澹臺滅明下水斬蛟的手段。然後取得。那夜明珠珊瑚樹來。取得這樣寶貝。便是世代子孫受用下盡的了。但是如今做大官的。未免錯認路頭。竟把做官行善看做兩樁事了。因何說他看做兩樁。我常見做官的人。說到興利除害的事。便說朝廷立定的法度。誰敢更張。卻不道朝廷立的法度。那一件不是利民的。若還法久弊生。正要做大官的說明利害。奏請更改。那有坐視百姓困苦。只守定舊樁的道理。如今做大官的那個不是好善的。但只謹守法度。未免見義不爲。只到宦成回家。另做一番善事。不過是齋僧造佛。佈施福田。看來卻是小小善事。放著一件勝如萬件的善事。爲何不做。卻來取此

小善。只因將做官行善看做兩椿了。殊不知做官却是好行善的時節。行善正是做好官的本領。那有駕著大船。拿著鉄網。不取那夜明珠珊瑚樹。卻來拾取殘珠剩寶。豈不是錯認路頭了也。獨至牧民的有司官。要行善事。往往多有掣肘。必待上臺允行。方可放心去做。然雖如此說。據我細細想來。也不爲難。比如今日有司問一的決問。一折贖。也要詳過上司。三回兩駁。委是煩難。到了夾棍拶子。任意施行。三十板五十板。往往立斃杖下。此事又何嘗定要申詳。可見上司掣肘的。反是小事。轉是關係性命生死的大事。反得自己操縱。所以親民的官。最要仔細。夾棍板子。最怕手滑。我只開口一聲衙役。便加力幾倍。我只用動手一摸。百姓便去了血肉。幾多一般皮肉。我疼他豈不疼。他疼我又何忍。果係情真罪當。打他也不爲過。若還非罪無辜。於我定然損福。做有司官的如何容

得忽畧。若論大刑一節。尤爲不可輕用。當初設立大刑。原爲凶犯強盜。熬刑不招的。用此拷訊他的真情。如何尋常事體。老實百姓也用這等非刑。大約官府好用大刑。只是不奈煩瑣。他說重刑一人。人都懼怕。後來不打就招了。此說大有病痛。若是凶犯強盜。夾他也不爲枉。若還未經官刑的人。一用此刑。多致殘廢。甚則老少虛弱的人。立時送命。最可憐憫。當時緹縈女說道。死者不可復生。斷者不可復續。正是此等刑法。做父母官的。如何用得輕易。還有一種鄉愚。從來未見官府。一到法堂。言語錯亂。官府動了疑心。致用大刑的。又有一種言語蠢直的人。應對官府。也是這般粗糲。官府動了嘆心。致用大刑的。又有官府盛怒之下。愚民不知進退。致令拍案。怒加力責治的。也能立斃杖下。又有事關考成。或係欽件。上司著緊行牌。要叅要處。或是謁見上司。爲著某事。面加責讓。

也能火上加油不顧百姓死活但念身爲有司猶如人家的媳婦一樣當受公婆煩惱須想名爲父母就有不肖兒女也望爺娘周全於萬分難忍的事切要忍得於一時難耐得煩惱也要耐得但寬得一分百姓就受我一分之恩但緩得一刻百姓就受我一刻之福了至於催徵錢糧這是考成大事如何寬得緩得只是要百計千方設出一個妙法來便省了無窮板子省了無窮板子便是積了無窮陰德既不累我考成又與百姓作了福豈不是兩便之道豈不強如那一味亂打的錢官糧又催不起考成又誤了百姓又受了苦自己的陰德又虧損的麼所以做父母官的一毫用不著火性只要細細商量事事留心人人訪問自然有絕好的政事出來至於詢訟一節便要留心替百姓伸冤理枉是不消說了還有要緊的事不可輕提婦女不可輕監家屬不可拖累無辜這就

有無量的功德了大約那做有司的一日之間有無數善事該做切莫輕易放過將這零星小善等閒看了他那做大官的取得夜明珠珊瑚樹固是受用不盡我如今將那珍珠瑪瑙琬琰瑯零星寶貝積得堆山接嶺的也就敵過那夜明珠珊瑚樹也就世子孫受用不盡了所以說做官行善勝如凡人百千萬件不是虛說混話正是實實道理只要人打起精神來猛力行去不但自己高官子孫朱紫就是登那仙證果也從這裡做得來的若只恁的混賬不免福力有限也有不做官的日子却不道當權若不行方便如入寶山空手回豈不錯過了好光陰也我還有一句緊關的話頭索性與做官的說了罷如今做官的人不要把自己等閒看了大凡做官的都不是凡人都不要小覷了自己不是前生脩來的就是祖宗積來的不是天上星辰降下來的就是仙佛聖位中

應化來的。所以他出娘胎胞時就有些氣概不同。此處最要認得。分明知道來歷。若曉得是前生修來的。前生積善。纔有今生。今生不積。恐沒了來生的了。急急行善。猶恐其遲。若曉得是祖宗積來的。祖宗積了。有我今日。我今積了。又有了子孫的。後日愈積愈厚。愈積愈久。日後子孫世代做官。豈不可羨。若是我今不積。猶如祖宗儻下萬貫家財。到我手裏都用盡了。便沒子孫用的了。這樣看來。我在祖宗分上也算不得好子孫。在我子孫分上也不叫做好祖宗了。如何不急急行善去。曉得是星辰降下來的。仙佛應化來的。正要致君澤民。不負上天生我之意。若還只是受享祿位。目前早已墮落。如何不急急行善去。若說我是天生的福人。富貴是我該受享的。百姓是我管轄。我該役使他的。他該供應我的。如此話頭。誰去與他辨論。只是人生福報。也有限量。譬如那會射箭的人。

也有射到一百步的。也有射到二百步三百步的。不論多少步數。到底箭要落地。到此田地。大家自見分曉。那行善的人。五更半夜。都有安穩的。到那回首時。多有好光景。也是說不盡的。那爲不善的人。平時血氣用事。不信天地鬼神。只到臘月三十日。手忙腳亂。血氣已盡。良心發現了。平日所作所爲。一一現前。或自己首過。或央人救他。那日常所說馳騁過頭的話。一切都用不着了。卻也悔之晚矣。我今再說一件故事。與做官的人聽。當初宋朝有個王韶。是個極有才幹的人。他當初不合一念差了。要取那大功名。上了本。自己要開邊展土。他就收了熙河一路。也不知殺了多少人。也就做到安撫使的大官。他那心上不知怎麼。卻有一點子過意不去。一日到甘露寺閒遊。遇著那高人才景純。他開口問那景純道。以王法殺人。可有罪過麼。那才景純說得好。你也莫問有罪無

罪只要你打得過心下去。那王韶硬着口答道：打得過去。那刁景純又說得好：若打得心下過，便不來問我了。今來問我，還是打不過。心下去。王韶便默默無語的去了。後來那王韶得病，只將兩手緊合着，那兩眼人叫他開了眼。他回說：開不得的。眼前有無數沒頭沒腳的人，立在我面前。這卻不是那收熙河時殺的冤鬼麼？到此時候，良心發現，自己欺瞞不得。那從前硬口的語，一切都用不着了。卻不是大可懼的事？如何不急急行善去？又有一等人說：如今做官，只要謀爲好，打點得到，自然有官做。那裏管甚麼行善不行善？此等言語，我也不與他辨白。只是你看天下作多的人，多少文章，好不中的。多少才幹，好不能勾做官的。多少鑽謀營求，不得到手的。難道做官的，只憑謀爲打點不成？你只看又有多少老實頭，不會謀爲營求的，也照樣做大官。又有多少不顧官爵一味

只是行善的人。依舊也至大位。並不會見說某人是爲善壞了官的。可見做官的。也不是單單靠着謀爲打點的說來說去。還是他命裏帶來的。咦。說到此處。急須着眼。分明一樣的人。如何偏你命中帶得富貴來。還是你前生修來的。還是你祖宗積來的。還是星辰降下來的。仙佛應化來的。做官的好聽在下的言語。切莫迷了本真。切莫錯了念頭。切莫差了道路。前生修的莫教今生壞了祖宗積的。莫教我身耗了。星辰降來的。仙佛化來的。莫教此生墮落了。往來生身上想一想。從子孫分中算一算。急急行善。切莫遲疑。趁我事權在手。努力發心。多多做些好事。落得名垂萬古。福滿人天。豈不稱大丈夫哉。

生而爲人無益於世。則不如無生。仕而爲官無益於民。則不如不仕。何也。以其虛此官也。虛此官則并虛此生矣。可不早計乎。

論行善是人人分內事。但是平常人爲善力量有限。官長力量無窮。所以官長行一善事。便抵過平常人的百千萬件。其次就到鄉紳了。那鄉紳如中堂部院科道九卿督撫司道有司。無論出仕與林下。那有沒力量的。所以鄉紳尤當急急爲善。一縣止一縣官。一州止一州官。一府止一府官。一縣一州一府中。卻不是一個鄉紳。那地方興旺的所在。常時有幾十位鄉紳。這幾十位。若在地地方上。合力行善。那一方便是福地了。若是那幾十位有些不安靜處。那一方居民。也就不消說了。所以鄉紳關係地方禍福與父母公祖一同無二。往往有府州縣得了好官。要行好事。不得鄉官幫助。就行不去的。也有府州縣沒有興利除害的官。地方上有幾個好鄉紳。也救得一半。看來鄉紳關係地方不小。所以鄉紳行善也有一

件事勝平常人百千萬件的。且如那牧民官初到地方。任是聰明特達的。士俗民情。那裏就知。惟有這鄉紳。卻是鄉生土長的那一件事。他不知。常時官府到任。要訪求民間的利害。沒人說與他。那官長也只說地方中無利可興。無害可除。也就罷了。也有地方中有個大利害。那耆民百姓人等。要來條陳的。或是鄉間愚人。不會到過衙門。見了官長。舉止失措。不能申達下情。又或有能言會說的。多是不合道理。利口曉曉。又有一等奸狡利徒。借題條陳。假公濟私。不是實實利弊。所以道達民間利弊。這個担子。專是鄉紳的責任。且是鄉紳平日有望的。官長自然欽敬。說來無有不依從的。縱有疑難的事體。從公起見。委曲敷陳。也沒有不行的理。這樣看來。世上好事。那官長也只做得一半。那一半還要鄉紳出來做了。圓滿。這豈不是一件勝如百件千件萬件的善麼。說來只用我開

口不會要我解囊也只算做不費錢的功德也不叫做甚麼費力的事。但是如今鄉紳有兩等。見解橫在胸中。所以不能行那一件勝如百件千件萬件的功德。有一等鄉紳。平常緘默不言。只是身家重事。纔去關說。這豈不是本分的。但只是自了身家。總不肯替人做些好事。恐也辜負了頭上進賢冠。又有一等鄉紳。只要閉門養重。就是身家事。也不肯向公祖父母開口。只要人說他清介孤高。卽有官長虛心來請教。也只半吞半吐。不肯替他擔擔子。卻不思同居一塊土地。方上那個不仰望我。若興得幾樁利。除得幾件害。那三黨九族也沾我些恩惠。傳到後代子孫身上。也有些光彩。何苦抵死不開口。況且從公起見。官府也自明白。那裏就損了我的名節。虧了我的聲望。此一等也是自私自利。與前邊那一等爭差幾何。古人說得好。一介之士。苟存心於利物。於人必有所濟。堂

堂一個鄉官與一介之士不同。若曾做過科道的。便是林下也有激揚的責任。若還歷過銓衡。也是有黜陟之權的。若再做過尙書閣老。更該爲國分憂。莫安這一方百姓。方爲不負朝廷。不是只一味杜門謝客。便算做賢士大夫也。看來肯替地方造福。纔是真正第一等好鄉紳。替地方造得一分福。便有一分人品。也就有一分陰騭。畱與子孫了。造得十分福。便有十分人品。也就有十分陰騭。畱與子孫了。自利利人。一舉兩得。就是平日有些小小過誤。也都抵過了。畢竟好鄉紳子孫。自然是書香不斷。若還一味緘默。見義不爲。就是清如伯夷。廉如陳仲子。也不過是個白了漢。假饒做到極品。也不過是一代顯榮。那有餘慶。到得子孫身上。只可惜這不費力。又不費錢。一件勝人百千萬件的功德。等閒放過了。也算不得讀書明理有大見識的人。我如今還有一等善事。也要鄉紳做。

去這卻不費錢。又不要央求官長。但須要實實行去。方算得功德。看來這功德比那興利除害爲地方造福的事。反覺難些。但只是能行了這功德。子孫世代書香。地方也受福不淺。說來鄉紳都是大根器的人。那裏有害人的事。只無奈子侄弟男習氣不好。就做那不尷不尬的事來。再有那門下犬馬與豪奴悍僕狐假虎威。就要湊成十分。再是各各宦家彼此倣效成風。把那要便宜占上風的事。當做理之當然。就有無窮受害的了。鄉紳那裏盡知有人說他不是。他還要怪那說話的人。哩殊不知極好的鄉紳家。造出極不好的事。都是此輩所爲。所以鄉紳家第一要教子弟。教子弟不是單單教他做文章。第一要教他明道理。教出一個明道理的子弟來。便是家門之福也。實是地方之福。第二就要教家人。那生事害人的掌家。不是主人得意的親隨。就是公子介弟的寵幸。這

裏最要覺察一些。不到就要被他瞞過了。就要受他的負累了。至於投在門下的人。多是要假我的勢力。行他的胸臆。鄉紳間或見他才調。要用爲腹心。不知一旦線索在手。他就用起主人來了。莫說前朝大老家有廖瑩中。董心葵那一班門客。就是平平宦家也須有個負隅之虎。中山之狼。食心之蠱。哩。這樣人。切不可收留在門下。用那奴僕們。寧可要朴實良善的。平日常要戒飭他。不許他生事害人。這樣鄉官。就是古時陳太丘王彥方那一班人。也不過如此。這雖不會爲地方興利除害。那地方受他的福。也不少了。我還有一件善事。也望鄉紳們做去。卻是鄉紳家力量優爲的一發。是不費錢的。大凡一方有一個鄉紳。便爲那一方的表範。鄉紳家好刻薄。那一方都學得刻薄了。鄉紳家好勢利。那一方都學得勢利了。若還有一個鄉紳。儉朴醇篤。謙虛好禮。尊賢下士。凡事讓人。

那一方中那個不敬重他仰慕他也就大家倣效他了。可見鄉紳原是一方的表帥模範。風俗的美惡。人心的厚薄。都從這鄉紳身上做出來的。若有好鄉紳。表正得一方。化得那一方的風俗。都是好的。人心都是厚的。那一方的善都歸那鄉紳了。豈不是一件勝百件千萬件麼。又有一件好事。尤望那鄉紳們做去。也算做不費錢的功德。鄉紳家成人的田房產業。原是要畱與子孫受享的。遇著那人家不肖子孫。將田產來賣與我。我就該生警戒心。要想到自己子孫身上。價銀照時價要從厚些。許他的銀子。尅期給與他。還要款款問他何處用。勸他切不可浪費。那不肖子孫。或者因這大人君子勸化。他從此學好。豎立起來。也不可知。遇那驕愚子孫。將那田產來賣的。就當生憐憫心。要想到自己子孫身上。照前與他的價銀。交付銀子時。還要好好問他那裏用。或是替他照料一

照料。或者那駭愚的人，不受人的欺弄，也不可。若遇著人家有至急的事，倉皇棄產的，卻不要乘危措勒他；卻不要故意頓挫他；別家兩次三番兌銀子，我卻一天平兌足與他，濟他之急。若有可以替他排解的去處，替他排解，一排解遇有可以鎮壓的，替他鎮壓。一鎮壓卻不准折他銀子，那人就受我的許多福庇。這功德也就不小了。如此成產如此長厚，自然子子孫孫千萬世受享不盡矣。我今另有幾件費錢的功德，更望鄉紳們著力做去。這費錢的功德，除了鄉紳誰人能行？說來卻又是鄉紳本分內該行的。那鄉紳們受了朝廷的高爵厚祿，原該替地方上做好事，的既讀了聖賢的書，明白道理，原該見義必爲的。況且又有極多的利益，慶流子孫的妙處在裏面，如何不行？只是有那齷齪小見的人，捨不得銀子，向他說不得，獨有那大本領大見識大度量有大福祿的

行善做功德。何憂日後沒這東西。也該放心用他了。再從子孫身上。勘一勘。那子孫聰明。才能還要像我做鄉紳。也不用我積攢銀子。與他若還不能爲鄉紳。還畱與他的。減多了。我生前又不曾積德。這銀子恐反成了子孫孫的禍胎。勘到這裏。這銀子也該發心用來行善了。再諸鄉紳先生。更從自己家裏。勘一勘。日日要吃飯。是少不得這銀子的。個個要穿衣服。是少不得這銀子的。還要娶親。蘇女也是少不得這銀子的。除了這幾件事。銀子也就用不著了。何不拿來行善事。積陰功呢。怎奈那鄉紳堆金積玉。只是愁窮。只說是不勾用的。我想他那裏不勾用。那會見不勾買飯吃。不勾買衣服。不勾娶親嫁女。多只是不勾他侈靡浪費罷了。若將這銀子浪費了。卻也可惜。何不將來行善事。積陰功。勘到這裏。也勘破十分了。難道還捨不得用。還不去行善積德麼。我還有一句苦口的。

言語篤勸鄉紳先生。若要鄉紳先生們傾囊倒篋盡數用去行善。委是也難。若是只將浪費侈靡一項節省了去做好事。有何難處。且是將那無益的煩費。行那有益的陰功。豈不是極妙的事。怎奈鄉紳先生。又欠高見。只說我們宦家體面所在。不得不然。我今再將體面兩字。大家商量一番。恩周三黨。這是鄉紳的體面。澤及九族。這是鄉紳的體面。萬民感仰。諸人欽敬。這是鄉紳的體面。若只是衣服華麗。筵席整齊。房屋軒昂。這也不算做體面。比如鄉紳生事害人。這叫做沒體面。或是占田霸地。這叫做沒體面。行止有虧。清議不容。這叫做沒體面。若還是老實本分。不好奢侈。難道就是沒體面。且將那誇多鬪靡的銀錢。都用去行善作功德。積得于門高大子孫世代做鄉紳。人人賽他。不過這卻是極大的體面。只是如今鄉紳先生。一向豪華慣了。我如今勸他儉樸本分。省了銀錢。

做這行善的勾當。不免說我們酸氣。亦且他是要自家受用的。如今勸他損己利人。不免又笑我們酸氣了。又有一等鄉紳先生。從那寒窗困苦中來。他把這銀子未免看得太重了。我們向他說這等話。不是伸舌擺手。就是掩口指頭。這也不必評論是非。只是要鄉紳先生再將那銀子的機關。著實的再勸他。一勸這銀子原是天地間的神物。是浪費他不得的。卻又是窖藏他不得的。你若是一浪費了他。他就福過災生了。你若是一窖藏了他。他就變生怪異了。只如那晉朝何曾。他生在世家。奢侈慣了。一日間用了一萬錢的作料。還說沒有下筭處。到得兩代後。他的子孫就沒有衣食。貧窮下賤了。那何曾還是個有識見的。尚且如此。豈不是暴殄過分了麼。又見有許多財富人家。房屋衣冠華麗。僭越或惹得貪酷的官長動了火。就無辜想吃他。或生事的光棍。借題陷害。抄沒了他。或

盜賊平空打劫了他。我也數說不盡。豈不是奢侈的沒理了麼。只有那窖藏的。自謂畱與子孫。世世受享。卻不知銀子這一件神物。真是作怪。那銀子所在。人人側目。銀子越多。惹禍更速。那怕你會算計。會收拾。不知怎麼樣。就有個不測之事。取了他去。這也是說不得的。我請鄉紳先生們。試看如今可有個二十年三十年無事的財主麼。向這裏著一著眼。這銀子也是不消窖藏他的。且道這銀子窖藏他。不得浪費他。又不得畢竟如何。纔是我今分明說破了罷。只有用他去行善。萬無一失。有了陰功善事。鬼神就來庇護他。天地也來保佑他。沒銀子的。也就有了銀子。有銀子的一發世世享用不了。這陰功善事。猶如點化的大丹一般。那銀子遇着他。都分外精彩起來。也就用之不盡了。又如那鎮庫的寶貝一般。那銀子有了他。都一毫沒處走失了。如此看來。可見那銀子反是個

捉拿不定的陰功善事。反是個實在有據的看破了。這個機關自然要發心行善。做那費錢的功德了。況行善陰功。古來榜樣不少。當初那范文正公。也是個窮秀才。他在天平山讀書時。斷齋畫粥。極是清苦的。後來做了宰相。他却看得道義重於銀錢。一日公子純仁。收租八百石麥。路上行善事。都給與人了。回來見父親時。文正公問他。此行可遇著故人否。公子說道。遇著故人石曼卿。他說家有三喪未舉。那文正公便道。何不將那麥舟助他。公子回說。已與之矣。這文正公父子們。是何等手段。何等度量。文正公又在蘇州買了一個南園。有風水先生說。此地氣脈極旺。將來要出一斗芝麻的進士。那文正公說。有這些進士。我家如何獨占了。遂作爲學宮。就是如今蘇州的府學宮。這府學中。真也出了無數舉人進士。都是范家讓出來的。這是何等心腸。何等識見。誰知那范家的

舉人進士却也不少。自宋朝直到如今。那一科沒有范家的人。這豈不是古今第一等的大功德。大結果。傍樣麼。只是他有了那大識見。方有這大度量。有了這大度量。纔有這大手。有了這大手。段纔有他這大福分。如今鄉紳先生。也有做過尚書閣老。科道九卿的。也有做過督撫司道有司的。其中豈無范文正公這樣人。忠宣公這樣子弟。這是要信得真切。大發良心。大開手段。堂堂做去。比將官後餘資。僭侈妄費。惹禍生非。有損無益。真萬萬倍的利益也。兩約所言。無非要人隨處行善。量力行善。人性皆善。心同此理。在官爲官長。在鄉爲鄉紳。總此一心而已。爲善於鄉者。居官定有惠政。爲善於官者。居鄉定有令聞。舉斯加彼。初不過自盡其心。而所及者甚廣矣。今以一二入倡之。數十百人。和之。城鄉倡之。遠近數百里之內。從而和之。一時倡之。數千百世。又從而和之。天地之

心生民之命萬世之平皆由於此其功德豈可量哉
康子曰子欲善而民善矣願行其德勢所必至
然則正己率人化成美俗端有賴於君子之德
持世教毋視爲迂闊之常談世俗之俚語也

卷一

目錄

高子憲約

卷十五之三

高子憲約。今已世遠年湮。只將當格言看。然而字字箴規。言言藥石。可云立言不朽。體此言而行諸事。卽立德立功之不朽。吾知民命既立。帝心自簡。指日榮陞。躋身顯爵。血食享以千秋。眷縵綿於數代矣。尙祈實心仿行。常作座右銘可也。

一課農桑。須中心誠懇。欲開民衣食之源。賞勤警惰。使民興起。毋得徒事虛文。差人下鄉。反滋民害。

一興教化。教化自身而出。非以虛文。故曰民不從其令而從其好。爲人上者。敬以持身。廉以勵操。肅以御下。民自觀而化之。更須彰善癉惡。樹之風聲。孝子順孫。義夫節婦。必表揚之。鄉紳耆德。必尊禮之。邑中經明行修。令譽著聞者。必稽考其實。問之巡撫御史。疏薦於朝。以補鄉舉里選之廢典。而不孝不悌。及一切關人倫傷風俗者。則必置之法。如是久之。而教化自興。

一育人才。朔望臨學宮。必以聖賢明訓爲諸生諄切教誨。俊秀之

士必令讀四書五經小學近思錄性理綱目以端其心術正其識見爲國家有用之才。

一鄉約爲教化內一要事。但縣官不以誠心行之。徒成虛文。而約正約副等反爲民害。果有力行者。必敦請邑中德行鄉紳。或孝廉貢士爲民欽服者主其事。而約正副等以供奔走鄉約行則一鄉之善惡無所逃。盜息民安。風移俗易。皆得之於此。有記善簿。記惡簿。又須有改過簿。許令自新。

一鄉飲鉅典。不得濫及匪人。

一義學務選讀書端人。

一學宮敝壞。卽申詳修理。境內凡有古先聖賢及祀典所載山川祠宇敝壞者。卽時修理完好者。仍要掃除潔淨。關鎖祠門。不得容人堆積雜物。坐臥作踐。

一積貯民之大命。豐無所儲。荒無所賑。尚可稱民父母乎。必須隨宜設法。使一縣積穀。足備一縣賑濟。豈獨活民。卽以弭亂。州縣之功。在蒼赤。慶流子孫。端係於此。

原註罰鍰
原爲積穀

一社倉是救民良法。各鄉勸縉紳及各家自造倉廩。自放自收。不可以官府與之。其法量人戶種田多少。人口多少。以二分息於青黃不接時借貸。又必二三十戶連名保借。欠者卽同保內人戶攤賠。小荒減利。中荒捐利。大荒連本米下熟徵催。官府給與印信文簿。爲究治奸頑使之可久。

一境內有荒蕪田土。宜竭力開墾。流移人民。宜竭力招撫。

一境內有陂池宜浚者。及時開浚。圩岸宜築者。及時修築。城垣頽塌橋梁毀壞者。及時整理。高原汗下所宜樹木。及時種植。

一倉穀主守。須擇殷富謹厚者。量以禮待。每年交盤更換。勿令偏

累領家但令接管者照數交收勿令吏書參與以滋需索及時
歛散出陳易新皆縣官躬親

一養濟院近來竟成弊藪獨不沾實惠皆由吏胥添捏詭名混
冒須是州縣官據其陳告者審實給以面貌本牌仍不時查核
分別革留凡男婦犯重罪或游蕩傾家及有子孫子姪可養者
不得混收以妨無告

一州縣極貧待斃之民大約可計每歲動支預備倉穀城中四門
擇寺觀寬綽者煮粥每人米五合即可苟延殘喘自十月十五
日起正月十五日止孤老有糧不許混冒約費百餘石耳設誠
行之利濟不少當委任得人稽查出納無成虛文

一佐貳不得令擅受民詞擅出牌票衙役尤宜箝束佐貳之害民
卽令之害民也

一勾攝止差里長非真正強盜人命巨惡不得濫差皂快下鄉以

滋詐擾是造福小民第一義

原註原被各差一証似便安

一吏書門皂嫗之縱之皆縣令也衆胥役分其利一縣令受其名愚者不知往往迷而不悟何也所當猛省

一善人者一方元氣民間有孝子悌弟其上也次則仗義好施者次則終身自守不作非爲者必須訪實各書所長匾額表其門免其雜泛差役以爲民勸

一惡人者良民之蠹賊蠹賊去而良民始安凡天罡地煞打行把棍之類訪其首惡重治仍籍之於官使禁其黨類一有黨類詐害良民者并其首治之

一訟師教唆起滅破民家壞民俗一段機械變詐無識者競以爲能浸淫入於其術而不覺不復顧天理人心爲何物矣所當訪

實悉榜其名於申明亭。審出刁誣詞狀之人。并拏重治。原註狀上寫代

書人某自不敢欺

一刑杖竹篴不得重一斤。務要削平稜節。不許打在一處。不許打腿灣。拶指不得過兩時。非強盜人命。不輕用夾棍。夾不得過兩時。

一堂上須要肅清。不得容吏書皂快門役擁立左右。致奸弊出於意外。

一每日所行事。須立一簿。逐件登記。完者勾之。一月內事。必於三月內了。使吏書不得延挨索詐。上司事亦不至沉閣取咎。

一私衙要關防嚴密。多有清謹官爲妻子僮僕親戚所壞。交通衙役。私出官票。暗騙民財。時宜覺察。

一保甲所以弭盜安民。今本縣開報保長時。旣饜飽吏胥一番。而

棍徒充當保長。又詐害良民。無已。竟使善法皆成厲政。團練鄉兵亦然。徒滋擾害而已。既不可懲。噫。而廢食。豈可不循名而責實。要在賢者着實舉行。周密防備。

一武備不但地方保衛。亦官府自身保衛。昔人作縣。猝遇大盜。詐作承差。突入縣庭。拔刃劫庫。縣官給以庫銀大錠。不堪發用。爲批票取之。大戶所僉。大戶皆民壯之驍勇者。諸人知令有急。皆襁磚石而入。遂擒羣盜。使非揀選平時安能應變。倉卒故據各州縣民壯弓兵。汰其老弱。實其虛冒。儘足以募壯士。練精兵。備不虞也。

一盜賊地方大害。必有高家。必與捕快交通。平日當密訪高家。及通盜捕快。置之於法。一有生發。卽行嚴捕。必擒獲而後已。乃不肖有司。護盜如子。既欲邀盜息民安之譽。又避上司地方多盜。

之責。往往深怒失主呈告反責捕快詐誣所當痛戒。
一強竊盜到官。縣官即刻自審。勿輕用刑。只嚴急起賊。賊真然後具招。勿輕信扳誣。而容捕快先拷。勿先發佐貳審問。
一賭博爲盜賊之源。必須嚴禁。民間開場賭博者。責令兩鄰首告。不肯者同罪。

一白蓮天主等教。自古倡亂之首。務要密察訪。嚴驅逐。無致遺害地方。

一花鼓淫戲。誨淫實甚。尤爲民俗大害。務須密訪查拿。立予嚴懲。庶風俗可端。人心可正。

一州縣官表率一方。宜先簡儉。以挽侈靡之俗。卽宴會名刺。不可。以爲小事。漫從流俗。當照憲規。刊刻小約。與本地縉紳。彼此遵行。節財用於易忽。移風俗於不覺矣。

訓俗條約 裕魯山中丞刻本

卷十五之四

裕中丞示諭

爲訓勉風俗。以端趨嚮事。照得三吳爲文物大邦。士庶軍民之知禮義愛身家者。奚可俚指。祇以商賈輻輳。習染多歧。平居以相尚爲能。積久遂因仍成俗。其力量不能供揮霍者。又各出其機械變詐。以求取勝於人。於是溫飽之家。大半指撐門面。矯誣之輩。甚且干犯刑章。不知守樸守誠。生人大要。克勤克儉。衣食本原。富家固祖業所遺。窮人亦筋力所趁。絲粟來處不易。暴殄豈不可惜。本部院自十四年陳臬以來。屢爲吾民出示曉諭。總以正人心厚風俗爲當務之急。邇日莠稂漸戢。訟獄漸清。士習民風漸有起色。可見吾民非不率教。惟習焉不察。遂無所信從。本部院欽奉

聖恩簡巡茲土。尤願吾民共臻醇樸。庶幾共

享昇平。明儒呂叔簡先生云。節儉無非美俗。奢華盡是邪心。前部院湯文正公云。衣食之原在於勤儉。又前部院陳文恭公有風俗條約於吳郡。民生最爲有益。今就前賢意指斟酌。現在情形編爲八條。除出示徧貼。務期家喻戶曉。外特再刊刷成冊。分給士庶軍民。願我士庶軍民人等。尊長戒其卑幼。師傅戒其生徒。夫男戒其婦女。老成者戒其後生。賢智者戒其愚魯。而神衿明理之家。更宜身先作則。嚴切防閑。式化鄉里。以期風移俗易。家給人足。本部院有厚望焉。

一嫁娶必應及時也。男大當婚。女大必嫁。在爲父母者。固應盡其尊長之義。而兒女各有配合。亦可自成室家。周禮合男女於仲春。定純幣於五兩。原欲其早爲完禮。不致愆期也。蘇俗男女兩家自行聘以至過門。但以誇多鬪靡爲事。禮或不備。難以成婚。

其計粧奩則金珠綵幣必求充篋盈箱。其重迎娶則花橋珠燈必欲填街塞巷。於是有索開門錢者。有索盤頭費者。種種陋習。不可枚舉。尤可笑者。兩家力量不支。相約掩人耳目。更有強搶硬娶之案。且有悔親改適之人。無非侈習貪心。階之爲禍。至於不能措辦。貽誤終身。則亦意中所恆有。抑思此等見識。爲門楣乎。爲兒女乎。因辦婚嫁。彼此傷情害義。計較錙銖。大戶人家不屑也。擇婿爲擇衣履乎。擇媳爲擇粧奩乎。天下有志氣有作用人。誰賴嫁娶資財。以爲基業。彼無資財之家。獨非兒女乎。兒女大女長任其曠怨。爲父母者。抑何忍也。本部院殊所不解。自今以後。須知能了婚嫁。不在飾觀。親戚友朋。悉相勸勉。不論家貧家富。各量其力以行。切勿以浮文末節之不齊。而致吉日良辰之坐誤。爲兒女完大禮。卽爲兒女種福田。儻有怙習不悛。因而致

訟本部院必加懲處。不能爲執迷不悟者寬也。

一喪葬不得踰制也。論語論孝。謂生事之以禮。死葬之以禮。祭之以禮。禮有一定儀制。如大清通禮所載。自王公以至庶官庶民。自始死以至卒。奠卒哭。皆以尊卑上下制爲常經。古人居喪。謂之守制。言不得逾法制也。今蘇俗喪葬不甚援據一定禮制。往往銘旌功布。僭越崇儀。石獸豐碑。釀成訟案。已屬不成事體。而其尤可怪者。經懺之外。復用僧道唱曲演歌。謂死者樂觀戲文。謂生前確有罪孽。飛鏡舞鉢。吹竹彈絲。含玉未寒。而宮商遞奏。麻衣如雪。而男女混淆。蕩禮忘哀。莫此爲甚。至於出殯必備列儀仗。安葬則酷信陰陽。中人之家。停棺不瘞者。不知凡幾。問其原委。非缺盤頭脚力。卽爲風鑒謬談。抑知入土爲安。豈得有。心棄置。若謂子孫求福。轉致窳劣無時。是反不如孤獨哭黎尙。

得官爲埋斂。本部院疊經出示勸令棺骸早葬。闕省諒有見聞。若夫塚制高卑。石器多寡。通禮所載。各有明文。士大夫循禮飾終。足遂顯揚之願。何必窮工極巧。僭越虛靡。以致爲飾觀瞻。多延歲月。查律載託故停柩。經年不葬者。杖八十。其居喪之家。修齋設醮。若男女混淆者。家長杖八十。僧道同罪。還俗。又例載民間喪葬有用絲竹演唱佛戲者。照違制律治罪。各等語。今爲吾民反覆勸諭。無非欲爾等循分自安。爾等明發有懷。豈不知禮不過惑於習俗。以爲非此恐貽笑柄耳。要知通禮頒自朝廷。官民悉應遵守。嗣後務各捐除舊染。依禮而行。凡禮所不載者。毋或妄增益。一服飾宜崇雅飭也。吳中刻絲。顧繡。以及累金彫嵌。各項物件。皆有作坊行戶。賴以營生。原不必概行禁止。但用之不得過當。不

但物力可惜抑且不衷爲災類如男子著油綠襯衫戴綠小帽
拴繡花汗巾。其人已屬可鄙。至婦女衣裙則有琵琶對襟大襟
百褶滿花洋印花一塊玉等式樣。而鑲滾之費更甚。有所謂白
旗邊。金白鬼子欄干。牡丹帶盤金間繡等名色。一衫一裙本身
純價有定。鑲滾之費不啻加倍。且衣身居十之六。鑲條居十之
四。一衣僅有六分綾綢。新時固覺離奇。變色則難拆改。又有將
青骨種羊作襖反穿皮上亦加鑲滾。更有排鬚雲肩。冬夏各衣
均可加上翻新闢麗。無所底止。尤屬荒謬。此皆人心不古所致。
抑知荆釵布裙更見婦德。何須華服艷妝。况自己銀錢來亦不
易。又何得任意糜費。試分所費之資以爲舉家衣飾。則一件製
與妻妾更可一件獻奉庭闈。卑幼之心豈不甚快。儻尊親不無
藍縷。而閨門競事華麗。則愈華而愈形背理。又將何取乎。本

院間十二三年吳中偶遇偏災便有飢寒交迫之慮蓋藏易竭總由平日奢華易云不節若則嗟若蓋言始不節儉必至嗟悔也願我民富不忘貧文無溺質屏除習尚永享豐盈切勿異服危冠爲有識者所哂

一宴會當撙節也歲時伏臘親友招從月夕花晨盤餐樂敘大則示禮小則合歡要皆重在真情何必競誇珍錯吳中水陸之品山海之鮮固所在俱有但爲一時筵宴耗費中人卒歲之資甚至百物駢羅餽飮滿席其所謂高裝碟子者面鋪食品中堆洋糖大菜用至十餘熱吃又復間上更有燒煮之味麪粉之珍如其不盡精工則暴殄固爲無謂即使烹調悉善在賓朋豈能偏嘗本部院以爲此風創自各衙門而紳士庶民遂相效法不知官場已屬套習居家更非所宜孔子飯蔬食飲水樂在其中朱

柏廬先生家訓云。飲食約而精。園蔬愈珍羞。奢當示儉。此其最易改者。憶陳文恭公在吳興。同官紳士有五簋約。知交小集。頗可遵循。此後本部院倡率同僚。均用五簋。設有大賓客及喜慶等事。亦不得過八簋。惜有用之財。以畱不盡之福。想省垣無不樂從也。

一 師巫宜屏絕也。戶樞不蠹。流水不腐。人能習勞戒逸。自然卻病延年。其有稟賦羸弱。四時感冒。但須擇醫調治。否則竟不服藥。亦得中醫。蓋爲客感所乘。不過行徧六經。以及客氣解散。自能痊愈。何以蘇城治病。輒有不事醫藥。一意妄信師巫。本部院初莅三吳。聞得疾病之家。有看香畫水。叫喜茶筵情事。城廂內外。師公師娘。不下數十百家。原其初。總由邪鬼所附。不由自主。迨其後。則因邪入邪。而狡黠之徒。遂藉此漁利營私。詐僞百出。遇

人來請看病。千般惡感。百計牢籠。病者不知墮其幻術。或聽燒香拜懺。或聽借壽關亡。幸而獲痊。酬謝之資。視其家道貧富。已無定數。甚至捏稱前生冤孽。以及神靈欲其捨生。則更化疏燒香。多生枝節。種種妄爲。殊爲可笑。夫有病祈禳。例所不禁。乃初不知自問自心。改過向善。而但信此輩說冤說鬼。致羅雀掘鼠。奉若神明。昏愚顛倒。可恨可憐。本部院前以淫祠惑衆。大爲民害。上冬奏毀上方山五通淫祠。欽奏諭旨嘉獎。現已拆毀不畱片瓦寸椽。是皆平日無知愚民所由起。爾等軍民試觀邪鬼邪神。何能作祟於堯舜之世。其從前因此受驚恐耗錢財之家。思之豈不爽然自失乎。假使當時不爲所騙。窮民小戶畱得餘資。豈不免得揭債變產乎。可見總由自無主見。以致引鬼入門。現今各弊俱已驅除。尤願我民各以務正爲心。切勿再

萌故習鬼魅豈能醫疾病師巫祇白耗銀錢况例有明條書符咒水之罪比照邪術惑人絞律僅減一等其吞服符水之人卽屬爲從又何苦於病耗之餘甘心問罪此事婦人最易被惑罪坐夫男其未嫁者責在父兄凡我軍民切宜互相訓誡毋使絕跡之後再有蔓延是爲至要

一廟宇宜清肅也定例寺觀庵院除先年額設外本無者不許新建原有者不許增置又現在應付火居等項僧道年逾四十者方准招徒一人違者照律辦理蓋緣不耕不業之僧道平時衣食皆取於民又豈可聽其勦建以耗民財任其簪剃民間戶口律例最有深意乃吳中習俗則專事崇飾廟觀不特勦建增置事所恆有且崇飾極侈爲之彫欄畫檻繡幙朱櫺而更置暗門於碧紗廚中築密室於夾層牆內不知將作何用其願施者未

必家中不缺奉養。無非藉此以斂衆人之財。而僧道無知。又設爲解大餉。打躉金。贖罪捨身等等名色。競相煽惑。百偽朋興。如大街拉行錢糧木櫃。裝有車輪。鳴鑼收費。各處廟門。擅貼王侯封條。告示上用木印。竟與各衙門儀制相同。而完願禱祚。及天餉完納。降福消災。黃紙刊單。幾於無處不有。又動輒斂錢打醮。各於門口貼齋戒二字。且不論大小神佛。俱作賽會。勞民傷財。試問聰明正直之謂神。福善禍淫之謂報。若謂神者不問人所作爲。是善是惡。只就還願與否。便降禍福。是惡人還願。轉將得福。善人不還願。必將得禍。幾副紙鏤香燭。直令天理如此倒置。此乃至愚極陋者所不爲。而謂聰明正直之神爲之乎。奈何有覲面目受人愚弄若此。至於以陰官爲陽官。尤屬駭人聽聞。不成事體。本部院念爾軍民終歲勞苦。不能盡免飢寒。何苦再多。

耗費。即使富戶樂施好善。只問六親鄉黨。可能賙給無遺。自必恍然於親親仁民。次序不容紊亂。是以曾經剴切出示禁約。皆爲爾等節省起見。自此以後。我軍民切勿以辛苦之資。浪擲空虛之地。不但民德可期歸厚。而各處庵堂寺觀。從此肅清。亦不致滋生事端。貽害方外也。

一游觀毋縱恣也。虎阜靈巖。名山勝景。春秋佳日。何礙清游。卽城廂內外園林。未嘗不可騁懷娛目。獨可恨者。浪游子弟。以流覽爲名。借觀婦女。山僧園主。設局斂錢。每至花時。又有狡猾棍徒。租賃園亭。刷印小票。招集青樓妓女。爲羣芳會。吹彈雜耍。悉聚園中。良賤不分。男女混雜。少年子女耳聞目見。蕩志傾心。因而畫舫燈船。龍舟賽會。四時八節。各自追蹤。而且淫詞列於市肆。淫繪售於山塘。淫齣演於戲園。蕩檢閑無所不至。又有一等

輕薄文人。每游覽山水。必偕少年僧道。名曰風雅。實類挾優而
隱僻。尼庵藏姦局賭。被其累者。雖父兄管束。亦不及知。夫人孰
不有羞惡之心。乃其流弊。至於此極。爲害風俗。何忍詳言。本部
院前已奏明嚴禁淫畫淫書。并不許婦女入廟燒香。及開設
花茶館。犯者必應懲辦。自今各處園亭。不得開放。一應崑徽戲
班。只許演唱忠孝節義故事。如有將水滸金瓶梅來福山歌等
項。姦盜之齣。在園演唱者。地方官立將班頭并開戲園之人。嚴
拏治罪。仍追行。賣變價充公。其各處茶館彈唱文詞。亦毋許男
女雜坐。鬧至深更。凡我軍民。須知游熙皞之天。不得有越禮犯
分之事。湖山花鳥。常此清妍。自愛之人。諒必樂聞斯語耳。
一本業宜專務也。古時無田。不能得食。有恆產始有恆心。今人餬
口。豈止一端。有恆心。卽是恆產。蘇城種佃而外。百工技藝。商賈

貿遷何事不可謀生。故論者以省城爲寸金地。然而業精於勤。荒於嬉。魯敬姜云。民勞則思。思則善心生。逸則淫。淫則忘善。忘善則惡心生。更見一勞一逸。人心之善惡。因之卽家業之興敗。亦因之。今吳民果皆勞而不逸乎。勤而不嬉乎。蠶桑遍野。誰肯繅絲。木棉盈塍。誰肯績布。大街小巷。茶館酒食。鋪店居多。其作奇技淫巧者。不過博愛玩於一時。豈俱遠近所必需。日用所不可少之物。是本業絕少也。且人家無論貧富。總當男盡男職。女修女工。纔能家道日興。蘇城婦女。亦不皆嬾惰之人。而中饋不可。婦功不飭者。比比皆是。惟其自昧甘苦。罔知物力艱難。於是衣必求鮮。食必求美。早眠晏起。伏樂游觀。彼支持門戶之人。日進分文。那堪消耗。家庭詬誶。債客紛呶。未嘗不山於此。他如開館授徒之上。醫卜星相者流。皆恃所業以爲營生。若俱舍業而

嬉則誤人子弟。傷人性命。亂人從違。名爲餬口。有資實則孟子所謂毀瓦畫墁以求食。誰其與之。至於妄願難償。詐術紛起。則吏拔本塞源矣。安怪失業。閉民填衢塞路耶。本部院撫綏斯土。不能使通省軍民豐衣足食。各得其所。而勸人謀人之念。無日去懷。旣知受病之山。白應對證發藥。爲此苦口相勸。爾等軍民如能悉心仰體。其向來勤儉者。固當益加勉勵。傳之子孫。其素常偷惰者。應知衣食維艱。必須一家之人。同心操作。不事浮靡。而後有求必獲。所謂民生在勤。勤則不匱。以蘇城之地大物博。各能明勸晦休。盡心竭力。而趨正道。四民之業日精。百產之源日聚。豐亨樂利。比戶可封。豈不休哉。以上八條。何能該括。蘇省風俗。蓋就本部院耳目所及。擇其最爲昭著最易施行者。揭示大概。我士庶軍民人等。當知本部院

非以刑民峻法強爲之驅亦非以理學迂談曲爲之解無非欲爾等黜浮踐實返樸還醇盡心知手足之長以遂其仰事俯育之願爾等其敬聽之爾等其慎思之爾等其身體而力行之勿負諄諄誥誡之至意

身世十二戒

開原劉德新裕公著

卷十六之一

人之所重者身。身之所處者世。六尺之軀。塊然於天地間。位置果於何等。是非加意防閑。兢兢自守。鮮有不失足深坑。流爲小人之歸者。人獸關頭。祇爭一念。白圭之玷。可不凜歟。述身世十二戒。

原序

余愚朴無似。總角時入家塾。聞先生長者訓經書義。輒於聖賢大道理。慨然有觸於心。常述以語人。人靳子曰。子將爲道學先生耶。余曰。道學不可爲。孰是可爲者。比及成童。少知自好。不爲跡弛。無賴之行。歲庚戌。余年二十有四。初筮仕。來豫。雖少不更事。無益於衛水。伍山間。而此心猶凜凜如昨。聽政暇。曾擷古今格言數十項。彙而題之曰贈言。業已投梓。爲同人之獻矣。因而思朋友且有規

勸之義豈於所親愛之子若弟而反無一言爲誨耶。爰條事之可戒者十有二各爲之論。其論以是非可否言者十之三。以禍福利害言者十之七。蓋是非可否之談平而難入。而禍福利害之說警而易從。予爲子若弟誨。故不禁痛切諄復言之如此。且以見余之立論。乃要諸人情。世事之所必至。不但襲道學義理之成語也。

一戒妄念

海鳥有信天翁者。拙而不能攫魚以食。但待食他鳥啖啄之餘。夫他鳥之啖啄者。日所餘幾何。而乃待以爲命。吾爲信天翁懼矣。然卒不聞海上有餓死之信天翁。何也。君子曰。觀此可以悟處境法焉。貴賤貧富死生。有司其權者曰天。天不可以人爲也。有定其分者曰命。命不可以力競也。吾順吾天。吾安吾命。知止知足之間。自有不殆不辱之理。豈必形逐逐意營營。以與天較。

與命衡而卒無如此天與命何哉。夫實地莫負於見在。懸思莫牽於將來。見在者可據之地也。未來者難知之鄉也。諸快樂之觀從實地出也。諸苦惱之況從懸思成也。衣不過被體已耳。雖目前之鶉衣縕袍亦自若也。奚必爲他年謀千金之裘。食不過充腹已耳。雖目前之簞食瓢飲亦自樂也。奚必爲他年計萬錢之奉。居不過容膝已耳。雖目前之蓬戶甕牖亦自安也。奚必爲他年籌千萬間之厦。古人有言曰。非無足財也。心不足也。非無安居也。心不安也。夫有可足之財而心不足。有可安之居而心不安。舍可據之地而問難知之鄉。棄快樂之觀而就苦惱之況。知者固當如是耶。蓋吾人之道德品誼當向勝於我者思之。則希聖齊賢而奮勵之心自起。吾人之居處服食當向不如我者思之。則隨緣安分而覲覲之念自消。苟非然者。不以不如人之

道德品誼爲恥。而以勝於我之居處服食爲羨。身在今日。心在他年。欲根不斷。愁火常煎。勢將多病。易衰無益有損。吾竊歎。衛命之人。終不如信天之鳥也。

一戒恃才

語曰。美女不病。不嬌。才士不狂。不韻。此非君子之言也。美女何以病。怙其美而爲柔怯可憐之狀。故病也。才士何以狂。逞其才而爲宕軼不羈之行。故狂也。此豈貞女正人之所爲。而世乃以是爲詡詡哉。美女而有幽閒貞靜之儀。乃以全其美也。才士而有沉潛淵默之氣。乃以成其才也。吾於世之所稱爲才者。不能無議焉。夫才之實。不易言也。才之名。不易副也。古大賢聖如虞之五臣。周之十亂。孔子乃以才目之。而今人豈有其千百之一二耶。而何以言才耶。卽曰以一才一藝論也。則是如財賦如兵。

戎如禮樂如刑名。凡人之請乎是者皆才也。而世之論才者。又不以是。蓋不過以文章之一事言耳。夫持三寸管以摘紙上之空言。亦何益於天下事。而乃以是爲才。且自恃耶。且其以是文章之才自恃者。又未必真有是文章之才也。爲制藝者少知屬比偶。卽自負曰。吾茅歸矣。吾王瞿矣。爲古文者少知工鋪敘。卽自負曰。吾韓歐矣。吾秦漢矣。爲近體古風者少知婉青白。別仄平。卽自負曰。吾李杜矣。吾陶謝矣。好大言沾虛譽。此近世之通病也。吾聞之司馬光。與人不言政事而言文章。歐陽修與人不。言文章而言政事。夫有其才者。且不矜。而乃無是才以妄自炫耶。里婦效西施之顰。而自曰美女。鰕生學子建之步。而自曰才士。吾恐不足當旁觀者之粲然一笑也。

一戒挾勢

有喻以勢之可恃者曰。熱火風上以燒。風下之草莫之能返也。投石山巔以擊山底之人。莫之能拒也。予卽以勢之不可恃者。喻曰。仆於平壤者。不必盡折足也。若躡高山之脊。則糜矣。蹶於行潦者。不必盡濡首也。若墜大河之浚。則沒矣。嗚呼。世之名家貴胄。高爵巨官。其席祖父閭閻之勢。以及據一己赫奕之勢者。皆躡履高山之脊。而蕩舟大河之浚也。吾謂其當兢兢然履登高臨深之懼。而以寵榮爲驚。以盛滿爲戒。爲求無至於山之躡河之墜。而罹彼糜骨沒身之禍。亦云幸矣。况乃乘順風負山之便。而遂欲甘心於一日。矜已凌人。肆毛鷲之威。報睚眦之怨。以爲此熱火投石之行耶。吾恐器滿則覆。碁累則傾。其以之熱人者。終以自焚也。以之投人者。終以自擊也。請以古人論李勣曰。吾見房杜僅能立門戶。遭不肖子孫。顛覆殆盡。然則祖父閭閻。

之勢其可恃耶。主父偃爲武帝所寵，公卿畏其口賂，遺至千金，或謂其太橫，偃不悛。後竟以事族。然則一已赫奕之勢，其可恃耶。夫祖父之勢不可恃，一己之勢不可恃，而世之人乃更有要公卿通賓客，依城託社，援他人之勢，以恐嚇陵轢其鄉里之人，如所謂狐假虎威者，抑又何爲哉。

一 戒怙富

洪範之次五福也。二曰富，其次六極也。四曰貧，貧者富之反也。今必執向子富不如貧之說爲言，無乃論之不近人情而於經訓有悖耶。雖然，富亦何過。顧所以處富者何如耳。富而能散爲上，能保次之。最下則怙其富，疏廣曰：富者衆之怨也。夫彼此同問，問各家其家各事，其事何嫌何疑。顧獨有怨於富者，則何耶。是有由，有無不均，多寡相耀，苟非守貧守道之君子，鮮不生一

豔慕心生一慚媿心而且心羨其盛者反口刺其非恥我之不足者遂忌人之有餘此恒人必至之情也爲富者當此之際苟上之不能募卜式馬援之義輸粟分財以佐國家之急以賑鄉族之艱次又不能制節謹度絕其僭心革其奢習以求免於罪戾而顧憑財賄爲氣勢虎耽狼顧恣爲兼并武斷不法之行以陵鑠其內外親疎之人夫如是則衆之怨者不將更結爲仇耶揆其猖狂自恃之意豈不曰權貴可以苞苴請也官長可以賄賂通也罪犯可以金粟贖也縱無禮於若若將奈我何嗚呼以是而言千金之子不死於市誠如陶朱公所述矣然試問朱公殺人之中男何以卒不赦於楚而其兄竟以喪歸耶

一戒驕傲

予嘗讀易至謙卦而有感也易之爲卦六十有四其吉凶悔吝

錯見於六爻者比比是也。獨謙則六爻皆吉焉。謙之時義誠大矣哉。夫知謙之吉則反乎謙之悔吝凶可無問也。世之人昧於此義乃故存一自先自上之心而發之以不肯後人不肯下人之氣而恣睢睥睨之態出焉。此其爲類有二。一則以勢自雄謂人既在吾後吾自宜先之人既在吾下吾自宜上之。此所謂富貴者驕人以尊傲卑者也。一則以才自命謂我雖在彼後而有所以先之者我雖在彼下而有所以上之者。此所謂貧賤者驕人以卑傲尊者也。吾以爲是二者皆過也。以勢自雄此非善居其勢者也。以才自命此亦非善用其才者也。吾且不述三代以後之爲驕傲敗者而述三代以前之爲驕傲敗者。今之人孰不知丹朱爲不肖子耶。孰不知鯀爲凶人耶。然亦知丹朱與鯀之所以爲不肖子爲凶人耶。堯咨若時而放齊以朱對咨俾乂而

四岳以鯀對是朱與鯀之在當日必皆具有絕人之才爲衆所推許者也。然朱終以罪訟不獲嗣位而鯀終以方命圯族績用弗成見殛遂得不肖子凶人之名使後世傳之幾不知其爲何如惡劣人然則驕傲之爲害一至是耶。噫謙受益滿招損此不易之理也人奈何甘受其損而不自求其益也。

一戒殘刻

吾讀班氏酷吏傳於他人不爲齒而竊喟然歎惜於嚴延年也。昌邑之變延年抗疏謂擅廢立無人臣禮君子韙之以爲烈比夷齊且考其生平亦廉正無私是延年固漢臣中之不多見者乃以疾惡太嚴過行殺戮竟被禍如其母氏之言而史氏遂以之與寧成尹賞輩同類並譏萬世播惡聲焉則甚矣殘刻之行爲能殺人身而敗人名也間嘗推原其故蓋天地以生萬物爲

心人之仁慈好生者順天地之心者也。故降之以福。人之殘刻好殺者逆天地之心者也。故降之以禍。以好生得生。以好殺招殺。理有固然。事所必至。亦何惜乎延年之身名俱喪耶。或者曰。信如是。則世之爲官吏者。將必出重囚。翻大獄。以行所爲陰德事。而因覲於駟馬三公之報耶。予曰。非是之謂也。法不可以不守也。情亦不可以不原也。彼有可殺之道。而吾必生之。是謂縱有罪。彼有可生之道。而吾必殺之。是謂賊不辜。然則賊不辜。不甚於釋有罪耶。善乎歐陽氏之言曰。求其生而不得。則死者與我俱無憾也。此真仁人心也。然吾以爲欲制殘刻之行於當官。當養仁慈之心於平日。何則。屠之門無仁人。豈其性固然。習使之也。古之人於無故而伐一木。殺一獸。擬之曰不孝。斯蓋絕其忍心之萌。而以成其不忍人之德也歟。

一戒放蕩

子夏曰。大德不踰閑。小德出入可也。儒者猶病其言。以爲觀人則可。自律則非。蓋聖賢之道。慎小謹微。以求寡過。雖一舉足一啟口。亦不敢輕且易。而謂何事可蕩軼於禮法之外耶。不謂世之恣縱者。匪惟小有出入。抑且大閑罔顧焉。厥爲繩尺所拘。就習夫猖狂不羈之行。往往曰。禮非爲吾輩設也。吾遊方之外也。揆其意。豈不以昔之七賢八達輩爲口實耶。然亦思此七賢八達輩。爲何如人耶。雖其中不無因世之變。有託而逃。爲混迹塵埃。以自匿者。而要其越閑敗檢。得罪名教者。固比比矣。或以廢君臣之義。或以絕母子之恩。或以潰男女之防。而且詡詡然相推曰。此賢也。達也因之一倡萬和。而天下之風俗由是壞。而天下之紀綱由是隳。晉室敗亡之禍。實出於此。君子深痛其禍而

究其爲厲之階。謂其罪浮於桀紂。而顧可眞以是爲賢。且達耶。或曰。晉人旣不可學。則必師宋人矣。清談之放。道學之迂。一聞耳。放差能樂。迂徒自苦。亦何必舍此取彼爲。予曰。苦樂固別。福禍亦殊。禮者古所制也。法者今所守也。爾棄禮。不懼敗矩度。爾蔑法。不懼罹罪辜。耶。楚子將出師。人告夫人鄧曼曰。余心蕩。蔓曰。王祿盡矣。盈而蕩。天之道也。楚子果卒於師。夫蕩於心爲死。亡之兆。則蕩於身者。又當何如也。然則儒者主敬之學。固養心之道。而實保身之道也歟。

一 戒豪華

語云。德過百人曰豪。是豪之爲名。以德稱也。又云。和順積中。英華發外。是華之爲義。亦以德著也。洵如是。亦何惡於豪華而爲之戒哉。而不知此古人性分之謂。非今人勢分之謂也。今人所

矜爲豪多在駕高車。驅駟馬。意氣揚揚自得之間。而所豔爲華亦不過崇輪奐美裘裳。以照耀於閭閻市井中已耳。此非范質所譏爲縱得市童憐。還爲識者鄙者耶。吾且不論此虎皮羊質。玉外珉中。見譏於有道長者。而竊爲若人瞿瞿有禍福之懼焉。何以見其然也。人心好勝。天地忌盈。豪過則滅。華甚則竭。此必至之勢也。不思古人宮成缺隅。衣成缺袷之義耶。試取從來之最豪華者論富。莫過於石季倫。李贊皇。季倫以人臣與貴戚鬪富。雖以天子佐助之。猶爲之詘。贊皇飲食珠玉之奉。過於王者。然一則爲孫秀所收。一則有嶺南之竄。卒不免其身焉。豈非其暴殄之行。有干天道故耶。夫以季倫之文章贊皇之勲業。猶且至是。現在區區輩耶。諸葛武侯云澹泊以明志。寧靜以致遠。吾於其言有感。

戒輕薄

嘗讀蘇子瞻傳有云。嬉戲笑罵。皆成文章。在作傳者蓋以是爲之稱也。而不知其一生受禍之本。正坐此。何則。蘇子以雄視百代之才。不能沉潛靜默。以養成其遠大之器。顧以筆墨爲玩弄。當時之人。撫拾其九泉蟄龍之辭。而必寘之死地。安知非受其侮辱者。而假此以爲報復耶。此亦不厚重之禍也。予卽以是類著之。爲世之輕薄子誠焉。雖輕薄之事。予亦不能觀舉而所最忌者三。一則勿以己之少慢人之老也。無論近父近兄。禮宜尙齒。卽以人生百年計之。自少至老。旦暮事耳。今日紅顏之子。不卽他日白頭之翁耶。况壽夭不齊。安知不老者猶存。而少者或沒耶。楊億少入禁掖。每侮其同官之老者。一人曰。老終留與君。一人曰。莫與他免。爲人侮。楊後未艾而卒。此以少慢老輕薄之

可戒者也。一則勿以己之長哂人之短也。天下事吾所不能者。不勝所不知。不能者顧於人所不知。不能者哂之。曷亦自反而計吾所知能者幾何耶。溫庭筠謁時相。相詢以故實。溫曰。事出南華。非僻也。冀相公變理之暇。姑宜稽古。時相薄其人而惡之。溫卒不獲一第。此以長哂短輕薄之可戒者也。一則勿以己之全笑人之缺也。大凡形體不全之人。其諱護爲最重。我故爲玩其所不足。以中其所忌。鮮有不深激其怒者。卻克與魯衛諸臣使於齊。其形各有所缺。齊以其類爲迎。且令婦人幃觀之。克大怒。誓以必報。後卒有鞏之師。此以全笑缺輕薄之可戒者也。若引而伸之。觸類而長之。其於輕薄之行。不思過半哉。

戒酗酒

傳有曰。兵猶火也。不戢將自焚。吾卽以酒猶兵也。不弭將自殺。

吾今戒若以勿崇於飲。但襲取前人之言曰：內喪若德，外喪若儀。云云也。若或德儀之不恤，將有迂吾言而褻然笑者。吾且不爲若德計，若儀計，而爲若性命計。若當羣然舉白，鯨吸自豪，豈不曰：吾求一醉之爲快也，而不知醉中之禍有不可勝言者。若之量爲酒所勝，頽然而倒，不知天之高地之厚，非夢如夢，非死如死，吁危矣。迨至夢幸得覺，死幸得蘇，而宿醒所苦，嘔心吐肝，輒爲之奴。日惡夫吾人之身，寒暑燥濕之不克當者，寧堪經此摧折耶？卽若之量不爲酒所勝，而不能不爲酒所使，酒勝則氣龕氣龕，則膽壯喜而狂呼大笑，已可醜也。況一有所觸，怫然而怒，非言可勸，非力可排，因而罵座行毆，杯盤之地頓成戈矛之場。其以之得亡身喪家之慘者，蓋比比也。是知酒弱者禍遲，酒强者禍速。然遲速皆禍也。弱與強皆無一可者也。嗚呼！人之酒

於酒者縱不恤若儀獨不恤若性命耶

一戒賭博

事之有益於人者。雖古凶人之所遺。吾亦有取焉。若鯨之城築之瓦是也。事之無益於人者。雖古聖人之所遺。吾亦無取焉。如堯之奕。老之樗蒲是也。夫以無益而不取。况乎其有害耶。舊事相沿。新機遞創。浸假而有擲骰打葉之戲。浸假而有混江馬弔之名。且昔人以之適性情者。今人以之規財賄而賭博之事紛出焉。予嘗曰。小人而賭博。盜之媒也。君子而賭博。貪之囿也。曷言之。夫賭博以求利。斷未有能得利者。勝者什之一。負者什之九。此所謂乞頭而外。無賭錢一輸之方也。乃負矣而必求一勝。再負矣而又必求一勝。再三再四之不已。卒之有負無勝。則吾貲以罄。吾債以積。而吾心益以熱。則凡苟可以得財賄者。將何

所不至哉。吾故曰：此盜之媒，貪之囿也。而世之人或有甚吾言者。曰：吾輩之爲此也，雖不無金錢之注，然豈真以規財賄耶？不過爲適性情故耳。縱百萬一擲，曾無芥蒂於胸中，而乃一以爲盜媒，一以爲貪囿。且君子與小人同譏耶？而不知更不然。事不可以或廢也，時不可以或失也。孔子之賢博奕，所以甚言不用心之不可耳。豈真以爲賢耶？以可用之心而用之，不可用之物則誤用之心，與不用正相等。況身列士大夫之林，而可爲此牧豎小人之事耶？而且心術以此壞焉，何也？覬覦之念一動，則必弄機關，而且體貌以此褻焉，何也？計較之心太明，則必起爭競，而且身命以此輕焉，何也？勝負之情正切，則必忘飲食，廢寢眠，以是而言，非所謂不徒無益而又害之者耶？夫不爲其有益而無害者，而爲其無益而有害者，適足以見其人之愚而自貽伊

戚也噫

一戒宿娼

世之蕩軼子。出入於狎邪青樓中。而以風流自命。或有繩尺之士。過而譏之。彼且曰。吾不鑽穴隙相窺。踰牆相從。自覺賢於尾生。相如遠矣。尋常以金錢買歌笑。於陰陽何損。於名教何傷。而乃過爲律耶。子曰。是大不然。夫語以可否。而不悟者。語以利害。未有不悟者也。若亦知夫倚門跼屣者之爲何如人耶。凡人之大無恥者。必其大無情者也。彼以一人身爲千萬人傳妻之身。朝送秦人。暮迎越客。其以前日陪歡於人者。今日陪歡於我。卽知其以今日結愛於我者。異日更結愛於人也。彼爲假情之娛。我爲真情之認。我作有情之癡。彼作無情之黠。吁。亦愚矣。況且以是蕩吾貲。敗吾名。禍吾身。夫人之擁有厚貲者。豈無自而來。

是非祖父積累之所貽。必吾身筋力之所致也。而顧蕩諸有情。無情之場。是何異取篋中。金而擲之於水耶。且使爲此狂夫浪子之行。而無貽辱於父母也。無貽譏於鄉黨也。或無害。有此行。乃父母惡之矣。鄉黨賤之矣。亦何苦而出於此耶。更慮者鉛華香膩之地。實垢污凝漬之鄉也。中其穢濁。卽成惡疾。已成惡疾。便爲廢人。斧斤酖毒之禍。未必烈如此。人生實難。而顧可自促其死哉。嗟乎。人之出入於狹邪青樓中者。聞吾言。亦可以猛然省矣。

羈所改作章程

卷十六之二

羈所又名班房。又名保歇。本有官辦舊章。惟日久弊生。動關性命。當事者習見習聞。不以爲意。而不知其中之含冤負屈。吞聲泉下者多矣。設身處地。一刻難安。一轉移間。造福無量。述羈所改作章程。

羈所宜改活板說

凡羈所人犯。往往甫經報病。卽已不治。推其得病之由。多因所睡地板之下。潮濕積穢。日漸薰蒸所致。犯人羈候日久。氣必衰弱。處此積穢之地。人易生病。病易速死。理固然也。更有板片俱無。犯人卽睡在泥地上。尤易生病。查粵東州縣簡缺之羈所。每年死者已不乏人。繁缺則不可勝數矣。慈祥官府。目擊情狀。能不動心。特經理未得其方耳。歷觀各處羈所。俱係釘實呆板。下面不能打掃通

氣犯人在板上。晝夜坐臥。或病時便溺。或病斃後。將板洗刷。穢水洗下。日積月累。其板下塵灰堆積。污穢之氣。已不堪聞。雖曰在板面打掃潔淨。焚燒蒼朮諸香。亦無益也。至於春夏以及交秋時。而潮濕時而悶熱。氣候不定。因此傳染疫症有之。且押候之犯。其中或受刑不輕。或米飯不繼。憂懼焦思。尤易生病。處積穢之地。受鬱蒸之氣。其生病速死之由。大率類此。况犯人終日坐臥板上。亦易得脚腫之病。是以病故之犯。多面黃脚腫。亦未始非地板鋪滿脚不得舒之故也。竊思人命最重。既非命盜大案。果能時常清釐。訊結開釋。不致久押。固爲上策。奈其中有刁徒妄控。或訟棍挑唆。非一訊所能結。必須傳齊証佐。始克定案。至賊案之誣扳牽連。更不能免。於是押候之犯。遲之又久。既不犯死罪。而並可無枷杖之罪者。亦復不少。乃因羈所污穢。竟至病斃於此。實堪慘傷。凡羈所地。

板釘呆者必須改作大塊活板。所費無多而保全人命不少。茲特將改作章程附後。

一先將舊時穢泥挑去一層。另換新土。上面鋪口青磚一層。後用木椿釘實。做成橫架於上。上鋪床板三塊。每塊寬約二尺零。以橫可睡人爲度。離地高一尺許。一室之內。三面鑲成大塊床板。中留空地。犯人坐則可以垂足。起則可以行走。如是則床之下空透氣。板下每日可以打掃潔淨。卽無穢氣薰蒸。此全在經管看役爲之

一。間有犯人患病。竟至病故。其便溺穢臭之氣。床板已係活動。儘可將活板取出。外間洗淨。再行搬進。仍舊鋪好可也。

一。如房屋十分窄小。約看地方開窗通氣。雖不能中留空地。亦可改用活板。或房屋低矮。離地五六寸均可。惟須飭令看役。於三

二日內將板取起打掃一次務要潔淨或留空一邊亦可。
一設有穢氣未除須多備艾繩或蒼朮時時焚薰庶可驅邪辟穢。
責成看役照顧。

道光十二年有人在海康縣行之。一年後據看役云往年病斃者頗多。自改此活板。今歲病斃不能保者一人而已。電白縣於十九年行起至二十六年。歷數年之久。亦僅病斃不能取保者十人。至死生有命之說。有富貴壽考之人。或大惡人。方可言命。其他芸芸之衆。乃世間可有可無之人。卽其命亦是可生可死之命。援之則生。置之則死。於是亦可見矣。凡公門中可行方便之事。不一而足。特患人不肯行耳。卽此羈所改活板一節。洵爲良法。一日改。則行之百年爲補救之方。一處行。則推之各處。皆可取法。果如是。所以保全人命實難以數計。上天有好生之德。

爲民上者豈有不樂善行仁忍其死而不救之理是皆職司其事未得其方所謂欲救無術行之不力習焉不察之故耳願亟爲改作幸甚。

附羈所流弊四則

凡羈所看役所報病呈一二日內卽死者務將看役責處方不致漫不經心。倘該役早數日稟報卽可早數日撥醫調治。係病重卽可交保領去。然此爲實心任事者而言。每見看役稟報幕中照稟一批撥醫調治四字而已。再稟病重。不過批多加緊二字。均屬紙上空談。全無實濟。並無醫藥。安得不死。

羈所人犯本無不准薙髮之例。每見各處多蓬首長髮。宜令每月薙頭一次。天熱則月薙頭兩次。是亦免除患病之法。惟每屆薙頭時。須經管羈所之人親自督同看役查明薙髮者只准帶進薙刀。

一把。此亦格外謹慎之遊。

犯人初進羈所看役必以三數日後無人顧送始敢稟請發給口糧。但犯人初到訊問或已受刑或遠來數十里。其人已困乏痛苦。再受飢餓。數日後始給口糧。其因此受病者有之。應以初到之人犯查無口糧。隨即酌發。俟有人顧送再行住給。其間或本有人顧送。初到時有不敢送與不及送者。須隨時酌量給之。冬間賞給棉衣。宜早數日。勿夜間僅能蓋及上身。諺云。病從腳根起。人脚不煖不睡。因此凍而生病斃者亦復不少。宜賞舊棉絮數張。二項所費無多。而濟人不少。保全人命全在口糧棉衣。最爲緊要。各處間有署內煮粥給食。最爲便當。經管之人須隨時留心。添人增粥。切不可人多粥薄。以致餓斃。若不隨時留心。雖係無心作孽。孽正不小。且派管羈所尤須老成人分給門上月賬股子。庶不致爲家計衣

食所迫。致生他念。

凡羈所賊犯。最易久押。以爲賊犯不甚緊要。多漫置之。卽病故亦視爲尋常之事。但此中冤屈者。不可勝數。緣賊犯仇扳誣供。捕役亦藉此多弄差錢。俗語所云。開花是也。其中係小鄉村無紳耆可保者居多。及至到案。賊口硬證。以至受刑久押。不知凡幾。因而押斃者亦復不少。最爲可憫。蓋賊案之供。難以取信。實有所見。前嘉慶二十三年。王少溪明府任西甯時。衣箱內裝滿貴重皮衣。并儲有千金。僅失去箱內當中所放衣服四件。共指爲家內人所偷。萬無疑議。及破案。乃在羅定州售贓時查出。係積匪猾賊軍犯某所偷。又道光六年。羅後軒明府任新安時。倉內住有裁縫某被竊。獲到行跡可疑者二人。因此訊供。竟供認入室行竊。情形如繪。卽立正其罪。似無冤枉之理。後來破案。乃遠在省城丹桂里窩藏之爲陳亞六所

偷此二案所親見者如此。其民間誣扳捕役混拏之賊。可遽信乎。遇初犯。賍輕之賊。及情有可原之人。或被久羈者。隨時從寬保釋。是亦仁人之用心也。又武營所拏之賊。尤不可信。沿海地方營弁。一有拏獲。無論虛實。卽行冒昧通稟。各大憲。但此等並不緊要。儘可由縣訊明虛實。隨時分別取保。究辦奉到。大憲文行據實稟覆。並無駁詰。歷辦有成案可據。

各屬羈所間有設立脚閘者。曾經於電白海康二處撤除。其脚閘孔眼。已經脚汗漬透。油滑攢之於地。臭蟲如蟻。不知若干人受此苦矣。竊計人犯上此脚閘。坐起不能。兩足伸縮不能。其受苦情形。實爲可憐。況所上之人。果係應得軍流徒者。尙爲罪所應得。有此脚閘。恐無枷杖之罪者。亦所不免。其弊不可勝言。卽如道光初年。平遠縣火燒羈所。燒斃人犯十數名。官發軍臺。卽係脚閘開除不

及所致但從前撤去電白海康兩處羈所脚閘看管之人。大以爲不便。出言阻撓。謂要犯無此脚閘。一有疎虞。大爲干係。云云。當曉以現今羈所卽班館之更名。嘉慶年間。百中丞奏。叅南番兩首縣班館押斃多命。均獲重譴。嗣後各州縣年終具結。並無私設班館。是羈所尙係從權私設。而烏可用獄中脚閘之刑具耶。若謂要犯無此脚閘。恐致疎虞。可打如各州縣解犯人船上所用鐵脚盤三兩個。並脚鐐五六副。遇有要犯上之。卽可無慮疎虞。此物可以起坐。不致如脚閘起坐不能之苦也。

禁私押勝示

丁中丞通飭札

爲奉文曉示以杜私押事。照得本縣審理案件。隨到隨審。隨審隨結。惟案內設有訊供未確。或証估未齊。不得不管押待質。無如差役舞弊不一。或提到而匿不稟明。或訊釋而私押索費。甚至以扭

第一金

老

三

交指交爲咎原告串差私自管押隨後具稟以爲欺懦之計此等弊竇相習成風茲本縣奉札嚴禁合行牌示爲此示仰諸色人等知悉此後管押人証本縣當堂交保開釋必親自註明日期該差不得私行收押如有示內無名及已經交保開釋者該差或仍行私押准該家屬指明喊稟以便查究特示

詞訟項下

捕役項下

某某

某某

同治六年九月

日示

此事近今第一善政懲儆刁風保全良懦造福實爲無量洵可推行照辦

不費錢功德條例

熊勉庵先生定

卷十六之三

佛氏以出錢作福為財施功德為六波羅蜜之一。誠助道因緣也。然有錢者固以出錢為功德。而無錢者則出心出力隨在可以種福。即隨在可以立功。惟在有心人處處留心耳。述不費錢

功德條例

官長

能信心積累必世為官長

訓勵風俗

勸課農桑

酌立義學

重懲賭博

嚴處盜賊

矜原錯誤

保全善類

打掃監舖

軫恤獄囚

誣告必嚴

清訟原也

唆訟必懲

息訟端也

不輕發牌簽

不株累親鄰

不輕拘婦女

不輕羈監舖

不妄逞己私

不阿徇公舉

不徧聽左右

不多帶役從下鄉

不濫用重刑

加夾棍之類非內犯強盜弗輕用

不斷離婚姻

不折散骨肉

不輕辱斯文

考試不徇情

錢糧設法催徵

勿徒鞭朴

水旱早報災傷

飢荒設法賑濟

盜賊細心盤問

呈

訴即時批發

訟案速為審結

買辦現銀足價

嚴禁衙役詐

騙

嚴禁勢豪欺壓

嚴禁私宰耕牛

不枉法壞人功名

盛

寒炎暑不輕責

隨行遠路不輕責

老幼病癢不輕責

婚娶

凶喪不輕責

不以有害地方事逢迎上官

不作驚駭耳目事

沽買名譽

事不可行者雖嚴檄必極力挽回

情有可原者雖

成案必加意矜恤

有驛站憐恤馬匹

有水道大興水利

寬

一分民受一分之賜

省一事民省一事之擾

民生大利大害

在外大臣題請在內各衙門啓奏常有一言一事數百萬生靈受

其福

將帥

能信心積累必開族昌後

不激邊釁

不縱兵丁生事擾民

不殺已降

能善招降又不受其欺功德最大

不從險策以害生靈 不屠城 不毀墓 不濫殺脅從 不殺
良邀功 不匿戰士功績 不尅減軍糧 不淫掠婦女 不燬
穢書籍 不收馬學官神廟 不因一時喜怒輕爲進退 體恤
士卒飢寒勞苦

鄉紳能信心積累
必奕世簪纓

倡率義舉 正己化俗 獎勵後學 扶持風化 嚴禁子姪倚
勢凌人 嚴禁僕從倚勢生事 有利地方事盡心告白官長
有害地方事極力挽回上官 民間冤抑公行表白 鄉里結讐
公道紛解 不說昧心人情 不以喜怒作威福 不強買人產
業 不苛刻細丁 不傲慢貧賤宗親 表揚節孝 保護善良
主持公論 戒人忤逆 止演淫戲 勸人重義輕利 抑強
扶弱 不壓良爲賤 奴婢婚配及時

待一錢

卷二

士人能信心積累必金榜題名

以名節立身

以忠孝訓俗

敬奉聖賢典籍

盡心啟發生徒

不犯

色戒

文人犯此必有縱才必不發且損壽

敬惜字帑

謹脩言行

誨

門人文行並重

無故不曠課

不鄙薄人爲不屑教

不談人

閨闈

不發人陰私

不書寫詞狀

不作昧心干證

不恃衣

頂呈人

不恃負才高輕慢同學

不作淫詞艷曲

不廢散人書

籍遇上智講性理學

見愚人說因果書

勸止人不孝

不

睦諸事

引導人敬宗睦族

編輯利濟爲善書

傳人保益身

命事

農家

能信心積累必家業豐隆

不賤棄五穀

不耕佔無主墳墓

不盜斫墳上陰樹

不侵奪

鄰田疆界

不私壞要道津梁

不掘斷墳墓龍脉

不阻塞水

道 糞田不害物命 完租穀不著水和糠 不縱六畜踐人禾

苗 禽畜誤食禾苗不輕擊截 不做工懈怠荒人田畝 不以

酒飯不厚工錢短少做假生活 愛惜他人車具 犁車牛路不

圖超近踐人田禾 不於戊日犁鋤田土澆灌穢糞汚觸地祇家田

耕作最忌戊日抱朴耕 隨處填修墳墓穴洞并坍塌者此事工德最要家

百日能信必生計繁多

制器必堅實 造作不苟且草率 不妄廢人材料 不因主人

酒食淡薄生壞念 不耽延捱功 不作不吉利語 不行魘魅

法 不傳播主東家常隱微 不攛哄人興造 不造磽薄假物

不輕毀成物 愛惜親用物件

商賈能信必貨充財溢

不販賣假貨藥材尤忌 不高擡市價 討價不欺哄鄉愚童叟 出

身一條 不費錢功德

入不用輕重戡秤大小升斗 不設計謀奪生意 不忌人生意

茂盛遂生譏毀 凡病人所需貨物不指勒高價 夜深買物急

需者勿以寒冷不應 典鋪能讓利息 贖當少虧無補或年月

久長諒情讓利勿使不成致恨沒絕 貧人買夏帳棉衣棉被等

哀憐讓價勿使不成 不齊行勒重價 交易公平正直藥舖最

人已不幸而市藥豈可

醫家能信心積累造福無窮每見

體認脈理不粗心 精研藥性用必得宜 詳問病証 施效驗良方

不冒不能以為能 遇急病一請即行 療貧人病不責謝并

藥救治尤大 醫婦人須遠嫌疑 不乘重病險瘡勒厚謝 不妄驚

病家 不因錢少遲滯其往 不因風雨寒暑不遠赴 不因宴

會嬉遊托辭不往 不用霸道藥速效不用緩藥遲愈取利外科尤多

此事孽報最深若用 不輕投金石攻剗劑 不片墮胎藥 不傳
假藥庸人造孽最重 淫方媚藥 不因錯認病症 委曲回護 不互相訕謗令病家
惶惑 認病不真實必令邀醫會議 可以步行不必舟輿費人
錢財

公門

書吏衙差之類能信心積累
定有貴人提携子孫榮顯

隨事方便解和不唆人結訟 不指撥官長生事 不捺案 不
生枝節提人伺候一夫到案 不唆盜賊扳讎家 不乘危索騙
不受驚兒賣女錢 不倚官勢凌人 不誣詐良民 不逼病
人婦女到官 稿案子眼不改輕爲重 人罪不下死煞字語
不因無錢聚杖一處及杖人腿灣 不私拷賊匪 不妄拿窩家
不肯虐獄囚 牌籤票稿勿濫填姓名株累良民富戶 批回
速請發 解審速請審 水旱請官早報災傷 設法賑濟勿侵
賑濟

第一金

卷二

多送正風俗興利除弊告示 學書門斗 聖殿及各處 時當
洒掃潔淨 有壞則請修理 常勸舉節孝德行 不輕傳劣迹

惡款

婦女

能信心積累自身
福壽子貴夫榮

孝敬翁姑 和睦妯娌 凡事勸解丈夫勿欺勿慢 無子及子
遲不妬夫置妾 不凌虐婢妾 不凌虐妾生子女 前妻子女
一體看待 不暴殄衣飾 不賣使俏乖 不毒口咒罵 不言
人私情 不妒伯叔有 不笑妯娌無 不信邪巫 不人寺燒
香看戲 公姑丈夫前不般唆是非 不倚母家勢傲夫家 不
恃父母愛欺兄嫂 不怨女苛媳 潔淨厨竈 愛惜物命 穢
物穢器勿暴露日下露廁尤忌 恤奴婢勞苦足其衣食並禁子
女凌虐 嫁
婢及時 妾庶不恃寵欺正挑唆讒毀

僧道

能信心積累必往極樂世界轉生為富貴之人

嚴持戒律

謹守清規

虔禮神明

參悟經懺

勿生貪嗔

勿發穢言

不窺婦女

不飲酒賭博

不浪費施主銀錢

不

苟簡神前香燭

神案整齊潔淨不以器物置其內

代人懺悔

祈禱必齋戒虔誠

不假托募化

不妒忌同類

行一切方便

事

如募修壞橋窪路掩埋無主枯骨留養過路病人等類

兵丁

險能仁心積累必履險如夷出身受職

無事習武藝

有事勿退避

為地方巡緝奸匪

遇水火竊盜

爭先捕救

出師不妄殺平民

不淫人妻女

不搶擄財帛

不拆毀牆屋

及燬人宗祠木主

不放馬踐踏禾

不斫伐墳樹

不勒

買貨物

不誣良為盜

奴婢

能信心積累必立業成家

一

不費錢功德

二

不背主向客 不誤主委任 不倚勢生事 不傲慢主人親友

不傳說主人隱事 不以主人年幼肆欺誘貧懦生玩侮 不

搬弄是非致主人眷屬不和 不背地咒罵夫不侵柴錢物器用

大衆各種人俱在內故曰大衆能信心積累必各得福報

敬畏天地 恭敬神祇 孝養父母 友敬兄弟 睦族恤貧

矜孤憐寡 完人女節 和人骨肉 息人爭訟 雪人冤抑

傳說良方 贊成好事 禁戒宰殺 救護物命 珍重五穀

敬惜字紙 凡事吃虧 到處忍耐 化人不賭錢 醒人當局

迷 有當救者勉力必救 可從寬者勉力必寬 當欲可染不

染 不動人爲非 不忘恩念怨 所欲必推 所惡勿施 勿

以善小不爲 勿以惡此二句略括一部功過格之全爲之

良法附纂

隨便種福

卷十六之四

佈施二字釋氏謂之慈悲。吾儒謂之仁愛。如來捨身喂虎。割肉喂鷹。聖人一夫不獲。時予之辜。吾輩能乎不能乎。惟隨便佈施一法。簡而易行。蓋饑寒人所最苦。而今之沿門乞化者。非爲此乎。每有見其來者。除不憐念。而反斥逐之。甚且辱罵之。傷哉。所求幾何。而遭此狼籍耶。余勸仁人長者。或米或食。或銀或錢。無論多寡。隨便與之。卽合勺亦能濟其饑。毫釐亦能周其急。或當食飯飲酒之時。乞者望之。不知何如。香美不妨出其殘羹餘瀝。以充彼之腹。消彼之饑。至於行路之間。有病者。瞽者。幼稚可矜。衰老可憐者。則量我囊中之多寡。爲佈施之厚薄。此法甚簡便。在我不爲大費。彼已十分歡喜。卽是慈悲之本。仁愛之端。成佛作祖之根基。爲先聖賢之道路也。若以爲小惠不足爲是。直世俗庸愚之見。種福於冥冥中。

盡勉而行之。

買物惠貧議

買賣貿易皆是各人生活之計。在門店之家。因有資本。坐而樂利。不必言矣。惟是本少貧人。設措微貲。肩挑步擔。遍歷街坊。忍餓奔馳。求活家口。最爲苦楚。予昔日曾撰現在功德一篇。備悉苦情。刊印遍貼。諒世人已知之矣。今議約列後。

一凡挑擔行賣之物。如日用薪米菜蔬瓜果布帛零星食用諸物。但向担上買用。不可又向店鋪中買。在我一樣出錢。而貧人自沾我之餘惠矣。

一凡歲暮。或時節前。以及初寒酷暑。久旱赤雨。尤須存濟貧之念。凡可久存之物。此時不妨多買。若人於荒年多興工作。小則起造房屋。大則開河築堤。修橋補路。皆隨寓濟貧之義。

一凡向小本人買貨物。必須紋銀高戥。暗中要令貧人少有沾潤。

若存心刻削則大失本意矣。

一午後或帶僕人或着子姪在於鄰家稍遠之處忽東忽西莫有定向見有餘剩薪蔬等物與價略高買堆存用若在自己家門前買慣倘人探知予意未免羣聚叫喊爭論混鬧反致氣惱。

一買物若見衰老幼穉以及殘病者尤須厚待。

一買存用物之外如瓜蔬菠薐菁芹等菜倘天熱不能久貯兼之家中日用多剩豈不可惜壞爛卽送寺庵以供僧衆或與養濟以散窮丐又加施惠矣。

一挑腳漢車夫轎夫因無貲本只靠扁担氣力掙養家口肩上嘗挑重担若遇夏天暑熱流汗成漿比於賣菜物人尤爲苦楚其腳價戔色不可不厚與令衆歡感凡有呼喚爭來挑運豈不快哉。

歲歲濟瞽議

瞽目之人。終日如在黑暗地獄中作活。天日不見。行止不便。父母妻子。只聞聲而不見其面。乃世間最苦楚可憐者。若再加饑寒。貧病。更加難堪。予欲於每年臘月。每瞽人各贈銀二錢。以度歲暮。聊濟萬一。奈予一介寒士。家無餘資。今倡首捐出銀十兩。因約同志好友二十餘人。各隨意喜助銀幾兩。共有百餘金。成此善舉。但此不過予一己寒士微念。若各州縣富厚善信。俱做此意。由瞽而至癰殘貧病。功德不可勝紀矣。特錄事條如左

一設局城內寺院。每年定於十二月二十日。預於十日前。請雜職官示曉。遍粘各門。並鄉井。至期早晨齊集。已時給散。後來及非雙瞽者。不與。

一各善信出銀不拘幾兩幾錢。竟自各包。每封二錢。統交爲首者。

彙存。不必又加另卦。至期公同給散。

一凡有瞽而兼老病者。尤須先散。其瞽而少壯者。不妨遲後一刻。一本日爲首三四人。各多帶銀兩許。恐一時瞽多。卽可補給。若瞽少。銀多。則封存交誠實人。以續異時之用。

設瞽相所

古者。瞽必有相。俾免失所也。凡瞽而有藝。能自食其力者。固可自覓其相。卽零丁孤苦。亦有恤孤局收。而教其資生之業。惟幼小及衰老無家可歸。無人可依。無能自謀之人。少則多由父母不育而棄於道路。老則總由饕殍難給。而流於乞丐。揆諸無告。惟此爲尤。其無告之人。有目猶可向人乞食。此則乞援無路。行止皆艱。縱有衣食。苦不得見天日。有衣不能自浣。有食不能自煮。至無衣無食。零丁孤苦。衰病糾纏。復何以爲生哉。夫蟲蟻至微。莫不貪生。彼亦人類。能不矜全。此瞽相之所由勸設也。彼老而入養濟院者。自毋庸議。卽少而有父母力能養育。及隨親屬之乞討者。亦不必收。惟但遇實係無依無倚之人。無論老少。設一大院落。或租賃一大廟。收入其中。每五人老少共住一房。五房共雇傭一有目之人照料。

飲食起居。量力定限。額滿停收。遇缺補入。其飲食每日兩粥。粥聽其飽。十日一飯。飯兩頓。與粥同。其少者。約逾十歲。延請能美命之人。教以自謀之資。一能自謀。則提歸另院。雖照料如常。而不復給粥。或遇雨雪。不能出營。間一給之。倘其中有不安本分者。無論老少。及另住者。立即驅出。至少女中有已同有目婚配者。即有所歸。亦不收。其無歸者。應同老婦一視同仁。而別其居日。替婦院另估有目之老嫗。照料之。此項費用。大約以百名而計。每年需數百千文。五十名則半之。如不能常行。而行於殘冬。以一二月爲率。則雖一二百名之多。亦不過花費錢一二百串。有人能爲之倡。每人但出錢三五千文。約三四十人。合力舉行。則事可濟。而無日者。一冬可免呼號。且人數之多寡不定。而施惠之大小不拘。此卽擔粥之變法。能更推於衆丐。其惠尤廣。好義之士。諒有同心。願亟邑行之。

資送留養難民事宜

資送留養。誠爲救荒要法。資送者。係散其強壯。以免聚集滋事。留養者。係留其老弱殘疾。無家可歸之人。資送本移民就粟之意。按站給錢遞送。隨到隨行。令其回籍復業。至留養必擇城外寬厥寺院。與之棲止。按日發給口糧。不准進城滋擾。其有男女同行。詢明實係一家。准其同住。餘悉別居。不許混雜。水退時。仍令回籍領賑。此江南奏定章程。行之有效者。但資送雖與留養並行。究竟留養多於資送。且資送即在留養之中。當其分派大小縣。留養之時。先須資送至留養處。迨留養後。又須資送其歸。惟遇實在年力強壯者。本籍無可棲止。或別處有親故可依。及願往各處傭趁者。專行輾轉資送。而不停留耳。其事雖屬官理。其費多係集捐。並有認名留養。按日留養者。是此法民間好義者亦可行。最苦莫如疾病老

弱若能專設收恤所。給以醫藥。飼以糜粥。則於周濟之道。尤爲周匝矣。賑錢固便。但倉卒被水之人。鍋灶俱無。或值冬時。及零丁者。又莫如粥便。惟廠須多設。並宜兼行擔粥。廠多則人易分領。擔粥則尤便于人。如設一廠。令其就近飢民。分男女列坐於道。而以擔粥送其坐處。按人給食。食畢聽散。庶免擁擠之患。而同時開廠。亦無重領之弊。且疾病老弱之有家者。亦可就飼。法有六急。病者急。餓者急。如慮米石不敷。兼可用麵。亦係江南奏定章程。但須臨時權量其價耳。常州有粥店法。減價出售。荒年先查戶口。豐年不查戶口。專售貧者。每以冬爲期。亦可仿行。

置義田說

義舉而能積貲。自應權其子母。或以置產爲永計。謂置產莫如置屋。以屋利既厚。且可每月收租就用。不似田租必待收成。且有水

旱之憂。累糧之慮。追租之難。眾口一詞。此但就目前而論。似也。但田之高下水旱。誠不能免。其利微佃亦多抗。是以人皆苦之。語云。十年高低一般收。然良莠固有不同。而政令要自可制。如學田。因田有官法治之。則抗者亦不敢終抗。今置義田。自須經公。經公則同學田。因田無佃抗之慮。至於錢糧。大災自有蠲緩。其偶爾歉薄。亦不過租利微薄。以豐歉併計。總有幾厘之利。即數百年亦不過如此。若置屋。其利雖倍。平時有拾掃之費。有關空之虞。亦未必竟無欠租者。年代愈久。脩理愈費。其所獲厚利。已要折減。設遇坍塌。另造又須大費。若費不足。僅存白地。其租何出。是欲保其數百年。如一日。恐不能也。即幸而保至數百年。其屋亦朽腐不堪矣。何如田之縱經水旱。尚有可挽之法。仍可受耕。且平日既不須脩理。既逾數百年。亦未必便改滄桑。是田永於屋。而其利率笑如一。未可

但就目前。謂置田不如置屋。要知屋租。不若田租之久也。國家正供在田。而雜稅在屋。稅無定。而供無或缺。非重計系於田乎。惟救急需。或先計屋租亦可。故余舊有論田屋兼置。而以屋爲先。金多置屋。而少置田。蓋爲目前權宜起見。非久計也。總而言之。田惟慮其失利。屋且防其失本。古人義田祭田。皆是田。而非屋。其深思遠慮。當可想見。抑余更有感焉。義舉無論田屋。惟在人之義長。義如不長。雖有田屋。或不能管理。或支銷不當。流弊叢生。轉滋咎戾。亦何益乎。子弟轉受有財之累。是又不獨慎於置產之先。更當思善處之也。是爲說。

債項不宜捐爲堂費說

凡邑里設堂興諸善舉。固必待衆力以擎。力有厚薄。量力樂助。胥宜出於至誠。方有裨於善行。至於債項。儘可自行討取。何必捐堂。蓋或因欠戶消乏。無力償還。或因事遠年淹。索之不償。慮鳴官而不究。遂以助善爲名。冀假義行爲。洩忿地。善堂司事不察。往往墮其術中。轉致善堂受擾累之名。常郡紳士有鑒於此。遇以債項作捐項者。舉卻不受。並請示嚴禁。經

前撫林文忠公札飭。凡有善堂捐款。總須現錢交堂。不得以遠年爛債混捐。取巧等語。有案可稽。竊思善須根心。行可量力。善念一動。即便勇爲。稍一遲回。卽惜財矣。倘以難索之債。而居市義之名。是作僞也。根心行善者。當不出此。古有焚券市義者。倘效法行之。卽大善也。是爲說。

卷一 銅

卷二 六

一

各鄉送診施藥說

世之最苦者莫如貧病而貧病又莫如鄉村之苦爲甚。緣鄉人艱於財而儉於用。卽有病亦未肯遽就醫。且知醫者鮮。卽有稍涉醫道者。亦在集場。其離集場較遠之家。欲就醫。憚於行。欲請醫。更乏費。是以窮鄉非病至沉重。不作延醫之想。迫醫至而病已無可救藥。若欲易醫。尤爲難得。而且集場藥店。藥多不全。非耕僵李代。卽霉爛不堪。方既不對其症。藥又不能道地精製。縱延醫較早。亦無濟於事。况以沉痾而欲冀其一劑。卽奏奇功。豈可得乎。雖人命在天。而補救究在人事。似此豈可謂人事已盡乎。苟思及此。能無惻然。宜於天災流行之時。請倩醫士。隨帶咀片。沿鄉送診送藥。並約畧攜帶引藥之物。不必設廠。廠費旣繁。且與集場之開藥店掛醫牌。無甚區別。縱醫藥俱全。而不取利。究不能恤其路遠。及零丁病

臥之人。可仿古藥箱之法。遇病卽診。診後卽照方給藥。醫一家。再至一家。行一村。更至一村。臨去時。告以所往之處。俾可尋訪。設遇重病。暫留一二日。或轉至其地。病人多處。添醫辦理。且可互相斟酌。其方期於盡善。惟心雖期於普濟。而總以救得一人。是一人功德。醫無回生之術。而宜存割股之心。以仁心行仁政。乃不負送診送藥之本意。醫士及隨人盤纏。自應酌帶。或遇次貧之家。一病一餐。固不爲擾。但總不可貪哺啜。而尤不可分文受謝。致滋弊端。此事在天災疫癘之時。最宜行之。卽平時每月赴鄉查探一二次。亦方便事。城中雖不乏貧病。但只艱於乞藥。尙不艱於求醫。故敢以鄉村爲勸。凡爲醫爲業者。能於貧戶不計謝金。且早到無誤。或以經驗便方刊布。亦陰德也。

每冬棲恤老病無依說

乞丐之强悍者可惡而衰老庸懦者亦可矜。在各鋪戶固有零給而究難以區別。緣其中衰老殘廢及患病之人有尙能行乞者。亦有未能行乞者。大抵不慣求乞。或外來初到。金乏止宿之處。而丐頭之所喝止者。多屬不慣求乞。及外來之輩。如積慣乞丐之人。則仍聽之。且分其餘。似此同一乞丐。豈不有能乞不能乞之別乎。乞且不能。何以聊生。是不得不設法矜恤也。其法何如。擬每冬於城外空曠處搭蓋席屋數間。厚置草薦。倩一二人。或地保甲頭。令其掌管。專宿無依老病之丐。不許强者攬入。如一家中有壯丁者。即令其自爲之所。不容冒濫。而留者仍別其男女焉。但止聲稱安其居而不給食。一俟風雪之時。查看情形。酌量人數。或錢或米。或擔粥。不拘多寡。不定時日。不露姓名。間一度之。惟須說明。逾年卽止。

年終令掌管人撤還。留爲下屆之用。或借空廟爲之。更屬簡易。此亦恤其老病之一端。如有關係流落之人。或酌助回里。亦方便事。若謂事涉張揚。恐多滋擾。要知不給食。止給住處。雖張揚何慮。况聚集莫非老弱。亦不致於滋事。縱人多而施與無定。且以年終爲限。即使久佔。亦不過一席屋空廟。無姓氏可尋。有何遺累哉。又或疑此初行固善。若年年踵行。恐不免流弊。竊謂施與無定。稽察必周。則雖年年行之。何害。但須各鋪戶分潤。乃能於事有濟耳。謹錄於此。以俟采擇云。

以公項行義說

善堂多矣。義舉繁矣。倡爲者。卽出已資。而不能不憂其匱。況力有不濟。事期經久。勢不能不勸捐。以助所勸。雖不拘何人。而出資莫先於鄉黨。但以一戶之捐。而爲數堂之用。捐力旣分。用猶不足。縱

其中有大願力。亦不能兼行各堂之善。欲其衆善奉行。又安得有
點金之術。而源源不絕乎。惟念善堂辦公之事也。以公濟公。莫如
取諸公項。公項云何。買賣田屋之中用是也。每社每年總有田屋
交易。交易總有中用。向來有提爲公用者。亦有各業戶公分者。若
以此項中用。或分其半。或分十之三四。均交各堂。以爲義舉之助。
以公辦公。惠而不費。何人不願耶。或曰。向來提作公用。有爲脩街
等事者。有爲各業分受者。相沿已久。孰肯捐堂。是固然也。但非全
改其例。只勸酌量分捐。其中豈無好義而願獨捐之人乎。况脩街
事。即可交堂辦理。此次用中不敷。堂亦可湊。而下次收歸。亦屬甚
便。至各業分用。其錢無多。且有業者。方有捐堂之費。又豈惜此
錢。而不肯助作功德乎。第須各社公議。一老成人領之一社行。而
各社從風。總在乎倡首者之善爲說法耳。

積財濟貧說

語云。積財莫如積德。是已然。亦有以財行其德者。是財亦不可不積。惟積之匪易。既積又恐因他事移用。則積與不積同耳。蓋遇欲行之善。而囊無餘資。恐將錯過善緣。且恐一轉念。卽惜其財。則善終不得行。因循延擱。竟成虛願。人情大抵皆同。事後悔生。豈不可惜。因想一法。甚屬簡便。人皆可行。無論貧富之家。每日總有常用之錢。但設一筒。無論多寡。每日於常用中。省出若干。積於筒中。總有急需。不許開用。遇有善事。傾筒而出。卽可大行方便。又不覺其難。用畢再積。積而復用。源源不絕。久而行所無事。竟似惠而不費。行之既久。善念日熟。善行豈有涯哉。僧家盞飯盆米之法。皆屬功德。何況積錢。至於富貴之家。但仿其法。或積銀錢。或積米糧。或專捨一屋一田。皆是積財濟貧之妙用。有心人願留意焉。

遇壽誕放生說

放生莫如戒殺。此誠至論。但殺生難以全戒。而放生亦需財用。必欲廢人事而全以庖厨之費爲放生之用。未免不近人情。且因養親而戒殺。亦功過格之所不取。卽無故不殺。亦未必人皆中禮。只有勸人勿貪口腹而恣殺時爲放生以存仁。庶乎易行。今擬行之道。凡人家每於誕日。不無宴飲之費。如是日不拘一雞一魚。或數文以至數百文。先行買放。乃復供膳。雖殺者自殺。放者自放。卽所放不敵所殺之多。究可稍減口腹以全生命。行之既久。其不忍之心油然而勃。然行所無事。由愛物以及人。豈不於身心世道兩有裨益乎。但總以力行爲要。不可徒托空言。力行自能有恆。有恆方徵實德。且爲人子者。無不願父母之壽考。而爲父母者。亦無不願子孫之繁滋。卽親屬之稱祝者何事。而友朋之頌禱者又何事。壽

爲百福之首。人皆願欲。以此願欲之情。推及禽魚。壽物卽以壽已。理固然也。近聞江浙有縉紳家。逢誕日。不殺生。靈以素麵素席待客。預辭親友之饋禮。囑備可放之生物以送之。各視其誼之親疎。力之厚薄。爲斷收而放之。否則不受。蓋本蓮池大師生日。不宜殺生之意。洵可風也。願世人共效之。

婦女積功德說

婦女之心多慈。但處於閨內。每格不得行。特陳其法以勸。向來江南育嬰堂。小鞋襪小衣服。多由人家內眷所贈。恤嫠堂孤寡堪憐。能於女紅暇日。拾其針線餘資。或製小兒鞋襪。或給貞婦布疋。不拘新舊多寡。皆屬功德。卽無力之家。總有破舊衣裳。如補綻而給乞丐。亦爲惠而不費。凡施濟之力。出於艱難。最爲盛德。今以繡線之餘。爲恤貧之事。其功豈不勝人千百乎。嘗見有繡佛像送廟者。

蓋敬佛而望佛保我。佑我耳。殊不知佛之慈惠衆生。不獨於我。我如體佛之意。行佛之慈。卽不繡佛像。佛亦必大歡喜。而保我佑我。不待我之所禱也。語云。遠處燒香。不如近處作福。人能如此。便是自求多福矣。再婦女每用書本夾針線。及剪字爲花樣。此皆造孽。凡夾針線。宜用無字空白簿。或畫花於上。至於剪花樣。不可用字。如送禮物。卽用吉慶花樣。以代字可也。

敬節會紀畧

常州敬節會。始仿於長洲彭氏恤嫠會。其畧曰。念我同儕。每當春秋暇日。歲時伏臘。妻孥聚首。酌酒言歡。下至夏畦負販之徒。莫不昂首伸眉。嬉然自得。獨此煢煢者。弔影空閨。銜悲卒歲。將呼天而莫聞。欲訴人而不可。吾儕不代爲之告。其誰爲之告耶。夫力之出於一人者有限。而出於人人者無窮。所望同志諸君子。輾轉勸募。

集成一會。量入爲出。隨所見聞。曲加周恤焉。長洲始行時。按月分募。每年出銀十二兩爲一會。常州每月出錢四百文爲一會。由一會以至十會。量力書簿分捐。總辦出入之賬。疏告

文帝君。而先查實登記。將收條存於節婦處。按月敬送。取回收條爲驗。按此與他處恤嫠堂外堂章程畧同。而於歲終酌量加給。並製寒衣。及節婦身故。躉給三月之錢。以助喪費。極貧力不能殮者。格外酌給。節婦病故。註銷後。其所遺之孤。苦無親族照應。仍照舊支贈。至十六歲開除。無力婚嫁者。並助完配。節婦翁姑年已衰邁。或有疾無他子女養贍者。推節婦孝心。隨時酌贈等事。較爲周備。且無以建堂不拘多寡。隨地量力。可以施行。爰紀之以爲法云。

育嬰社說

揚州蔡君璉創育嬰社。募衆協舉。以四人共養一嬰。月出銀一錢。

五分。遇路遺子女。收至社所。招貧婦領乳。月給工食銀六錢。逢月朔。驗兒給銀。考其肥瘠。以定賞罰。三年之內。聽人領養。此法不獨卹孤。又可濟貧。免一時溺嬰之慘。興四方好善之心。世間功德。莫此爲最。凡郡邑村鎮。善士皆可仿行。爲官司紳衿者。循此化導。各方利濟之功。更大。此與接嬰保嬰等會。用意畧同。凡有心脩善者。可轉邀三四人。或五六人。月出之貲。無幾。其事易集。惟須畧仿嬰堂章程。勤視嬰之肥瘠。兼爲治其疾病。妥爲料理。不必拘定三年。雖除工食外。不無尙有所費。而以數人之力。救濟一嬰。總屬易事。且就近辦理。其非以貧而失育者。亦可眞知灼見。惟遇道路拋棄者。總宜推廣收之。處處可行。人人可爲。仿而行之。功德莫大。

卷一 金

卷二

二

梁敬叔勸戒近錄記浦城蠶浸

道光丙戌公車報罷南旋至浙同舟中有浦人忘其姓氏談次間詢其家中眷。云有一子三女因歎息曰吾浦罕有二女之家若余之三女同邑每詫爲異事蓋浦俗嫁女必用蜜浸菓品以多爲貴至少亦須數百瓶此物無買處必須家自配製又極費事嫁期數月以前卽須備辦殫日夜之勤窮工極巧天時人工一不相湊色味便差壻家往往以蜜浸之精粗卜來婦之吉祥與否貧寒之家慮遣嫁之難而舉女不敢多留者半由於此予婦行居次生時亦將溺之適其母舅王再三勸解乃勉留之因是感誓生女雖多不棄去予告之曰君舉于鄉行誼卽當爲一鄉之表率今旣育女不棄足以勸慈將來嫁女務先捐此蜜浸之陋習以塞禍胎爲一鄉示儆則功德必非淺鮮也其人聞之頗以爲然今不知此風尙

仍舊否。余曰。浦城溺女之風稍差。而蜜浸之習未革。然余長姻祝東巖太守。本有不用蜜浸之議。余伯姊卽其家。婦近日嫁女于孟家。獨排衆議。不用蜜浸。省卻許多葛藤。近聞有嫁女之家。其家長亦立意不用。而女輩仍于背地偷送者。陋習之固結如此。今浦城大小讌集。以及新正款客。新賓登門。無不需此。而家大人但捧杯一拱。從未沾唇。蓋亦本無滋味之可耽也。夫抵溺女之風。起于吝財之弊。由于厚嫁。蜜浸特其一事。而作無益害有益。舉國趨之若鶩。實不可解。且近聞有一新婦在家。因竭力配製蜜浸。致成癆疾者。是誠不可以已乎。

按此亦記厚嫁之一端。因區區無關輕重之一物。輒致自戕骨肉。犯法蔑倫。本屬可驚可訝。乃習俗移人。賢者不免。祝太守能獨排衆議。不用蜜浸。詢屬中流砥柱。士大夫居鄉爲合邑表率。

主張風教。力挽頽波。真能造福無量。○此事須常道嚴行示禁。有心紳董。設立鄉約局。一而化導。一面會同合邑紳董父老各鄉董。立規定議。永遠禁革。庶幾大聲疾呼。群蒙驚醒。如必不能廢議。定不得過四色。至裝奩衣服。亦立一限制。違者議罰。庶人人知所儆戒。而敝俗可以漸革矣。

蘇郡洗心局章程

一此舉專爲兵燹後名門舊族子弟失教廢學誤入下流者而設年歲以二十左右爲度如非舊家子弟及行年過大劣跡過多者概不收留

一保送子弟入局須預先登號由局派友訪明底細然後收留現在號舍四十間號滿卽行停收俟經費充足再議增號續收

一凡子弟入局須保送之父兄或親戚出結如有疾病意外等事各安天命與局無涉

一在局子弟各居一號以免羣聚生事每日一粥兩飯飯菜與局中司友無異其衣被等物均係自帶極貧不能備者由局酌給一局中除司友各有責成外另請教習一人專司勸導凡子弟入局時保送人須將本人平日性情行止及從前曾否讀書習業

現在所犯何過詳開節略一紙交局以便相機規戒

一在局子弟防範嚴密不令出外惟每逢朔望日齊赴廳事恭聽教習宣講

聖諭講畢卽行歸號

一在局子弟遇有重病准保送人領出調治病愈仍聽入局如並非重病率行領出者去後不准再來

一局中號舍畧分大小以示區別入局子弟先住小號如能恪守局規數月無過失者遷入大號如果能改過自新拔爲號長由局董教習察看資質才具分別讀書習業其出號之日仍須原保送人赴局具領領回

一在局子弟如有不遵約束不知悛改肆橫任性者由教習嚴責不服者交原保送人領回

一局中收支款項每屆月底會集同志核算鈔黏局門年終彙造清冊并在局人數姓名及俊改遣出人數姓名細冊申報各憲并於神前焚化一冊以昭公愼

保送條約

一凡子弟入局須保送人照局中結式出具保送結一紙存局如有不願出結者不收領回時一體出具領結

一凡保送子弟入局者自宜遵依局規不准暗覓傳遞私送飯菜雜食等項致令子弟別生妄想衣服洗淨替換亦有局使送號不准親族到號親送以避嫌疑而杜弊端

一子弟入局後倘任意肆橫自當從嚴約束親族人等愼勿稍存姑息洩託說情致紊局規

一子弟入局後倘有野性難馴私自逃歸者准由親族仍行送入

但須從嚴朴責以儆其後

一子弟疾病由局延醫治育不偏親族人等自當各安天分
一子弟在局爲時短長局中自有權衡親族人等不得謂煙已戒
淨率行領回

一本局不過代人管束倘子弟入局既久業已悔過自新親族人
等自應領回分別讀書習業不得置之度外致後來者無地可
容

一同人議設此局係蒙 藩憲撥款充費此外並無恆產勸募尤
屬不易凡保送子弟者各宜體諒酌量按月捐助經費以期永
久

一局中除飯食之外凡子弟剃頭及筆墨紙張一切零用均由局
備給不取分文子弟在局毫無費用家中人毋庸送給錢文

一局使厨役人等局中自有工食各子弟毋庸另給其入局出號時亦無酬勞等名目

局規

一局中司事六人內管號四人每人各管十號理帳及照料雜務一人收捐書捐票及置備物件一人如將來經費充裕號舍加多再議增請

一司事外另請教習一人專司勸導號中子弟及升降大小號等事

一司事辛俸逢初二日支送不得預支暫借以清款目其辦事勤慎者年終酌送節敬

一局中飯菜每月四日當葷餘日祇備素菜內外一式如司友有自行添菜者聽

一司事各有專司卽各有責成務宜一體勤慎其惰窳不職者卽行辭去

一是局爲教化子弟而設在局司事各應知所表率凡門牌及一切遊戲等事概宜戒絕

一局門辰啓酉閉非有要事不得擅開鑰匙歸入帳房門房立簿一本凡局中上下人等出外回局概行隨時登記以便稽查

一局使承值號內子弟不准代送烟炮雜食及傳遞消息等事違者撤退并予懲究

一局中防範嚴密號舍門戶尤爲緊要隨時鎖閉檢點毋得疏漏

號內粥飯小菜自當一律不得私爲增減

號規

一子弟入局時所帶鋪陳衣包俱由司事檢閱如有不應攜帶之

物卽行檢出交還保送人

一子弟入局時如已吸烟成癮由局照 林文忠公戒烟方配合丸藥分別輕重給服務令斷癮而止

一子弟入局後聽局董教習約束勸導務各息心靜氣不准高談濶論及私相講話

一子弟清晨卽起洗面吃粥後習書算午飯後就性所近各習一技薄暮晚飯後卽各安靜休息概不用油火燈燭以期早睡早起

一局中立功過簿一冊由教習將各子弟每日功課勤惰及一切語言行動分別功過填注以便隨時考核

一子弟一粥兩飯外概不准私吃雜食水旱烟亦不准吸

一子弟入局已久不知改悔者每逢宣講之期罰令跪聽

一子弟初入局時先住小號如果恪守局規卽升入大號倘益加奮勉痛自改悔當再拔爲號長自此盡除舊習卽可由局告知親族領回分別讀善管率

一凡子弟旣充號長未經領回尙住局中者當爲各號表率格外謹慎并幫同教習管號現身說法隨時勸導

一子弟力勤所得不論多寡由管號司事暫行收管逐一登記俟領回時照數給還以資正用其平日剃頭及筆墨紙張等零費概由局備並不開銷本人分文

跋

得一錄者予友梁溪余君蓮村所輯各種善舉章程以便
有心人觀感取法者也余君平日集刊善書甚夥俱已風
行又慮托諸空言不如見諸行事之深切著明也乃於隨
地勸辦善舉之外復成是集剗剗過半旋罹劫灰同治丁
卯君來遊申江候予於松風菴寓齋煮茗劇談滄桑同慨
詢及得一錄則知君處尚存舊稿一冊半遭蠹蝕為之怵
然竊思此書擇精語詳法良意美倘得推行海內輾轉觀
摩其利益於斯人甚大余君欲再謀付梓而苦無力因為

亟商於香山友蔡君桂培蔡君一見稱善即力任刻資之
半遂促余君重加釐定即付手民予更為設法集資以速
其成洵乎針芥相投因緣會合有志者事竟成也功將竣
會余君抱恙甚重得義僕陸慶斷指煎湯以進病遂霍然
益信善願所結天人感應予既為余君幸更為是書幸也
故於其刻之成也附數言以識緣起云

同治八年仲夏之吉 端溪吳宗瑛紫石甫謹跋

跋後

予於道光己酉曾采取古今各種善舉章程足資仿辦者彙成一書名曰得一錄蓋取得一善則拳拳服膺之意將以資觀感利推行也剗厠過半旋罹劫火前功盡棄負疚良多去年薄遊滬上晤粵東舊好吳紫石明府即予初集是書時所竭力贊成者也至是知是書板片垂成被燬深為惋惜囑予重為補輯以成前志并為代商於香山蔡桂培司馬蔡君素好善書即慨任刻資之半吳君又偕唐景星司馬暨令姪南臯部郎相與協力捐助促付手民因得次第告成分作一十

六卷凡親親仁民愛物以及養生送死興利除弊移風易俗
諸善舉各已備均係古今良法美意可師可法久著成效
者昔夫子有云我欲載諸空言不如見之行事之深切著明
也是編所集事事可以仿行溥為實惠固非空言無補所可
同日語者人之欲善誰不如我况經大劫善念易滋特人情
無所觸則激發無由得是編而廣布之知必有觀感興起推
行盡利者則諸君贊助之功何可不有以記之也刻既竣爰
為書其緣起如右云

同治己巳小春之吉

梁溪晦齋居士余治謹誌